

D E
RACHITIDE
SIVE
MORBO PUERILI

qui vulgò

The **Rickets** dicitur, 71768

Tractatus;

Operâ primò ac potissimum

FRANCISCI GLISSONII

Doctoris & publici Professoris Medi-

cinae in almâ Cantabrigiae Academiâ,

& Socii Collegii Medicorum

Londinensium, conscriptus :

Adscitis in operis societatem

71768

GEORGIO BATE,

&

AHASUERO REGEMORTERO

*Medicina quoque Doctoribus, & pariter Sociis
Collegii Medicorum Londinensium.*

LONDINI,

Exerct de Maury.

Typis Guil. Du-gardi; Impensis Laurentii Sadler, &

Roberti Beaumont : apud quos veneunt in vico

vulgò-vocato **Little Britain** 1650.



NEW YORK

OF THE CITY

THE LIBRARY

OF THE CITY

OF THE CITY

OF THE CITY

OF THE CITY

OF THE CITY

OF THE CITY

OF THE CITY

OF THE CITY

OF THE CITY

OF THE CITY

OF THE CITY

OF THE CITY


OF THE CITY

OF THE CITY

OF THE CITY

OF THE CITY

OF THE CITY


PLacet nobis, ut Tractatus de *RACHITIDE*,
sive Morbo Puerili, qui vulgò
the Rickets dicitur, imprima-
tur.

Fo. Clerk Præses.

Mauritius Williams Eq.

Aur. Censor.

Georgius Ent Censor.

Foannes Micklethwait
Censor.

Abasuerus Regemorter
Censor.



Ad Lectorem Præfatio.

ANte quinquennium, (Lector benevole!) nonnulla hunc affectum spectantia in privatis conventibus (quos aliquot Medici exercitationis in Artis operibus gratiâ interdum habere solemus) mutuò invicem scriptis chartis communicavimus. Quum ea viam ad ulteriorem conditionis tum curationis hujus morbi indaginem quodammodo stravissent; operæ pretium postea visum fuit chartas illas ad incudem denuo revocare, & (excerptis ex iis quæ huic usui essent accommodata) integrum de hoc affectu tractatum concinnare. Cura ista communi suffragio concredita fuit D^{ri} Glissonio, D^{ri} Bate, & D^{ri} Regemortero, quibus primò placuit negotium hoc secundùm futuri Tractatus

Præfatio.

Statûs partes inter se dividere, singulîs-
que proprium suum pensum assignare.
Sed cùm Dr *Glissonius* suam partem
(quæ investigationem Essentiæ hujus
morbi comprehendebat) accuratè utri-
usque judicio contexuisset, atque in ea
multa à communibus Medicorum pla-
citis (licèt fortè minùs à veritate) aliena
in medium attulisset; mutavimus
consilium, primâque totius operis sta-
mina ipsi soli pertexenda commisi-
mus, nè partes nimium heterogeneæ
sibi que diffformes tandem exsurge-
rent. Accepit conditionem, eâ tamen
lege, ut dum in hac Sparta ornanda oc-
cupatus esset, cæteri duo sæpius cum
ipso convenirent, & symbola sua ex
propriis circa hunc affectum observa-
tionibus in subtegmen conferrent,
quæque illius studio delineata & con-
structa proferrentur, horum examen
tum judicium, mox ut sub manibus
nascebantur, subirent. Atque ità tan-

Præfatio.

dem hoc quaecunque opus ad umbilicum perductum est, idque jam in publicum producimus nequaquam impulsæ scribendi prurigne (quod Epidemicum hujus ævi est cacoëthes) sed eo tantum fine, ut cum nobis solis nati non simus, hæc qualiacunque quæ cum ad tenellæ ætatis (in qua magna ex parte præsens, totum verò futurum genus humanum conclusum est) salutem, tum Reipublicæ literariæ incrementum utcunque facere possent, communia redderemus; quo etiam aliorum doctissimorum ingenia ad similes in essentias morborum eorumque causas inquisitiones faciendas, & nostras hæc Lucubrationes examinandas perfectioresque aliquando reddendas invitaremus. Cæterum obscura hujus Affectûs essentia, & nostrum in hoc novo studio percurrendo ausum, veniam (vel tacentibus nobis) apud te postulant, & ut defectus

Præfatio.

fectus, lapsus, errorésque horum conatuum mitiori perstringantur censurâ, jure meritóque efflagitant. Denique noli à nobis hîc expectare pictum sermonem, & Rhetorum flosculis conspersum;

*Nobis non licet esse tam disertis,
Qui musas colimus severiores.*

Neque etiam materiæ conditio patitur ejusmodi fucum : isto modo

Ornari res ipsa negat, contenta doceri.

Vale, (Amice Lector !) atque eo animo hæc evolve, quo Tibi damus, hoc est, candido & benevolo.

F. G.

G. B.

A. R.

Nomina

Nomina eorum ^{Drum} qui scriptis
chartis observationes suas in prima
nostra super hoc affectu exercitatione
contulerunt.

D F. GLISSON. D^r T. SHEAFE.
D^r G. BATE. D^r A. REGEMORTER.
D^r R. WRIGHT, *defunctus*. D^r N. PA-
GET. D^r J. GODDARD. D^r E. TRENCH.
Collegii Medicorum Londinensium
Socii.

Elenchus

THE
LIBRARY OF THE
CONGRESS
WASHINGTON, D. C.

1891

1891

1891

1891



Elenchus Capitem, brevísque synopsis
Articulorum præcipuorum in
singulis contentorum.

C A P. I.

A ntiquitas & prima origo hujus morbi, no- men ejusdem, hujúsque derivatio.	Pag. 1
Morbum hunc esse.	p. 1
Primus ejus locus natalis.	p. 3
Nomen vulgare.	ibid.
Nomen huic morbo, appositè qua- drans.	p. 5

C A P. II.

*Anatomicae observationes collectæ ex inspe-
ctione & dissectione corporum hoc morbo extin-
ctorum.*

Observata quæ citra dissectionem de- nudato defuncto exterius occur- runt.	p. 10
Quæ aperto Abdomine.	p. 12
Quæ aperto Thorace.	p. 13
Quæ aperto Capite, observantur.	p. 15

C A P. III.

*Ad faciliorem inventionem essentia morbi,
supposita quadam proponuntur. Primum, de
Essentia*

Elenchus Capitulum.

*sanitatis. Secundum, de Essentia morbi.
de triplici divisione sanitatis & morbi.*

*Explicatio tertiae divisionis usúsque ejusdem.
Descriptio constitutionis naturalis, ejusdem ex-
altatio. Quartum suppositum de combinatione
trium constitutionum in iisdem partibus. p. 17*

*Divisio constitutionis, in qua consistit
Essentia sanitatis & morbi, in natura-
lem, vitalem, & animale, hujúsque
divisionis explicatio. p. 19*

*Descriptio constitutionis naturalis .
p. 23*

C A P. I V.

*Essentiam hujus morbi non consistere in con-
stitutione Animalis, nec Vitali, sed Naturali, non
quà Organica, sed quà Similari. Limitationes tres
proponuntur. p. 26*

*Primam ac radicalem hujus morbi
essentiam consistere in frigida ac hu-
mida intemperie cum defectu ac tor-
pore spirituum insitorum concurren-
tibus in constitutione insita partium
primò affectarum. p. 35*

C A P. V.

*Examen sententiae propositae per partes. 1^o.
morbum esse intemperiem frigidam. Object. &
Resp. 2^o. Esse humidam. 3^o. Consistere in spi-
rituum inopia. Object. et Resp. 4^o. In spirituum
torpore. p. 37*

Plura

Elenchus Caputum.

Plura concurrere ad tempera
calidum insitum consti-
tuam solum spiritum insitum. p. 44

C A P. VI.

Pars primò in hoc morbo affecta. p. 48

Non Cor aut Cerebrum. p. 48

An Hepar sit subjectum primæ essentia
hujus morbi? *ibid.*

Argumentorum quæ Affirmativam
suadeant, solutio. p. 49

Negativa asseritur. p. 53

An Pulmones sint subjectum primæ
essentia hujus morbi? p. 56

Negativa asseritur. p. 57

Partes primò affectas esse spinalem me-
dullam calvariam egressam; Nervos
omnes ab eadem productos; deniq;
omnes partes membranofas ac fi-
brofas ad quas nervi isti deferun-
tur. p. 58

An ossa inter eas accensenda? p. 59

Negatur. *ibid.*

C A P. VII.

Secundaria hujus morbi Essentia. p. 62

Tonus Partium in quo consistat. p. 63

Tonum Partium in hoc affectu esse vi-
tium, & esse quidem

1^o. Nimis laxum. p. 64

2^o. Nimis flaccidum. p. 65

3^o. Nimis mollem. *ibid.*

4^o. Nimis

Elenchus Caputum.

4^o. Nimis lubricum interné. p. 66

Dari internam & similem quandam
incorporibus naturalibus lubricita-
tem, etsi ea à Philosophis prætermis-
sa sit. p. 66

Eam lubricitatem esse vel Oleosam seu
pinguem, Aquosam, spirituosam,
salinam, & fortè terrestrem. p. 68

Partes primò affectas internâ lubricita-
te aquosâ præter naturam esse affe-
ctas. p. 69

Tonum partium in hoc affectu vitiatum
non esse causam morificam. p. 71

Neque esse merum symptoma. *ibid.*

Sed morbum esse. p. 71

Et quidem partem totius affectûs. p. 74

Quæ à primaria affectûs essentiâ de-
pendet, adeoque esse partem essen-
tiæ secundaria. *ibid.*

Magnam esse dependentiam toni vitiati
à primâ hujus morbi essentia. p. 77

CAP. VIII.

*Essentia secundaria hujus morbi in constitu-
tione vitali.* p. 80

Divisio Constitutionis vitalis in Ori-
ginalem & Participatam. *ibid.*

Subjectum Constitutionis vitalis ori-
ginalis non Cor esse. *ibid.*

Sed spiritum vitalem.

C A P. I X.

Vitiata generatio spirituum vitalium in hoc morbo; et an id vitium sit pars ejus essentia secundaria?

P. 84

C A P. X.

Vitiata distributio vitalium spirituum in hoc affectu; et an sit pars essentia ejus secundaria?

P. 90

Vitia distributionis tria.

P. 90

Circuitum sanguinis non esse difficilem in hoc morbo.

ibid.

Duæ causæ præcipuæ celeritatis circuitus sanguinis.

P. 93

Quatuor causæ impellentes sanguinem, & qualiter hæ se habeant in præsentis affectu.

P. 94

De irritatione Arteriarum ejusque causis.

P. 99

De renixu partium contra pulsum.

ibid.

Ejus species, & causæ.

P. 103

Deficere irritationem pulsus in hoc Affectu.

P. 104

C A P. X I.

Inæqualitas distributionis, in hoc affectu.

P. 106

Ea probatur.

P. 107

Et phænomenis quibusdam ulterius confirmatur.

P. 108

Elenchus Caputum.

C A P. XII.

Vitia Constitutionis vitalis participatæ in hoc affectu. p. 112

In quibus consistat constitutio vitæ participatæ. *ibid.*

Explicatio primæ ejus partis, quæ est unio sanguinis arteriosi cum substantiâ partium solidarum. p. 113

Explicatio secundæ ejus partis, quæ est calor vitalis in partibus solidis excitatus. p. 116

Conditiones caloris vitalis secundum naturam se habentis. p. 117

Explicatio tertiæ partis constitutionis vitæ participatæ quæ est vivificatio & exaltatio constitutionis naturalis. p. 120

Quænam sit adæquata causa & subiectum omnium naturalium facultatum? p. 121

Vitia facultatum naturalium in hoc affectu. p. 122

C A P. XIII.

Vitia Organica constitutionis insita in hoc affectu. p. 123.

Quinque summa capita vitiorum Organicorum in hoc morbo. *ibid.*

Communem eorum omnium causam ferè esse ἀλογολογίαν seu improporcionatam nutritionem partium. p. 124

Elenchus Caputum.

Duæ causæ hujus alogotrophix designantur. p. 125

Cur partes primario affectæ hic extenuentur? p. 126

Cur caput præsertim cerebrum, & Hepar nimium in hoc affectu augeantur? p. 127

Protuberantiæ ossium in hoc affectu causæ. p. 128

Ossa in multis cum Parenchymatis viscerum convenire. p. 129

Ossa non omnino Arteriis destitui. *ibid.*
Medullam non esse ossium alimentum; sed quoddam eorum excrementum seu secrementum. p. 131

Vitiatorum Dentium in hoc affectu causæ. p. 136

Curvitatæ ossium causæ. p. 138

Inflexionis Articulorum causæ. p. 143

Inflexionis spinæ causæ. p. 145

Angustix & Acuminationis Pectoris causæ. p. 147

C A P. X I V.

Essentia secundaria hujus morbi in constitutione Animalis. p. 163

Descriptio constitutionis animalis magis conformis opinioni veterum de facultate animali. p. 164

Descriptio ejusdem sec. aliquorum neotericorum opinionem de facultate animali. *ibid.*

Elenchus Capituli.

Viria constitutionis animalis in hoc affectu. p. 167

Cur sensus non æquè hic lædatur ac motus? p. 170

C A P. XV.

Rachitidis Causa, & 1^o. quæ ad Parentes attinent. p. 171

Duo summa causarum hujus morbi genera. p. 172

An & quatenus morbus hic dici possit hæreditarius? *ibid.*

Morbum hæreditarium esse propriè vel impropriè sic dictum. *ibid.*

Utrumq; rursus duplicem esse. p. 173

Cur Infantes rarissimè hunc affectum ante partum incurrant. p. 176

Cur ii, qui ante partum hoc morbo correpti fuerunt, gravius ac periculosius laborent. p. 175

Enumeratio causarum quæ ex parte Parentum hunc morbum produ-
cunt. p. 176

1^o. Quæ ante conceptionem à vitio totius corporis Parentum procedunt, ad 4 Classes reductæ. *ibid.*

1. Ad intemperiem frigidam & humidam materiæ ex quâ semen generatur, ejusque causæ. p. 177

2. Ad inopiam spirituum insitorum in istâ materiâ, ejusque causæ. *ibid.*

Elenchus Caputum.

3. Ad Torporem materiæ istius. p. 178
Hujus causæ. p. 179

4. Ad vitiosas dispositiones Parentum
qui ipsi fortè in sua pueritia hoc
morbo laboraverint.

II^o. Vitia in ipsis partibus genitalibus
Parentum residentia quatenus pos-
sint esse causæ ante conceptionem.
p. 181

Causæ ex parte matris hunc morbum
post conceptionem producentes. p.
182

C A P. XVI.

*Causæ hujus morbi Pueris post partum inci-
dentes.* p. 184

An morbus hic sit contagiosus? Ne-
gativa asseritur. p. 185

Quid potissimum requiratur ad mor-
bum propriè contagiosum constitu-
endum. p. 186

Causæ post Partum hunc morbum in-
vehentes ad 2 Classes reductæ. p. 187

De Aëre, & extrinsecus occurrentibus,
quatenus possint esse causæ hujus
morbi. p. 188

De Cibo & Potu intusque assump-
tis. p. 192

De Motu, Quiete, Actionibus, & Exer-
citiis. p. 193

De somno & vigiliis. p. 194
De

Elenchus Caputum.

De Excretis & retentis præter naturam. p. 195

Plures dari species excretorum quàm vulgè statui solet. p. 196

Singulas tamen excretorum species nondum nobis esse fati notas. p. 197

Causæ internæ hujus morbi. p. 198

Quomodo Bilis possit esse hujus morbi causa. p. 200

Quomodo Melancholia hujus morbi causa esse possit. p. 201

Quomodo Pituita hujus morbi causa esse possit. p. 202

Quomodo sudor excedens vel deficiens, ut & indebita transpiratio hujus morbi causa esse possit. p. 203

C A P. XVII.

Morbi antecedanei, qui hujus morbi causæ esse possunt. p. 204

Tria horum morborum genera. *ibid.*

Qui morbi huic sint affines & congeneres. p. 205

Quomodo morbi emaciantes corpūsque quovis modo extenuantes possint esse hujus morbi causa. p. 207

Tria genera morborum corpus extenuantium. p. 208

Pueros rarissimè à soporosis affectibus

Elenchus Capitum:

in hunc morbum incidere, & cur ?
p. 210

Qui morbi sint, qui frequentius solent
torperem huic morbo proprium in-
vehere. p. 211

C A P. XVIII.

*Cur ætate grandiores non aequè ac pueri huic
morbo sint obnoxii ?* p. 212

Juniores pueros frigidiori tempera-
mento esse præditos quàm seniores.
& cur ? p. 213

Plura requiri ad constitutionem tem-
peramenti calidi, quàm spiritum in-
situm, & calorem insitum. p.
214

Differre revera intemperiem humidam
quæ pueris, ab illa quæ senibus con-
tingit, & quomodo. p. 215

Quæ ætas juniorum rariùs, quæ fre-
quentiùs huic affectui sit obnoxia.
p. 219

Cur Infantes recèns nati rarissimè affi-
ciantur ? *ibid.*

Lac muliebre saluberrimum Infantibus
alimentum. p. 220

Exceptis certis casibus. p. 221

Cur Infantes à nono mense ad sesqui-
annum ætatis indies hoc morbo fre-
quentiùs infestentur ? p. 221

Error

Elenchus Caputum.

Error Nutricum quæ debiliores infantes præmaturè vestibus induunt, notatur. Et, quando Fasciæ Infantibus sint exuendæ, ostenditur. p. 222

Cur morbus hic frequentissimè pueros post sesquiannum ætatis usque ad secundum cum dimidio affligat? p. 223

An ætate grandiores unquam in hunc affectum incidant? p. 224

Affirmativa asseritur sub certis limitationibus. p. 224

Historia morbi adultis apud nos interdum contingentis huic puerili morbo multum adsimilis. p. 226

Observatio Trigenarii morbo huic perquam simili laborantis. p. 227

C A P. XIX.

Cur in Anglia frequentius hic morbus occurrat quàm in aliis regionibus? & An sit Anglis vernaculus? p. 230

Quatuor conditiones, ut morbi dicantur propriè vernaculi. p. 231

Qui morbi impropriè dicantur vernaculi. p. 233

Morbus propriè dictus vernaculus quotuplex. p. 234

Angliæ temperies frigida & humida. p. 237

Elenchus Caputum.

Anglia regio admodum prolifera.

P. 239

Diuturna pax occasio est effoeminationis corporum incolarum.

P. 241

Morbus hic longius latiusque extenditur quàm vulgò credi solet.

P. 242

Mollior vitæ ratio tractu temporis familias enervare solet.

P. 243

Morbus hic non propriè dici potest Anglis vernaculus.

P. 244

C A P. XX.

Differentia morbi Rachitidis. pag. 245

1. Differentiæ, ratione plurium vel pauciorum partium essentiæ secundariæ hujus morbi.

P. 247

Quæ partes essentiæ secundariæ sint inseparabiles à primariâ essentiâ hujus morbi.

P. 248

Quo ordine Organica vitia huic morbo superveniant.

ibid.

2. Differentiæ à magnitudine.

Pag. 250

3. Differentiæ à vehementiâ morbi.

P. 251

4. Differentiæ à viribus ægrotantis.

ibid.

5. Differentiæ à Temporibus morbi.

P. 252

Approbatio

Elenchus Capitum?

Approbatio divisionis Temporum
morbi sec. Galenum, & ejusdem de-
fectus notatus. p. 253

Nova Augmenti divisio. *ibid.*

Duplex declinatio morbi. p. 254

Differentiæ respectu caussarum. pag.

256

Differentiæ à morbis complicatis. pag.

257

Qui morbi quandam dependentiam ab
hoc morbo ejusve caussis habeant.

ibid.

Morborum horum caussæ. p. 258. &

259

C A P. XXI.

Signa morbi Rachitidis, & 1^o Diagnostica.

p. 261

Signum Pathognomonicum latius ex-
tenditur quàm vulgò solet. p. 262

Ejus in hoc sensu definitio. p. 263

Quinque Fontes signorum diagnosti-
corum hujus morbi. p. 265

Signa ad actiones animales spectantia.

ibid.

Signa quæ spectant ad irrationalem
partium nutritionem. p. 268

Signa quæ respiciunt Respirationem.

p. 272

Signa quæ spectant ad vitalem in-
fluxum

Elenchus Caputum.

fluxum. P. 274
Signa quædam vaga. *ibid.*

C A P. XXII.

Signa differentiarum Rachitidis, sive Dia-
critica. P. 275

Signa præsentis Rachitidis in princi-
pio adhuc existentis. P. 277

Signa reliquorum Temporum hujus
morbi. p. 278, 279

Signa morbi nativi improprie sic dicti.
P. 280

Signa hujus morbi ex integro post
partum contracti. P. 281

Signa morborum qui cum hoc affectu
complicari solent, & quandam de-
pendentiam ab eo ejusve causis ha-
bent. P. 283, & 284

Aliorum morborum complicatorum
signa. P. 284, 285, 286

C A P. XXIII.

Signa prognostica in morbo Rachitide. pag.
287

C A P. XXIV.

Methodus ad Praxin, tum Indicationes in
genere. P. 294

Quid Experientia, quid Ratio? *ibid.*

Quid Indicatio? P. 295

Quid Indicans? P. 296
Quid

Elenchus Capitulorum.

Quid Indicatum?	p. 298
Cognatio officii medici cum actione Indicatâ.	p. 300
Collatio utriusque cum Scopis medi- cis.	p. 301
Ad quam intellectus operationem In- dicatio pertineat.	p. 308
Differentiæ Indicationum.	p. 313
Duo Indicata abstracta generalissima, <i>viz.</i> Conservatio, & Correctio.	p. 314.
Tria generalia Indicantia.	p. 318

C A P. XXV.

<i>Curativa Indicationes.</i>	p. 320
-------------------------------	--------

C A P. XXVI.

<i>Indicationes Præservativa</i>	p. 324
----------------------------------	--------

C A P. XXVII.

<i>Indicatio Conservativa, seu Vitalis.</i>	p. 328
Indicationem vitalem esse in plures species divisibilem.	p. 329
Esse quoq; divisibilem in partes.	p. 331

C A P. XXVIII.

<i>Ufus rectæque administratio Indicationum præ- dictarum.</i>	p. 335
--	--------

Quæ comprehendantur sub usu Indica-
tionum. *ibid.*

De Consensu & Dissensu Indica-
tionum. *ibid.*

Circumstantiarum actionum Indica-
tarum

Elenchus Caputum.

tarum inventio.

pag. 337

An morbus vel ejus causa prius à medico invadi debeat?

P. 341

C A P. XXIX.

Materia medica propositis Indicationibus respondens, & primò χειρουργική.

P. 344

De Aurium scarificatione.

ibid.

Conjectura nostra cur concha Auris præ cæteris ejus partibus in hoc affectu scarificetur.

P. 346

Utilitas scarificationis Aurium in hoc affectu.

P. 347

Fonticuli utilitas in hoc affectu.

P. 348

Ad hoc remedium non adscendendum nisi necessitas urgeat.

ibid.

Modus commodus Fonticulum ad nu-
cham excitandi.

P. 349

Hirudinum usus plùs nocere quàm
prodesse videtur.

P. 350

Cucurbitulæ cum scarificatione impro-
bantur ut noxiæ: sine scarificatione,
ut inutiles.

ibid.

Nisi alterutras efflagitet alius aliquis
complicatus affectus.

P. 351

Vesicatoria interdum utiliter hîc adhi-
bentur.

ibid.

Horum commoda in hoc casu.

P. 352

Et incommoda.

P. 353

Ligaturarum usus in hoc morbo cu-
rando.

ibid.

Cau-

Elenchus Caputum.

Cautiones observandæ in harum usu.

pag. 354

Fasciarum usus & modus eas concin-
nandi. *ibid.*

Ocrearum fibulatarum cum Ferulis
constructio. p. 355

C A P. XXX.

*Materia pharmaceutikē, & 1^o Eluentia primas
vias.* p. 358

Remediorum Pharmaceuticorum di-
visio. *ibid.*

Enematum usus, eorūque Formulæ
quædam. p. 359

Emeticorum utilitas. p. 360

Cautiones circa horum usum obser-
vandæ. p. 362

Formulæ quædam eorum. p. 363

Cathartica Lenitiva, & cautiones cir-
ca eorum usum. p. 364

C A P. XXXI.

Præparantia, eorūque usus. p. 367

Horum genera. *ibid.*

Quæ evacuatio magis, quæ minùs præ-
parationem exigit. *ibid.*

Quæ præparatio quibus humoribus
debeatur. *ibid.*

Viarum præparatio. *ibid.*

Præparatio respectu Partium. p. 368

Conditiones Præparantium in hoc
affectu. p. 369

Per

Elenchus Caputum.

Per Epicrasin humores esse in hoc affectu exigendos. p. 369

Simplicia Præparantia. p. 370

Composita. p. 371

C A P. XXXII.

Evacuantia Electivè. p. 372

Quæ sint rejicienda. *ibid.*

Rhabarbari in hoc affectu excellens utilitas. p. 374

Purgantia electivè simplicia. *ibid.*

Composita quædam. p. 375

C A P. XXXIII.

Alterantia specifica.

Oppositio inter morbum & hæc specifica. p. 379

Quæ ex specificis sint nobiliora. p. 381

Apozemata specifica & cerevisiæ medicata. p. 382

Juscula & Panatellæ. p. 384

Pulveres & Electuaria. p. 385

C A P. XXXIV.

Corrigentia symptomata. p. 387

Fluxûs Alvi curatio. p. 388

Cautio in restrictione sudoris immodici. p. 392

Sudoris immodici curatio. p. 393

Cautiones circa chalybis usum in hoc affectu. p. 394

Dentitionis laboriosæ, & Dentium doloris curatio. p. 396

C A P.

Elenchus Capitulum.

C A P. XXXV.

<i>Remedia externa.</i>	p. 398
Exercitii modi seu genera, horumque divisio.	p. 399
Varii Decubitus mores, & in quibus casibus singuli noxii vel utiles sint.	p. 399, &c.
Decubitus præ cæteris exercitiis in certis casibus prærogativa.	p. 401
Cunarum agitationis usus.	p. 402
Gestationis in ulnis, & similibus usus.	<i>ib.</i>
Lusum sedentiorum usus.	p. 403
Incessus usus.	p. 404
Artificialis corporis suspensionis usus.	p. 405
Frictionis usus.	p. 406
Contrectationis Abdominis usus.	p. 407
Frequentis Adnascentie Hepatis in hoc affectu causa.	<i>ibid.</i>

C A P. XXXVI.

<i>Extrinsæcus applicanda.</i>	p. 409
Horum divisio, & variæ formæ.	<i>ibid.</i>
Liquores.	<i>ibid.</i>
Olea.	p. 411
Unguentorum in hoc affectu componendi ratio & formulæ.	p. 411
Externa Hypochondriis appropriata.	p. 412
Externa Pulmonibus dicata.	p. 414
Spinæ remedia externa.	p. 415
	Errata.

Errata.

Pag. 1. lin 12. Lege accensere. 2. 25. possint. 6. 19. sin aliter
7. 18. Latinum. p. 9. in marg. Frequens. 11. 11. qui. 13. 2. negemus. 13. 8.
tensionis. *ibid.* 22. occurrant. 16. 9. exiliores. *ibid.* 11. oculati. 19. 22. ad-
mittat. 20. 9. quin. 23. 10. referuntur) organizationem. 24. 14. vitalis seu
animalis. &c. 24. 4. aptæ. 26. 2. & 3. prima, secunda, tertia causa. *ibid.* l. 4.
Adde IV. 32. 22. sint. *ibid.* 28. inæqualitas. 47. 13. factâ debitâ, &c. 52. 4.
ducant. 53. 7. avocationem. 55. ult. durante. 56. 14. videntur. *ibid.* l. 19.
frictione. 57. 27. dele ut à longè à primâ morbi essentiâ. 61. 21. necessariô.
67. 22. illinantur. *ibid.* ultm. partium. 70. 28. assumantur. 71. 22. ubi
ibid. 27. merum. *ibid.* l. ult. ladente. 74. 24. secundariæ. 76. 3. omnimo-
dè. 77. 6. devolvemur. 78. 27. dependeat. *ibid.* ult. secundariæ. 85. 17.
vitales. 83. 1. D. spiritu. 92. 15. copiâ 93. 17. non opponi, &c. 96. 12. par-
cius. *ibid.* 24. morati. 102. 9. contusio. 115. 11. solidarum. 121. 11. co-
lor. 125. 17. decrescunt. 130. 16. ramificatione. 132. 3. exsudationibus. 142
16. D. angularis. 148. 5. infertur. 149. 7. constituent. 150. 26. hypochon-
driis subhenduntur. 151. Figura media not 2. & infima 3. 152. 7. 6. distat. 154
22. crassis. *ibid.* 27. D. a. 160. 18. evincitur. *ibid.* l. antepenult. contineret.
161. 1. earum. 167. 24. fatagant. 169. 6. prabeat. 171. 13. *Paxi* *videt*. *ibid.*
ult. cam. 172. 8. influunt. *ibid.* 18. procedamus. 175. 20. affectiones. 178
19. affectum. 182. in marg. 1. 16. faciunt ad improbum, &c. *ibid.* l. 17. refer-
tos. 193. 14. assumpta. 194. 1. hinc. 207. 11. atterunt. 222. 5. inefficacior.
ibid. l. 13. induunt. 237. 24. pleraque alias. 249. 2. morbus. *ibid.* 3. morbos
262. 14. eorum. *ibid.* 17. 20. *ovd poph*. 263. 3. apparens in vel circa. &c. 268.
4. prgressa. 275. 15. sequuntur. 278. 5. coloris. 283. 12. aliquantò. 290. 20.
id eò. 298. 24. nostrâ. 305. 4. D. non 306. 2. propositionesque. 316. 5. non
tamen &c. 323. *antepenult.* Hæc. 324. 14. in primis. *ibid.* ult. secundum.
347. 17. reducat. 348. 9. alligant. 349. 15. sensum. 354. 22. liberam. 361. in
marg. adhibenda in &c. 363. 8. in primis. *ibid.* 2533. *ibid.* 29. Afari. *ibid.*
penult. l. 3ij. 365. *penult.* solut. 366. 1. cerevisiati *ibi* 3. &c. *ibid.* l. 3. Poma.
ibid. l. 4. N: 371. 6. *macis*. *ibid.* l. ult. *exacinar*. 372. 10. *decabung*. *ibid.* l.
22. partim. 376. 11. *mechoacan*. 377. 1. *dulc*. *ibid.* l. 19. lib. j: 382. 4. morbi.
385. 2. 3ij. 388. l. 9. 3ij. *ibid.* l. 13. exhibeatur. *ibid.* l. 14. 3ij 3. 388. 11.
411. In marg. affectu. *ibid.* 21. *baccar*. 413. 2. generalis. *ibid.* 6. D. ad: *ibid.*
21. *anferin*. 415. 5. Ol: viol: *ibid.* 25. 3v.



CAP. I.

*Antiquitas & prima origo hujus morbi, nomen
ejusdem hujusque derivatio.*

NOvos nonnullos morbos veteri-
bus planè ignotos, varios Eu-
ropæ tractus paucis abhinc re-
trò seculis invasisse certissi-
mum est; (sive id vicissitudini
rerum, sive peccatis hominum & corruptis
moribus tribuamus) ut Luem Veneream,
scorbutum, Plicam Polonicam & similes;
quorum numero hunc ipsum, de quo acturi
sumus, affectum accersere licet. Etenim si
omnes Infantium & Puerorum morbos
cùm à Veteribus tum Neotericis in libris suis
de Infantium Morbis descriptos examinare
libeat, nullum inveniemus qui hujus idæam
& conditionem satis exactè exprimat. Licet
B enim

Morbum
hunc esse
novum;

enim aliquid commercii & affinitatis habere videatur cum febre lenta, cum tabe, cum macie Infantium, & hydrocephalo, revera tamen planè diversus specie est ab his affectus. Multos quippe reperias hoc morbo graviter affictos absque febrili intemperie, aut ullâ causâ suspicionis ejusdem: similiter etsi tabes frequenter ante obitum huic morbo superveniat, rarissimè tamen primam ejus invasionem comitatur. Quod ad maciem attinet, licèt partes nonnullæ in hoc affectu extenuatæ perpetuò observentur, non tamen id omnibus ex æquo perinde, ut in vera macie accidit, sed partes circa caput & faciem floridæ, & bene pastæ ad extremum ferè vitæ diem cernuntur. Denique hydrocephalus sæpe quidem cum hoc affectu complicatur; nonnullos tamen ab hoc morbo extinctos dissecuimus, quibus cerebrum satîs firmum fuit, neque superfluo fero irriguum. Conjectârunt aliqui morbum hunc propaginem quandam esse seu fructum Luis Venereæ aut scorbuti à parentibus ad liberos propagatum. Non equidem negamus quin parentes Lue Venereâ aut scorbuto laborantes, possent prolem non modo Lue Venereâ aut scorbuto, sed & hoc etiam morbo simul affectam edere, atque hoc nonnunquam contigisse observatum est; ut plurimum tamen morbus hic nihil habet in propria sua essentia cognationis aut familiaritatis

tis cum istis morbis, neque similem curati-
onem postulat, strumofam quoque affectio-
nem cum hac aliquoties complicatam obser-
vavimus: sed & hanc quoque ab illa & illam
ab hac frequentius bene distinctam vidi-
mus.

Sed quorsum huic inquisitioni diutius im-
moramur? cum qui velit attentius signa hujus
affectiois suo loco proponenda contempla-
ri, facillimè sibi persuadeat, morbum esse
planè novum, neque unquam fuisse à veteri-
bus aut neotericis in libris suis practicis de
morbis Infantium hætenus divulgatis de-
scriptum.

Innotuit autem primùm hic morbus
(quantum quidem ex aliorum relatione, dili-
genti facto examine, colligere potuimus) in
occidentalibus Angliæ tractibus, in Comi-
tatu scil. *Dorset & Somerset*, triginta circiter
retro ab hinc annis. Ab eo tempore paulla-
tim ejus notitia ad alia quoque loca deriva-
ta est, *Londinum* putà, *Cantabrigiam*, *Oxoni-
um*, immo omnes penè Australes & Occi-
dentales Angliæ partes: In Septentrionali-
bus autem Comitatus multò rariùs hic
morbus occurrit, & vixdum vulgò commu-
niter est factus notus.

Antiqui-
tas ejus,
primusque
locus na-
talis.

Cæterum nomen morbi vulgò receptum
apud eos, quibus is familiaris, est *the*
Rickets: Quis verò primus morbum hoc
Nomen
Vulgare,

nomine donaverit valdè est incertum, ut & quâ occasione id factum, casuve an consilio.

Utcunque nomen impositum sit, apud omnes obtinuit, ut in tanta varietate locorum, nondum alio nomine appellatum fuisse, aut etiamnum appellari intellexerimus.

Admiratione autem dignum est, quòd cùm morbus recens sit, & non ità pridem nomine donatus, neque in locis adeò diffitis aut in accessis vigens, nemo hætenus inveniri potuerit, qui sciret aut ostenderet, vel primum nominis autorem, vel ægrotum cui primum nomen morbi accommodatum fuit, vel locum peculiarem ubi id factum, vel modum etiam quo indè in vulgus dispersum fuit. Populus nomen morbi nactus quasi renaviter gestâ acquiescit, neque ulterius se sollicitum vult de nominis autore aut re ipsâ.

Quandoquidem autem Latinæ Græcæque Linguae periti exspectant fortè à nobis nomen, cujus aliqualis ratio reddi possit, varia nos huic morbo coaptavimus, quæ tamen singula recensere non erit forsitan operæ-premium; regulas tamen quas in nomine designando nobis ipsis proposuimus, commemorare non erit fortè inutile. Prima ergò erat ut nomen morbi notabilem aliquam ejus conditionem comprehenderet. Secunda, ut id satis

Regulæ
observatæ
in novâ
hujus
morbi de-
nominati-
one.

satis esset distinctum ab aliorum morborum & symptomatum nominibus. Tertia, ut esset satis familiare, pronunciatio facile, memoriae quoque accommodatum, non nimis longum, neque operosius decompositum.

Dùm hisce regulis satisfacere satagimus, aliquis nostrum casu quodam in nomen incidit quod sibi & cæteris quoque postmodum arrisit. Fuit autem *νόσος ραχίτις*, vel etiam *ραχίτις* (siquidem illa terminatio non planè abhorret à communi genere) morbus spinæ dorsalis, item *νόσος τῆς ράχews*, morbus spinæ dorsalis. Est enim spina dorsalis inter partes primò in hoc morbo affectas princeps. Deinde nullus alius morbus aut symptoma nomen hoc ei præripuit : Præterea nomen hoc familiare est ac facile. Denique videmur hoc nomine Anglicum nomen tanto populi consensu receptum, viz. *the Rickets*, à barbarie liberare. Absque enim torsione vocis nomen *Rickets* à voce *ραχίτις* vel *ραχίτις* deduci promptè potest, modò habeatur ratio mutationis quæ propter vulgarem pronunciationem accidere solet vocabulis quando ab una ad aliam linguam transferuntur.

Dicas eos qui primò nomen Anglicum (*the Rickets*) imposuerunt fuisse fortè planè rudes & Linguae Græcæ imperitos, aut nè cogitasse quidem de Græca voce *ραχίτις* aut saltem non intellexisse spinam dorsalis esse par-

Nomen
huic mor-
bo apposi-
tè qua-
drans.

Obiectio

Respons.

tem principem inter primò affectas in hoc morbo. Respondemus nostrâ nihil interesse five rudes fuerint, five de Græca voce non cogitârint, five non intellexerint quæ sit pars princeps inter primò affectas aut secus: gratiis tamen hæc asseruntur. Multos enim novimus tunc temporis, cùm morbus hic primò affulsit noménque accepit, doctos sanè Græcæque Linguae peritos in illis locis exstitisse, quibus etiam non adeò difficile erat observare insignem spinæ in hoc affectu debilitatem, indèque nomen ei assignare, licèt fortè vulgus nomen id datum nonnihil errore pronunciationis, ut solet, perverteret, idque voce jam receptâ, **the Rickets**, exprimeret. Verùm hoc nos non sollicitos habet, five hoc ità sit, five secus, perinde esto. Si ità se res habeat, nomen propositum omnino (ut patet) congruum erit, sed & finaliter fortasse non minùs appositè quadrabit. Etenim finge te incidere in nomen quoddam, non tam consilio quàm casu receptum, ità tamen aptum ut vix excogitari possit ipso consilio aliud nomen commodius, aut rationi magis consonum.

Quid ageres? vocem receptam extirpares, ut novam nihilo meliorem substitueres? Injurius certè fores erga morem loquendi, verba usu valent, neque temere sunt innovanda, quin potiùs nomen receptum confirmares, sed
tanquam

tanquam novum, & ab eo tempore à nova origine deducendum. Id enim foret saltem quasi furculus affcitus novæ stirpi insertus, qui ob affinitatem cum radice haud difficulter coalesceret. Vel si hoc non placeat, suppone, si libet, nos jam de novo fingere Anglicum hujus morbi nomen, idque deducere à voce Græca *ῥαχίτις* vel *ῥαχίτις* : Nomen sanè Anglicum hinc resultans foret, **the Rachites**. Quantillum jam interest inter hoc nomen & prius receptum, **the Rickets** : certè tantillum, ut vulgaris pronunciatio de tam exigua differentia non multum soleat esse sollicita. Sed tædet diutius immorari in hisce trivialibus. Esto ergò Græcum morbi nomen *ῥαχίτις* vel *ῥαχίτις* (si modò vox hæc admittatur esse communis generis) vel *ῥαχίτις* ; Latinè Morbus Spinalis, vel Spinæ Dorfi : item fictâ voce Latinâ Substantivâ ex Græca Adjectiva Rachitis—idis Anglicum usitatum, **the Rickets**, retineatur, vel ejus loco in curiosorum gratiam substituatur, si libet, **the Rachites**. Atque hæc de nomine.

CAP. II.

Anatomicae observationes collectae ex inspectione & dissectione corporum hoc morbo extinctorum.

PRiusquam auspicamur indaginem de naturâ hujus morbi ejusque causis, visum est nonnulla certa & indubitata, utpote sensibus obvia, præmittere, quæ tum realem existentiam ipsius morbi demonstrant, tum fundamenti loco esse possint, cui sententia nostra & judicium nostrum de novo hoc morbo superstruatur. Neque enim quenquam existimare volumus, nos de morbo aliquo imaginario seu fictitio hîc tractare, multò minùs expectare ut opinio nostra gratis & absque examine recipiatur. Quin potius id agimus ut materia discursûs nostri sit, quantum quidem fieri potest, in ipso limine nota & comperta, ut illa quæ proposuerimus per hæc quæ sensui obvia sunt, prout occasio tulerit, confirmemus, lectorque his instructus fiat competens nostri ratiocinii arbiter, sumque de singulis judicium interponere valeat facilius. Testamur itaque plures nostrum variis corporum hoc morbo occumbentium dissectionibus interfuisse, eaque quæ longâ experienciâ frequentique dissectione hactenus observavimus, quæ nempe propriis oculis

lis vidimus, manibúsque tractavimus summatim ac fideliter hoc capite narraturos.

Interea tamen duo híc præmonenda sunt.

Prius est, ut in memoria habeat lector, de-

functos quos dissecuimus gravissimè ante o-

bitum hoc morbo affictos fuisse, siquidem ip-

si magnitudini morbi maxima ex parte suc-

cubuisse supponuntur: nè igitur expectet in

aliis corporibus adhuc vivis sive recens affe-

ctis, sive saltem ad *auxilium* nondum proVectis,

eam morbi magnitudinem aut symptoma-

tum quæ híc depingitur. Morbus enim om-

nis ad statum usque intenditur & tum quoq;

succumbente demum naturâ in deterius in-

dies ruit. Posterius est ut animadvertat lec-

tor, morbos ferè omnes tractu temporis alios

diversi generis sibi adsciscere, ideóq; morbos

chronicos plerumque ante obitum esse com-

plicatos. Nè ergò putet quicquid in de-

functis corporibus etiam ab hoc morbo ex-

tingentis præternaturale reperitur, ad hunc

affectum necessariò pertinere; fortè etiam

magis id alium morbum huic ante mortem

supervenientem quàm hunc ipsum respiciat.

Et profectò Anatomici frequenter ad hanc

cautionem non satís attenti, graviter in suis

observationibus lapsi sunt, dum quæ ad ali-

um morbum spectant, alteri cum quo ante

obitum complicatus erat adscripserunt. Hunc

ergò errorem quò præcaveamus, non temere

2. *Præmonita.*

Freyne's Anatomico-rum error.

ex

ex unius aut alterius corporis inspectione pronuntiandum est, at multiplici seduloque facto experimento distinguendum prius est, quæ perpetuò, quæ plerumque, quæ frequenter, quæ rarò in dissecis ab eodem morbo occumbentibus occurrant. Enimvero sciendum est quicquid non perpetuò adest in corporibus apertis eodem morbo extinctis, ad primam id, intimamque ejus essentiam spectare non posse, uti etiam neque illud quod in variis corporibus reperitur, quibus morbus abest. Neque enim morbus ipse existere potest separatus à sua essentia, neque essentia à morbo. Verùm de his satis. Progrediamur jam ad ipsas observationes.

Observati-
onum Ana-
tomicarum
hunc mor-
bum spes
etantium
duo gene-
ra.

Observata hæc nostra Anatomica distinguuntur in ea quæ extrinsecus, nondum aperto corpore occurrunt; & ea quæ non nisi dissecto prius corpore se offerunt.

I^o, *Prioris generis sunt hæc, quæ statim denudato defuncto exterius occurrunt.*

I^o, Irregularis seu irrationalis partium proportio. Caput nempe justo majus, faciesque habitior respectu reliquarum partium: Atque hoc quidem in omnibus hoc morbo extinctis quos hætenus vidimus apparuit, unico tantum excepto, qui simul cum hoc affectu suppuratos habuit pulmones, Phthisique confectus est. Hic vero habuit etiam per totum ferme morbi decursum caput majusculum

jusculum, faciémque pleniorē; atqui per quatuordecim circiter dies ante obitum subito collapsæ sunt partes carnosæ circa caput, faciésque Hippocratica reddita est, non sine omnium assistentium propter subitam mutationem admiratione.

2º, Membra externa, musculique totius corporis graciles, & emaciati, quasi atrophîâ vel tabe absumti cernuntur. Atque hoc (quantum quidem scimus) perpetuò observatur in iis quæ ab hoc affectu intereunt.

3º, Cutis universa, tum vera, tum membrana carnosæ & adiposæ, flaccida & quasi pendula, laxæque instar chirothecæ apparet, ita ut multò plus carniū eas continere posse putes.

4º, Circa articulos, præsertim in carpis & talis protuberantiæ quædam exstant, quæ si aperiuntur, non in partibus carnosis aut membranosis sed in ipsis ossium extremis, præcipuè in eorum epiphyfis radicari deprehenduntur. Quòd si fortè hâs ossium prominentias limâ radas, facile percipies eas esse ejusdem similis substantiæ cum cæteris ossium partibus.

5º, Articuli, artus habitusque omnium externarum partium minùs firmi ac rigidi, minùs inflexibiles sunt, quàm aliàs solent observari in defunctis, & speciatim collum post mortem vix riget à frigore, aut saltem multò minùs

minùs quàm in aliis cadaveribus.

6° Pectus exteriùs macrum, & valdè angustum, præsertim sub alis, & à lateribus quasi compressum conspicitur, sternum verò nonnihil acuminatum, instar carinæ navis, aut pectoris gallinæ.

7° Costarum extrema quibus cum cartilaginibus sterni committuntur nodosa sunt, quemadmodum de articulis carpi & tali diximus.

8° Abdomen exteriùs quidem respectu nempe partium continentium macrum est, interius verò respectu contentarum nonnihil prominens, tumidiusculum & tensum sentitur. Atque hæc observavimus nondum refferatis ventribus.

II° *Aperto abdomine hæc porrò notavimus.*

1° Hepar in omnibus à nobis dissectis iusto majus, aliàs autem non malè coloratum, neque valdè induratum aliòve aliquo vitio notabili contaminatum. Excipienda hìc volumus nonnulla corpora in quibus ante obitum alii morbi cum hoc implicati fuerunt, quemadmodum in hydropico & extremè tabido meminimus.

2° Liēnem ut plurimùm (quantùm nempe hætenus nobis vidisse licuit) non contemnendum, siue magnitudinem, siue colorem & substantiam ejus spectes, quamvis propter compli-

complicationem cum aliis morbis aliter accidere posse non negamus.

3^o Aquam serosam in cavitationem abdominis elapsam aliquoties vidimus, sed neque frequenter neque eam valdè copiosam.

5^o Ventriculū & intestina nonnihil ultra morem sanorum flatibus repleta, quæ ex parte causâ esse potest tensioni hypochondriorum suprâ memoratæ.

5 Mesenterium aliquando inculpatum aliquando glandibus justo majoribus, si non strumis affectum. Cæterum de pancreate nihil certi hîc pronunciamus; suspicamur tantummodo posse hîc nonnunquam obstructions, si non scirrhum, accidere. Sed aliis hoc relinquimus inquirendum.

6^o Renes, ureteres, vesicam, nisi alius adfuerit morbus, satîs sanos. Notamus in genere de visceribus omnibus in hoc ventre contentis, quòd licèt partes ea continentes, ut suprâ monuimus, multum extenuatæ & emaciatae occurrunt, ipsa tamen æquè magna ac plena, si non majora & pleniora, ut de hepate dictum, quàm in sanis deprehenduntur.

III^o Detraçto stereo in thorace hæc sese ostentârunt.

1^o Adnascencia quædam pulmonum cum pleurâ quæ in omnibus quos hætenus dissectuimus plûs minûsve adfuit. Arbitramur tamen contingere posse hunc affectum sine hujus-

huiusmodi coalescentia, licet ea in progressu morbi plerumque ante obitum superveniat.

2^o, Pulmonum infarctus non minus frequentes, præsertim in ipsis partibus adnascen-
tibus : Tumores item eorum duri à sanguine
crassiori, viscidiori, & nonnihil nigricante
nati, modò in uno, modò pluribus pulmonum
lobis, non tamen hi semper conspiciuntur,
frequenter quoque abscessus, & empyemata.

3^o, Aliquis nostrum testatur se semel vi-
disse glandulas strumosas, tam numerosas, ut
viderentur æquare, si non superare magnitu-
dinem ipsorum pulmonum : sitæ autem fue-
runt utrinque inter pulmones & mediasti-
num, & à thymo usque ad diaphragma pro-
tensæ.

4^o, In cavitate thoracis vidimus aliquando
aquas serosas collectas, & frequentius qui-
dem quàm in cavitate abdominis, non ta-
men in omnibus.

5^o, Vidit & aliquis nostrum affectum hunc
complicatum cum magno empyemate, simul-
que phthisi: Amoto sternò, pulmones sinistri
lateris toti abscessu occupati sunt, atque undi-
que pleuræ adnati, compresso leviter tumo-
re, pus copiosum, subflavum, crassum, & fœ-
tidum per tracheam arteriam in ipsum os
effluxit. Eorum membrana exterior quâ fir-
miter pleuræ adnati sunt, crassior apparuit so-
lito

lito, eaque mediante lobi istius lateris ita coaluerunt, ut vix in lobos distinguere potuisses: eadem etiam membrana tum pulmones, tum ipsum abscessum involvit, quâ apertâ in conspectum venit magnitudo abscessûs, qui adstantium æstimatione continuit ad minimum lb. ii. puris: tantum abscessum in tantillo corpore meritò quis miretur? sed is totum ferme sinistrum latus occupavit, parenchyma pulmonum istius lateris corruptum erat, semiputridum, & pure quasi intertextum.

6°, Thymus in puerili ætate semper magnus solet deprehendi, & fortè adhuc major in iis qui ex hoc morbo intereunt.

IV°. *Cranio orbiculatim serrâ circumscisso, ejusque operculo sublato, hæc observavimus.*

1°, Duram matrem firmiùs, atque in pluribus locis quàm solet in adultis, cranio adhæsisse: fortè idem observari potest in aliis pueris hoc morbo non affectis, licèt, ut opinamur, non tantopere, siquidem certum est in recens-natis multas esse, & arctas connexiones pericranii cum dura matre, quæ, postea abumpuntur vixque notari possunt.

2°, Inter duram & piam matrem, atque in ipsis ventriculis cerebri, serofas aquas in nonnullis à nobis dissectis reperimus; unde patet affectum hunc cum hydrocephalo complicari posse.

3°, Cere.

3^o, Cerebrum in aliis à nobis dissectis
fatis firmum & inculpabile neque illuvie se-
rosa inundatumprehendimus.

4^o Et ultimò observavimus jam aliquo-
ties in corporibus novissimè à nobis apertis,
carotides justâ proportionè ampliores fuisse,
similiter quoque venas jugulares; arterias
verò venâsque ad exteriores partes delatas
multò exiliores debito exstitisse.

An verò hoc perpetuum sit in hoc affe-
ctu nondum, ut occultati testes asserere possu-
mus: suspicamur quidem ità se rem habere
perpetuò, sed non venerat nobis in mentem
id antea ab initio nostræ Anatomicae circa
hoc subjectum indaginis scrutari.

His jam præmissis ad morbi hujus essenti-
am investigandam properamus.

C A P. III.

Ad faciliorem inventionem essentia morbi, supposita quædam proponuntur. Primum de essentia sanitatis. Secundum de essentia morbi. Tertium de triplici divisione sanitatis & morborum. Explicatio tertiæ divisionis usûsque ejusdem. Descriptio constitutionis naturalis, ejusdem exaltatio. Quartum suppositum de combinatione trium constitutionum in iisdem partibus.

QUò clariùs in hujus affectûs essentia investiganda procedamus, supposita sequentia utiliter præmitti posse duximus.

I. *Essentiam sanitatis consistere in aliqua constitutione corporis secundum naturã.* Hæc autem cum duplex sit genere, altera *essentialis* & necessaria, respiciens $\tau\omicron$ esse simpliciter, quæ durante vitâ sub variis affectionibus immobilis & immutabilis permanet, consistens in indivisibili; altera *accidentalis*, respiciens $\tau\omicron$ bene esse, quæ respectu totius animalis mobilis & mutabilis est, magnâque latitudinem habet, & adesse atque abesse potest sine totius interitu; non consistit sanitas in priori, sed posteriori constitutione.

Primum
de essentia
sanitatis

II. *Essentiam morbi similiter non consistere in constitutione essentiali.* Sic enim mox sequetur interitus totius; sed in *accidentali* constitutione

Secundum
de essentia
morbi.

tionem, tali videlicet, quæ respectu totius ad-
desse vel abesse potest sine ejus interitu. Dix-
imus (non sine ratione) hanc constitutionem,
in qua sanitas & morbus fundantur, esse mo-
bilem & accidentalem respectu totius; po-
test enim hæc ipsa esse essentialis respectu ali-
cujus partis, verbi gratiâ; abscisso digito ori-
tur morbus in numero deficiente partium, qui
quidem respectu totius fundatur in constitu-
tione accidentali; nam potest vel adesse ille
digitus vel abesse sine totius interitu; at verò
respectu ipsius membri amissi fundatur in
constitutione essentiali; posito quippe hoc
morbo interit essentia istius digiti.

Tertium
De tripli-
ci divisi-
one sani-
tatis &
morbo-
rum.

III. *Constitutionem, in qua consistit essentia tum
sanitatis tum morbi, triplicem modum divisionis
seu distinctionis in disciplina methodo admittere.*
Primus est paullò *crassior* & resolvitur in par-
tes planè concretas, procedit nempe κατὰ τὸν
secundum partium divisionem à capite ad
calcem. Secundus purè *abstractus* est, & ri-
matur omnia elementa constitutionis mobilis,
unde morbi dividuntur in similes, organi-
cas & communes; deinde variè subdividuntur
in intemperies, vitia figuræ, superficiei, cavi-
tatum & meatuum, magnitudinis, numeri,
sitûs & continuitatis. Tertius modus quasi
medius est, & licet hætenus neglectus sit, su-
um tamen usum non contemnendum habere
posse in morborum tractatione, causarumque

mor-

morbificarum investigatione spondere aude-
mus; estque in constitutionem *naturalem, vi-
talem & animaleam.*

Explicatio
tertiæ di-
visionis.

*Prima est propria & insita cujusvis partis, ei
competens absolute & sine dependentia ab aliis
partibus quoad esse simpliciter :* Hæc post mor-
tem aliquandiu adhuc superest donec per
putredinem, ambustionem, simplicem exsic-
cationem, mummificationem, petrificationem,
similisque violentas causas dissolvitur. Con-
stitutio hæc quoad suum esse simpliciter, non
dependet à membris influxum præstantibus;
at quoad suum tum *conseruari* tum *operari* ab
iis dependet: Nam post mortem cessante in-
fluxu vitali (qui ejus quasi sal & condimen-
tum est) brevi perit, & dum vivit animal,
variè hæc ab influxibus afficitur, unde ejus
actiones vel promoventur vel impediuntur.

Ejus pri-
mum
membrum

*Secunda est constitutio vitalis, quæ per conti-
nuum illum influxum à corde per arterias in uni-
versi corporis partes producitur.* Hæc etsi gra-
dus admittit & secundum magis & minus sæ-
penumero variet, & interdum quoque quan-
dam eclipsin pati videatur, ut in lipothymia,
syncope &c. à primo tamen ad ultimum vi-
tæ terminum (saltem in suo fonte & aliis non-
nullis partibus) perseverat.

Secun-
dum mem-
brum.

*Tertia est constitutio animalis quæ à cerebro
per nervos in organa sensûs & motûs derivatur.*
Hæc sæpe in variis partibus planè deest su-

Tertium
mem-
brum.

perstite illarum vitâ; quinimo posset simul in omnibus partibus diu deficere, nisi respiratio, quæ ad vitam absolutè necessaria est, ab ea dependeret. Hæ ergò constitutiones eam connexionem inter se servant, ut secunda prioris, & tertia secundæ existentiam semper et continuè in parte præsupponat, non autem vice versâ ità absolutè inter se dependent; quia (ut modò diximus) prior aliquandiu sine secunda, & secunda ferè omninò sine tertia subsistere queat. Atque hæ tres constitutiones in plerisque corporis partibus manifestè percipi possunt; non tamen in omnibus eas inveniri dicimus. *Naturalis* quidem & *vitalis* nulli parti deest; *Animalis* autem in ossibus (licèt de dentibus ambigi possit) cartilaginibus, fortè ligamentis, & nonnullis parenchymatis, ut Hepatis Lienis, &c. deficit. Quibus ergò facultas *naturalis*, *vitalis* *animalis* communicatur, iis omnibus triplicem hanc constitutionem inesse asserimus. Etenim quamvis dictæ facultates quoad actum primum dicantur ab anima dependere (quæ relatio non spectat ad artem medicam) quoad actum tamen secundum necessariò radicantur in aliqua materiali constitutione partium ad quas pertinent. Nam quod dicunt aliqui facultatem vitalem à corde, animale à cerebro ad cæteras partes derivari, non id ità accipiendum est, quasi ipsæ facultates

rates vago modo transeant à parte ad partes (à nullo quippe intellectu concipi potest accidentis de subiecto in subiectum migratio) sed quòd cum & in spiritu vitali facultas vitalis à corde ad partes derivetur, aut saltem ex aliquo motu cordis & arteriarum in partibus ipsis excitetur, & similiter facultas animalis vel in, & cum spiritu animali per nervos descendat, vel motu aliquo nervorum in cerebro in partibus producat. Utrovis modo id fiat, necesse est fateamur aliquam alterationem, five ex spiritibus dictis, five ex motibus in ipsam partem recipientem imprimi. Quæ alteratio ut hìc conceditur esse radix facultatis, seu vitalis, seu animalis in respectivis partibus, ità est constitutio mobilis, siquidem variè immutari, intendi & remitti potest sine totius interitu; & est constitutio in qua consistere potest vel sanitas vel morbus, quandoquidē ubi illa alteratio partibus quibus debetur defecerit, aut alio modo quàm oportet administrata fuerit, actio exinde læsa necessariò sequetur; sin rectè perficiatur, integra sanitas ex parte istius constitutionis adesse dicitur. Cùm ergò præter constitutionem naturalem & insitum duo genera alterationum, alterum ab influxu cordis, alterum ab influxu cerebri in plurimis partibus inveniantur; & cùm dictæ alterationes, quatenus ipsæ vel perfectiores vel imperfectiores sunt,

facultates in respectivis partibus (saltem quoad actum secundum) constituent perfectiores vel imperfectiores, adeoque actiones exinde læsæ vel integræ edantur, necesse est triplicem hanc constitutionem plurimis partibus inesse, dictaque genera alterationum esse constitutiones medicas in quibus *sanitas & morbus* fundari possit.

Ufus dictæ
divisionis.

Quod dicta divisio seu distinctio non sit planè inutilis ex eo liquet quòd Practici in suis methodis rectè moneant, in morbis obscurioribus diligentius observandas esse facultates quarum actiones læsæ deprehenduntur, ut inde quasi manu ducamur ad originem morbi inveniendam; si verò tanti momenti sit impeditas in morbis facultates annotasse, certè non minoris erit ipsas constitutiones à quibus dictæ facultates immediatè dependent, accuratè considerasse.

Non coincidit cum
prioribus.

Sed nè quis putet hanc tertiam divisionem propemodù coincidere cū secunda, observare poterit, si diligenter rem perpendere velit, quodvis membrum hujus divisionis quodam modo includere omnia mēbra proximè præcedentis: nempe constitutionem naturalem continere primariò quidem constitutionem similem, secundariò autem & in ordine ad totum animal comprehendere quodam modo conformationem & continuitatem; similiter constitutionem vitalem & animale

suo modo participare de omnibus membris divisionis dictæ clarius est quàm ut egeat probatione. Monendum tantum (quod & modò innuimus) naturalem constitutionem primariò & præcipuè respicere temperamentum, qualitates communes (quas aliqui vocant modos materiæ) & spirituum copiam peculiarémque eorum dispositionem (quæ ad formam totámque substantiam à nonnullis referantur) organi rationem verò & continuitatem quasi secundariò & in ordine ad totum animal respicere, vixque aliter ab his lædi. Non dissimulandum tamen vitiari interdum constitutionem naturalem, quatenus merè organica est, ut in obstructionibus meatuum naturalium; exempli gratiâ, ubi calculus in meatu ureteris aut urethræ impactus est, similibusque casibus. Atqui hoc accidit ei maximè quatenus meatus ordinatur in usum totius; ut plurimum autem vitia organica in constitutione naturali minoris notæ sunt quàm vitia similia.

Atque hæc de triplici hac constitutione in genere considerata sufficiant. Pauca nunc & paucis in specie de iis dicamus.

Constitutio naturalis quæ propria & insita cuiusque partis est, describi potest quòd sit modus quidem essendi naturalis, partibus insitus, iis competens, quatenus suis temperamento & qualitatibus communibus, sua

Descriptio
constituti-
onis natu-
ralis.

sufficienti portione ac convenienti dispositione spirituum insitorum, suâque justâ conformatione & continuitate constituuntur aptè ad actiones naturales concurrente unâ influxu vitali (& fortè animali) perfectas edendas. Itaque ubi adfuit in parte aliqua justum temperamentum, convenientes qualitates communes, justa proportio ac dispositio spirituum insitorum, demum justa ejus conformatio & unitas, atque naturalis ejus actio, nihilominus læditur, concludere licet eam non lædi ex parte constitutionis naturalis, sed ratione causæ concurrentis, scilicet influxûs seu vitalis, seu naturalis, seu utriusque. Enimvero naturales actiones in animalibus propter vitæ conjugium ad eminentiorem conditionem (quàm aliàs per solam naturalem constitutionem attingerent) evehuntur. Atque hinc contingit, quòd etsi constitutio naturalis in mactatis animalibus aliquandiu post mortem illæsa permanet, attractio tamen, retentio, coctio alimenti, & expulsio excrementi planè cessent. Et in morbis quoque sæpe illæsâ primò constitutione naturali, actio tamen naturalis læsa editur ob solum defectum concursûs influxûs vitalis debiti: similiter aliquando constitutione naturali, & vitali integris, læditur tamen actio aliqua naturalis ob defectum concursûs alicujus animalis debiti; sed hoc ferè accidit in
solis

solis partibus nervosis, fibrosis, & membranosis, præsertim ubi cavitatem formant, non verò in partium parenchymatis. Ut in paralyfi frequenter excrementa indebitè retinentur cæteris constitutionibus sanis ex solo stupore intestinorum. Itaque in hisce casibus non statim, quòd actio aliqua naturalis læsa sit, concludendum est constitutionem naturalem esse vitialem primò, sed diligenter investiganda est ipsa constitutio primò læsa, quæ mali radix seu prima essentia æstimanda est; similiter læsâ actione aliquâ vitali non statim inferendum, constitutionem vitalem primariò vitari; siquidem interdum à constitutione naturali, aut fortè animali prima origo rectius deducetur. Exempli gratiâ, Digitus aliquis ex intenso frigore iphacelo correptus esto: in hoc casu quidem verum est vitalis sanguinis influxum planè intercipi; origo tamen interceptionis in naturali constitutione ipsius partis ità refrigeratæ quærenda est, similiter in convulsione fortè nonnihil impeditur aut turbatur circuitus sanguinis: at prima læsio adscribenda est constitutioni animali, non vitali. E contrà in febre caput petitur, sed fons mali fortè in constitutione vitali reperietur: Item eliquantur fortè cænes omnesque vires naturales dejiciuntur; sed radix mali in constitutione vitali non in naturali invenietur: Adeò ut quælibet constitutio ex tribus dictis possit

possit esse in aliis atque aliis morbis modò primâ, modò secundâ, modò tertiâ actionum læsarum causâ.

Quartum
trium
constitu-
tionum
conveni-
entia in
iisdem
partibus.

Non modò plurimas alias corporis partes (imò simpliciter omnes sensibiles) quæ influxum non præstant, neque ei deferendo inserviunt, sed præterea & cor ipsum & arterias omnes & cerebrum & nervos omnes triplicem hanc constitutionem naturaliter admittere, ità ut cerebrum (præter vitium in naturali sua constitutione) à Spiritu vitali qui per arterias venâsque defertur, benè affecto juvari, malè affecto lædi possit: Cor similiter ab influxu animali per nervum recurrentem sexti paris; arteriæ quoque ab influxu animali per nervos modo fortè hactenus in comperto; denique nervi à Spiritu vitali per arterias deducto.

C A P. I V.

Essentiam huius morbi non consistere in constitutione Animali nec Vitali, sed Naturali, non quâ Organicâ, sed quâ similari: limitationes tres proponuntur.

HIs jam præsuppositis inquirendum est in qua constitutione partium prima radix seu essentia huius affectûs statuenda sit. Sit ergò prima conclusio.

Prima radix hujus affectûs non est in constitutione animali, seu illâ quæ à cerebri influxu in partes dependet. Equidem fatemur nervos omnes qui extra calvariam è spinali medulla procedunt, laxos & debiles in hoc affectu reperiri; non tamen id videtur hîc primariò à defectu influxûs cerebri oriri; quod sic probamus, 1°. Laxitas & debilitas nervorum primariò à cerebro proveniens, semper ferè somnolentiam comitem secum trahit; Atqui in hoc affectu symptoma hoc non solet observari nisi rarò & per accidens contingens. 2°. Nunquam quod meminimus, Paralyfin, aut Apoplexiam huic affectui supervenisse novimus; deberet autem necessariò, sæpius (saltem in morbo confirmato) evenire, si laxitas, & debilitas hæc nervorum à defectu influxûs cerebri originem duceret. 3°. In multis post mortem dissectis, cerebrum satis firmum, & inculpabile deprehendimus. 4°. Ut plurimum hoc affectu laborantes ingeniosi sunt pro ratione ætatis, quod Cerebri vim & vigorem luculenter attestatur.

Prima conclusio
Essentiam
hujus morbi non
consistere
in constitutione animali.

Secunda conclusio. Prima radix hujus affectûs non est in constitutione vitali, seu illâ quæ à cordis influxu in partes dependet. Inæqualis quidem distributio sanguinis ferè (si non omnino) perpetua in hoc affectu observari potest; at prima tamen ratio hujus inæqualitatis

Secunda
Non in
vitali.

tatis non inæqualitati influxûs cordis vel arteriarum, sed inæquali receptioni & aptitudini ad recipiendum in partibus ipsis adscribenda est: Etenim Cor & Arteriæ ex parte suâ indiscriminatim sanguinem cum spiritibus in partes quaquaversum diffundunt. Quòd si contingat arteriam alicujus partis ob torporem istius partis, aut partium vicinarum impediri in actione sua, necessum est eò diminutè sanguinem transmittat, adeoque inæqualiter respectu cæterarum partium expeditè sanguinem recipientem. Itaque in hoc casu inæqualitas hæc distributionis primò & per se dependet à præexistente vitio extra arteriam ad naturalem constitutionem partium pertinere.

Objectio Sed objiciat aliquis: *Licet fortè inæqualitas prædicta non dependeat à Corde, accidere tamen posse ut debilis pulsus sufficiat distributioni sanguinis per circulos minores in partibus interioribus, dum non aquè sufficiat isti muneri obeundo per circulos majores in partibus exterioribus longius à corde caloris fonte remotis.*

Respons. Respondemus, tanti momenti penès aliquem è nobis fuisse olim hanc objectionem ut talem inæqualitatem influxûs vitalis ad primam hujus morbi essentiam pertinere existimaverit, primorûmque adeò symptomatum rationem ab ea conatus fuerit deducere. Post secundas verò cogitationes, re penitiùs examinata

minatâ, visum est ipsi, hanc inæqualitatem influxûs vitalis non ad primariam, sed secundariam morbi essentiam referre. Sed ad *Argumentum solvendum* redeamus. Et *primò* quidem concedimus in hoc affectu distributionem sanguinis vitalis esse inæqualem; atque in partibus interioribus, & capite esse liberaliorem, in exterioribus parciorem. Concedimus *secundò* posse circulationem sanguinis in interioribus partibus servari, nullo etiam apparente pulsu in partibus exterioribus; sed hoc contingit solùm in extrema virium vitalium vel debilitate vel oppressione, ut in lypothymia, & validiori paroxysmo hysterico, in quo affectu nonnullæ pro mortuis habitæ revixisse denuo visæ sunt. Concedimus *tertiò* circulationem sanguinis liberaliorem esse posse in internis quàm externis partibus, quin & in una aliqua externa parte præ cæteris, ut in inflammatione alicujus externi membri accidit.

His jam concessis, asserimus, in *casu primo* inæqualitatem distributionis sanguinis non primò dependere à debilitate virtutis pulsificæ quatenus cor spectat: Atque in promptu ratio est. Cor quippe, ut suprà diximus, ex se indiscriminatim unòque tenore sanguinem in Aortam protrudit, etiam tum quando ejus pulsus maximè debilis est. Aorta quæ recipit exonerat se quâ potest expeditissimè, atq;
hinc

hinc fit quòd sanguinis diffusio inæqualiter peragatur, prout faciliùs sanguis ex uno ramo & difficiliùs ex alio impellitur. Inæqualitas tamen hæc non cordi primò, & per se, sed partibus recipientibus, arteriisque particularibus transmittentibus adscribenda est. Affectus enim quivis in corde primarius necessariò universalis est, & omnibus corporis partibus communicatus: quapropter etsi hanc inæqualitatem circulationis sanguinis in secundaria hujus morbi essentia concedamus, à primariâ tamen excludimus.

Porro in *casu secundo* proposito dicimus magnam esse disparitatem inter casus extremæ necessitatis, & casus ordinarios; neque profectò scimus an in dictis casibus circuitus in interioribus, ut ut detur, sit alicujus momenti. Et quod ad præsens negotium attinet, negamus in hoc affectu eam esse cordis debilitatem, ut pulsus in externis deficiat; imò nondum observavimus quenquam hoc morbo laborantem facilè in ecstasim aut lipothymiam incidisse, quod promptè contingeret, si radix morbi in ipsius cordis debilitate stabiliretur. Præterea cùm viderimus ægros in tenellula ætate, sine lapsu virium ferre interdum liberalem sanguinis è sectis aurium venulis educationem, imò & nonnunquam repetitis vicibus id actum cum emolumento:

molumento: Denique cùm & purgationes, pro ratione ætatis, optimè tolerant, non nobis liquet quí prima morbi radix vitalis constitutionis debilitati attribui possit.

Tandem in *casu tertio* evidenter patet primam radicem inæqualis circuitus sanguinis esse dispositionem aliquam partis externæ, ut in membro inflammato, laborante nimirum privato morbo, plenior & impetuosior accidit pulsus ob calorem arteriæ adventitium, à parte scilicet externâ plus æquo calefactâ impressum.

Quandoquidem ergò essentia hujus affectus neque in animali neque in vitali constitutione partium primariò fundetur (ut modò ostendimus) sequitur (quæ Tertia Conclusio esto) *Essentiam primariam sive primam radicem hujus affectus consistere in constitutione propriâ, sive insitâ partium.* Cùm verò constitutio naturalis (ut suprâ diximus) partim in communibus qualitatibus & temperamento, partim in justa copia & dispositione spirituum insitorum, partim in organica constructione & continuitate consistat, proximum est, ut in qua, è dictis, constitutione, & an in una aliqua, an pluribus vel simul omnibus fundetur, investigemus. Sit ergò Quarta conclusio.

Tertia consistere in naturali.

Non in constitutione naturali quâ organica.

Affectus hic non radicatur in organica partium constitutione. Quamvis enim tractu temporis

temporis ipsa organa secundum suam confirmationem, quantitatem & situm variis modis afficiantur, ut satis liquet ex aucta capitis hepatis &c. mole, ex tumoribus ossium ad carpos, talos & extremitatis costarum; ex obstructionibus variis, externarumque partium extenuatione; cum tamen hæc omnia ab altiori adhuc origine dependeant, ut ut in morbo confirmato variæque jam decomposito necessario hæc etiam admittamus; in originali tamen essentia, ob sequentes rationes, censemus rejicienda.

Primò *quod prædictæ læsiones organica non statim in initio morbi appareant, sed postea paulatim succrescant*; & licet fortè horum nonnulla ab initio radicem in corpore posuisse dicantur, nondum tamen vel sensu immediate percipi possunt, vel ullas actiones manifestè lædunt, adeoque ad primam morbi essentiam nequeunt pertinere.

Secundò, *quod prædicta vitia organica non sunt præcipuorum symptomatum quæ ab initio in hoc affectu elucescunt causæ sed effectus potius.* Etenim aucta moles capitis, hepatis &c. protuberantiæ ossium, macièsque partium externarum, rectius ad inæqualitatem nutritionis ut earum causam referuntur, quàm ut è contrà inæqualitatē nutritionis illis adscribi possit. Nam ubi pars aliqua nimio opere excrescit, aliæque debito incremento defraudatur

datur, necesse est ut non modò adsit, sed & præexistat inæqualis atque impropportionata nutritio, quâ illa plùs, hæc minùs justo alatur. Cùm autem inæqualis nutritio sit actio læsa, adeóque symptoma præsupponens morbum aliquem præexistentem, ipsa tamen (quemadmodum jam diximus) præcedat, ut causa, dicta vitia organica, manifestum est dicta vitia organica non esse primam radicem hujus morbi. Quod attinet ad obstructions, quæ revera plerumque cum hoc morbo conjunguntur, illas nihilominus à primâ essentiâ morbi excludere par est, quòd neque morbum specificent, nec ab illis ratio symptomatum reddi possit, neque certam aliquam determinatamque partem nobilem perpetuò obsideant. Conjiçiat fortè aliquis, qui ad auctam magnitudinem jecoris respexerit, id perpetuò in hoc affectu esse obstructum, indeque vitiatâ sanguificatione cætera mala derivari; sed si tumor hic hepatis ex obstructione ejus semper contingeret, necessariò affectum hunc comitaretur perpetuò pallor faciei, cachexia, & tractu temporis ipse hydrops, quin etiam color hepatis semper vitiatu deprehenderetur, tumoresque duri & nodi in ejus substantiâ, præsertim in morbo inveterato, illóque qui ægrum interimit per dissectionem observarentur; at cùm hæc non ità frequenter (nedum semper) in defunctis

occurrant, aucta ejus moles ad irregularem nutritionem potiùs referenda est. Porro non dissimulamus in iis quos affectus hic è medio sustulit, ut plurimum, nos per anatomen observasse obstructions, tumores varios, nodosque in pulmonibus; sed attestamur quoque; infantes aliquos puerosque nos vidisse levius hoc morbo affectos, in quibus nulla suspitio fuit vitiatorum pulmonum; nulla quippe tussis adfuit; nulla respirationis læsio, quæ necessariò individua obstructionis in pulmonibus comes est.

Tertiò quòd sufficiens ratio omnium symptomatum huic morbo propriorum, ex aliis fontibus clariùs faciliùsque derivari possit; ut mox videbimus.

Atque ità satìs probavimus affectum hunc quoad primam suà essentiam non consistere in organica partium naturalium constitutione. Eadem argumenta efficacius evincant (pluraque accumulare liceret, si necesse id foret) affectum hunc non fundari in naturalium partium continuitate, ut pluribus verbis non opus sit id comprobare.

Conclusio quinta. *Affectus hic fundatur primariò in simili constitutione partium naturalium, adeoque quoad radicalem essentiam morbus est similis. Cùm autem morbus similis, quâ talis, non perpetuò simplex sit, sed aliquando variè compositus (intempe-*

ries nempe vel simplex vel composita, & hæc quidem talis fit non solum ex primis qualitatibus inter se, sed fortè adjunctis unâ qualitatibus occultis, aut, quod nobis magis arridet præsertim in præsentî negotio, certâ quadam proportionè & modificatione spirituum insitiorum) compositum hunc esse morbum judicamus, primâque ac radicalem ejus essentiam, consistere asserimus in frigida ac humida intemperie cum defectu & torpore spirituum insitiorum in constitutione insita partium primò affectarum concurrentibus. Sed priusquam ad ulteriorem hujus sententiæ explicationem procedamus, præmittendæ sunt aliquot ejus limitationes.

Sit prima. *Esse quasdam corporis partes ab hoc morbo primariò, esse alias secundariò affectas* : & videntur quidem nobis partes exteriores prius affici quàm cerebrum & viscera, ut fusiùs diducemus ubi de partibus affectis acturi sumus.

Limitationes tres.

1^a.

Sit secunda. *Solas partes primariò affectas laborare notabili frigida intemperie tum inopia ac torpore spirituum* : Nam cerebrum & viscera moderatè fortè caleant, satisque spiritibus abundant ob copiosum vitalem influxum ; atque excedere in iis possit humiditas ob nimium alimentum affusum : reliquæ autem externæ frigida ac humida intemperie ac torpore spiritus naturalis, &c. semper affici-

2^a.

D 2

untur,

untur, unde eas primariò hìc afficì solàsque esse sedem primæ hujus morbi essentiaë affe-
rimus.

- 3°. Sit tertia. *Non omnes partes externas & pri-
mò affectas ex aquo laborare intemperie fri-
gidâ & humidâ, vel inopiâ ac torpore spiri-
tuum, &c.* Etenim ligamenta, tendinès &
nervi, ex natura sua frigidiora sunt minúsque
humida, partes musculosæ five carnosæ hu-
midiores potiùs sunt, at minùs frigidaë; partes
cutaneæ ferè medio modo se habent, omnes
tamen dictæ partes plùs minùs à naturali
temperie versùs frigidam & humidam rec-
dunt. Et similiter licèt aliæ partes è dictis
majorem spirituum copiam & activitatem
postulent quàm aliæ, omnes tamen, habitâ
justâ proportionè ad copiam & activitatem
singulis respectivè debitam, deficiunt justaq;
proportionè destituuntur.

CAP. V.

Examinatio sententiae propositae per partes, 1°.

Morbum esse intemperiem frigidam. Object.

& Resp. 2°. Esse humidam. 3°. Consistere

in Spirituum inopia : Object. Resp. 4°. In

Spirituum torpore.

SED proprius jam examinemus essentiam Morbum
propositam, & per partes asseramus : esse intem-
periem
frigidam.
1°.

1°. Laborare partes primò affectas intēperie

frigidā probatur : 1°. Ex imminuta partium

dictarum nutritione. Ut enim calor insitus ad

justitiam intensus plurimum conducit ad pro-

movendā coctionem & appositionē alimenti;

itā si is remissior æquo sit, eandem facilè re-

moratur ac imminuit. 2°. Evincitur eadem

intemperies ex tarditate & ineptitudine ad

motum : tum ex aversione motus quietisq;

affectatione. Nam quemadmodum activitas

agilitasque corporis calori, itā tarditas ejus

ac ignavia frigori magnā ex parte adscribi-

tur; supposito nimirum, ut prius, non ab ani-

malis influxus vitio hanc ignaviam depen-

dere. 3°. Confirmatur ulterius quòd hic

morbus sæpe morbos acutos sequatur, qui

non raro (post absumentum caloris insiti sub-

jectum) in intemperiem frigidam terminan-

tur: præterea & morbos chronicos corpus extenuantes sæpius excipiat, & ejusmodi qui quovis modo intemperiem frigidam post se relinquere proni sunt, ut obstructions pertinaces, cachexiam, scorbutum, &c. Adhæc quod intempestivam impetiginis aut scabiei suppressionem sequatur, ut frequenter observavimus, quando rursus erumpente scabie atque pruritu excitato, indeque aucto in externis membris calore tales pueros facile restitutos vidimus; quod denique sæpe eveniat, post assiduum usum ciborum frigidorum, crassorum, viscidorum, crapulam, otium, similisque causas evidentes, calorem insitum seu imminuentes seu obruentes. 4°. Confirmatur quod auxilia quæ calorem in externis partibus excitant augent & foveant, ut variae corporis agitationes, frictiones, illitiones, &c non minimam partem curationis hujus affectus præstent. Hisce omnibus in cumulum coniectis satis conspicuum fit, in morbi hujus primariâ essentiâ frigidam intemperiem constitutionis insitæ partium primò affectarum contineri.

Objeçtio

Objeçtio hic speciosa occurrit. *Febriculam, præsertim lentam aut erraticam frequenter conjungi cum hoc affectu, quæ non videtur consistere posse simul tempore cum intemperie frigida: Censetur enim ab omnibus febris omnis calida intemperies è diametro essentia dicta opposita.*

Respon-

Respondemus (nè quid hìc de essentia fe-
bris interponamus) largimur, quantum ad *Resp.*
præsentem quæstionem spectat, febrem esse
intemperiem calidam: non tamen consistit
hæc primò in constitutione partium insitâ,
sed in constitutione vitali, nempe in calore in-
fluente præternaturaliter affecto. Febris enim
non privatus aliquis morbus est, sed univer-
salis & à corde per arterias in & cum spiritu
vitali sive nimium accenso sive aliter vitiato
diffunditur. Neque respicit præternaturalis
hic calor intemperiem insitam aliter, quàm
ut causa potens eam variè immutare, sed
sensim & paullatim. Nam primò calor in-
fluens manifestè est calor actualis, at verò
calor constitutionis insitæ tantum potenti-
alis: quare asserimus intemperiem frigidam
respectu caloris insiti & potentialis consiste-
re simul posse cum intemperie calida respec-
tu caloris actualis & influentis. Enimverò
calor actualis non ità directè adversatur fri-
gidæ intemperiei, quæ talis dicitur ob defe-
ctum caloris potentialis, quin satè diu cum
ea consistere possit permanente causâ. Ex-
empli gratiâ, calor actualis consistit in calfac-
tâ aquâ simplici, aquâ hordei, in Julapiis
variis & similibus, licèt tum etiam potentiâ,
frigidis. Adeò ut calida actu, & calida po-
tentiâ non gradu, sed specie inter se differant,
neque sint ità è directo contraria ut statim se

mutuò è subjecto exterminant. Porro secundò intemperies influens calida non tam corrigit insitam intemperiem frigidam, quam per accidens auget, dissipando scilicet ac absumendo spiritus insitos, in quibus potissimum calor insitus & potentialis residet: Ad eum planè modum quo calor actualis ab igne profectus potentialem vini calorem imminuit. Unde febris cujusvis generis huic morbo superveniens plus damni quam emolumenti ægris adferre solet.

2.^o II.^o Afferimus in partibus primariò affectis simul adesse intemperiem humidam; hoc patet ex laxitate et mollitiè dictarum partium: atque signum hoc eò fortius rem evincit, quòd dictæ partes extenuatæ sint, ut nisi redundaret in iis humiditas, rigiditas quædam et asperitas tactum ferirent; deinde rarissimè intemperies frigida sine humida diu persistit: demum juvantia et lædencia idem attestantur, ficcantibus quippe juvantur, humectantibus læduntur.

3.^o III.^o Afferimus partibus primò affectis inesse spirituum insitorum inopiam. Probatur hoc primò iisdem ferme argumentis quibus supra intemperiem frigidam adstruximus. Nam 1.^o inæqualis et imminuta nutritio in partibus primò affectis non modò temperamenti frigiditatem, sed et unà inopiam spirituum insitorum arguit, aliter enim defectus hinc nutri-

tionis

tionis facile corrigeretur. Etenim frigiditas cum qua non conjungitur spirituum defectus, aut humor peccans impactus, ejus causa, facile excutitur, citiusque quam in presenti solet affectu, ut videre est in partibus hyberno tempore perfrigeratis, verbi gratia, ex nivium contrectatione, partes quippe sic perfrigeratae, modò ritè tractentur, intra aliquot horas ad pristinum redeunt temperamentum; Ubi verò adest intemperies cum materia ejus causâ conjunctâ, aut simul adest defectus spirituum infitorum, talis sanè intemperies haud ità facile aut citò removetur. Verùm in presenti affectu non semper saltem causari possumus materiam conjunctam aut impactam alicujus notæ in partibus primò affectis, cum eæ flaccidiore, inaniores & plus æquo extenuatae observentur, cùmque hic affectus longè distet à morbo virgineo & cachexiâ, in quibus ut plurimum, non inopia spirituum, sed conjuncta materia frigidam intemperiem fovet: quare rectè inferre licet pertinaciam hujus mali maximè dependere à spirituum infitorum defectu. 2º. Idem eodem modo probatur secundo argumento suprà allato pro intemperie frigida, nempe ab ignavia & aversione motus. Activitas enim non tantum à temperie, sed vel maximè à copiâ spirituum dependet: Ut videre licet in viris robustis &

& fanis, spiritibus refertis, qui hyberno tempore rigente gelu promptiores longè & alacriores ad violenta exercitia conspiciuntur, quàm æstate, quando spiritus insiti nonnihil exsoluti esse solent. 3°. Febres morbique longi & extenuantes, ut intemperiem frigidam sæpe inferunt, ita & evidenter minuunt dissipantque spiritus insitos. Hisce mediis addimus illud argumentum à constitutione parentum deductum. Firmiores (experientia teste) ac solidiores parentes laboribusque assueti rarò proferunt liberos huic morbo obnoxios: debiliores è contra, cachectici, aut aliter valetudinarii, otiosi, molles, delicati, Veneri nimiae, præmaturæ aut decrepitæ indulgentes, gonorrhæâ laborantes, &c plerumque liberos in hoc malum propensos generant: nimirum, quòd seminalia principia minus justâ spirituum copiâ imbuta sint. Proce-
dendum jam foret ad assertionem quartam, nisi quod hìc occurrat remora removenda.

object.

Objiciat quippe aliquis insitam intemperiem frigidam subordinari spirituum inopiæ, non verò contradistingui; ut hìc supponitur. Nam paucitas spirituum ipsa causa videtur frigidae intemperiei, insitusque calor sive intensior, sive remissior sequi videtur respectivè proportionem spirituum insitorum; quippe qui in iisdem ut
primo

primo subjecto radicari creditur.

Respondemus primò, Calorem insitum *Resp.*
 revera fundari atque primò subjectari in spiri-
 tibus insitis. Porro ut calor insitus in duas
 partes distinguitur, calorem scilicet nativum
 & acquisititium; ità & spiritus insitus duplex
 est concipiendus, primogenius sive feminalis
 in spermate à parentibus derivatus, & acqui-
 sititius ex perfectè assimilato alimento con-
 tractus. Prior spiritus, caloris insiti nativi est
 basis, posterior, caloris insiti acquisititii. Non
 hosce calores spiritusve inter se esse specie
 planè distinctos volumus; sed origine tan-
 tum ac perfectionis gradu, quod, ut variam
 fortiantur appellationem, sufficit. Nam in
 nutritione assimilatio alimenti procedit us-
 que ad identitatem specificam, non individu-
 alem, quanquam aliàs quoque gradum per-
 fectionis originalis non attingat. Propterea
 nobis hìc satis fuisse visum est nominasse ca-
 lorem insitum & spiritum insitum sine ulte-
 riore distinctione; ideòque concedimus ca-
 lorem insitum fundari & subjectari primò in
 spiritibus; eundemque nihil aliud esse quàm
 modificationem quandam dictorum spiritu-
 um quâ à calore vitali irradiati placidè ni-
 tuntur se diffundere atque ampliare ditiones
 suas, attrahendo, retinendo, assimilando si-
 milia sibi alimenta, excernendo excrementa,
 disponendo denique acquisita in sedes debi-
 tas.

tas. Dicimus quoque nixum hunc (in quo caloris essentiam ponimus) cùm sit diffusivus, nonnihil dissipare atque absumere spiritus insitos, qui hujus effectûs causa vulgò nomine humidi radicalis à calore continuè depasti appellantur.

2°. Atque huc usque argumento cedimus. Verùm 2^o loco asserimus calorem insitum à calido temperamento insito differre; quòd nimirum calor insitus sit tantùm una pars calidi temperamenti insiti. Non enim solus spiritus, sed & sulphur & sal aut bilis fortè, suum calorem contribuunt ad constitutionem totius calidi temperamenti insiti, cujus calor insitus est una tantùm pars. Quapropter falsò in argumento proposito suggeritur solam causam calidæ intemperiei esse copiam spirituum, frigidæ eorundem paucitatem. Nam lb j. carniû infantis plures continet spiritus insitos quàm lb j. carniû juvenis: notissimum tamen est temperamentum juvenis longè calidius esse quàm infantuli. Calidum ergò temperamentum non dependere potest à sola copiâ spirituum, nec frigidum à sola eorum inopia. Quinetiam in multis morbis calida intemperies consistere potest cum paucitate spirituum, ut in Hætica tertii gradûs; similiter frigida cum competentî aliâs spirituum copia, ut in morbo Virgineo.

Dicimus

Dicimus tertio, ut copia vel inopia spirituum non perpetuo sufficiens causa est determinationis temperamenti ad calidum aut frigidum; ita vicissim, neque calidum, neque frigidum temperamentum certo & necessario demonstrat copiam vel inopiam spirituum quemadmodum ex instantiis datis liquet: ita ut nec temperamentum certum sit signum quantitatis spirituum, nec quantitas spirituum certum signum temperamenti; & propterea de industriâ non sine justa causa separatim hæc ut contradistincta consideranda & examinanda veniunt, si certam & infusam horum notitiam assequi libet.

Respondemus 4^{to} quod etsi, ut concessum, calor insitus in spiritibus insitis subiectetur, non tamen secundum solam copiam vel inopiam spirituum intenditur is vel remittitur: Spiritus enim ut ut satis copiosi, si tamen nimis fixi sint, torpidi, & quasi gelu quodam constricti, nullum calorem insitum alicujus notæ proferunt. Exempli gratiâ, albumen ovi spiritibus copiosis turget, torpent illi tamen, adeoque ejus insitus calor indetam exiguus est, ut non aggrediatur pulli formationem, priusquam vel per incubationem vel alium consimilem calorem excite-
tur. Licet ergo certo concludere considerationem inopiæ spirituum satis distinctam esse à temperamenti frigidi insiti consideratione,

ratione, contra quam videtur ab objecto Argumento insinuatam. Porro ex hoc quarto responsi articulo resultat quarta assertio de essentia proposita, videlicet,

4^{to}.

Præter intemperiem & inopiam spirituum addendum esse torporem quendam eorum ut distinctam quoque partem essentia morbi. Torpor hic insitorum spirituum maximè elucescit ex imminuta nutritione & aversatione motus non proveniente primò ex defectu influxus cerebri, ut suprà probatum est. Item ex eo manifestè cernitur, quòd ea omnia quæ torporem spirituum insitorum excutiunt, nec tamen eos planè discutunt, plurimùm conferunt ad hujus morbi curationem: Ut exercitia cujusvis generis gradatim aucta, frictones, inunctiones, &c. Et interiùs calefacientia, purgantia, incidentia, aperientia benigna. Quod autem torpor hic satis sit distinctus ab inopia spirituum, præter id quod suprà in tertio responsi Articulo diximus, satis ex eo liquet, quòd sæpe cum inopia spirituum conjungatur nimia excitatio torpori contraria: ut frequenter accidit in febre hectica, in fluxibus colliquantibus & similibus morbis, in quibus ut ut adsit spirituum penuria, torpor tamen nullus comitatur, quin contra nimia illa excitatio & propensitas ad motum coërcenda est.

E contra

E contra copiosi spiritus cum torpore consistere possunt, ut in tritico aut farina ejus. Nam etsi parum spirituosum videatur, quòd ejus spiritus adhuc in sua fixatione ac torpore delitescant, re ipsâ tamen abundant in eo spiritus & simplici fermentatione evocari, atque ad suam manifestandam activitatem excitari possint: quemadmodum cerevisiæ fortiores ex eo confectæ declarant. Similiter ex uvis immaturis succus recenter expressus satîs mitis & blandus est, continens interim spiritus copiosos, qui postea, actâ debitâ fermentatione, in vino generoso se produnt.

Concludamus ergò torporem quoque spirituum in hoc affectu distinctam considerationem demereri.

CAP. VI.

Pars primò in hoc morbo affecta.

PROPOſuimus ſuprà primam hujus morbi eſſentiam ; inquirendum jam reſtat in primum ſubjectum in quo ea radicatur.

Non Cor
& Cere-
brum.

Cor & Cerebrum videntur hîc rectè excludi ob rationes ſuprà adductas, quas brevitatîs ſtudio repetere omittimus.

Hepar & Pulmones nondum ab omni ſuſpitione hujus vitii exempti ſunt. Examina-
bimus ergò ſeorſim hæc viſcera, & primò quidem quærimus,

An hepar
ſit ſubje-
ctum
primæ
eſſentiæ
hujus
morbi?
Rationes
quæ affir-
mativam
ſuadeant.

An hepar ſit ſubjectum primæ eſſentiæ hujus morbi ?

Præcipuum pro affirmativa argumentum eſt, quòd morbus hic videatur provenire ex læſa ſanguificatione, cujus officina (ſaltem probabiliter) jecur exiſtimatur. Læſam autem ſanguificationem eſſe primam hujus morbi originem multis indiciis manifeſtum reddi videtur. 1º. quòd hic morbus plerumque ſubſequatur ejuſmodi alios morbos magnos, ſive acutos ſive chronicos, qui utcunque vim ſanguificam hepatis multum priùs labefactârunt. 2º. quòd morbus hic non modò ab externis, ſed & ab internis cauſſis dependeat, ab humoribus nempe vi-
tioſis

tiosis. Cum autem vitiosi humores in & cum massa sanguinis in hepate generentur, videtur prima morbi essentia huc referenda. 3°. Observatur hepar perpetuò in hoc affectu majus debito, quod manifestè hepar esse affectum testatur. 4°. Medicamenta interna quæ sanguinem depurare apta nata sunt, ad curationem requiruntur, & exhibita multum juvant. 5°. Missio sanguinis è venis aurium (non infimum ad morbum hunc debellandum auxilium) satis superque arguit vitium aliquod sanguinis adesse, quod hepatis constitutioni, quæ sanguificat, videtur esse tribuendum. Argumenta hæc tanti sunt momenti penès nonnullos celeberrimos medicos, ut primam essentiam hujus morbi soli hepati adscripserint.

Nos verò satis ad hæc responderi posse existimamus, si prius quidem quæ rectè dicta aut ulterius in hanc rem dici possunt, concesserimus, deinde quæ invalidâ consequentiâ inferuntur, restrinxerimus. Earum solutio;

1°. Ergò concedimus in hoc affectu massam sanguinis vitiatam esse, indèque continuum fomitem huic morbo subministrari. Concedimus quoque inpræsentiarum hepar esse officinam sanguificationis: negamus verò omnia vitia sanguinis à vitiosâ constitutione hepatis sanguificâ dependere. Nam 1° sanguis vitari potest à vitiosis ingestis ali-

mentis, jecore aliàs integro, similiter si coctio prima in ventriculo ex quavis causâ extiterit imperfecta, non plenè ea per secundam coctionem corrigi potest in hepate etiam quàm maximè sano. Præterea, etiamsi generatio vitiosi sanguinis soli hepati adscribenda esset, ad ejusdem tamen generati conservacionem aliæ partes necessariò concurrerent, putà Renes, Lien, Pancreas, Uterus, &c. Immo & videtur negari non posse omnes partes, quas sanguis suo circuitu perluit eum variè alterare, dum qualitates suas ei pro capacitate subjecti imprimunt: nam ea agentia naturalia sunt, quæ agunt ex necessitate & continuè sine interveniente otio quantum quidem possint: si ergò hæ malè sint affectæ, sanguinem eas permeantem magis vel minus inquinant, ut videre licet in contagio ex contractu externo ad partes internas communicato. Quinetiam magna pollutio interdum à partibus cæteris morbosus insinuat in sanguinem, hepate interim salvo, ut nonnunquam in hydropicis post mortem dissectis observatum est, in quibus hepar satè sanum integrumque deprehensum est. Porro concedimus vitia sanguinis frequenter à læsa constitutione sanguifica hepatis originem ducere, illamque læsam constitutionem esse morbum hepatis; negamus verò hunc esse morbum de quo agimus, cum totâ specie ab ea differat.

Eadem

Eadem enim læsa constitutio hepatis æque adultis ac pueris & infantibus communis est; hic verò morbus solis infantibus & pueris proprius est. Tandem concedimus vitiosam constitutionem hepatis generando vitiosum sanguinem posse causam communem & fomittem huic morbo aliquando subministrare: negamus verò eam esse morbum ipsum de quo verba facimus, aut ullam partem primæ essentiæ ejusdem. Aliud enim est producere causam morbi communem, aliud esse de prima morbi essentia: negamus etiam eam esse continentem causam hujus morbi, aut esse causam sufficientem per se solùm, aut esse semper causam: Nam vitiosa constitutio hepatis, qualiscunque ea supponatur, non producit hunc affectum in adultis, neque fortè semper in puerulis. Atque hæc in genere ad argumentum respondemus: ad confirmationes ejusdem simili methodo jam procedimus.

1^o Ergò concedimus hunc morbum sæpe sequi alios morbos five acutos five chronicos. Sed non tam quòd constitutionem sanguificam hepatis læsissent, quàm quòd partes externas, spiritibus infitis exhaustis, frigidas & torpidas reliquissent: quamvis facillè quoque admittamus læsum hepar fomittem mali ex vitiosa sanguificatione præstare posse.

2^o Concedimus hunc affectum non tantum dependere à causis externis, sed & ab internis, vitiis nempe ipsius sanguinis: quod verò vitia illa omnia in hepate originem ducant, planè negamus ob rationes modò allatas.

3^o Concedimus in hoc morbo auctam esse molem hepatis; atqui eam esse primam morbi essentiam negamus ob rationes suprà notatas, ubi vitia organica à prima hujus morbi essentia rejecimus. Admittimus tamen hunc similésque morbos in secundaria hujus affectûs essentiâ, ut postea videbimus.

4^o Concedimus medicamenta interna tum alterare tum depurare posse sanguinem, verum in præsentî affectu eo nomine potissimum ad curationem conducunt, quod facili-
tent distributionem sanguinis ad membra externa, attenuandò ejus partes crassiores & incidendo viscidiores, quodque simul copioso & benigno spiritu sanguinem imprægnent, unde fit, ut insiti partium priùs languentium spiritus foveantur, augeantur, & exsuscitentur. Interim agnoscimus generale beneficium quod toti corpori accedit ex depuratione sanguinis sive per secessum, vomitum, mictionem, sive alios qualescunque evacuationis modos. Tantum id est quod asserimus, magis specificam partem curationis à
medi-

medicamentis prædictis præstari per viam alterationis, quemadmodum dictum est.

5^{to} Et ultimò concedimus sectionem venarum in auribus sanguinem nonnihil attenuare & ad ejusdem renovationem conducere, nec non ad ejus distributionem ad partes externas, & evacuationem à partibus internis ejus copiâ oppressis, adeoque ad totam curationem multum facere : Negamus tamen rectè ex eo inferri primam morbi essentiam in hepate radicari. Atq; ità satisfactum putamus rationibus in confirmationem hujus sententiæ adductis. Argumenta jam nonnulla quæ contrarium suadeant in medium proferamus.

1^{um}. Prima essentia morbi morbum specificat; atqui læsa constitutio sanguifica (qualis ea concipiatur) morbum hunc non specificat. Enimverò cùm morbus hic ad solos infantes & pueros pertineat, oportet eos, qui contrariam sententiam amplectuntur, certum aliquem modum læsæ constitutionis sanguificæ hepatis designare, qui soli teneræ ætati sit proprius : Atqui nulla læsio sanguificæ constitutionis hepatis fingi potest, quæ non sit quoque communis adultis; quare si in eâ consisteret prima hujus morbi essentia, observaretur saltem aliquando hic morbus in adultis, quod tamen nunquam à quopiam factum.

Negativa
asseritur.

2^{um}. Subjectum primæ essentia morbi afficitur tamdiu illâ essentiâ quamdiu affectus durat. Neque enim morbus existere potest absque sua prima essentia, neque potest illa essentia de parte in partem migrare. Si ergo hepar sit subjectum primæ essentia hujus morbi, per totum ejus decursum afficeretur; quod tamen non credibile videtur, cum in defunctis ex hoc morbo & dissectis, jecur, exceptâ ejus auctâ mole, sæpe secundum cæteras condiciones inculpabile deprehendatur.

3^{um} Si hepar sit subjectum primæ essentia hujus morbi, necesse est, ut indies aucto morbo gravius & evidentiùs affligatur & certè ante obitum manifestis stigmatibus notetur. Quandoquidem enim omnis morbus naturæ partis, quam obsidet, contrarius sit, eam quotidie magis magisque atterit damnisque novis auct: & licet principia morborum sæpe satis sint obscura, progressu tamen temporis (& maximè si ad extremum vitæ diem perennent) evidentissima vestigia partibus primariò obsessis imprimunt; adeò ut vix fieri possit quin in dissectis primo intuitu deprehendantur: Quamvis etiam ubi in morbum aliquem chronicum per dissectionem corporis ex eo defuncti inquisitio instituitur, sæpe ejus investigatio difficilis reddatur ob alios morbos ante obitum supervenientes vel aliàs com-

complicatos ; pars tamen primò affecta nunquam non graviter & manifestè læsa observari solet. Cùm ergò in iis, quos hic morbus è medio sustulit, sæpe satís firmum, exceptâ mole auctâ, vel certè non insigniter læsum deprehendatur, facile erit inferre, non id esse subiectum primæ essentiæ hujus morbi.

4^{um}. Si hepar esset subiectum primæ essentiæ hujus morbi, laboraret intemperie frigidâ & humidâ, tum inopiâ & torporè spirituum insitorum ut ex suprâ-dictis satís liquet. Atqui in præsentí affectu hepar non semper laborat intemperie frigidâ, ut nec inopiâ ac torpore spirituum insitorum. Etenim in hoc affectu cùm sanguis vitalis parcius ad membra externa distribuatur, fit, ut uberius, quàm par est, ad viscera, præsertim cerebrum, & hepar, affundatur ; & cùm hic sanguis, qui per viscera tam propinqua Cordi circulatur, sit valdè calidus & spirituosus, utpote è foco & fonte spirituum vitalium jam jam profectus, fieri non potest ut frigidam intemperiem aut defectum spirituum in partibus, quas tam copioso affluxu alluit, permittat.

5^{um}. In hoc affectu sæpe videmus colorem faciei satís floridum genâsque rubentes, quod in frigida hepatis intemperie aliquamdiu durant contingere vix potest.

6^{um}. A læsa constitutione hepatis sanguifica reddi non potest sufficiens ratio symptomatum huic morbo priorum. Cacotrophia quidem, seu vitiosa nutritio, & atrophia seu diminuta nutritio fortè non injuriâ hepatis culpæ sæpius attribuuntur: alogotrophia verò, seu improporcionata nutritio, ad hepar immediatè referri non potest. Hepar etenim universis partibus æqualiter & sine discrimine sanguinem conficit, neque uni parti uberius, alteri parcius eum dispensat. Porro debilitas omnium musculorum, aversio motûs, affectatio quietis, cum hepate nihil commercii habere videtur; quare neque hepar primam hujus morbi sedem agnoscimus.

7^{um}. Hic morbus in robustioribus pueris curatur aliquando solo exercitio, lusu, jactatione & frictione corporis; quibus excitatur in externis partibus calor, spiritus novi suscitantur, excutitur eorum torpor, et alimentum uberius ad membra externa attrahitur, quæ certè beneficia magis propriè ad partes externas quàm ad hepar accommodantur.

Atque hac questione sic solutâ, pergitur ad alteram; *Utrùm viz. Pulmones sint subjectum primæ essentia hujus morbi?*

Symptomata, quæ affirmativam suadere videntur,

An pulmones sint subjectum primæ essentia hujus morbi.

dentur, sunt angustia pectoris frequens, difficultas spirandi, asthma, tussis, inflammatio pulmonum, eorum tubercula, tumores duri, apostemata, denique phthisis. Verum primò angustia pectoris non statim ab initio morbi oritur, & propterea nequit de prima essentia hujus morbi testari. Similiter difficultas spirandi & asthma non perpetuò hunc affectum comitantur, ideòque ab iis indicium partis primò affectæ desumi non potest. 3^o Tussis modò adest, modò abest, sæpiùsque variè intenditur & remittitur, dum essentia morbi in eodem statu persistit; quod & plurimis ex prædictis quoq; symptomatibus contingit. 4^o Inflammatio pulmonum non frequenter hic adest: atque ubi accidit, morbus is acutus est, non chronicus, quemadmodum hic, de quo agimus; ut à symptomate tam raro & tam fugaci nihil certi de parte primò affectâ concludere liceat. 5^{to} Tumores duri pulmonum, tubercula, apostemata, ut & strumæ possunt præcedere, comitari & subsequi hunc affectum; sed morbi hi planè diversi sunt generis ab eo, de quo sermo est; quin & adultis æquè ac puerulis communes sunt. Tandem phthisis non nisi post diuturnam morbi hujus durationem supervenire solet ut ea longè à prima morbi essentiâ remota esse manifestè appareat, adeòque parùm aut nihil

nihil conferre possit ad partem primò affectam detegendam. Adhæc inseparabilia illa & cunctis notissima symptomata hujus morbi, putà impotentia partium externarum ad motum & inæqualitas nutritionis, nullâ ratione à pulmonibus affectis deduci possunt: quare viscus hoc pro prima hujus morbi sede admittere non possumus. Atque ità tandem ad partes primò affectas indigitandas devenimus.

Partes
primò af-
fectæ
quæ ?

Primum locum mereri videtur spinalis medulla calvariam egressa: secundum, nervi omnes ab eadem producti; tertium, omnes partes membranæ ac fibrosæ ad quas nervi isti deferuntur. Et in hisce partibus primam hujus morbi essentiam radicari statuimus, neque alias partes his associare opus esse existimamus. Enimvero mollities, laxitas, atque atonia totius spinæ extra calvariam, omnium nervorum indè ortorum, omnium fibrarum universi corporis, adeoque impotentia ad motum, segnities quietisque affectatio, quæ à primis etiam hujus morbi initiis se produnt, satis superque evincunt partes hasce frigiditate, defectu ac torpore spirituum esse affectas; atque hinc contingit extenuari eas minúsque quàm par est, ali. Etenim torporem suum extremitatibus arteriarum nonnihil communicant, unde affluxus sanguinis qui ad eas distribuitur, imminuitur,

itur; & quia frigidiore sunt defectuq; spirituum laborant, affusum sanguinem imperfectius coquunt, ut eas minus debito, minusque cæteris partibus nutriri adeoque extenuari necesse sit. Primam ergo hujus morbi essentiam jure meritoque partibus hisce solis adscribimus.

Dubitari tamen hîc potest, annon ossa etiam inter partes primò affectas numerari debeant, cum tumores ossium variis in locis præsertim in epiphyfis ossium ad carpos & in extremitatibus costarum, ubi cum sterni cartilaginibus committuntur, statim à prima invasione morbi observentur? Responderemus negari quidem non posse dictos ossium tumores cum ratione auctæ magnitudinis, tum ratione figuræ vitiatæ revera morbos esse, adeoque ossa vel ad essentiam morbi primariam vel secundariam referenda esse concedimus: At verò ea non pertinere ad essentiam morbi primariam ex eo liquet, quòd dicti ossium tumores à prima hujus morbi essentia dependeant, eamque præexistere supponant. Oriuntur enim ab inæquali partium nutritione quæ symptoma est primæ essentiæ hujus morbi. Quomodo autem inæqualis nutritio ab essentia prima hujus morbi dependeat, suo loco plenius explicandum; ubi nempe ratio essentiæ secundariæ reddenda est. Hic tantum ostendemus

An ossa
inter eas
accensenda?

mus illos ossium tumores rectè deduci ab inæqualitate nutritionis, quando videlicet ea nimium est aucta in partibus tumentibus respectu cæterarum. Id hoc argumento probatur, quòd partes ossium protuberantes quâ similes ejusdem planè sint speciei cum cæteris ossium partibus; quare necesse est, ut per eandem viam generationis proveniant, quâ cæteræ augentur & crescunt. Quandoquidem ergò reliqua ossa augeantur nutritione, id est, per intus assumptum alimentum sibi que assimilatum, pari certè quoque ratione & hæc ossa incrementum suum (etsi *αλόγως* & præter modum mensuramque) acquirere judicandum est. Dicas tumores ferè ex vitioso succo non alimentario & legitimo solere generari. Fatemur quidem id plerumque verum esse, sed plerumque tantum. Nam & quidam tumores ex legitimo & alimentario succo proveniunt, ut carunculæ, fungi & strumæ fortè nonnullæ; sed & hi quoque tumores multum differunt à præsentī ossium protuberantiâ. Etenim tumores isti, quos excrescentias appellare consuevimus, aliquid extra habitum partis & quid toto genere præter naturam præ se ferunt: ast hi tumores non excrescunt extra habitum partis, neque aliud præter naturam includunt quàm solam magnitudinem improporcionatè auctam, vitiatamque

tatamque indè figuram affectarum partium. Nam aliàs non essent hæ protuberantiæ ejusdem speciei cum reliquo osse, cui continuantur, quod sensuum experientiæ repugnat.

Si igitur dentur tumores nonnulli (etiam inter istos qui planè præter naturam sunt & extra habitum partium consistunt) ex succis alimentariis geniti, certè multò minùs intellectu difficile est, protuberantias hasce ossium è legitima ossium materia à facultate insitâ nutritivâ generari formarique. Atque hoc clarè eo confirmatur quòd ossa secundùm naturam similem legitimè ne quaquam producantur ex materiâ illegitimâ, hoc est, indispositâ & dissimili materiæ aliorum ossium simularium. Ex quolibet ligno non fit Mercurius. Agens naturale disponit materiam priusquam formam introducere potest. Materia sic disposita legitima quoque necessaria est. Materia autem ossium protuberantium manifestè est disposita; aliter enim non reciperet actu formam ossis specificam. Porro quòd à facultate nutritiva hi ossium tumores generentur, etiam evidens est, quòd nulla alia in corpore nostro detur vis ossifica præter illam nutritivam facultatem ossibus ipsis insitam, & quòd tumores hi generentur & augeantur per intus assumptum alimentum, & ab ipsis ossibus

ofsibus afsimilatum ; licèt fortè respectu totius ofsis hæc alimenti receptio sit inæqualis, causâque sufficiens erroris nutritivæ facultatis, quo ex una parte plenius atque in tumorem, ex aliâ parcius ista ofsa augeantur.

C A P. VII.

Secundariâ hujus morbi essentia.

ABsolutis primâ ac radicali hujus morbi essentiâ, tùm partibus primò affectis, examinanda jam porrò venit essentia, si quæ sit secundaria, quæ nempe morbum hunc immediatè consequitur. Atque hîc in memoriam revocanda est triplex constitutio superiùs asserta, *Naturalis, Vitalis, Animalis*, & per hæc singulas constitutiones procedet examen. Et primò quidem consideremus naturalem constitutionem. Hanc suprà consistere docuimus in Temperamento, qualitatibus communibus, copiâ & dispositione spirituum insitorum, in organizatione, & continuitate : Et quidem in temperamento & copiâ ac dispositione spirituum insitorum primam morbi essentiam fundari adstruximus : reliquæ autem partes hujus constitutionis, putà, qualitates com-

communes, organizatio, & continuïtas superſunt adhuc percurrendæ.

Per *qualitates communes* eaſdem propè intelligimus quas alii nonnulli modos materiæ, alii qualitates ſecundas appellare conſueverunt. Vocamus autem has *communes*, quòd nulli ſoli elemento aut formæ adſtringantur, ſed quodammodo expatiantur per omnia corpora eaque ferè plùs minùsve afficiant. Ejusmodi ſunt, Denſitas, raritas; conſiſtentia, fluiditas, tenacitas, friabilitas; laxitas, tenſio; (ſeu potiùs tenſitas, ut diſtinguatur habitus ab actiōe) flacciditas, turgeſcentia & rigiditas; mollities, durities; lævitas, aſperitas. Sed animus non eſt ſingulas qualitates communes exactè enumerare, neque etiam jam citatas ulteriùs proſequi, niſi quatenus præſens occaſio poſtulerit.

Qualitates communes.

E qualitatibus nonnullis communibus inter ſe complexis videtur *Tonus* partium reſultare. *Tonus* enim *partium* propriè conſiſtit in debito tenore ſive mediocritate inter certas communes qualitates oppoſitas, ut inter denſitatem & raritatem, &c. Quod ſi reſeſſus fiat à juſtâ mediocritate verſus alterutrum extremorū, tonum plùs minùs vitiari neceſſe eſt. Duo ergò hic circa *Tonum* partium inquirenda videntur: primum, An in hoc affectu *tonus* partium ſit ullo modo vitiatus: deinde an

Tonus partium in quo conſiſtat.

an Toni vitia pertineant ad secundariam huius morbi essentiam.

Quod ad primum attinet, non opus erit singulas partes toni sigillatim percurrere; satis erit eas saltem examinasse, quæ criminis suspectæ videntur.

Laxitas
Toni.

1^o Ergò occurrit evidens *Laxitas Toni* in hoc affectu: differt autem hæc Laxitas tum ab infirmâ cohærentiâ partium, tum à Paralyticâ resolutione. Nam infirma cohærentia sive labefactata tenacitas partis faciliè quidem fit *occafio* laxitatis, cum partem tendi vix ferat, at verò potest pars simul & laxa & satis esse tenax, ut in fidium chordis videre est, quæ remissæ laxantur, servatâ interim tenacitate suæ substantiæ. Et frequenter in dissectis observavimus partes ipsas laxas satis fuisse tenaces, idque aliquoties in hoc ipso morbo. Quare distincta qualitas est hæc laxitas à vitiatâ partis tenacitate. Neque etiam minùs differt ab illâ resolutione partium quæ occurrit in membris Paralyticis. Etenim Paralysis consistit primò in læsâ constitutione animali: hæc verò laxitas radicatur in constitutione naturali. Neque enim hic adest vera Paralysis sive respectu motûs, sive respectu sensûs partium; neque etiam cerebrum primariò hic affectum est, ut suprà demonstravimus. Porro quòd in hoc affectu adsit laxitas nimia partium primò affectarum

adeò

adeò manifestum est, ut supervacaneum ducamus id ulteriùs comprobare. Nam & ipsis sensibus obvia occurrit, & propterea eam infrà inter morbi signa retulimus. Sive enim sit pars essentiae sive secus, modò in sensum manifestè occurrat, rationem signi induit respectu aliarum partium essentiae à sensu remotiorum.

II^o In hoc affectu non tantum *laxitas* in Flacciditas Toni adest sed & *flacciditas*. Qualitas autem hæc aliquid amplius comprehendit ultra meram & simplicem laxitatem: connotat enim insuper inanitionem quandam unde partes in se quasi subsidunt. Talis autem inanitio & subsidencia partium primò affectarum in hoc morbo sensu quoque dignoscuntur, ut ulteriori probatione non sit opus.

III^o. *Mollities* quoque in Tono partium Mollities Toni primò affectarum in hoc morbo nominari potest. Equidem contingit interdum ut mollities cum prædictis qualitatibus non coincidat; sed quid aliud includat aut excludat, ut in Tumore suppurato adest mollities, sed absque laxitate toni, inanitione aut subsidentiâ. In dato etenim casu mollities dependet maximè à terminationis modo & læsâ tenacitate partium. Ast in hoc affectu ferè coincidit cum laxitate ac flacciditate antè memoratis, ut non opus sit eam accuratiùs quàm nomine tenus distinguere.

Lubricitas
interna.

IV. Accidit insuper & aliud vitium in Tono partium primò hoc morbo affectarum, & est nimia *Lubricitas interna*. Miretur fortè aliquis quid sibi velint illa verba, *Lubricitas interna*. Fatemur equidem nos defectu vocabulorum coactos esse hanc appellationem fingere. Enimvero cùm in natura ejusmodi qualitas re vera existat quæ hæcenus & à Philosophis & à Grammaticis neglecta nomine caruit, eam nos nobis libertatem sumimus, ut propter magnam affinitatem, quam cum superficiali corporum lubricitate habet, nomen idem cum distinctivo *internæ* Epitheto adscripserimus. Duplicem ergò in corporibus naturalibus, agnoscimus lubricitatem; Alteram *externam* & superficialem, quæ quidem consistit in lævore & æqualitate superficiei, cujus ratione subjectum ejus alia corpora quæ contingit facillè sine multâ attritione ac renitentiâ præterlabitur. Atque huic lubricitati contraria est asperitas superficialis. Sed hæ duæ qualitates huc non spectant, cùm sint organicæ, neque ullo modo ad Tonum partium pertineant. Altera lubricitas, cujus mentionem facere occœpimus, consistit in *interno* illo, profundo, & similari lævore & æqualitate corporis, cujus ratione tota subjecti ejus substantia facillè alia corpora intro-subeuntia sine multâ attritione ac renitentiâ præterlabitur.

Et

Et huc quoque lubricitati datur interna asperitas contraria. Quod autem detur talis lubricitas interna & similis, ut et asperitas ei opposita innumeris ferè instantiis facilè monstrari potest. Etenim mucilagines *penè* omnes lubricæ sunt, idque non tantùm quoad extimam superficiem, sed & intus & universam substantiam in qualibet earundem particulâ; adeò ut, secundùm definitionem corporis similis, quælibet particula ratione hujus qualitatis sit similis toti, ideòque qualitas hæc interna est & similis, pèrque totam intimam subjecti substantiam diffusa. Similiter asperitas ejusmodi similis & interna observari potest in fructibus immaturis, per totam nempe earum substantiam carnemque internam protensa. Adeptâ verò justâ maturitate in locum jam dictæ asperitatis plerumque succedere solet lubricitas talis qualem modò descripsimus. Notandum hîc venit, corpora hæc internè seu similariter lubrica, si fortè illinentur superficiebus corporum aliàs asperis, lubricitatis quendam gradum, quamdiu adhærent, iis eatenus conciliare; similiter eadem intus assumta ut succos, lubricos, mucilaginem althææ, &c. lubricitatem quandam internis corporis meatibus communicare; quin non tantùm meatibus cavitates internas spectantibus, sed plus minùsve ipsi substantiæ partim corporis si-

Afferitur
ejusmodi
lubricitas

milari, quam ipsam quoque sanguis lubrico isto succo imprægnatus perluit.

Ea multiplex est.

Est autem hæc interna lubricitas multiplex. *Oleosa* seu *pinguis*, *Aquosa*, *Spirituosa*, *Salina*, & fortè *terrestris*. *Oleosa* maximè conspicua est in pinguedine animalium imprimis juniorum, & in oleis multis expressis, præsertim humidioribus & frigidioribus, ut & temperatis; quemadmodum cernere licet in oleis semin. papav. semin. pepon. 4. semin. frigid. maj. amygd. dulc. lini, & similibus. *Aquosa* non nihil reperitur in ipsâ aquâ simplici, licet ob fluiditatem minùs emineat: item evidentissimè observatur hæc lubricitas in mucilagibus, &c. *Spirituosa* fortè nunquam sola occurrit, atqui cum aquosâ mixta frequentissimè, ut in spermatis omnium ferè animalium, & fructibus maturis. *Salina* quoque simplex rara est, quamvis eam sal tartari inesse quis contendat. *Salina* autem mixta frequens obvia est, ut in sapone & sale tartari cum aqueis & oleosis soluto. *Terrestris* (etiam mixta) vix observatu digna est, nisi quatenus concurrat ad aliqualem fluidorum inspissationem, ut in luto argillaceo & terrâ fullonum solutâ. Verùm nos hìc maximè respicimus ad lubricitatem aquosam ut quæ sola in affectu, de quo agimus, criminis rea esse potest.

Talem lubricitatem in hoc affectu, occurrere.

Atque hæc in genere de lubricitate interna
seu

seu simili sufficiant. Inquirendum jam porro restat, utrum partes primò in hoc morbo affectæ internâ seu simili lubricitate aquosâ ultra debitam proportionem afficiantur. Et primò quidem videtur omnino verisimile adesse talem nimiam lubricitatem in partibus dictis, quòd humiditas in iis nimium abundet, quæ lubricitati dictæ semper favet, sive cum calore sive cum frigore conjungatur. Nôrunt omnes spermata animalium quantò magis humida sunt quam animalia ex iis producta, tantò quoque magis esse lubrica: similiter carnes animalium juniores præ senioribus magis esse lubricas. Cùm itaque adeò intimè connectantur humiditas atque hujus generis lubricitas; cùm etiam in partibus primò affectis manifestum sit nimiam adesse humiditatem, facilè certè concedi potest in iisdem partibus lubricitatem unâ nimium abundare. Atque ad hoc non parùm facit torpor spirituum in hisce partibus. Etenim spiritus ubi exaltantur nonnihil acrimoniæ & asperitatis contrahunt, ut cernere licet ex collatione musti cum vino vinoso veteri aut cum spiritu vini vel aquâ vitæ. Musti quippe spiritus verè dici possunt torpidi ac sopiti, si conferantur cum spiritibus vini veteris, & quantò sunt torpidiores, tantò quoque plus lubricitatis, tantòque minus acrimoniæ ac asperitatis in se continent.

Unde patet torporem illum spirituum in partibus primò affectis favere etiam nimiae lubricitati : Torpor enim spirituum in dictis partibus ejusdem ferè gradus est cum torpore spirituum in musto. Et quia in partibus primò affectis spiritus deficiunt, patet hanc lubricitatem esse nimis aqueam lubricitatem. Porro laxitas, flacciditas, & mollietates, huc insuper conspirare videntur. Nam fructus immaturi ut duri sunt, ita dum maturescunt, molliores evadunt, simulque lubricitatem internam acquirunt, similiter relaxantibus balneis laxantur partes, & una magis lubrica evadunt. Item lubrica intus assumpta, ut mucilago althææ, &c. non laxant modò partes, sed & meatus lubricant, unde in calculo cum successu propinantur. Præterea hæc partium primò affectarum lubricitas multum confirmari videtur eò quòd in hisce post mortem dissectis manifesta lubricitas intus tactu deprehenditur, atque ex iis compressis mucilagineus quidem cruor intus eas oblinens digitis emungatur. Tacemus quòd cutis externa ut plurimum in hoc affectu lubrica, rarò aspera ad tactum occurrat. Notatu saltem dignum est, nimis lubrica medicamenta seu exterius admoveantur, seu interiùs assumentur plus damni quàm emolumenti in hoc affectu adferre solere. Atque ita absolvimus priorem
 quæ-

quæstionem de modo, quo tonus partium in hoc affectu vitatur. Sequitur altera ventila- Eam esse partem essentiæ hujus morbi.

An Tonus eo modo quo dictum fuit vitatus sit pars essentiæ hujus morbi?

Supponimus hîc quod quidquid in corpore vitatum reperitur, sit vel causa morifica, vel symptoma, vel morbus ipse; adeoque hic morbus vel simplex, vel compositus, vel compositi pars aliqua, eaque vel primaria vel secundaria.

I^o. Dicimus tonum vitatum supra propositum non esse propriè morbi causam. At- Non causam.
que hoc vix indiget probatione. Tonus enim dictus est constitutio præter naturam in ipsis partibus radicata, quâ ratione evidentissimè à causâ morbificâ propriè dictâ distinguitur. Licet enim morbus alius alterius causa esse possit, non tamen vel tunc, propriè appellatur causa morbifica, sed morbus primarius, alterque, quem producit, secundarius. At verò ubique uterque in unum morbum totalem coalescit, prior erit pars essentiæ primaria, posterior verò pars essentiæ secundaria.

II^o. Afferimus tonum partium descriptum Non symptoma.
non esse meum symptoma. Neque enim is sub excretis & retentis, neque sub actione læsâ, neque sub qualitate aliquâ mutatâ non lædentes actionem comprehendi potest. I^o.

Tonus vitiatum non contineri sub excretis et retentis, vel sub actione læsâ, eâdem operâ probari potest hâc ratione, quòd illa symptomatum generâ nè constitutiones quidem corporis sint; at dictus tonus vitiatu extra controversiam est constitutio præter naturam mutata, quemadmodum suprâ liquidò demonstravimus. 2º. Quòd tonus dicto modo vitiatu non contineatur sub qualitate mutatâ non lædente actionem adeò evidens est, ut probatione non egeat. Nam laxitas & flacciditas motum partium lædit, & lubricitas nimia debitæ irritationi vitalium spirituum impedimento est, ut postea patebit. Objici potest quasdam nudas qualitates mutatas, quæ in genere symptomatum continentur, posse etiam actiones lædere; ut color mutatus in cuticulâ ingratum aspectum intuenti præbet, adeoque deformitatem & defectum debitæ pulcritudinis parit.

Respondemus, colorem mutatum cuticulæ quatenus pulcritudinem ejus (quæ propria cuticulæ actio est) vitiat, in rigore sub notione morbi (in latâ acceptione) cadere. Verùm cum actio hæc cuticulæ sit tantum objectiva & ad extra, & cum is color mutatus nullam actionem internam istiúsque individui lædat, medici, qui in morbi definitione ad actiones internas ejusdémque individui tantum respiciunt, eum è classe morborum

borum solent excludere. Vel si contingat colorem partis vitiatum alicubi lædere actionem internam (quod in solâ corneâ evenire compertum) omnino eum pro morbo cordatiores habent, licet fortè secundariò. Quare, ut in viam, à quâ paullulùm digressi sumus, redeamus, cùm tonus vitiatuſ lædat, ut diximus, actiones internas, non pertinet propriè ad istam speciem symptomatis, quæ qualitatis mutatæ nomine appellari solet.

III^o. Dicimus tonum hunc vitiatum, cùm nec causa sit morbifica, nec symptoma, & tamen sit quid præter naturam, necessariò esse morbum ipsum. Porro idem confirmatur manifestè ex ipsâ morbi definitione. Est enim tonus hic vitiatuſ constitutio præter naturam, actionẽ internam lædens primò seu immediate; est ergò morbus. Cui enim cõpetit definitio, ei & cõpetit definitũ. Quòd sit constitutio præter naturam liquet ex eo, quòd solidis corporis partibus inhæreat. Quod idem quoq; actionem internam lædat, ex eo patet, quòd datis solâ laxitate, flacciditate, & lubricitate partium ultra modum, mox nullâ aliâ accedente causâ debilitetur agilitas, vigórque corporis respectu motûs, segnitieſque quædam in spirituum vitalium irritatione emergat. In agilitate res est manifesta, cùm corpora firma atque tenſa cæteris paribus agilia sint & è contrâ; in segnitie quoque

que irritationis idem evenire, postea suo loco videbimus, si quidem impræsentiarum nihil aliud allaboramus probare, quàm tonum vitiatum in hoc affectu esse morbum.

IV. Dicimus Tonum hunc vitiatum in præsentī affectu non esse morbum quendam simplicem, seorsim & per se existentem, sed ità esse cum essentiâ primariâ in iisdem partibus conjunctum atque compositum, ut tota essentia morbi (de quo agimus) ex pluribus morbis (in se quidem si separatim considerentur, simplicibus) unitis dicatur conflare, adeoque tonum vitiatum esse tantum partem totius affectus. Atque hoc non aliâ indiget probatione, quàm quòd in iisdem planè partibus essentia prima superius proposita, dictusque tonus vitiatus comperiantur. Morbus enim compositus is propriè dicitur, qui ex pluribus simplicibus in eadem parte conjunctis conflatur.

V^o. Afferimus Tonum vitiatum non modò esse partem totius essentiæ, sed talem esse partem quæ nonnihil dependet à primariâ essentiâ, adeoque esse partem essentiæ secundariam.

Priusquam procedamus ad hujus propositionis probationem duo concessa præmittenda sunt.

Concedimus 1^{mo} Tonum dictum in aliis fortè casibus ab aliis etiam causis & immediate

diatè vitiari posse, licèt id non eveniat in præsentì morbo. Nam tonus partium insitus laxari potest primariò in constitutione animalis idque subitò, ut in Paralyfi videre licet. Tensitas enim naturalis (& non tantùm animalis) membri paralytici laxatur, & quidem subitò citràque notabilem alicujus partis primariæ essentiaæ prædictæ interventum. Similiter in Lipothymia laxitas omnibus partibus & languor subitò contingit. In neutro casu possumus laxitatis causam referre ad frigidam ac humidam intemperiem constitutionis insitæ, cùm illa non adeò subitò tam insigniter immutari possit. Quod illi (ut hoc obiter moneamus) considerent, qui qualitates hæc communes semper secundas & à solis primis dependentes esse volunt. Immo è contrà in isto casu observent frigidam ac humidam intemperiem laxitatem eam subitò introductam paullatim postea consequi. Porro quòd ad flaciditatem partium attinet (quæ subsidentiam respicit quâ differt flaciditas à laxitate, ut latius supra ostendimus) ea immediatè produci potest à largis evacuationibus, ut fluxu alvi, sudoribus, similibusque supra modum profusis, nondum insigniter immutato temperamento, quamvis non diffiteamur hoc faciliè & ut plurimùm consequi. Tandem lubricitas interna manifestè à frigiditate separari

ri potest, licet difficulter ab humiditate.

Concedimus II^o in præsentī morbo nè quidem omnimodo Tonum vitiatum dependere ab essentiâ primâ datâ, neque omni ex parte eidem subordinari. Nam I^o qualitates toni hîc vitiatī nonnihil etiam debent cōmunibus causis, scil. tum sibi, tum primæ essentiæ datæ cōmunibus. Nam humectantia nimium, unâ eadēque operâ & humiditatem nimiam, & laxitatem producere apta nata sunt. Similiter ab evacuationibus nimis inopia spirituum & simul flacciditas emergunt. Item à nimium lubricis seu extrâ applicatis seu intro assumtis, aut utrisque, interna lubricitas simul cum intemperie humidâ intenditur. Tanta enim concatenatio est totius essentiæ hætenus propositæ cum communibus causis, ut vix quidquam intendat primam essentiam morbi, quin simul plûs minùs influat in tonum vitiatum.

His concessis, dicimus nihilominus in præsentī affectu maximam esse dependentiam toni vitiatī ab essentiâ primâ hujus morbi superiùs datâ; quo solo respectu, tonum vitiatum ad essentiam secundariam hîc retulimus. Si cui placeat contendere tonum dictum alio respectu clariùs ad essentiam secundariam esse rejiciendam, quòd putet primariam essentiam cujusvis morbi similem necessario & semper fundari in solis primis quali-

qualitatibus ; aut quòd opinetur qualitates in quibus tonus consistit esse perpetuò secundas, easque primas solas (ut umbra solet solem) consequi ; sciat is nos hìc de industrià quæstiones hasce declinasse, nè in enormem digressionem devolvemur.

Restat igitur solùm probandũ magnam esse dependentiam toni vitiati à prima hujus morbi essentiã. Idque per partes satagemus. Incipiemus à laxitate. Concessimus equidem laxitatem interdum subitò posse produci, atque in eo casu humidam intemperiem sæpius eam consequi, nempe ubi laxitas primariò dependet à vitio constitutionis aut animalis aut vitalis ; in præsentì tamen affectu cùm nec constitutio animalis nec vitalis primò afficiantur, necesse est eam ab aliis causis promanare. Porro, ea quidem est conditio laxitatis ac tensitatis, ut subitis alterationibus obnoxia sint. Fila enim barbiti in momento ferè tendi iterumque laxari possunt ; idem quoque fibris partium à nonnullis causis accidit. Verùm in hoc morbo laxitas gradatim ac sensim obrepit ; oportet itaque hìc eam à causã aliquã sensim ac gradatim auctã oriri, regi, ac modificari. Et si ergò modò concessum fuerit laxitatem nonnihil debere communibus morbi causis ; regitur tamen ac modificatur ejus augmentum potissimùm à primaria hujus affectus essentiã.

Dependentia toni vitiati à primâ hujus morbi essentiã.

essentiâ. Nam humectantia licet unâ laxent, vix tamen ampliùs laxant quàm humectant, siquidem maximâ ex parte humectando laxant. Cùm itaque communes causæ hujus morbi potissimùm mediante essentiâ morbi primâ in Tonum influant, & cùm neque constitutio animalis neque vitalis hîc causæ vicem sustineant, rectè inferre licet laxitatem toni maximè dependere à primâ essentiâ hujus morbi. Id ulteriùs confirmatur, quòd in humidâ intemperie ex se insit tendentia quædam corporis ad diffluendum, adeoque ab eâ necesse est laxari fibras partium; præterea defectus spirituum eorundemq; torpor vigorem partis minuendo ejus tonum remissiorem efficiunt. Concludamus ergò in hoc affectu laxitatem morbosam maximè dependere à primariâ morbi essentiâ. Quod ad flacciditatem attinet, quatenus comprehendit laxitatem, ab iisdem causis oritur quibus laxitas: quatenus verò ulteriùs subsidentiam quandam & inanitionem includit, evidenter dependet à defectu & torpore spirituum infusorum; quorum copiâ & vigore auctis flaccescens membrum facillè redditur turgidulum. Interim non negamus quin simul ista subsidentia ex parte dependent ab extenuatione & atrophîâ partium.

Denique quomodo lubricitas à causis hisce proveniat satis à superiùs-dictis manifestum redditur.

Ut tandem huic rei finem imponamus, observare licet in ulteriorem confirmationem eorum quæ jam diximus, eam esse toni morboſi dependentiam ab eſſentiâ primâ datâ, ut pari ferè paſſu per totum morbi decurſum ſimul intendantur ac remittuntur. Etenim in principio Pueri hoc morbo laborantes, tantùm tardiùs incedunt dum parùm adhuc laxatus eſt partium tonus ; in progreſſu vix pedibus aut ſegniter admodum ſe committunt ; deinde ſedentes ſolùm aut geſtati ludunt ; poſtea vix erecti ſedent, demum morbo jam ad ſummum gradum pertingente debile collum vix ſuſtinet capitis onus, ut ſæpe ante obitum cernere licet ; quæ omnia ut eſſentiam morbi primariam gradatim auctam, ità & unâ toni vitia pari paſſu intenſa atteſtantur. Atque ità hiſce omnibus rectè perpenſis, referimus tonum vitiatum ad eſſentiam huius morbi, non primariam ſed ſecundariam, & per conſequens concludimus, quod quidem erat in quæſtione, tonum illum morboſum eſſe partem eſſentiæ huius morbi ſecundariam.

CAP.]

CAP. VIII.

Essentia secundaria hujus morbi in constitutione vitali.

SUPRÀ proposuimus illam partem essentiæ secundariæ hujus morbi quæ fundatur in constitutione naturali insitâ, quatenus comprehendit qualitates communes: adhuc restant ejusdem vitia organica, ut & continuitatis, si quæ talia reperiuntur, examinanda. Verum cum nulla vitia continuitatis propria in hoc affectu occurrant, & cum vitia organica partim ab essentiâ suprâ datâ, partim à vitali constitutione læsâ dependeant, videtur jam proximo loco accedendum ad ipsa vitia constitutionis vitalis.

Constitu-
onis vita-
lis divisio.

Constitutio vitalis commodè dirimitur in *originalem* seu illam quæ influit, & *participatam* seu illam quæ influxu producitur.

Prima ejus
species hu-
jusque
subjectum

Constitutionis vitalis originalis subjectum sunt ipsi spiritus in sanguine arterioso excitati. Dices cor potius videri esse subjectum hujus constitutionis. Atqui aliter se res habet. Ipsum enim cor per arterias coronarias recipit vitales spiritus cum sanguine arterioso è sinistro suo ventriculo delatos: absurdum autem est statuere cordis parietes esse primum subjectum caloris vitalis, & interim

terim illas eundem ab arteriis accipere. Dicendum ergò solidam substantiam cordis esse quidem primum præcipuumque subjectum suæ constitutionis naturalis & insitæ; sed cum ipsa recipiat vitales spiritus (ut dictum) non potest censeri subjectum primum constitutionis vitalis, quæ per istos spiritus ei imprimitur, diutiùsque non permanet quàm cordis substantia spiritibus vitalibus perfunditur. Neque enim ullibi absque spiritu vitali subsistere potest vita. Quare substantia cordis eatenus de vitali constitutione participat, quatenus alluitur spiritibus vitalibus; & per consequens constitutio illa in cordis substantiâ non est originalis & influens, sed participata seu ex influxu producta. Hoc etiam eo confirmatur, quòd vitalis calor sanguinis in cavitatibus seu ventriculis cordis (qui calor pars saltem est constitutionis vitalis) longè intensior ac major est quàm in ipsis parietibus cordis; ut quivis in vivis animalium dissectionibus vulnerato cordis ventriculo immissoque mox digito observare potest. Longè enim auctiorem calorem sentiet in sanguine, quàm in ipsâ ventriculi substantiâ quomodocunque tractatâ. Adhæc constitutio vitalis quid transiens est & in ipso motu ac fieri consistit; in spiritibus ergò mobilibus & evanidis (quales sunt vitales in sanguine arterioso contenti) radicatur. Etenim

nim abscisso aliquo membro in momento
 ferè extinguitur vita, & per consequens vita-
 lis constitutio; naturalis autem (ut suprà
 monuimus) aliquandiu (licèt non ità exaltata
 quemadmodum ubi vitalis superest) post
 mortem permanet. Et tollitur quidem subito
 vita vitalisque constitutio in prædicto casu
 non à causâ aliqua positiva contrariâ, sed à
 purâ putâ privatione causæ conservantis ac
 continentis. Hoc confirmatur evidentissimè,
 quòd subito intendatur, remittatur, & alte-
 retur constitutio vitalis in omnibus partibus
 pro modulo constitutionis vitalis excitatæ in
 ventriculis cordis. Sic in Lipothymiâ, defici-
 ente corde, subito vita partium languet; ast
 ubi per spiritum aliquem cardiacum ventri-
 culi cordis spiritibus aliquantùm refectioni sunt,
 mox vitalem constitutionem in omnibus par-
 tibus subito nonnihil reparari cernimus.
 In suppressione anhelitus subita mors sequi-
 tur intercepto torrente vitalis sanguinis à
 dextro ad sinistrum ventriculum. In venæ-
 sectione aut aliâ aliquâ sanguinis nimîâ pro-
 fusione ex solo defectu spirituum vitalium
 Lipothymia contingit. Cum itaque consti-
 tutio vitalis in quibusvis partibus solidis sit
 transiens & evanida, & cum ea dependeat à
 proportionem spirituum vitalium in eas è ven-
 triculis cordis influentium, rectè inferre licet
 eam in solidis partibus non esse originalem
 sed

sed participatam. Verùm in ipsis spiritibus vitalibus, quorum ministerio vitalis constitutio universis partibus impertitur, oportet sit originalis: nullum enim aliud originale ejus subiectum in corpore invenire est.

Concedimus tamen solidam substantiam cordis per suam constitutionem naturalem (vitali præsertim irrigatam) esse adjuvantem causam excitationis vitalium spirituum in sanguine ventriculis suis concluso, licet non sit primum subiectum ejusdem vitalis constitutionis, quemadmodum modò abundè probavimus. Atque hæc impræsentiarum in genere sufficiant de utraque vitali constitutione, originali & participatâ, & ad probandum illam propriè spiritibus vitalibus, hanc solidis partibus ut immediatis subiectis inhærentiæ esse attribuendam. Examinanda jam restant tria vitiorum genera ad hanc constitutionem pertinentia: quorum duo priora spectant originalem, tertium spectat participatam. Primum vitium ad generationem vitalium spirituum; secundum ad eorum distributionem; tertium ad participationem constitutionis vitalis pertinet. De quibus ordine proposito inquiremus.

CAP. IX.

Vitiata generatio spirituum vitalium in hoc morbo; & an id vitium sit pars ejus essentiae secundariae?

Vitales spiritus primò excitantur seu generantur intra ventriculos cordis, nempe in ipsa massa sanguinis, & propriè sanguinem arteriosum à venoso discriminant. Foveantur autem & conservantur jam geniti intracavitates arteriarum, dum in habitum partium distribuuntur. Immo non tantum in arteriis foveantur, verum & in illis rectè dispositis fortè nonnulli novi (quamvis minùs efficaciter quàm in corde ipso) excitantur.

Hoc Præmonito,

Statuimus 1º in ipsâ substantiâ cordis nullum occurrere vitium generationi spirituum vitalium repugnans quod propriè pars sit essentiae vel secundariae hujus morbi. Nam cor ipsum ex parte suâ rectè in hoc morbo suo officio fungitur, & si quid imperfectum accadat in generatione spirituum vitalium, non cordi propriè, sed ineptitudini materiae ad formam spirituum vitalium subeundam adscribendum est. Quemadmodum nempe ingestus cibus,

fi

si crudior sit quàm par est, frustrare potest perfectionem coctionis, sano alioqui existente ventriculo, ità & ineptus sanguis ad cordis ventriculos delatus actionem cordis ut ut ex se integram, quoad effectum tamen & opus imperfectam reddere potest ; in quo casu vitium non cordi ipsi, at materiæ indispositioni jure meritòque attribuere solemus. Dicas, Febrim cum hoc morbo aliquando complicari ; & tum quidem ipsum cor ineptè vitales spiritus generare. Verùm febris illa morbus est diversi generis, nullòque modo aut totum aut pars essentiæ hujus.

II^o. Dicimus Arterias minores in partes primariò affectas insertas, re ipsâ nonnihil ex viciniâ & contactu ab iis refrigerari & torpore affici, adeoque spiritus vitalis in se contentos ineptè conservare, unde eorum constitutio vitalis nonnihil imperfecta redditur priusquam in partes ipsas effunduntur. Atque hoc Arteriolarum vitium bono jure ad vitalium spirituum generationem adscribi videtur. Etsi enim non sit arteriarum munus spiritus vitales secundùm primarium vocis sensum generare ; eo ipso tamen quòd jam genitos conservare teneantur, tali nimirum conservatione quæ continuatam quandam eorundem generationem quodammodo includit, earum vitia hoc respectu ad vitalium spirituum generationem rectè referri possunt.

Nam vitalis constitutio (ut suprâ ostendimus) affectio quædam transiens est, quæ, dum durat, est quodammodo in continuo fieri, quæque instar flammæ, ubi continua ejus reparatio suppressa est, subito extinguitur. Propterea sunt Arteriæ quasi cor continuatum omnibus corporis partibus, quibus spiritus contentos effundunt ; & quæcunque spirituum vitia ante eorum in habitum partium effusionem accidunt, cum ea necessario ad originalem constitutionem vitalem spectent, neque alioquin ad spirituum distributionem adscribi possint, ad ipsam eorundem generationem referenda sunt, generationem scilicet quasi continuatam in arteriis, quæ continuè à momentanea extinctione præservantur.

Porro hoc vitium vitalium spirituum est constitutio vitalis & originalis læsa, & cum sit quid præter naturam, actionem primò lædens, à quo emanat constitutio participata similiter læsa, cumque dependeat merè ab essentiâ primariâ superius dictâ & in iisdem partibus complicitur, pars erit essentiæ secundariæ hujus morbi.

III^o Dicimus materiam vitalium spirituum, *viz.* sanguinem venosum suis spiritibus naturalibus imprægnatum in circuitu redeuntem à partibus primò affectis versùs cor, nonnihil ab iis ineptum reddi ad formam vitalis

talis spiritus admittendam. Etenim necesse
 est sanguinem dum partes intemperie frigidâ,
 penuriâ ac torpore spirituum infitorum labo-
 rantes transit, afficiatur quoque indè aliquali
 frigiditate, torpore, & fortè crassitie ac visci-
 ditate ultra debitum naturæ gradum. Nam
 quemadmodum sanguis suas qualitates par-
 tibus, quas permeat, nonnihil imprimit; ità
 vice versâ partes ipsæ suas quoque sanguini
 transfluenti quantum possunt impertiunt. Sed
 & hîc unâ concedendum est impressam hanc
 à partibus primò affectis indispositionem
 (præsertim ubi levior est) in reditu ad partes
 internas, priusquam cordis ventriculos attingat,
 à calore earum multum corrigi, & interdum
 omnino superari; vel si quid supersit
 istiusmodi contractivitii, aboletur id ferè semper
 in totum longitudine itineris ante sanguinis
 reditum ad sinistrum cordis ventriculum,
 dum per dextrum & parenchyma Pulmonum
 delabitur. Hoc etiam vel hinc confirmatur,
 quòd si persisteret indispositio ista
 donec sanguis ad sinistrum ventriculum rediret,
 tota massa sanguinis arteriosi crudior &
 imperfectior foret; & cum ab Aortâ ad omnes
 partes sanguis hic imperfectis spiritibus
 vitalibus refertus transmitteretur, omnes partes
 corporis plus minus afficeret, quod rarissimè
 in hoc morbo observatum. Caput enim,
 multaque viscera, utcunque ex his ali-

qua solito majora reperiantur spiritu, spiritu tamen vitali integro irrigari videntur. Sed etsi, ut diximus, levior sanguinis indispositio corrigatur ante reditum in dextrum ventriculum, ubi tamen gravius vitium ei inuritur, non planè ex omni parte superari potest, unde Pulmones in hoc morbo sæpius gravissimis malis affliguntur: Enimvero, cum sanguis minùs spirituosus adeoque minùs permeabilis, frigidiorque ac crassior aut viscidior continuè per Pulmones trajicitur, vix fieri potest, quin is tractu temporis debiliores Pulmonum partes plùs minùs inficiat & obstruat, unde difficilis respiratio, tussis pertinax, tumores duri, inflammationes, abscessus, phthisis, proveniunt; febres quoque tum erraticæ tum hæcticæ hinc ortum suum ducere possunt. Verùm cum labes ista à partibus primò affectis repentè introducatur, credibile est eum (etsi pulmones sæpe ut diximus ab eo afficiantur) antequam sanguis ad ventriculum sinistram pertingat plerumque superari. Atque hinc ratio reddi potest cur caput partesque vicinæ satis floridæ conspiciantur, quod nempe in illis neque naturalis neque vitalis constitutio sensibilibiter læsa sit, cum spiritus vitales perfecti in sinistro ventriculo geniti & ab eo distributi floridum istum colorem in facie excitent; cum è contrà pulmones sæpe supradictis vitiis laborent

borent nondum superato sanguinis vitio antequam dextrum ventriculum & venam arteriosam subeat.

Porro imperfecta hæc productio vitalium spirituum in dextro ventriculo cordis ob sanguinis venosi affluentis cruditatem pertinet omnino ad essentiam secundariam hujus morbi, ejusque pars est censenda. Nam est constitutio vitalis vitiata, à quâ in Pulmonibus actiones læduntur, & dependet planè ac omnimodo ab essentiâ primariâ datâ, neque iuterim subsistit in solidâ cordis substantiâ, ut eo nomine novi morbi nomen mereatur.

Hic obiter notamus, Practicos in curatione hujus affectûs semper remedijs suis admiscere illa quæ Pulmonibus prospiciant, nec præter rationem; cùm è modò dictis liqueat quanto in periculo continuè id viscus versetur. Atque hæc sufficiant de vitiis in generatione vitalium spirituum; sequuntur jam vitia distributionis eorundem.

CAP. X.

Vitiata distributio vitalium spirituum in hoc affectu; & an sit pars essentiae ejus secundariae?

Vitia distributio-
nis tria.

Vitiata hac distributio videtur in tribus consistere; nempe in ejus *imminutione*, *tarditate*, & *inequalitate*. Distributio sanguinis & spirituum imminuta, ut & tarda, in una aliqua parte (& fortè in omnibus primò affectis) deprehendi potest; *inequalitas* verò in una aliqua observari minimè potest, cùm ea resultet ex collatione variae velocitatis ac tarditatis, magnitudinis ac parvutatis torrentis sanguinis respectu aliarum atq; aliarum partium. *Imminutio* ac *tarditas distributionis*, cùm ab iisdem ferè causis in praesenti morbo dependant, simul tractari possunt, & cùm istae differentiae simpliciores sint inaequalitate, earum tractatio meritò praemittenda videtur.

Circuitum
sanguinis
non esse
difficilem
in hoc
morbo.

Primò autem concedendum est transitum sanguinis per partes primò affectas non admodum difficilem esse in hoc affectu. Licet enim frigida intemperies, inopia ac torpor spirituum, videantur difficulter admittere sanguinis transitum per partes istis qualitati-
bus

bus affectas; revera tamen aliæ qualitates conjunctæ, putà humiditas, laxitas, flacciditas, mollities ac interna lubricitas, tantum ad minimum possunt ad facilitandam quantum prædictæ ad impediendam ejus permeationem. Immo, si justa instituatur æstimationem, fortè plus possunt. Verum id hìc non asserimus, majorem solùm transitus difficultatem pernegamus. Enimvero, si libeat componere corpora mollia cum duris, laxa cum strictis, humida cum siccis, lubrica cum asperis, facilè in illis percipere licet circulationem sanguinis longè esse expeditiorem quàm in istis. Atque hoc manifestum est in junioribus animalibus in quibus priores dominantur qualitates. In recens-natis licèt cor tenellum sit, arteriæ minùs firmæ, virtus pulsfica adhuc imbecillis, circuitus nihilominus sanguinis promptè & facilè exercetur, quæ in senioribus non sine validiori pulsu nixuque cordis & arteriarum peragitur. Deinde, Hippocratis & Galeni sententiâ, puerorum corpora maximè sunt permeabilia, ob humiditatem scilicet, laxitatem & mollietiem. Præterea, si attendamus ad formationem pulli intra ovum, res reddetur oppidò manifesta. Post paucos ab incubatione dies, cor pulli evidenter pulsare cernitur, sanguinisque sui circuitum inchoare. Quod si tunc temporis consideremus fragilitatem ipsius cordis,

cordis, & quàm infirmè ejus partes inter se cohæreant dum interim circulationem sanguinis suo modo peragit, necesse est concedamus in istâ informi massâ humiditatem, mollitiem, internâmque lubricitatem motum istum facilitare. Objiciat fortè aliquis in modò citatis casibus libertatem & promptitudinem circulationis sanguinis non tam ab humiditate, mollitie & lubricitate, quàm à spirituum insitorum copiâ dependere. Nam in cachexia, morbo virgineo, hydrope, carnes satîs molles sunt, humidæ & fortè lubricæ, cùm interim circuitus sanguinis satîs difficilis sit. Respondemus, revera illâ corpora quæ ex inopiâ spirituum insitorum tenera & mollia redduntur, aptiùs cæteris paribus circulationem sanguinis admittere. Verùm non simpliciter verum est, corpora magis spirituosâ semper faciliorem circuitum sanguinis obtinere. In Piscibus enim sanguis longè faciliùs circuitum suum obit quàm in animalibus terrestribus, ut liquet ex tenerâ & fragili constitutione eorum cordis & arteriarum; li tamen minori copiâ spirituum insitorum gaudent. At quia perpetuò in aquis degunt, humidiores ac magis lubricæ sunt eorum carnes. Unde evidentissimè patet quanti momenti ad circuitum sanguinis facilitandum sit interna lubricitas & humiditas. Porrò quod attinet ad cachexiâ & morbo

morbo virgineo laborantes, concedimus quidem in iis circuitum esse difficilem; non tamen solum ob defectum spirituum insitorum, sed & ob pertinaces obstructions in universo corpore existentes. Quare concludendum videtur non obstante frigidâ intemperie, inopiâ, ac torpore spirituum, quæ ad difficultatem circuitûs faciunt, modum tamē ei ab humiditate, mollitie ac lubricitate interna adeò imponi, ut ad justam, si non nimiam, facilitatem circulatio sanguinis reducatur. Sed si tanti momenti sint humiditas, interna lubricitas & mollities ad facilitandum sanguinis circuitum, videtur certè distributio ejus per partes affectas celerior non tardior expectanda. Respondetur facilitatem transitûs sanguinis opponi tarditati motûs, aut parvitati ductûs. Potest enim motus facilis simul tardus esse, & in ductu quoque parvo. Verum facilitas hîc directè opponitur difficultati, sive luctæ & labori qui in hoc casu, si circuitus esset difficilis, accideret arteriæ, dum sanguis permeat. Quod autem arteriæ in partes primò affectas parùm laboris in sui sanguinis circuitu exequendo subeant, Paulò post demonstrabitur; hîc tantùm asserimus facilitatem transitûs sanguinis non satis arguere vel motûs celeritatem, vel ductûs amplitudinem. Enimvero duæ potissimum causæ concurrunt ad accelerandû decursum san-

Duæ
causæ
celeritatis
circuitûs
sanguinis.

sanguinis per habitum partium. Altera est aptitudo partis recipientis, sive ejus per quam sanguis permeare debet, atque hæc causa merè passiva est & ignava; altera est impulsus tum cordis & arteriæ, tum ipsius sanguinis arteriosi se expandere annitentis. Hæc causa activa est ac vegeta; cessante quippe hoc impulsu, distributio sanguinis mox omninò cessaverit, utcunque aliàs supponatur transitus facillimus. Patet ergò impulsum hunc esse principem atque activam causam tum celeritatis ac tarditatis, tum quantitatis distributionis sanguinis. Quapropter causæ illæ quæ impulsum hunc quovis modo aut promovere aut retundere queunt, accuratiùs hîc veniunt examinandæ: ab his enim dignoscere licebit utrùm reipsâ distributio sanguinis in partibus primò affectis sit parcius aut tardior debito.

Quatuor
causæ im-
pellen-
tes
sanguinē.

Ad incitationem impulsus dicti hæ causæ potissimùm concurrunt. 1^o. *Copia & activitas vitalium spirituum in sanguine contentorum.* 2^o. *Cordis integra virtus.* 3^o. *Arteriarum robur, calor, & magnitudo debita.* 4^o. *Irritatio tum cordis tum arteriarum sive extrinsecus sive intrinsecus facta.* Has ordine percurramus; ut qualiter se in præsentī affectu habeant innotescat.

Prima.

1^o. Quod ad *copiam & activitatem vitalium spirituum* attinet, suprà monstravimus in hoc morbo

morbo frequenter excitari spiritus vitales imperfectos in dextro ventriculo cordis: cum ergò sanguis hisce imperfectis spiritibus imbutus in pulmones impellendus sit, necesse est distributio illic ob defectum activitatis spirituum aliquantum ignavior ac parciore sit. Deinde cum sanguis vitalis, ut suprà quoque monstravimus, in arteriis, quæ in partibus primò affectis terminantur, nonnihil refrigeretur, necesse est transitum ejus per dictas partes seigniorum quoque esse & diminutiorum.

IIº. *Virtus cordis*, nisi fortè per accidens ex complicatione alius morbi, vix solet in hoc morbo observari læsa. Secunda.

IIIº. *Arterias* quod attinet, non possumus defectum notabilem in eorum robore accusare. Atqui in calore tum magnitudine eorum manifestè occurrit vitium. Iº in calore. Arteriæ in partes primò affectas insertæ, necessariò ab illarum intemperie frigida, simili quoque intemperie nonnihil afficiuntur. Nam cum intemperies partium primò affectorum activa sit diùque permanens, fieri non potest quin plùs minùs conformem qualitatem in partes adèò vicinè connexas introducat. Etenim agentia naturalia corpora quæque intra sphæram suæ activitatis posita maximèque illa quæ proxima sunt, assimilare satagunt. Si quis autem ambigat an Tertia.

an ista arteriarum frigiditas retardare ac imminuere possit sanguinis per partes primò affectas decursum, consideret frigiditatem ex se inimicam esse cuivis motui. Frigoris quippe suâ naturâ est sedare impetus, densare, ignaviam, somnolentiam, stuporem ac immobilitatem inferre, atque ubi intensior est, congelare ac mortificare partes. Necesse est ergò remoram injiciat torrenti sanguinis per partes eâ qualitate affectas transeunti. Præterea observavimus sæpius in venæ sectione frigente membro sanguinem tardiùs ac porciùs effluxisse; calefacto verò eo, aut frictione aliòque motu aut medio excitato pulsu sanguinem liberaliùs egressum esse. Adhæc frigida admota manifestè conferunt ad sistendum sanguinem è quacunque parte præternaturaliter erumpentem, ut è contra calida eundem proritant.

Objici potest ab externo frigore sæpe intendi pulsum; ut ex contrectatione nivium videmus non modò pulsum, sed & calorem auctum in manibus tractantium.

Respondemus frigida per se semper movere transitum sanguinis per habitum partium; ex accidente verò si quæ tandem provocent (quod indicto casu contingit) arteriarum pulsus ad fortiores ictus instituendos, posse circuitum sanguinis eatenus intendere. Verùm in præsentī morbo id nullatenus contingit.

git. Quippe, (ut suprà ostendimus) circuitus sanguinis in hoc affectu, utcunque imminuitur aut retardetur, manet satis facilis & expedita, neque indè ulla irritatio pulsûs exurgit, ut paullò pòst clariùs videbimus. II^o In magnitudine arteriarum defectus quidam notatur. Nam cum ex modò-dictis liqueat arterias ad partes affectas delatas nonnihil frigidiores fieri debito, facilè credere licet eas simul graciliores reddi; sic in membro quovis refrigerato cernimus venas & arterias solito esse exiliores; & negari non potest actuale frigus semper coarctare vasa. Sed & plus quàm probabile est potentialem quoque frigiditatem (qualis fortè potiùs dicatur esse illa quæ est intemperiei insitæ) venas & arterias exiliores reddere. Sic videmus frigidas complexionēs, tum frigidās & humidās, minores venas ac arterias obtinere quàm calidas. Obesa corpora, foeminæ, pueri, strictiora vasa quàm macilenta, viri, adulti, possident. Præterea calor ipse expansiva qualitas est, ut ampliora, frigus contractiva est, ut angustiora vasa præstet. Denique observavit è nobis aliquis in hoc ipso affectu se aliquoties deprehendisse, in dissectis post mortem, venas ac arterias ad partes quidem primò affectas tendentes graciliores debito; verùm arterias carotides & venas jugulares improporcionatè ampliatas: & credibile est hoc perpetuò ob-

servari potuisse, si in mentem disseccantium hoc ipsum attentius contemplari venisset. Sed hoc non peremptoriè asserimus, ast ulteriori inquisitioni relinquimus. Interim cum ex dictis satis pateat circuitum sanguinis in partibus primò affectis esse imminutum, consentaneum quoque rationi est vasa quoque earum esse angustiora. Et cum sinister ventriculus cordis in Aortam tantam effundat quantitatem quæ omnibus partibus sufficiat, cumque tot partes primò affectæ diminutæ istum sanguinem absorbeant, credibile est per alias partes & nominatim per caput ac hepar liberalius solito eum distribui, adeoque vasa harum partium nonnihil dilatari & ampliari: Circa sanguinis in hoc affectu imminutum circuitum, hoc unicum experimentum addimus. Injectâ ligaturâ sive in brachio sive in cruribus puelli hoc morbo graviter afflicti, non ità expeditè venæ ultra ligaturam intumuerunt, neque habitus partis sanguine satur ità turgidulus & coloratus illic apparuit ac in sanis solet fieri. Unde manifestè liquet inferendum esse sanguinis transitum per istas partes esse ignaviorem ac minorem debito. Ut fluvius aggere stipatus citius aut ferius inundat ripam pro variâ velocitate ac magnitudine torrentis; ità hîc quoque contingit. Reditus sanguinis per venas ad interiora vi ligaturæ sistitur; quod si is


rapidus

rapidus esset, brevi replet venas & habitum partium ultra ligaturam, quemadmodum aliàs in sanis accidere videmus: cùm autem segniter admodum ac tardè eas repleat in hoc affectu, statuendum est omnino circulationem sanguinis in istis partibus imminutum esse ac tardum, arteriasque in dictas partes insertas tum frigidiores tum graciliores esse debito, ut satis superque evicerimus arterias partium primariò affectarum laborare vicio in deficiente magnitudine.

IV^o. Quod tandem attinet ad *irritationem* Quarta
cordis & Arteriarum (quæ fortè præcipua causa est multorum in pulsibus differentiarum) manifestè hæc languida & inefficax in arteriis partium primò affectarum deprehenditur. Non animus est impræsentiarum discursum instituere de naturâ, causis, differentiis, & affectis irritationis in pulsibus: in genere tantum notamus eam esse posse vel naturalem, vel violentam; & utramque esse vel universalem vel particularem, simulque oriri posse vel ab extra vel ab intra; denique esse vel nimiam vel deficientem. In præsentis affectûs tractatione satis erit si nonnulla delibemus de irritatione particulari arteriarum, eaque deinde ad præsens negotium accommodemus. Afferimus itaque 1^o Arterias cum nixu quodam sanguinem extundere in substantiam seu habitum partium;

De irritatione pulsuum.

partes verò istum sanguinem recipientes nonnihil contraniti; propter hunc autem renixum arterias ad fortiores nixus seu pulsus instituendos proritari: tantique momenti esse istum renixum ad fortiorem reddendum pulsus, ut ubi renixus languidus est, vix fieri possit ut pulsus sit fortis; ubi verò renixus plusculum intenditur, ita tamen ut nixum arteriarum non planè vincat, pulsus robustior reddatur, modò aliunde non intervenerit impedimentum. Atque hoc variis instantiis illustrare possemus; paucas annotabimus. Hyberno tempore pulsus pleniores, duriores, robustiores, & constantiores sunt quàm æstate. Certum autem est tum temporis partes corporis externas frigore constrictas firmiores & minùs permeabiles esse, adeoque sanguini in suâ circulatione earum substantiam permeare contendenti, fortiùs quàm aliàs eas reniti; unde arteriæ, ubi nihil aliud interveniens prohibet, necesse habent fortiùs se movere, fortiùsque sanguinem impellere, si suo officio in circuitu sanguinis perficiendo defuncturæ sint. Hinc tum irritantur arteriæ istæ nisi planè supprimantur, aut aliunde sopiantur, indèque paullatim fortiores ictus instituunt; simulque à spirituofo sanguine coarctato & pro ampliore loco colluctante plusculum incalescunt, atque aliquantum ampliantur, & nonnunquam victâ nonnihil reni-



renitentiâ sanguinem in partes uberiores ac rapidiore torrente quàm prius effundunt. Hoc ampliùs confirmatur à calore ex contractione nivis adaucto. Licet enim initio mox frigeant manus, paullò pòst tamen plus satis incalescunt, simulque sanguine, quem intensus rubor indicat, suffunduntur. Nam ex contactu nivis primò partes densantur, ac fortiùs circuitui sanguinis resistunt, arteriæ quoque tunc in illis partibus contrahuntur: Atqui, nisi prævaleat frigus usque ad omnimodam spirituum in istis arteriis contentorum suppressionem, & ad ipsarum arteriarum stuporem, aut saltem torporem, arteriæ istæ paullatim irritantur, sanguisque cohibitus fortiùs luctatur pro majori loco, adeoque demum ex luctâ utriusque incalescunt arteriæ simulque ampliantur, & aucto pulsu sanguinem copiosius in partem prius perfrigeratam extrudunt. E contrâ, æstate, ubi minor occurrit in sanguinis transitu renitentia, pulsus flaccidior, languidior, ac mollior contingit. Unde patet defectum debitæ irritationis à languidâ partium sanguinem ab arteriis recipientium renitentiâ profectum, pulsum vigorem imminuere.

II^o Idem adhuc evidentius cernitur in aucto pulsu à motu corporis; nam in motu violentiore omnes ferè muscoli tensi sunt, unde transitui sanguinis plusculum renituntur;

tur; hinc arteriæ ad luctam irritantur, earum calor intenditur, adeoque pulsus frequentiores, fortiores ac pleniores eduntur.

III^o. Inflammatio alicujus partis ut manifestè irritat ejus arterias, ita & vehementiorem pulsationem & liberaliorem sanguinis affluxum in eadem promovet. Idem quoque de dolore dicendum.

IV^o Huc etiam referenda contusio alicujus partis. Nam pars contusa difficilius affluentem sanguinem admittit : hinc irritantur arteriæ, fortius pullant, partemque contusam iis contranitentem in tumorem attollunt. Plurimis aliis exemplis idem demonstrari posset, nisi hæc abunde viderentur sufficere.

De renixu
contra
pulsu.

Notandum porrò est renixum partium in sanguinis ab arteriis receptione factum, satis magnum esse posse, neque tamen satis efficaciter arterias irritare : in quo casu retundit ac remittit potius impetum torrentis sanguinis quàm intendit. Etenim renixus iste per se retundit aut impedit decursu sanguinis per substantiam partium; quatenus verò unà prurit arterias ad fortiores ictus instituendos, per accidens torrentem ejusdem promovet. Quare cogimur hinc in aliam digressionem vel inviti delabi, distinguendo inter renixum partium qui irritat, & eum qui non, vel partium irritat. De priori sufficiant instantiæ
modò

modò allatæ, de posteriori paucas in medium adducemus.

I^o Ergò, datur *renixus planè suppressens torrentem sanguinis*. Talem efficit ligatura fortis, quæ planè intercipit pulsum in partibus ultrà consistentibus, neque tamen arterias citra se irritat, quòd omnem vim arteriæ ultra ligaturam superet, actionémque ejus penitus abrumpat. Idem cernitur in partibus ex frigore demortuis, aliisve de causis sphacelo corruptis; quin fortè in contracturis & schirrhis nonnullisque cicatricibus confirmatis.

Species
renixû .
Prima.

II^o *Occurrit renixus comprimens arterias vel ex compressione arteriarum*. Hic accidit in ligaturâ mediocri. Item in compressione arteriæ à tumore in partibus vicinis aut proximis ut à tuberculo crudo; item in compressione à qualicunque externâ causâ. Multa quæ spectant ad morem decubitûs dextri præsertim & sinistri huc referantur; sic in tumoribus dextrum latus spectantibus sinister decubitus sæpè ægriùs toleratur ob compressionem partium sanarum à tumentibus, &c. Atque hæc compressio, ut ut circuitui sanguinis resistit, non tamen videtur magnopere arterias irritare, quòd non minùs vim ipsam pulsificam intercipiat quàm ejusdem actionem minuat. Quamvis fortè in pulmonibus nonnunquam irriteret ob calorem

Secundâ,

eorum aliàs eminentem, non secus ac fieri solet in partibus dolentibus aut inflammatis.

Tertia.

III^o Datur *renixus ex parte reprimens circuitum sanguinis, sed absque compressione arteriarum, neque tamen in totum eum suppressens, neque admodum arteriam irritans.* Talis occurrit in obstructionibus ab humoribus lentis, frigidis, crassis, humidis, qui, etsi nonnihil liberum sanguinis transitum impedire possint, parùm tamen arterias irritant, quòd unà torporem quendam, aut saltem frigidam intemperiem iis inferant, ut & sanguini in iis contento. Idem ferè dicendum est de membris paralyticis, nisi quòd in his evidentiùs torpor arteriis eorum introducatur, sanguinisque transitus minùs in iis retardetur.

Defectus
irritationis
in hoc
morbo.

Porrò asserimus II^o Partes primò affectas non satìs in hoc morbo irritare arterias, quibus sanguis per eas distribuitur. Nam etsi in hisce partibus, cum ob earum soliditatè, tum ob frigiditatem, concedamus aliqualem renixum, debilis tamen admodum est is segnisque atque parùm irritans. 1^o Quòd in istis partibus cum frigidà conjungatur intemperies humida, quæ per se temperat ac lenit qualemcunque irritationem. 2^o Quòd ad sit inopia insitorum spirituum, qui alioquin, ubi suppetunt, dare & fovere solent arteriarum sanguinisque in iis contenti vigorem.

3^o Quòd istæ partes torpeant, ut hac ratione ineptæ sint quæ arterias excitent. 4^o Quod laxæ, flaccidæ, ac molles sint, adeoque magis pronæ sint facilè recipere quod arteriæ immittunt, quàm eas obnitendo laceffere. Atque arterias non fortiter & cum notabili robore sanguinem in hæc partes protrudere, vel hoc indicio manifestum est, quòd eæ post influxum spirituum & sanguinis, permaneant adhuc laxæ, molles & flaccidæ, cùm è contrà pulsus fortes soleant partes aliàs flaccidas subitò plenas, turgidas ac rigidiusculas reddere. 5^o Quòd partes primò affectæ lubricitatem similem possideant. Quemadmodum enim externa seu superficiaria lubricitas quodvis præterlabi finit sine attritione; ità quoque interna seu similis lubricitas permeationem sanguinis faciliat, ut cum minimâ luctâ ejus circuitus obeatur. Concludendum ergò est arteriarum irritationem in hoc affectu esse deficientem, adeoque segniter admodum & inefficaciter excitari arterias ad pulsum validum efficiendum.

Tandem perpensis omnibus quæ adduximus de causis activis & impellentibus sanguinem in circuitu suo, satis elucescit sanguinis circuitum in hoc affectu, licet satis facilis & expeditus sit, esse tamen diminutum & segnem per partes primò affectas, tum ob ignaviam sanguinis arteriosi in dictarum partium

tium arteriis contenti, tum ob deficientem calorem atque exilitatem istarum arteriarum, tum denique ob earundem inefficacem irritationem. Atque hæc dicta sunt de duobus prioribus vitiis pertinentibus ad distributionem sanguinis in hoc affectu, diminutione scilicet ac tarditate distributionis, restat jam ut breviter expendamus inæqualitatem ejusdem.

C A P. XI.

Inæqualitas distributionis sanguinis in hoc affectu.

Inæqualitas hæc æstimanda est ex collatione magnitudinis ac velocitatis torrentis sanguinis factâ in diversis partibus. Si enim circuitus sanguinis secundum geometricam proportionem sit vel æquè diminutus & tardus, vel æquè magnus & velox, æqualis ille ex scopo præsentis inquisitionis reputandus est: E contrâ, si in aliis partibus minor & tardior, in aliis major & velocior sit, inæqualis & improporcionatus censendus est. Atque hic esto status præsentis disquisitionis.

Ex suprâ-dictis liquet distributionem sanguinis per partes primò affectas esse admodum parcam & tardam. Tantùm ergò restat con-

considerandum an per cæteras partes uberius ac concitatore motu vehatur.

Afferuimus antea radicem hujus mali non fundari in ipso corde, neque cor ipsum præfertim quo ad sinistrum suum ventriculum ex se primò malè affici. Credibile est ergò cor ipsum (nisi fortè alius morbus vel conjungatur vel superveniat) rectè suo officio defungi, sufficientemque sanguinis quantitatem pro unâ vice per quemlibet ictum in Aortam expellere. Cùm ergò diminutè (ut suprà probatum est) sanguis ad partes primò affectas ab Aortâ dispensetur, necesse est superfluum portionem ad alias partes non sic affectas distribuatur. Nam aliàs Aorta non satîs se expediret, nec sanguinem à corde receptum satîs exoneraret, sed à copiâ ejus infarciretur, & opprimeretur, hæcque repletio levi occasione ad sinistrum usque ventriculum cordis redundaret, febrimque accenderet: & agnoscimus quidem ob hanc ipsam causam, inter alias, febrim in hoc affectu frequenter, ac facilè accendi. Verùm cùm illa febris sit alius morbus conjunctus, & ab hoc diversus ac separabilis, & cùm sæpius morbus hic sine febre occurrat; necessariò concedendum est sanguinem, quò diminutiùs ad partes primò affectas distribuitur, eò copiosius ad partes cæteras affundi, saltem tunc, ubi febris abest. Nam cùm ea quantitas sanguinis, ut

Inæqualitas distributionis probatur.

modò

modò diximus, in Aortam excludatur quæ toti corpori sufficiat, & cùm tota ea in varias partes distribuenda sit; sequitur planissimè, quò minùs in unam partem, eò uberius in aliam dispensari.

Atque ità ex dictis percipere licet inæqualitatem distributionis sanguinis ex solâ ejusdem diminutione in partibus primò affectis suprà asserta (probabiliter ad minimum) inferri. Ex diminuto nempe ac tardo decursu sanguinis per partes primò affectas, affluxum ejusdem tum uberiolem & concitatiolem ad partes interiores non sic affectas rectè colligi. Videamus jam an cætera phænomena huc spectantia huic ratiocinio respondeant.

1^o. Manifestum videtur ex suprà-allatis, Caput, Cerebrum, Hepar, cæteraque viscera, non istâ frigidâ intemperie, neque illo torpore ac inopiâ spirituum insitorum laborare, quibus premuntur partes primò affectæ. Nam viscera & partes dictæ non recipiunt nervos suos à spinali medullâ extra calvariâ, ut in eadem conditione cum cæteris partibus involvantur. Porro istæ partes, quantum ex tactu judicare licet, moderatè exteriùs saltem calent; & quantum ex visu, colore naturali ac florido conspiciuntur. Præterea pleniores ac habitiores occurrunt quàm partes primò affectæ.

Adhæc, Pueri hoc morbo afflictî moderatè appetunt,

appetunt, ingesta alimenta non malè con-
quunt, & circa caput sensus obtinent satìs a-
cutos; vident, audiunt, gustant, olfaciunt,
non hebetiùs quàm alii, & quoad ingenium,
sæpe coætaneos superant, nisi aliunde quid
obstet. Quæ omnia collecta satìs superque
attestantur in istis partibus, aut non, aut saltem
parùm admodum dominari vel frigidam in-
terperiem, vel torporem & inopiam spiritu-
um insitorum. His jam concessis necesse est
liberaliorem sanguinis ad dictas partes distri-
butionem unà concedamus. Quod enim ad
calorem attinet, suprà monstravimus eum
tùm ampliare, tum proritare arterias ad for-
torem pulsationem edendam; & copiam
spirituum suprà quoq; monuimus non modò
fovere vim pulsficam arteriarum, vigo-
rèmq; sanguinis in iis contenti conservare,
sed & nonnihil concitare ac irritare utrum-
que, idque eò efficacius, quò minùs spiritus
insiti torpore affecti sunt.

2^o. Nisi istæ partes pleniore circuitu san-
guinis irrigarentur, molliores, laxiores ac
flaccidiores quàm reipsâ sunt, occurrerèt, non
secùs ac partes primò affectæ observantur.
Etenim deficiente aut languente in quavis
parte pulsu, pars statim redditur laxa ac flac-
cida, ut omnibus partibus in Lipothymiâ
contingit. E contrà, ubi pulsus fortis est,
pars, ad quam pertinet, rigidiuscula ac turgi-
dula

dula deprehenditur. Pulsus enim plenior, statim partes prius præ inanitione concidentibus replet ac infarcit, ut solutâ Lipothymia restitutoque pulsu, partes corporis prius languidæ laxæque, non modò benè coloratæ, sed & vegetæ ac turgidulæ redduntur. Cum ergò istæ partes, illâ mollitie, laxitate & flacciditate non affectæ sint, dicendum est eas pleniori pulsu perfundi.

3^o. Ipsa magnitudo harum partium aucta præ partibus primò in hoc morbo affectis testatur eas liberaliùs alimento suo, nempe sanguine (qui commune ac ultimum partium alimentum censetur) irrigari. Etenim vix aliàs ulla ratio sufficiens fingi potest, cur, cum partes primò affectæ emaciatae, hæ pleniusculæ & habitiores (præsertim cerebrum & hepar) inveniantur. Idem & confirmat floridus harum partium color. Pulsu enim in quavis parte languente, nonnihil de nitore coloris in istâ parte mox decedit.

4^o. Observatæ sunt in hoc affectu Arteriæ Carotides, tum venæ jugulares quæ ad cerebrum & partes circa caput pertinent, ampliores; quæ autem vasa ad partes primò affectas feruntur, exiliores debito: unde liquidò inferre licet sanguinem inæqualiter ad istas partes dispensari. Atque hic oramus atque obtestamur eos quibus occurrit oportunitas diffecandi corpora ex hoc morbo defuncta

defuncta, ut accuratiùs velint explorare an arteriæ in partes ossium protuberantes insertæ liberaliùs quoque & commodiùs effundant sanguinem in istas, quàm in cæteras ossium partes parciùs nutritas, & annon istarum partium arteriæ paullo ampliores sint quàm harum. Licet equidem hoc scrutinium, cum ob exilitatem dictarum arteriarum, tum earum insertionis obscuritatem, ut & ossium duritiem, difficillimum esse agnoscamus.

5^o. Juvantia & lædentia huc quoque spectant. Nam frictionibus motu & agitatione variâ corporis, atque exercitiis, corroborantibus illitionibus, similibusque mediis quæ calorem in dexteris membris cæterisque partibus primò affectis suscitant, pulsusque irritant ac quocunque modo augent, unde distributio sanguinis propiùs ad æqualitatem reducatur, manifestè juvantur pueri hoc morbo afflicti; contrariis læduntur. Similiter medicamenta intus assumpta quæ distributionem sanguinis ad partes primò affectas promovent (qualia sunt moderatè calida, benigna & naturæ familiaria, atque ita attenuantia, incidentia & deobstruentia, ut simul spiritus nequaquam dissipent sed foveant augeantq;) conferunt multum ad hujus morbi curationem; contraria verò eundem aut gignunt aut genitum intendunt. His-

ce

ce omnibus consideratis, concludendum est distributionem sanguinis in hoc affectu esse irregularem & inæqualem. Atque ità tandem absolvimus disquisitionem de vitiis in distributione vitalis sanguinis; restant jam si quæ sint, vitia constitutionis vitalis participatæ in hoc morbo examinandæ.

C A P. XII.

Vitia constitutionis vitalis participatæ in hoc affectu.

Diximus suprâ originem constitutionis vitalis in sanguine arterioso, & præsertim in spirituosâ ejusdem parte fundari: sed quoniam partes solidæ quoque nonnihil de naturâ vitæ verè participant, iis vitam participatam, sive constitutionem vitalem participatam meritò adscribimus.

In quibus
consistat
constitutio
vitæ parti-
cipatæ.

Consistit autem hæc *constitutio vitæ participatæ* in tribus,

- 1^o. *In Unionem quâdam sanguinis arteriosi cum substantiâ solidarum partium quas permeat.*
- 2^o. *In calore vitali in istis partibus excitato.*
- 3^o. *In vivificatione & exaltatione constitutionis naturalis, omniumque facultatum naturalium istarum partium.*

I^o Quod

1^o. Quod ad *Unionem illam sanguinis arteriosi* attinet, jure ea prima pars vitæ participatæ reputanda est. Ideo enim partes solidæ de naturâ vitæ, sive de constitutione vitali participare dicuntur, quòd in se vitales spiritus contineant. Neque etenim absque spiritu vitali consistere potest vita. Quando ergò vitalis spiritus in & cum sanguine arterioso ad partes solidas per arterias distribuitur, atque hæc partes istum sanguinem in suam substantiam imbibunt, fit, ut partes dictæ cum spiritibus vitalibus uniantur, sicque eæ de naturâ vitæ participent.

E in pri-
ma pars.

Porrò cum hæc unio non sit permanens sed transiens & in motu consistat, videtur ea in ipso congressu & mutuo amplexu spiritus infiti naturalis & influentis vitalis consistere. Conditiones autem quæ requiruntur ut hic congressus sit naturalis, sunt,

1^o. Ut sit utrinque moderatus, non impetuosus.

2^o. Ut sit utrinque validus, non languidus aut torpidus.

3^o. Ut sit utrinque amicus & gratus, non hostilis & infensus; ut sit tranquillus, non tumultuarius; nec nimis sit lubricus, neque nimis asper.

4^o. Ut non desinat in dissipationem omnimodam spirituum, quin magis in eorundem sedationem aptamque dispositionem pro re-

ditu per venas. Fortè plures istiusmodi conditiones addi possunt ; sed cùm ad hunc affectum maximâ ex parte parùm pertineant, ab ulteriori earum examine hìc supersedemus. Notamus tantùm in hoc affectu congressum mutuum & unionem vitalis & insitæ constitutionis per spiritus suos non contingere cum eo vigore, activitate, & oblectamento utrinque , quibus aliàs perfici solet in sanis. Atque hoc vix eget ullâ probatione, cùm ex suprâ-dictis pateat non tantùm constitutionem insitam partium primò affectarum laborare frigidâ & humidâ intemperie, inopiâ & torpore spirituum, sed & sanguinem ipsum vitalem nonnihil refrigerari ac torpidiorē reddi in extremitatibus arteriarum, priusquam in partes primò-affectas effundatur ; ut necessum sit unionem illam cum sufficienti neque vigore , neque voluptate peragi. Enimvero, ubi spiritus vitales vigorosi cum spiritibus insitis pariter vigorosis congregiuntur, non sine luctâ quadam blandâ & delectante uniuntur. Sive, ut exemplo hoc rem illustremus, spiritus insiti, tanquam sponsa, simul & alliciunt & quodammodo repellunt spiritus vitales qui hìc quasi sponsi personam agunt : verùm vitales spiritus calore suo stimulatì & pulsum vigore impulsì, audaciùs & confidentiùs paulò insitos invadunt, eorùmque fines ac terminos

minos penetrant subeuntque, dum interim spiritus insiti (ut ut modestè quasi renitentes ac reluctantes) non sine voluptate quadam eos excipiunt. Ipsa enim voluptas corporea in luctâ quadam amatoriâ fundatur, princepsque pars ipsius vitæ in istiusmodi concertatione de unione mutuâ utriusque spiritûs consistit. Eo enim fine tum generantur, tum distribuuntur vitales spiritus, ut demum pervadant constitutionem insitam solidam partium, easque suâ vitali virtute profundè imbuant : atqui cum non possint hi ita penetrare sine nixu & renixu, necessario accidit, ut vigor istius luctæ sive nixûs & renixûs major minorque sit pro copiâ, calore, & activitate spirituum inter se concertantium. Quoniam igitur spiritus naturales, tum vitales in hoc affectu nonnihil frigidiores, pauciores, minusque activi sint, necesse est eorum congressum & unionem ignaviolem, minusque debito esse delectantem. Adhæc notandum est in hoc affectu (quod & suprâ latius ostendimus) transitum sanguinis arteriosi per partes primariò affectas nimis facilem esse & lubricum, unde hæc etiam ratione congressus iste & unio spirituum in istis partibus ignavior redditur, minusque jucundus. Præterea exhalationes calidæ, licet revera parcius ut plurimum in hoc affectu excitentur, excitatæ tamen, ob molliem, laxitatem,

tem, internámque lubricitatem partium primò affectarum citiùs quàm par est expirant, unde istas partes magis frigidas & flaccidas relinquunt.

Secunda
pars vitæ
participa-
tæ.

II^o Quod attinet ad *calorem vitalem solidis partibus communicatum* (qui secunda pars est constitutionis vitalis participatæ) partim dependet is ab unione prædictâ sive incorporatione sanguinis arteriosi cum solidis partibus, partim verò consistit in motu seu nixu quodâ expansivo (consimili isti nixui expansivo qui est ipsius sanguinis arteriosi) excitato in ipsis solidis partibus. Primum admodum manifestum est : necesse enim est sanguinem arteriosum calore vitali imprægnatum, ubi intra solidas partes recipitur, iis cum substantia suum calorem quoque impertire. Secundum etiam non difficulter evincitur. Etenim si calor vitalis in sanguine arterioso radicans consistat in motu quodam seu nixu istius sanguinis uniformiter diffuso simulque non-nihil cohibito, fieri non potest quin consimilem nixum in solidis partibus, quas pervadit, excitet, cum causæ naturales semper agant ad extremum suarum virium, & quantum fieri potest, per viam assimilationis. Si quis dubitet an essentia vitalis caloris consistat in tali nixu uniformi diffusivo, moderatè cohibito & intrinsecus proveniente, sciat essentiam caloris in genere consistere in motu vel

nixu

nixu rarefactivo nonnihil cohibito, ut clarè demonstrat Vice-Comes Verulamius in novo suo Organo. Hoc autem dato, calor vitalis, cum in se veram naturam caloris contineat, necessariò quoq; erit talis nixus rarefactivus nonnihil cohibitus. Verùm ut hic calor in genere restringatur ad vitalem, plures conditiones addendæ sunt; quas tamen hìc, nè in enormem digressionem provehamur, neque enumerare neque prosequi accuratiùs possimus. Interim ut materiam & modum habeamus inquirendi, utrùm calor vitalis in hoc affectu sit secundùm naturam modificatus necne? visum est sequentes condiciones paucis proponere.

1 Quò calor vitalis dicatur naturalis seu secundùm naturam, requiritur ut ejus origo sit interna, nempe in ipso sanguine arterioso, & per implantationem ac unionem ejusdem, ut superiùs dictum, ad partes solidas derive-
tur. Ut enim quid dicatur naturale, necesse est id sit ab interno principio: licet quoque quæcunque foveant, augent, vel excitant moderatè internum principium, posse eo respectu hanc appellationem subire concedamus.

Conditio-
nes caloris
vitalis se-
cundùm
naturam
se habentis

2 Requiritur, ut calor iste sit moderatus, non remissior aut intensior æquo, sed gradu apto partibus dispensatus.

3. Requiritur, ut sit quodammodo unifor-
mis

mis suique similis in partibus eadem constitutione similari gaudentibus, modò æquè distent à fonte caloris, paritérque ab aliis causis concurrentibus & vicinis affectæ sint. Veùm in partibus longiùs à fonte caloris distantibus, pariter tamen aliàs, quemadmodum dictum, affectis, ut uniformiter diminutior sit : similiter in partibus quoad constitutionem insitam frigidioribus, ut sit proportionaliter quoque remissior. Denique in partibus ab aliis causis diversimodè affectis, ità ut una multò intensiùs caleat quàm altera, requiritur, ut inter partem calidiorem & frigidiorē calor paullatim seu gradatim, & quasi uniformiter remissior (si à parte calidiore versùs frigidiorē palpando procedas) deprehendatur : & eò usque etiam uniformitas quædam vel in hac difformitate seu disparitate caloris, dummodo intra naturæ limites manserit, observari potest. Partes enim proximæ sive immediatè se mutuò tangentes, non naturaliter se habent, ubi altera præ alterâ impensè calet. Enimvero cùm calor hic vitalis consistat in nixu rarefactivo nonnihil cohibito, si is multum inæqualis & difformis sit in partibus juxtà invicem positis, fiet, ut pars illa quæ violentiùs nititur, conetur unà se divellere ab ista quæ minus nititur, eritque adeò nixus iste præternaturalis dolorem inferens. Consistit enim

nim dolor in solutione continuitatis nondum factâ, sed in fieri.

4. Ut hic calor non actuet aut promoveat actionem aliâs cujusvis qualitatis noxiæ conjunctæ. Quamvis enim in hoc casu noxia qualitas conjuncta præcipuè peccet, potiorémque partem culpæ mereatur, calor tamen in totum excusari non potest. Nam calor acris & malignus connotant alias qualitates conjunctas præter nudum calorem, ipse tamen calor vitalis quatenus intendit ac stimulat activitatem istarum qualitatum conjunctarum quò potentiùs lædant, ex parte reus est censendus eorundem noxiæ actionis.

5. Ex parte renixûs requiritur quoque moderamen, tum ratione sedationis spirituum vitalium excusculatorum, tum ratione permeationis sanguinis arteriosi, tum ratione transpirationis exhalationum non sedaturum.

6. Est proportio quædam observanda inter nixum vitalis caloris expansivum & renixum eum coërcentem. Non modò igitur excessus alterutrius in se vitium est, sed & si alter alteri sit improporcionatus, eo ipso quoque vitiosus est censendus.

7. Rhythmus & ordo quidam tum in nixu tum in renixu est observabilis. Neque enim eodem continuo tenore procedunt, at micando quasi modò intenduntur, modò remittuntur:

mittuntur: & intenduntur quidem maximè in diastole arteriarum, ubi sanguis suis cancellis angustioribus non contentus, de ampliore loco luctetur, adeoque arterias distendit donec competens ejus portio in habitum partium excidat & inibi digeratur, tunc quippe locus non adeò in angustias sanguinem cogit, quin per tantillam temporis morulam ab impetuoso suo motu supersedeat. Atque inter causas pulsationis hæc micatio sanguinis arteriosi non infimæ est potæ. Ut hæc jam ad præsens negotium applicemus, è conditionibus modò propositis secunda sola in præsentia affectu videtur manifestè desiderari. Calor enim vitalis non moderatus hic, sed deficiens, remissiôrque gradu naturali & justo deprehenditur. Nam cum partes primò affectæ frigidâ ac humidâ intemperie, inopiâ ac torpore spirituum laborent, necesse est eas (ut suprà quoque ostendimus) calorem sanguinis arteriosi priùs quàm in earum substantiam effunditur, nonnihil retundere; unde partes istæ remissiorem vitalis caloris gradum, quàm iis debetur, participant. Atque hæc dixisse sufficiat de calore vitali partibus communicato.

III^o Quod ad ultimam partem vitæ participatæ attinet, quæ quidè dependet à duabus prioribus, quæque prima est intentione naturæ, licèt ultima executione, dicimus eam finem

nem quodammodo esse tùm constitutionis vitalis originalis, tum distributionis ejusdem, ut & unionis prædictæ calorisque partibus communicati. Non enim suâ solâ gratiâ excitantur in sanguine arterioso vitales spiritus, neque suo tantùm commodo in partes distribuuntur, iisque uniuntur; ast maximè, ut vivificent & nobilitent insitam solidarum partium constitutionem earumque adeò facultates actuent & exaltent. Quemadmodum enim calor per se tantùm potentiâ est visibilis, nisi lumine irradietur; ita & facultates illæ insitæ attrahendi, retinendi, coquendi, excernendi, & formandi, quasi mortuæ sunt & merè potentiales, quando affluxu vitali non actuantur & vivificantur. Hoc clarissimè videre est in lipothymia; nam deficiente vitali influxu, subitò labascunt ac languent omnes istæ facultates.

Verùm cum facultates omnes fundentur in aliquâ constitutione, quæ earum & causa & subjectum est, quæri posset, in quâ constitutione partium prædictæ facultates fundentur; Respondemus quoad potentialem naturam eas radicari in constitutione insitâ quam prius descripsimus; verùm quoad actuatam & jam vivam factam essentiam dependere eas quoque ab influxu vitali. Atque in genere pronunciamus constitutionem vitalem participatam, quam prius in tribus con-

consistere asseruimus, cum constitutione insitâ conjunctam, esse integram & adæquatam tum causâ tum subjectum omnium istarum facultatum. Operosior autem digressio foret, quàm nostrum institutum patitur, inquirere in specialem modum, quo istæ constitutiones hanc vel illam facultatem in specie determinatam producant. Impræsentiarum tantùm breviter percurremus vitia prædictarum facultatum quæ in hoc affectu occurrunt.

I^o Vis Formatrix hîc errat ob inæqualem affusionem vitalis sanguinis in diversis partibus, de qua suprâ disseruimus. Hinc caput & Hepar in nimiam molem excrescunt; partes primò affectæ extenuantur; ossium extrema protuberant, quin etiam aliquando, quæ aliàs recta forent, ossa incurvantur.

II^o Coctrix debilis est in hoc morbo in partibus primò affectis, ob insitam intemperiem frigidam, ob inopiam & torporem spirituum, ob lubricam unionem spirituum vitalium cum constitutione insitâ, & ob debilem calorem vitalem impressum.

3^o Attractrix, retentrix, & expultrix videntur haud multùm à naturali conditione recedere: attractrix tamen aliquantò segnior est debito; retentrix ob internam lubricitatem nonnihil infirmior; expultrix verò concitator justo ob eandem causam.

Atque

Atque ità tandem absolvimus examen vitiorum constitutionis vitalis in hoc affectu. *Constitutio animalis* jam proximè consideranda foret, nisi quòd nonnulla vitia constitutionis insitæ, nempe ejus vitia organica, quæ non nihil dependent à vitiis quibusdam recitatis constitutionis vitalis, hunc locum, ut sibi magis proprium, vindicarent.

C A P. XIII.

Vitia Organica constitutionis insitæ in hoc affectu.

Cum vitia organica in hoc affectu pertineant ad constitutionem partium insitam, immediatè quidē ea post vitia similiaria ejusdem constitutionis justâ methodo tractanda forent: verum, ut suprâ monuimus, quòd eorum ratio & caussa maximè à vitiis constitutionis vitalis modò notatis petenda sit, coacti fuimus præmittere horum tractatum, illorumque adeò considerationem in hunc locum reservare.

Vitia Organica in hoc morbo reducuntur commodè ad hæc capita.

1. *Ad certarum partium extenuationem & maciem, videlicet partium primò affectarum.*

Quinque capita vitiorum organico-rum in hoc morbo.

2. *Ad*

2. *Ad aliarum partium magnitudinem præter rationem auctam, ut cerebri, totius capitis, & Hepatis.*

3. *Ad protuberantias sive tumores certorum ossium, ut ossium ad carpos, ad talos, & extremitates costarum.*

4. *Ad certorum ossium incurvationem, ut frequentius accidit ossibus cubiti & tibiae, nonnunquam ossibus femoris & humeri.*

5. *Ad pectoris acuminationem & angustiam.*

Atque hæc vitia infra inter symptomata & signa hujus morbi memorantur, non quidem quòd reipsa mera sint symptomata, sed quòd in sensus incurrant, adeoque signorum vicem commodè suppleant; tum ratione partium essentiae morbi altius latentium, tum ratione causarum ejus abditarum. Quicquid enim ipsum sensu percipitur, & præter se aliquid obscuri menti repræsentat, rationem habet signi. Revera enim hæc vitia sunt partes essentiae ipsius morbi & quidem secundariæ, cum sint vitiosæ constitutiones organorum actionem lædentes, & dependeant ab aliis partibus essentiae morbi.

Communis causa ferè omnium modò recitatorum affectuum videtur esse *inequalis & improporcionata nutritio, sive ἀνορεξία partium.* Hæc autem in hoc morbo à duabus præsertim causis dependet. Prior est dispar & inæqualis

Communis
eorum
causa.

æqualis constitutio insita partium irrationaliter nutritorum. Disparitas inter constitutiones insitas partium primò affectarum, & capitis ac viscerum ex suprà-dictis nullo negotio colligi potest, ut non mereatur ulteriorem inculcationem. Posterior causa, quæ certè non minoris est momenti, est ipsa inæqualis distributio sanguinis arteriosi ad partes, ut dictum, inæqualiter nutritas. Quòd sanguis in hoc affectu inæqualiter distribuatur suprà monstravimus: hìc tantū inferimus indè sequi necessariò inæqualem nutritionem partium. Omnia animalia quò pleniore victu utuntur (nisi aliud interveniat impedimentum) eò habitiora tum pinguiora cernuntur: subtracità verò debiti alimenti quantitate accrescunt, atque indies extenuantur. Cur non idem animalium partibus accidere judicemus? Sanguis, aut saltem aliquid in sanguine contentum pro ultimo alimento partium omnium agnoscitur. Ubi ergò id liberalius uni parti & alteri parcius dispensatur, minimè certè mirum est, si una pars in iusto majorem molem excrescat, dum altera interim extenuatur. Sed hæc in genere dixisse sufficiat. In specie,

I^o Afferimus in hoc affectu partes primò affectas indies macrescere et emaciari. Neque expectanda est hujus assertionis probatio, cum quotidiana experientia idem oculis attestetur

stetur. Verùm cur ità extenuentur istæ partes, rationes exigamus.

Cur extenuentur partes in hoc affectu?

1^a Ducitur à primaria essentiâ morbi, ab intemperie frigidâ nempe, à penuria & igna. viâ spirituum insitorum in prædictis partibus. Hinc enim attractrix, retentrix, & coëtrix suo munere parùm efficaciter in illis defunguntur.

2^a Ducitur à laxitate, mollitie, & internâ lubricitate earundem partium: hinc enim earum expultrix concitator est debito, transpiratio nimis facilis ac dissipativa, circuitus sanguinis nimis lubricus, retentrix debilis alimentum citiùs & faciliùs elabi patitur quàm par est; atque hinc idem penè hisce partibus accidit quod intestinis in Lienteriâ. Ut ut sit, impensa excedunt vectigalia, & per consequens istæ partes extenuantur.

3^a Ducitur ab inæquali distributione, & quidem diminutâ in partibus primò affectis, de quâ satîs supérque suprà dictum est.

II^o Afferimus in hoc affectu magnitudinem capitis & præsertim cerebri, ut & magnitudinem Hepatis esse præter rationem auctam. Aliquando conjungitur Hydrocephalus, quem tamen nullam hujus morbi partem, aut diversi generis existimamus: licet nonnunquam hunc affectum posse occasionem ministrare hydrocephalo supervenienti concedamus. Porro vidimus aliquando, super-

pervenienti huic morbo tabe, eaque diu continuatâ, faciem partésque circa caput nonnihil ante obitum fuisse extenuatas. Non tamen id evenisse à morbo de quo agimus; ast à Tabe huic accidente. Interim ut ratio reddatur magnitudinis supra modum auctæ in prædictis partibus, notemus

1^o Partes ad caput & viscera ferè omnia pertinentes, nervos ab illâ parte spinalis medullæ quæ intra calvam concluditur, recipere, & propterea non necesse esse hasce partes infelici conditioni partium primò affectarum subjici. Quare nulla ratio nos cogit asserere, hasce auctas partes vel intemperie frigidâ vel penuriâ & torpore spirituum affici, vel attractricem, retentricem, aut coëtricem facultatem indè vitiatam obtinere; & per consequens, partes hæ eximuntur omnino à primâ causâ modò recitatâ extenuationis in reliquis partibus primò affectis.

2^o Notemus neque laxitatem, flacciditatem, molliciem aut internam lubricitatem in dictis partibus supra modum auctis dominari, neque has qualitates (quemadmodum accidit partibus primò affectis) expultricem debito concitatioem præstare, adeoque metuendum esse exportationem superare importationem, quod in partibus extenuatis contingere docuimus.

3^o Notemus sanguinem in circuitu suo
quò

quò parciùs ad partes primò affectas distribuitur, eò liberaliùs hæc auctas partes rigare. Hoc superiùs probavimus, neque pluribus hìc in eam rem opus. His ergò notatis, evidens occurrit ratio, cur prædictæ partes irregulariter augeantur: Etenim si in iis attractrix, retentrix & coëtrix non debilitentur secundum primam annotationem, & expultrix non sit justo concitator sec. secundam, atque interim copiosius alimentum iis affundatur sec. tertiam, necesse est earum molem improporcionatè excrefcere. Nam ubi abundat alimentum neque suo officio defunt facultates, fieri non potest quin plenior partium nutritio subsequatur.

III^o Afferimus, protuberantias sive tumores ossium in carpis, talis, & extremitatibus costarum duplici nomine vitiatum organum efficere, ratione scilicet tum magnitudinis, tum figuræ. Partes utroque modo vitiatæ oculis obviæ sunt, ut frustra alia sit exspectanda probatio. Sed cur ossa ad istum modum, in istis locis, sic protuberant? Arduum certè est huius rationem reddere, neque fortè audemus polliceri nos omni ex parte curiosis satisfacturos. Itaque loco responsionis sequentes observationes non planè inutiles in medium proferimus.

Protuberantium
ossium in
hoc affectu
causæ.

I^o Ossà in multis cum Parenchymatis
vi-

viscerum conveniunt. Nam 1^o constant ex materia quâdam similari à sanguine perlabente secretâ, nec laboriosa assimilatione opus habente, & omnino facilem nutritionem, donec ad *augmentum* incrementi pervenerint, videntur admittere; nutriri porrò usque dum ad extremam fortè siccitatem per ætatem perducantur, & extenuationi notabili vix videntur esse obnoxia: ità & parenchymata similaria sunt per secretionem à sanguine ferè solum congesta, & facilè crescunt, ægrè raròque extenuantur. 2^o Ossa simili ferè modo, quo parenchymata, aluntur. Per arterias recipiunt sanguinem, per venas superfluum portionē amandant; ac loco vasorū tertii generis, quibus exterminantur excrementa, cavitatibus & cellulis donantur. Dubitet fortè aliquis de arteriis ossium, cū tam dura & rigida pars inepta videatur intra quam pulsent arteriæ. Concedimus quidem minùs apta esse ossa pro arteriarum pulsatione ob duritiem suam & rigiditatem, adeoque agnoscimus ea non aliquam notabilem arteriarum ramificationem in se admittere; verū si quis indè inferre velit nullas planè introadmitti arterias, nā ei nos omnino repugnantes habebit. Sunt etenim partes vivæ, nutriuntur, crescunt, facultatibus attractrice, retentricæ, coëctricæ ac secretricæ gaudent. Deinde sanguinem ea intra se recipere quem non possunt

Ossa non
omnino
Arteriis
destitui.

nisi per arterias, patet ex eorum cruentatione
 five fracta sint, five rafa, aut alio quovis
 modo divisa in vivis adhuc animalibus. In
 junioribus animalibus, spongiosa ossium
 substantia ipsâque medulla sanguine suffusa
 cernitur, & maxima pars cavitatum earum
 non tam medullâ, quàm sanguine referta est.
 In majoribus animalibus observare licet ve-
 nas tum arterias per membranas ipsam me-
 dullam involventes distributas : quæ omnia
 satis arguunt distributionem sanguinis ad
 ipsa ossa. Verùm natura sagax (quæ in
 omnium partium formatione commodissimè
 omnia concinnat) prospiciens hinc arterias
 venâsque propter duritiem ossium non posse
 convenienter longiori carnificatione per sub-
 stantiam ossium disseminari, numerosas eas,
 at valdè exiguas & plerumque capillares
 mediante periostio hinc indè sparsim in fo-
 ramina ossium vix conspicua ejaculatur.
 Immo in majorum animalium diu elixatis
 ossibus foramina hæc insertionis vasorum
 satis facilè in extima superficie detractò pe-
 riostio cerni queunt. Sed hæc sufficiant
 dicta de venis arteriisq; ossium, cùm res
 hæc minùs pertineat ad nostrum scopum.
 Quod ad vasa tertii generis attinet, quan-
 doquidem ossium excrementa non planè
 inutilia erant futura, neque commodè extra
 corpus exterminari poterant, natura, loco
 vasis

vasis tertii generis conceptacula quædam
 (cavitates nempe, & cellulas) construxit, in
 quæ ossium excrementa, partem scilicet pin-
 guem quæ planè inutilis est ad ossa nutrienda,
 reponeret. Aliqui quidem medullam esse Medullam
non esse
ossium
alimentum
 proximum ossium alimentum existimant; sed
 perperam; cum hæc, ut modò diximus, planè
 inepta sit ad ossium generationem & nutriti-
 onem. Ossa enim non tantùm durissima &
 solidissima atque ex se albioris coloris, sed &
 constant ex substantiâ quadam terrestri satè
 tenaciter cohærente; quæ conditiones longè
 absunt à medullâ. Hæc quippe in igne tota
 conflamat & in flammam abit; ossa verò, nisi
 ratione medullæ, vix flammam concipiunt,
 sed in terrestrem substantiam ferè tota calci-
 nantur. Deinde nullâ arte ad illam firmi-
 tudinem, quam in ossibus cernimus, perducì
 potest medulla. Porro medulla ad modera-
 tum ignis calorem liquefcit & dissolvitur;
 ossa verò ardentissimas ignis flammam sine
 ullâ eliquatione sustinent. Præterea ossa per
 diuturnam elixationem non in medullarem
 substantiam, sed gelatinam quandam resol-
 vuntur. Tandem ossa in pulverem comminui
 possunt; non sic medulla. Certum ergò est
 medullam non esse ossium alimentum, sed
 quoddam eorum excrementum sive potiùs
 secrementum, utile id quidem, suisque adeò
 conceptaculis asservandum. Ossa enim na-
 turâ

Sed quòd-
 dam eorum
 excremen-
 tum seu
 secrementum

turâ suâ alioquin ficciora, frigidiora, & asperiora, minùs apta forent motui, nisi medullæ seu exundationibus seu exhalationibus humectarentur & lubrica redderentur, blandoque ejus calore foverentur. Hæc omnia uno ferè sequenti experimento confirmantur. In animalibus junioribus æstimatâ magnitudine ossium, minus medullæ inest ossibus, plus sanguinis, quàm in grandioribus. In foetu nondum edito, vixdum vestigia medullæ à sanguine distinctæ observantur. Post partum verò indies medullaris substantia augeatur, & minus minùsque sanguine suffusa eique permista conspicitur: in ætate demum consistente ossa medullâ ferè purâ & sincerâ, sanguine vix conspersâ, replentur; in senectutis verò progressu credibile est ossa indies minùs minùsque irrigari sanguinis circuitu, & fortè ipsam medullam tandem cessante ferè nutritione ossium potius imminui quàm augeri: quo respectu limitandum fortè est experimentum propositum. 3^o Ossa (exceptis fortè dentibus) nervis carere & vel non, vel parùm certè, neque aliter quàm ratione perioestii aut fibrarum ejus in ossium foramina immissarum sentire creduntur. Similiter Parenchymata viscerum videntur potius per suas membranas & vasa quàm per suam substantiam sensum illum, quem obtusum habent, obtinere.

Ex his colligimus ossa in hoc affectu non multùm aliter affici respectu nutritionis quàm parenchymata viscerum. Suprà monstravimus ossa non esse numeranda inter partes primò affectas, ut neque parenchymata dicta: hìc modò ulteriùs asserimus osseum genus sive ossa universa simul sumpta non parciùs fortè in hoc morbo ali, quàm aliàs in sanis solent. Si enim per modum congestioni similem ut parenchymata, atque adeò facilè alantur, si possideant arterias et venas ad se deductas, et cellulas ac cavitates ad sanguinem recipiendum, si non sint in numero et conditione partium primò affectarum, neque nervos à spinali medullâ recipient; credibile omninò est non malè ea posse alimentum suum recipere, retinere, ac coquere. Porrò si consulere libet experientiam, Pueri hoc morbo laborantes habitâ ratione ætatis ac magnitudinis partium aliis ferè ponderosiores sunt, utali quoties observavimus, quod certè ex parte adscribendum videtur ossium magnitudini. Quamvis hìc magis frequentes, certas, et diligentius expensas optemus observationes, quas alii occasionem nacti sibi poterunt subministrare: interim opinamur ossa in genere non admodùm parcè in hoc morbo nutriri. Dicat aliquis, quæ hætenus dicta sunt spectare ossium nutritionem in genere, non verò ex iis reddi

rationem eorum protuberantiæ. Non id diffimulamus; atqui, cum vitia hæc ossium dependeant ab eorum inæquali nutritione, ut suprâ probavimus, non inutile hîc proponere duximus aliqualem rationem nutritionis eorum in genere. Pergimus jam propius ad prædictos ossium tumores. Atque observamus

II^o Tumores istos ossium non esse heterogenei generis respectu cæterarum partium ejusdem ossis, sed esse partes planè similes & cum cæteris homogeneas, neque ex parte constitutionis similis, sed tantum ex parte magnitudinis & figuræ esse vitiosas.

Hinc sequitur III^o Has protuberantias non ex materiâ ossium illegitimâ, aut per virtutem aliam, quàm è quâ & per quam alia ossa, generari.

IV^o Tumores dicti producuntur ex inæquali nutritione ossium, putâ ex liberaliore nutritione protuberantium partium & parciore cæterarum partium ejusdem ossis. Atque has tres ultimas observationes satis superque probavimus suprâ, ubi de partibus affectis actum.

V^o Observamus Epiphyfes ossium in talis & carpis, fortè etiam in nonnullis aliis locis, molliores ac spongiosiores esse reliquis partibus eorundem ossium. Quin fortè majores arterias & venas in se recipiunt, licet hoc

hoc nondum satis exploratum habeamus. Extremitates etiam costarum multò magis spongiosæ sunt & molles quàm cæteræ earum partes. Unde inferre licet molliores istas & spongiosiores ossium partes posse faciliùs ac liberaliùs sanguinis circuitum admittere, adeoque plenius nutriri quàm cæteras earum partes. Dicas, istarum partium molliem & spongiositatem non minùs in pueris sanis quàm hoc morbo afflictis reperiri. Concedimus id quidem, sed necesse interim est partes, quarum substantia compactior est, quæque difficiliùs sanguinis circuitum admittunt, leviori de causâ affici atque obstrui, quàm eas partes quæ faciliùs recipiunt & apertiores sunt. Sanguis autem in hoc affectu frigidior, viscidior, paullòque crassior debito externis partibus affunditur; quæ ergò partes ineptiores sunt ad ejus transitum admittendum, eæ promptè nonnihil obstrui parciusque nutriri possunt. Sed cur in sanis dictæ partes molliores & spongiosiores non item liberaliùs nutrantur cum largiùs quoque vel in sanis, ut dictum est, sanguinem recipiant? Respondemus, quia in sanitate ut istæ partes liberaliùs per arterias sanguinem recipiunt, ità & liberaliùs per venas eundem remittunt, quod certè modum ponit nimio earum alioquin futuro incremento. In hoc affectu verò eadem partes, ob

frigiditytatem, crassitiem, ac visciditatem affusi sanguinis, parcius fortè aut tardiùs eum remittunt quàm iis affunditur, adeoque ex sanguinis copiâ plusculùm excrescunt istæ partes, dum cæteræ ossium partes ob angustiam cavitatis arteriæ, fortè vix satis copiosè sanguine rigantur quo ex æquo debitòque nutriantur & crescant. Atque hinc (saltem probabiliter) deducimus inæqualitatem nutritionis ossium in hoc morbo. Conditio autem sanguinis quâ in hoc morbo apta est ullas partes per quas transit obstruere, videtur peculiariter osseum genus respicere. Nam in visceribus, exceptis pulmonibus, rariùs sanguis obstructions parit, ut neque in partibus primò affectis; cujus rei fortè interna lubricitas est causa: Ut ut sit, osseum genus, sive quòd incapax sit internæ lubricitatis; sive quòd succus nutritius in massâ sanguineâ peculiariter aptus sit in partibus tantopere fixis concrefcere; sive quòd idem sit naturâ suâ ossibus affinis; osseum (dicimus) genus obstructionibus facilè in hoc affectu infestatur, indèque id inæqualiter nutriri contingit.

Vitia or-
rum Den-
tium in
in hoc
affectu
causæ.

Dentitionis vitia huc etiam referenda sunt, cum ea quoque maximè dependere videntur ab hac inæquali ossium nutritione. Etenim si æqualiter dentes nutrentur, uniformis essent substantiæ, neque frustulatim, ut frequenter hìc accidit, exciderent. Partes quip-
pe

pe similes, quando æqualiter nutriuntur, non adeò interruptam atque inæqualem consistentiam acquirunt, ut faciliè frustulim comminuantur. Quare cùm dentes sint partes substantiâ simili naturali gaudentes, si æqualiter nutrentur, uniformem & æqualem consistentiam haberent, & vel integri in alveolis suis persisterent, vel integri exciderent; vixque alia ratio sufficiens videtur reddi posse quamobrem ex unâ parte magis quam ex aliâ frangerentur & per frustra exciderent. Concedimus quidem friabilitatem huc multum conducere, sed & istam friabilitatem magnâ ex parte à prædictâ inæquali nutritione dependere arbitramur. Solent enim aliâs dentes satis firmam, solidam, ac sibi coherentem consistentiam obtinere; & certè ex materia satis viscidâ præsertim in hoc affectu videntur confici; siquidem hic massa sanguinis justo viscidior & crassior ferè deprehenditur, ut faciliè non sit hanc friabilitatem dentium defectui visciditatis materiæ, at multò probabilius inæqualitati nutritionis adscribere. Concludimus ergò, protuberantias ossium, tum vitia dentium oriri ab inæquali nutritione istarum partium, proveniente à peculiari dispositione sanguinis obstructivâ, ossa præsertim respiciente. Procedimus jam ad ossium incurvationem in hoc morbo.

IV. In hoc affectu frequenter solent ossa nonnihil incurvari, præsertim Tibiæ & Fibulæ; Item ossa Cubiti, Ulna & Radius, aliquando ossa Humeri & Femoris; Articuli etiam nonnulli inclinantur, nunc introrsum, nunc extrorsum: tota spina etiam sæpe inflectitur, interdum in modum literæ S intorquetur, partim scilicet antrorsum, partim retrorsum, aut etiam partim dextrorsum, partim sinistrorsum.


Curvatis
ossium
causæ.

Curvatis hanc ossium aliqui adscribunt eorum *flexibilitati*. Aiunt enim in tam tenellâ ætate ossa ipsa ex se non esse adeò inflexilia rigidaque, ut provectâ; itaque accedente hoc affectu fortè planè flexilia gradu aliquo reddi: Invehuntur ergò in nutrices, quæ infantes puerosque præmaturè suis pedibus committunt, existimantes eorum ossa ab onere sustentati corporis flecti. Alii similiter imperitum nutricum fasciandi modum accusant.

Verùm his ex omni parte assentiri non possumus. Et primò quidem ossa in Pueris hoc modo afflictis magis flexilia minúsque friabilia & rigida esse quàm in aliis planè negamus. Probavimus enim suprâ ossa in hoc affectu quoad similem naturam non differre ab ossibus sanorum. Præterea, nemo hætenus fide dignus testatus est se vidisse in hoc morbo ossa flexilia. Adhæc, si daremus
in

intam tenellâ ætate ossa fortè nonnihil inflecti posse, non tamen manerent flexa ut plumbum aut cera, sed suæ libertati permissa redirent denuo ad propriam partium positionem. Non enim constant ex materiâ ductili, adeóq; vel inter flectendum frangerentur, vel certè niterentur repetere pristinum partium situm. Quod ad nutricum vel imperitiam vel incuriam attinet, licèt eam ex omni parte non excusemus, vix tamen meritò hanc curvitatẽ iis imputare possumus. Videmus pauperum liberos minori curâ tractari, pedibúsq; citiùs committi quàm generosorum; illorum tamen liberi rariùs hoc vitio instantur quàm horum. Præterea nutrices novimus, quæ, summâ etiam adhibitâ diligentia, tum in fasciandis, tum in alio quovis modo tractandis infantulis quos lactarent, non tamen potuere hanc ossium curvitatẽ præcavere. Nobis igitur alia hujus curvatis causã exquirenda est.

Comparemus ergò ossa, quibus curvitas accidere solet, *columnæ*; & certè satis appositè, cum, si erigantur, columnam quodammodo referant; atque indè demonstrationem rem hanc explicantem & illustrantem deducimus. Esto ergò columna ex tribus lapidibus A B C sibi invicem impositis exstructa. Supponimus talem quæ ab omni latere perpendiculariter sit erecta, ejus-




ejusdémque altitudinis. Si ergò à dextro latere immiseris cuneum inter lapides A B per lineam F D, necessario caput columnæ, supremus nempe lapis A inclinabitur versùs D angulúmque in D conficiet, & altitudo columnæ à dextris erit elatior quàm

à finistris. Similiter si alterum impuleris cuneum per G E inter lapides B C ampliùs adhuc incurvabitur columna, fiétque angulus in E. Stat ergò jam columna



inclinata ad lævam in hunc modum A B C F G D E. Quò autem ex pluribus lapidibus columna exstruitur, si inter quosvis duos, ut dictum, cuneus ab uno solo latere interponatur, non columnæ speciem, at portionem arcûs referet;

quemadmodum in seq. figurâ A B fit conspicuum.



Ut ergò hæc ad præsens negotium accommodemus; si ossa prædicta ab altero latere plenius alantur, adeoque secundum istud latus magis excrescant quam secundum oppositum; necesse fit illa eo ipso incurvari. Nam hîc eodem modo se habet plenior istius lateris nutritio ad incurvandam os, quo se habet cuneus ita immisus ad columnam incurvandam, nisi quod cuneus certis tantum locis lateris columnæ infigatur, plenior verò nutritio lateris ossis fiat ex æquo ferè secundum totam ejus longitudinem. Etenim alimentum intra os assumptum quâ parte liberalius admittitur, ea id suffarciendo, ad modum cunei columnæ intrusi in longitudinem auctiorem protendit; quâ parte verò parcius, ea id minùs protendit, unde necessario accidit os incurvari versùs latus quod pari passu cum altero non elongatur.

Porro

Porro si productio unius lateris columnæ
 non accadat tantum in uno vel duobus locis
 ejusdem, ast in pluribus, ut in tertiâ figurâ,
 tum eò propiùs ejus inclinatio accedit ad fi-
 guram portionis circuli, seu arcûs. At verò
 si secundum totam longitudinem dictum la-
 tus ex æquo ultra oppositum produceretur,
 ex æquo certè versùs oppositum latus in-
 flecteretur, atque exactè segmentum circuli
 seu arcûs sine ullis angulis effingeret; simili
 planè modo incurvatio ossium in hoc affectu
 oritur; à majore nempe elongatione lateris
 pleniùs nutriti: cùm enim illa elongatio per
 intus assumptum alimentum secundum omnes
 partes istius lateris accadat, non expectanda
 est angularis angulosa figura, aut ex multis
 rectis angulatim connexis composita, ast
 arcuata, in quâ convexa pars constituitur à
 latere pleniùs, concava à latere parciùs nu-
 trito. Quando autem contingit unam ali-
 quam partem lateris convexi ossis curvi ma-
 gis improporcionatè nutriri respectu lateris
 oppositi, ex illâ certè parte os convexum
 magis quàm ex cæteris prominebit. At-
 que ità ex inæqualitate nutritionis, rationem
 curvitatìs ossium in hoc affectu reddidimus.
 Addamus, coronidis loco, in hujus rei ulterio-
 rem confirmationem observationē à curati-
 one hujus curvitatìs ossium deductam. Solent
 medicastræ nostræ fricare quotidie latera
 ossium


ossium cava, non convexa, illamque frictionem multum conducere aiunt ad curationem, hanc vero potius nocere. Certum autem est frictionem liberalius evocare succum in massam sanguineam nutritium ad partem sic fricatum. Quando ergo partem cavam, quae parcius debito alitur, fricueris, non mirum est si id profuerit, cum eo alimentum copiosius alliciatur, & calor partis quoque excitetur atque augeatur; neque est contra mirum si ossis pars gibba frictione amplius laedatur, cum eam alimentum ad partem, prius nimis opere nutritam, plenius attrahatur. Praeterea unguenta quae possunt fovere calorem insitum & nutritias facultates roborare, post frictionem, parti ossis cavae adhibita magis conveniunt, parti vero convexae ligatura strictior & reprimens nonnihil ossis prominentiam utiliter solet adaptari: eam nempe potissimum ratione, quod a tali ligatura arteriae capillares, quae ad illud ossis latus sanguinem seu succum nutritium advehunt, constringantur, ejusque adeo nutritio immineatur. Atque haec sufficiant dicta de ossium, in hoc affectu, curvitate.

Huic insuper Titulo adjicimus opportunè *Inflexionem articulorum nonnullarum*, ut genuum & talorum, quae frequenter in hoc affectu occurrit, modò introrsum, modò extrorsum facta. Atque haec inflexio quoque videtur interdum non incommode referri ad

Inflexionis
Articulorum
causae

in-

inæqualitatem nutritionis. Etenim si ex inæquali nutritione accidat, ut alterum latus Tibiæ, putà exterius ; præ altero ità elongetur ut nonnihil attollat exteriorem finem epiphyseos ofsis Tibiæ præ sinu interiore, necesse est articulum genu exteriùs flecti; & è contrà elato sinu interiore & depresso exteriore, eundem articulum interiùs flecti : Ut per sequentes figuras redditur conspicuum.



In articulo genu A B, sinus appendicis tibiæ B, in priori figurarum pari, elatior est sinu altero ejusdem appendicis; unde os femoris C interiùs nutat, & similiter os tibiæ D: articulus verò A B exteriùs non-nihil truditur. In secundo verò figurarum pari omnia contraria observantur. Articulus A B interiùs flectitur, quòd sinus appendicis tibiæ A elatior sit sinu ejusdem B; unde necessariò attollit interiùs & inferiùs capitulum osis femoris, adeoque os femoris exteriùs, articulus verò interiùs inclinatur.

Idem in Talis quoque, necnon in vertebri dorsi contingere potest, si ossa articulo connexa ab altero latere altiora sint quàm ex adverso. In Talis verò, cùm illic præter os Tibiæ Fibula quoque per Articulum committatur, fieri potest, ut Fibula inferiùs longior extet Tibiâ, sicque articulum Tali exteriùs flectat; & è contrâ si accadat Tibiam Fibulâ esse longiorem, interiùs flecti articulum necesse est. Quamvis hîc concedamus non adeò frequenter ejusmodi inæqualitatem longitudinis inter Tibiam & Fibulam evenire.

Porro existimamus præternaturalem spinæ inflexionem rariùs accidere ab inæquali altitudine laterum ossium vertebrarum, frequentius verò ab aliâ causâ, quam jam prosequemur.

Inflexionis
spinæ
causæ.

quemur. Diximus suprâ totam spinam in hoc affectu esse debiliorem, puerosque hoc malo afflictos non modò ad motum, sed & ad insistendum pedibus, immo & ad erigendam spinam ob debilitatem esse ineptiores. Quando ergò corpus ipsis quomodocunque erigitur, quærunt sustentaculum, spinamque modò antrorsum, modò retrorsum, modò dextrorsum, modò sinistrorsum flecti permittunt, quò onus corporis rebus ambientibus pro levamine incumbat. Hinc sæpe fit, ut ligamenta vertebrarum spinæ à parte lateris frequentius prominentis laxentur atque elongentur, à parte verò oppositâ contrahantur; ità ut tractu temporis secundum rectam & naturalem lineam spina erigi non possit. Atque hîc sanè nutricum negligentiam & incuriam minimè excusare possumus, quòd non satîs attentè observent in quam potius partem infantes, quos lactant, corpus suum inclinare proni sint, quò in oppositam id sedulò dirigere satagant. Similiter etiam quando nutrices præmaturè infantes debiliores, & sine debitâ curâ pedibus committunt, fieri potest, ut, cùm motus tonicus musculorum sit impar sustentationi corporis, pueri sive genu sive talum ad alterutrum latus inflecti sinant; unde ligamenta articuli ab externâ aut internâ ejusdem parte extenduntur, & per consequens ligamenta lateris

Incuria
nutricum
notatur.

lateris adversi contrahuntur, quo necesse est articulum aut extrorsum aut introrsum flecti. Quamvis ergò suprà negavimus curvitatē ossium hinc dependere, concedimus tamen articulorum distortionem in infantibus debilioribus ex tali nutricum incuriā accidere posse. Concedimus insuper ex constanti ineptā fasciatione, ossa, quæ aliàs forent recta, posse incurvari: hanc tamen causam rariorem in præsentī affectu esse existimamus, ut fusiùs suprà declaravimus. Procedimus jam ad angustiam & acuminatōnem pectoris in hoc morbo.

Notamus hanc angustiam & acuminatōnem pectoris non statim ab initio morbi apparere, sed confirmato demum morbo supervenire, paulatimque intendi, donec diu perseverante morbo evidens ea & insignis observetur, quando pectus antrorsum refert carinam navis, aut pectus Gallinæ. Hujus vitiatæ figuræ pectoris, quod aliàs secundum naturam latum, non à lateribus coarctatum, & antrorsum planum non acuminatum foret, ad 4 causas reducimus; quarum tres priores minus efficaciam huc contribuere, ultimam verò totum ferè negotium absolvere agnoscimus. Cùm tamen tres priores aliquid saltem huc contribuant, eas quoque hìc ordine recitabimus.

Angustia
& Acuminatio
Pectoris
causæ.

Sit 1^a. In hoc affectu os sterni ex aucta mole

mole Hepatis nonnihil elevatur five antrorsum truditur, unde nonnulla portio dictæ vitiatæ figuræ constituitur; atque insuper ex eâdem elevatione ossis sterni nonnulla contractio costarum versùs spinam inseritur, quâ altera pars confit istius vitiosæ figuræ. Hanc contractionem costarum sic demonstramus. Sit



circulus A B C D. Supponitur is confici ex materiâ flexili, sed non æquè extensibili, verbi gratiâ, ex osse Ceti. Quando ergò distenduntur latera A C ab invicem,

itâ ut linea distantiae inter A C producat in longum, pari tunc ferè passu latera D B istius circuli necessariò contrahuntur, & eâdem operâ linea lateralis distantiae à D ad B abbreviatur; ex circulo enim formatur figura ovalis, ut qui experiri velit deprehendet. Mutabitur quippe figura in eum ferè modum quem sequens figura exprimit;



in qua linea distantiae inter A & C protensa repræsentatur, simulque linea D B abbreviata apparet, circulusque redditur ovalis; neque pluribus ad hoc probandum est opus.

Sciendum jam est costarum paria opposita, præsertim superiora quæ maximè pectus efformant, mediante, à parte posticâ, spinâ; à parte anteriore, sterno, rudem quandam figuram circularem exprimere. Neque quenquam movere debet, quòd non constituent circulum exactum & perfectum, cum demonstratio nostra non minùs procedat in circulari figurâ utut imperfectâ quàm in perfectissimâ, modò ejus partes undique cohæreant, non sint intortæ, sint flexiles, sed non facilè extensiles; quæ conditiones abunde conspiciuntur in figurâ modò propositâ costarum.

Si ergò in hoc affectu os sterni antrorsum nonnihil elevetur, quò cedat hepatis moli, necesse est costas propiùs ad se invicem versùs spinam adduci, quò necesse est pectus lateraliter coarctetur, minutâ ejus latitudine.

Dicat aliquis; si elevatio ossis sterni conduce- *Object.*
ret ad coarctandam latitudinem Pectoris, id potissimum præstaret circa costas inferiores, quandoquidem ab inferiore parte elevatio hæc sterni incipiat; verùm contrà evenire compertum est, si quidem coarctatio pectoris maximè accidit circa alas & mox infra claviculas; inferiores verò costæ videntur ad latera expandi potius quàm constringi.

Resp.

Respondemus inferiores 5 costas non articulare cum sternō, neque integrum circum conficere, adeoque nullo modo spectare ad demonstrationem propositam : illarum verò distentionem aliunde, nempe à plenitudine hypochondriorum, de quâ proximè dicemus, dependere. Notandum quoque est nos hanc non præcipuam causam vitiatæ figuræ statuere, immo tantillum solummodo eò conferre æstimamus. Atque sic procedimus ad secundam causam hujus figuræ vitiatæ, quam etiam leviusculam censemus.

Sit II^a Causa : In hoc affectu hypochondria plena & tensa perpetuò ferè deprehenduntur, nimirum tum ob magnitudinem Hepatis, tum quòd omnia ferè viscera in infimo ventre contenta satis ampla sint, quandoquidem in iis, ut antè dictum, prima essentia hujus morbi non radicetur ; tum denique quòd intestina & ventriculus plus minus ferè flatibus distendantur. Jam verò ex illâ plenitudine & tensitate hypochondriorum colligere æquum est costas in hoc affectu plusculum quam par est, deorsum trahi. Nam maxima tensitas hìc observatur in musculis obliquis quæ hypochondris subtendantur : Musculus autem obliquè descendens habet capita dentata 6^a 7^a 8^a & 9^a costis affixa, & pars quoque tendinis lati obliqui ascendentis implantetur cartilaginibus costæ 9^a 10^a &

11^a. Quare cum dicti muscoli perpetuo ferè
 nimium tensi in hoc affectu deprehendantur,
 necesse est eos nonnihil deorsum trahere di-
 ctas costas; & cum omnes costæ firmiter inter
 se per musculos intercostales connectantur,
 accidit omnes costas in hoc affectu plusu-
 lum deorsum trahi. Jam verò quòd costæ
 ita detractæ nonnihil coarctent pectus ex seq.
 figurâ demonstratur.

Fig. 1



Fig. 2



Fig. 3



Sit A B
 spina
 dorfi.
 C D E
 costa. F
 os ster-
 ni: sup-
 poni-
 mus hic
 quod
 cuilibet
 in sce-
 leto
 cernere
 datum
 est, co-
 stas non
 com-
 mitti
 cum
 spinâ
 secundum

fec. angulum rectum, sed angulum infra co-
 stam esse paullo recto minorem, adeò ut si
 costa paullulum fursum trahatur, ejus articu-
 latio cum spinâ propiùs ad lineam rectam
 accedat. Supponimus etiam articulationem
 costæ ipsius sive cum spinâ, sive cum sterno
 manere stabilem, & non trahi fursum (nè
 quis erret) sed medias tantum costæ partes
 inter articulationes dictas. Dicimus ergò è
 contrà, quò magis deorsum trahitur costa, eò
 acutiorem cum spinâ angulum conficere.
 Quapropter pars costæ maximè à spinâ dorfi
 A B distans (nempe D in singulis figuris)
 ut deorsum tracta acutiorem angulum cum
 spinâ constituit, ità quoque minùs quàm an-
 tea à spinâ distet, & latitudinem Pectoris
 angustiores reddit. Nam latera pectoris
 tunc quidem latissima erunt, quando costæ
 maximè eriguntur super spinam secundum
 lineam rectam. Nam pars costæ D tunc
 maximè distabit à spinâ dorfi A B, quemad-
 modum cernere licet, si conferantur 1^a & 2^a
 figura cum 3^a, siquidem in fig. 3^a exprimitur
 costa erecta ad angulum rectum cum spinâ, &
 tunc pars costæ D evidenter magis distat à
 spinâ dorfi A B, quàm in primâ vel secundâ
 figurâ; ut intuenti sit conspicuû: in 2^a verò fi-
 gurâ costa cum spinâ supponitur valdè acutû
 angulum conficere, & pro proportionem pars
 ejus D (ut videtis) minùs distat à spinâ, quàm
 eadem

eadem pars D in primâ figurâ, cujus angulus minùs acutus supponitur : & adhuc multò minùs ea distat à spinâ quàm in tertiâ figurâ, cujus articulatio ad angulum rectum erigitur. Inferimus ergò costas, quando sursum trahuntur, ampliare nonnihil pectus laterali-ter; quando verò deorsum trahuntur, idem à lateribus coarctare.

Hoc ipsum ulteriùs confirmatur eo, quòd quo tempore pectus dilatatur, nempe ubi inspiratio peragitur, costæ nonnihil sursum, vi muscutorum intercostalium, trahuntur; & quo tempore pectus contrahitur, nempe ubi expiratio peragitur, eadem costæ nonnihil deorsum, ope muscutorum obliquorum abdominis, retrahuntur. Id quivis in se ipso aliòve experiri potest præsertim in magnis inspirationibus & expirationibus. Percipiet enim liquidò in magnâ inspiratione costas simul elevari nonnihil sursum, unâq; ampliare latitudinem pectoris; in magnâ verò expiratione costas nonnihil deorsum, eâdemque operâ introrsum contrahi. Neutrum horum contingere posset, nisi talis esset costarum positus, ut eæ inferiùs respectu spinæ conficerent acutum angulum, magisque depressæ adhuc acutiorem, & per consequens magis tunc coarctarent pectus; & è contrâ sursum motæ propiùs accederent ad angulum rectum cum spinâ, adeoque pectoris latera extenderent.

tenderent. Concludimus ergò ex plenitudine & tensitate hypochondriorum in hoc affectu costas nonnihil deorsum trahi, pectusque à lateribus coarctare; licèt concedamus, ut suprà monuimus, causam hanc non tantum valere, ut ei magnam hujus vitii partem tribuamus.

Sit III^a Causa hujus vitiatæ figuræ pectoris *Adnascencia lateralis Pulmonum cum Plen.* *ra*, quæ in hoc morbo confirmato frequentissimè observatur. Certè ejusmodi Adnascencia nonnihil restringit atque impedit motum costarum extrorsum, quo pectus lateraliter dilateretur. Etenim si costa, ubi adnascencia subest, conaretur se à centro Pectoris fortius dimovere, periculum esset nè quodammodo aut adnascentes Pulmones, aut Pleuram ipsam à costis dolorificè divelleret. Quamvis autem Pulmones ad ingressum aëris facilem secundum omnes suas partes extensionem admittant, ubi tamen ii subsidunt vel crassi, humoribus infarciuntur (quod frequentissimè in hoc casu accidit) vix notabilem distentionem sine aut vasis alicujus, aut membranæ, aut ipsius parenchymatis solutâ unitate admittunt. Porro dum consideramus pulmones in sanis rarissimè à Pleuræ laterali ter adnecti; & non nisi in istis partibus Thoracis quæ minùs erant motui ad considerabilem distantiam exponendæ, nempe dorso,

dorso, sterno, mediastino, & fortè mediâ parte diaphragmatis &c, existimamus sanè id non inconsultò à providâ naturâ factum, nè scilicet eorum connexiones vel dilatationi Pectoris officerent, vel pulmones ipsos istiusmodi calamitatibus obnoxios redderent. Ut ut sit, concipi vix potest, quin præternaturalis illa Pulmonum coalescentia cum pleurâ plùs minùs impediât ac remoretur liberam co starum expansionem versùs latera, adeoque aliquantillùm saltem conducat ad angustiam Pectoris promovendam.

Sit IV^a Causa figuræ vitiatæ prædictæ, *Inæqualis nutritio certarum partium costarum præ aliis.* Atque hanc quidem causam longè cæteris tribus efficaciorè ad hoc symptoma efficiendum dicimus. Quod ut monstremus, Asserimus 1^o septem costas superiores potissimùm, si non solas, hanc Pectoris figuram constituere. Etenim quinque inferiores, ut non immediatè cum sterno committuntur, ità neque possunt sternum ullo modo acuminare aut elevare. Adde quòd, cum in integros circulos (ut suprà monuimus) non coëant, facilè mobilis est earum figura, ut plùs minùs cedat plenitudini hypochondriorum. At verò septem costæ superiores per suas cartilâgines cum ossibus sterni articulantur, unde fieri fortè potest, eas ossa sterni, quæ tangunt, nonnihil antro-

rum

sum attollere, quando quinque inferiores contactu sterni privatæ id efficere non possint. 2^o Asserimus costas omnes & non tantum 5 inferiores, sed & 7 superiores inæqualem in hoc affectu nutritionem admittere, atque ab unâ parte uberius ali, adeoque ab illâ magis sec. longitudinem produci quàm ab alterâ parcius nutritâ : & quidem amplius crescere eâ parte quâ cum sterni cartilaginibus committuntur, alterâ verò parte nempe versùs capitulum, quo sinibus dorsi junguntur, minùs tardiùsque elongari. Ratio est, quòd anterior pars cujuscunque costæ mollior ac spongiosior sit quàm ejusdem posterior, ut in quovis animali cuilibet licitum est experiri. Cùm ergò (ut è supradictis elucescit) partes ossium molliores in hoc affectu faciliùs recipiant alimentum & augeantur quàm partes duriores & solidiores, sequitur anteriores costarum partes quòd molliores sint, magis produci, quàm posteriores. 3^o Asserimus in corpore figurâ circulari sive annulari donato (qualem paria costarum 7 superiorum sibi mutuò oppositarum mediante osse sterni & spinâ dorsi, suo modo, licet imperfectè, constituunt) si una pars annuli magis prolongetur quàm altera, necesse est vel reliquas partes ejusdem huic incremento cedere, vel illam partem sic inæqualiter elongatam aut exterius promi-
nere,

nere, vel interiùs plicari, aut sursum vel deorsum, & sive aliquo, sive pluribus ex his modis inflecti. Hoc sic demonstramus. Sit



circulus vel annulus A B. Supponantur partes ejus anteriores ab A ad B elongari, reliquæ autem ejusdem partes nempe C D E manere in situ suo neque omnino

cedere elongationi dictæ. His positis, necesse est portionem circuli elongatam, nempe A B vel antrorsum elevari, vel introrsum deprimi, vel sursum vel deorsum vel variè inflecti. Nam aliàs distantia inter terminos chordæ F non sufficeret ad istam portionem circuli jam elongatam immutatâ arcûs figurâ continendam. Etenim termini isti tantum sufficiebant priùs; elongato ergò arcu, & non elongatâ chordâ, aut terminis & extremitatibus chordæ, fieri non potest, ut arcus eodem modo se habeat ad chordam quo priùs. Mutabitur itaque factâ flexione vel antrorsum, vel introrsum, vel sursum, vel deorsum, vel pluribus ex his modis, quemadmodum per figuras seqq. videri licet. Prima figura Arcum extrorsum prominentem refert. 2^a introrsum, 3^a variè inflexum sive plicatum & intortum. Et prima quidem admodum
ap-



appositè figuram Pectoris in hoc affectu vitiatam exprimit. Etenim monuimus suprà costas cum sternò & spinâ articulas annulum quendam imperfectum conficere, eademque in hoc affectu celerius ali & elongari à parte anteriori quàm à posteriori; ergò quoad causam planè & plenè convenit hoc symptoma. cum figurâ illâ primò descriptâ. Præterea,

supposuimus partes circuli C D E manere stabiles; id quoque in hoc affectu accommodari potest lateralibus & posterioribus partibus costarum. Cùm enim hæ multò minùs crescant quàm anteriores, certè planè stabiles æstimandæ sunt, habito respectu ad merum excessum incrementi in parte anteriori. Nisi quis fortè dicat, vel costarum latera & partes posteriores expandendo se, vel articulos earum, quibus cum vertebrais dorsi committuntur, permittendo costas

retrorsum flecti, augmentationi isti ex-
 cendenti nonnihil cedere. Verum neutrum
 horum verè dici potest. 1^o Enim laterales
 & posteriores partes cujusvis costæ ut durio-
 res ac solidiores, ita & rigidiores ac robusti-
 ores sunt anterioribus; absurdum autem est
 existimare partes debiliores ejusdem costæ
 posse flectere partes firmiores, aut partes
 minùs flexiles cedere partibus faciliùs flexi-
 libus. Quare partes laterales & posteriores
 costarum non ita flecti possunt ut cedant
 partibus earundem anterioribus elongatis.
 2^o Quod ad articulos costarum attinet, cer-
 tè ille articulus, quo committitur costa cum
 vertebrâ thoracis, nullo modo pati potest
 costam sic retrorsum flecti, quò cedat ejus-
 dem elongationi; idque non tantum quòd is
 duplex sit, nempe cum sinu vertebræ & pro-
 cessu ejusdem transverso, adeoque ad motum
 retrorsum permittendum maximè ineptus;
 sed vel maximè quòd decuplo fortior sit an-
 teriore articulo, quo eadem costa cum osse
 sterni committitur. Articulus autem decu-
 plo robustior, simulque duplex, atque ita du-
 plex formatus, ut planè ineptus redditus sit
 ad motum retrorsum patiendum, nullo mo-
 do concipi potest retrorsum cedere, nè arti-
 culus decuplo debilior nonnihil antrorsum
 flecteretur. Concludendum ergò partes co-
 starum laterales & posteriores non cedere
 earum



earum inæquali productioni quæ antèriùs contingit, & per consequens eas hoc respectu stabiles esse habendas, adeoque necesse esse illam elongationem inæqualem immutare earum figuram à parte anteriore, idque eas illic inflectendo aut sursum vel deorsum, aut introrsum, vel extrorsum seu antrorsum, aut multifariam.

Non potest fieri hìc flexio Costarum sursum vel deorsum, quòd costæ *propter suam latitudinem ineptæ sint* ut alterutro modo inflectantur. Adde quòd musculis intercostalibus firmiter in suo situ cohibeantur ut sine vi istis musculis illatâ vix aut nè vix quidè possint vel sursum vel deorsum incurvari.

Quòd illa elongatio non possit vel certè ægerrimè possit plicare costam introrsum, eo evincetur, quod magnitudo Hepatis tali motui repugnet. Probavimus enim suprâ ejus magnitudinem nonnihil attollere os sterni extrorsum seu antrorsum. Deinde ipsa figura costæ circularis plicationi introrsum faciendæ evidenter obluatur. Denique quòd ista elongatio non multifariam flectat costas, etiam hinc inferri potest, quòd ejusmodi inflexio figuram compositam inferret, aliquàmque simplicium figurarum antè rejectarum necessariò continet.

Quapropter concludimus necesse esse inæqualem illam costarum à parte anteriore elonga-

elongationem, immutare eorum naturalem figuram antrorsum seu extrorsum, os sterni elevando & pectoris figuram (alioquin ferè planam) anteriùs accuminando. Modum exprimunt sequentia schemata.



Sit A Os sterni : B vertebræ dorfi. C & D binæ costæ oppositæ , quas annulum quendam, ut hîc cernitur, constituere diximus. Si ergò partes costarum anteriores, nempe inter C & A & inter D & A elongentur, neque tamen partes inter C B & D B quidquam huic

elongationi respondeant vel ei cedant, necesse est antèriùs figuram annuli mutari. Cùm ergò, ut suprà monstravimus, costa inepta sit ad flexionem fursum, deorsum vel introrsum, necesse est eam prominere extrorsum seu antrorsum, ut exprimitur in 2^a figura, ubi sternum A propter elongationem partis costæ C A & D A antrorsum propulsum & acuminatum exhibetur, quæ ipsa est figura vitiata pectoris in hoc morbo.

Præter causas angustiae pectoris hætenus memoratas, addere hîc possumus *imminutum incrementum costarum inter C & B tum inter D & B*. Debita enim Pectoris latitudo à iusto istarum partium costarum incremento & elongatione maximè dependet. Si enim istæ partes costarum ad justam longitudinem accrescant, fieri non potest quin pectus ad latera justâ ferè proportionè dilatent, subducto tantùm tantillo angustiae quod priores causæ solæ ei poterant inducere. Nam quò magis istæ costarum partes elongantur, eò etiam magis pars lateralis costæ D & pars C distabit à spina dorsi B, pectusque adeò latius reddetur. E contra ubi reliquo corpore aucto istæ partes costarum vel parùm vel non æquè augentur, necesse est eas laterali-ter minùs distare à centro pectoris quàm par est, ideòque pectus ad latera angustare. Siquidem latera costæ C & D eò minùs di-

stant

stant à spinâ dorsi & centro pectoris, quò minus elongantur costarum partes inter C B & D B, ut cuius attendenti patet. Atque hæc sufficiant dicta de causis Angustiae pectoris & Acuminationis ejusdem in hoc affectu ; quibus etiam tandem finem imponimus huic disquisitioni de vitiis Organicis in hoc affectu evenientibus.

C A P. XIV.

Essentia secundaria hujus morbi in constitutione animali.

Finito jam examine *constitutionis naturalis & vitalis* in hoc affectu læsæ, restat ut inquiramus in *constitutionem animale*m. Et supra quidem asseruimus nullum hic occurrere vitium primarium, & quod pars sit essentiae primariæ hujus morbi. An verò in ea adsit aliquod vitium secundarium, nunc venit dispiciendum.

Quandoquidem autem tum veteres tum neoterici qui de Facultate Animali scripserunt, nè mentionem quidem fecerint constitutionis animalis, nedum ejusdem descriptionem tradere aggressi sint ; jure meritoque ea à nobis illam agnoscentibus expectabitur. Et cum aliqui viri cordati nonnihil dissentiant

ab istâ descriptione quæ deduci potest à veterum & communi sententiâ de facultate animali, rêmque illam secus explicantes aliam descriptionem paullò diversam substituant; utramque hîc in medium proferre visum est.

Descriptio
constitutionis
animalis magis
conformis
opinioni
Veterum.

Secundùm priorem sive veterum vulgòq; receptam opinionem & descriptionem facultatis animalis, constitutio animalis est *Affectio illa corporis quæ in generatione & motu debito spirituum animalium consistit.* Per motum autem debitum spirituum animalium intelligi volunt excursum eorum à cerebro per nervos instar fulminis, atque iterum eorum ad cerebrum recursum, quò ei renuntient quid ab externorum sensuum organis percipiatur.

Alter ejusdem
constitutionis
descriptio.

Alii verò, ut diximus, rem hanc aliter explicant. Concedunt quidem constitutionem animalem includere generationem & distributionem spirituum animalium; ast illum perniciousum motum fluxûs & refluxûs spirituum animalium, fulminis instar, in nervis aiunt esse inconceptibilem, &, si non inutilem, saltem tamen esse minimè necessarium ad facultatem animalem stabiliendam. In ejus autem locum substituant inter vigilandum *motum quendam contractivum & tonicum, sive nixum. motivum ipsius substantiæ cerebri, spinalis medullæ, nervorum inde ortorum, partiumque in quas distribuuntur.* Atque hunc motum sive
nixum

nixum *tenſitatem* quendam in partibus prædictis producere dicunt, vi cujus alterationes ab objectis quibuſvis iſtis partibus impreſſæ communicantur cerebro. Quemadmodum enim in Citharâ, ubi fides ſunt debito modo tenſæ, ſi in alterutrâ extremitate quàm leviffimè plectro percutiantur, motus iſte in momento, ſaltem Phyſico, excurrit ad alteram extremitatem; ità quoque aſſerunt moto aliquo nervo extra cerebrum debitè tenſo, motum iſtum ob continuitatem & tenſitatem dictarum partium ad cerebrum ipſum extendi, ibidémque impreſſionem quandam ſuæ cauſſæ conformem ſignare. Inter dormiendum verò exiſtimant cerebrum, ſpinalē medullam, & pleroſque nervos non-nihil laxari. Et quidem, ſimpliciter ſemperque aiunt anteriores connexiones ſpinalis medullæ cum cerebro durante ſomno laxas manere: concedunt verò connexiones poſteriores cum cerebello aliquando tenſas eſſe, ut in Noctambulonibus, atque ità externa objecta quodammodo percipere, ſed non per ſenſum communem judicata, ſed tanquàm à memoriâ ad phantaſiam reflexa. Neque etiam neceſſe eſſe arbitrantur inferiores omnes partes ſpinalis medullæ adeoque nervos inde ortos perpetuò inter dormiendum laxari; cùm aves plurimæ pedibus inſiſtentes dormiant; cùm reſpiratio per ſomnum

aliquorum nervorum tensitatem supponat; denique, cum, ubi primum obrepit somnus, superiores nervi ferme laxentur prius quam inferiores. *Insomnia* autem quod attinet, opinantur ea oriri ex varia & fortuitâ agitatione & mixtione diversorum *sigillorum* seu *impressionum* in memoriâ reconditarum, quæ jam denuo percipiuntur ob retentam aliquam tensitatem in nonnullis cerebri partibus. Ubi verò in profundiore somno nulla observantur insomnia, totum quoque cerebrum laxari affirmant.

Sive jam prior sententia, sive hæc posterior veritati magis consentanea sit, nihil nos impræsentiarum moramur; neque hanc litem suscipimus hîc determinandam, cum utrovis modo facultas animalis functionem suam exerceat, ab iisdem causis, & ferè similiter vitium secundarium in animali constitutione per hunc morbum eveniat. Nam
 1^o Quod ad *generationem spirituum animalium* attinet, sive prior sive posterior sententia asseratur, perinde erit; quod in cerebro, in quo utraq; opinio supponit generari spiritus animalis, nihil vitii (nisi fortè alius conjungatur morbus) deprehendamus. Suprà enim ostendimus ipsum caput non esse inter partes primò affectas annumerandum, neque ejus actiones internas & proprias in hoc affectu vitari. Deinde 2^o quod ad *distributionem spirituum*

spirituum animalium attinet, five ea perficiatur prorsum & retrorsum rapido illo motu instar coruscationis fulminis, five motu tantum prorsum facto eoque paullatino & placido, idem ferè vitium in hoc affectu occurrit.

Etenim 1^o cum suppositus ille rapidus motus *spirituum animalium* fiat transitu per partes primò affectas, viz per spinalem medullam extra calvariam, per nervos indè ortos, & per partes, in quas ii nervi distribuuntur, & cum hæ omnes partes in hoc affectu laborent intemperie frigidâ, tum paucitate ac ignaviâ *spirituum insitorum*; necesse est debitam istius motus velocitatem nonnihil retardari. Frigida enim intemperies, ut & torpor ac inopia *spirituum*, cuius motui (excepto constrictivo) repugnant. Dicat aliquis sententiam priori loco propositam supponere eximiam activitatem & subtilitatem *spirituum animalium*, quibus hanc repugnantiam facilè possint superare. Verum, ut ita sit, cum partes, quas permeant, reagant, suamque frigiditatem & torporem iis communicare satagent, necesse est eas activitatem illam *spirituum* nonnihil retundere, subtilitatem minuere, expeditumque illum transitum aliquantum remorari. Quare suppositâ hâc sententiâ ut verâ, vitiabitur in hoc affectu constitutio animalis ex parte motus rapidi *spirituum* diminuti, idque secundariò, cum

Vitia constitutio
animalis.

motus hic non retardetur vitio primario spirituum animalium, aut vitio partium primò affectarum, quemadmodum dictum. Similiter in modo posteriùs proposito, in quo motus spirituum supponitur placidus & tranquillus, necesse est eas, dum tardiusculè per partes primò affectas transmittuntur, labem aliquam à vitiatâ constitutione insitâ istarum partium contrahant, ob easdem rationes proximè præcedenti articulo allatas. Erit ergò secundum hanc quoque opinionem vitium secundarium in distributione spirituum animalium.

Tandem quod ad *tensitatem ipsius substantiæ cerebri, spinalis medullæ nervorum & nervosarum partium inter vigilandum* attinet, quæ in posteriori sententiâ antè propositâ supponitur, necesse est defectum aliquem debitæ tensitatis in spinali medullâ extra calviam, in nervis inde ortis, tum in partibus ad quas distribuuntur in hoc morbo adesse. Etenim 1^o Intemperies frigida & humida debitæ isti tensitati adversatur. Ità quoque & torpor ac inopia spirituum insitorum; quibus certè partes affectæ inertes redduntur minúsque aptæ ad animales actiones obeundas; contrà quàm evenit, quandò prædictæ partes debitam suam tensitatem obtinent. 2^o Ex suprâ-dictis liquet Tonum harum partium in hoc affectu nonnihil vitiari propter

ter nimiam laxitatem, flacciditatem, molli-
 tiem, & internam lubricitatem, quæ quali-
 tates justam earundem partium tensitatem
 evidentissimè labefactant. Quamvis ergò
 cerebrum in hoc affectu debitum fortè in-
 fluxum ex parte suâ præbent, vix tamen, &
 nè vix quidem fieri potest, ut sufficienti gra-
 du tensitatem suam spinali medullæ extra
 calvam nervisque indè ortis, &c, ob intem-
 periem, torporem & inopiam spirituum in-
 sitorum, tum tonum earum partium vitia-
 tum, ut dictum, communicet. 3^d Sympto-
 mata in hoc morbo animalem facultatem
 spectantia idem luculentissimè confirmant.
 Etenim pueri hoc morbo afflicti ab ipso ejus
 principio minùs robustè (si cum aliis coæta-
 neis conferantur) se movent atque exercent,
 minùsque delectantur lusibus masculis; ast in
 progressu morbi motum ferè omnem conci-
 tatiorem averfantur, pedibus insistentes
 vacillant, quæruntque sustentacula, vix aliter
 incedentes erecti; neque ludere delectantur
 nisi sedentes aut recumbentes, vel brachiis
 molliter gestati; denique spina debilis ema-
 ciato corpori erecto, vel oneri grandiusculi
 capitis vix sufficit sustentando. Quæ omnia
 satis superque demonstrant tensitatem par-
 tium motui inservientium esse minùs in hoc
 affectu rigidam quàm inter vigilandum ex
 æquo requiritur. Si ergò ista debita inter vi-
 gilandum

gilandum tensitas sit pars constitutionis animalis, quod hîc supposuimus, eadem certè vitiata constituit necessariò morbosam affectionem in constitutione animali : & cum hoc vitium non primariò ab ipso cerebro, sed ab insitâ constitutione partium primò affectarum dependeat, secundarium vitium respectu animalis constitutionis jure meritò censendum est.

Cur sensus
non æquè
hîc læda-
tur ac mo-
tus.

Occurrit tamen hîc scrupulus : Quæret aliquis cur sensus quoque in hoc affectu non pariter lædantur ac vis motiva ? In promptu est ratio. Longè major tensitas, robur, & vigor nervorum ad facultatem motivam quàm sensitivam exercendam requiritur. Ad sensationem enim levissimus ferè motus tonicus nervorum sufficit, non item ad motum. Sic observare licet in motu cujusvis articuli musculos eum moventes admodum duros, tensos, ac rigidos esse : verùm remissâ illâ duritiæ, rigiditate ac tensitate sensationem nihilominus facilè peragi. Neque obstat, quòd aliquando in Paralyfi sensus non nihil stupeat permanente motu : Paralyfis enim affectus est ab hoc planè diversus. In ea quippe vitium primarium in ipsâ constitutione animali residet ; fieri ergò potest, ut non minùs sensum quàm motum afficiat. Præterea quando fortè nervus cutaneus debito cerebri influxu caret, is verò qui ad mus-

musculos istius partis fertur, eo fruitur, fieri potest, ut hâc etiam de causâ tollatur sensus manente motu; licet casus hic non tam frequens sit, sapiusque motus aboleatur constante sensu. Sed de hac re satis superque diximus. Atque ita tandem depromsimus ea quæ de integrâ essentiâ hujus morbi tum primariâ tum secundariâ meditati sumus, idque quâ potuimus perspicuitate in materia difficili & ab alijs antè non tractatâ præstitimus. Proximum est ut ad causarum hujus affectûs examen nos accingamus.

C A P. XV.

*Præter causas, & 1^o quæ ad Parentes
attinent.*

Essentiam hujus morbi *primariam* atque etiam *secundariam* superius fusè explicuimus: & quidem dependentiam *essentiæ secundariæ* à *primariâ* ibidem satis demonstravimus. Non ergo hic expectandum est, ut denuo ex professo & speciatim de causis *essentiæ secundariæ*, quas nempe antè retulimus, tractemus. Sufficiet causas *essentiæ primariæ* investigasse. Si qua tamen occurrat causa quæ unâ influat cum in *primariam*, tum *secundariam* morbi *essentiam*, eum
hic

hic quoque obiter annotare non gravabimur.

Duo summa causarum hujus morbi genera.

Omissâ verò omni *anæsthesia*, circa varia causarum genera, ad duo solummodò capita discursum hunc nostrum contrahere visum est. Prius continet *infirmitates*, morbosâsque *parentum dispositiones*, quæ fortè eatenus in liberos influunt, ut saltem proclivitatem aliquam & aptitudinem ad incidendum in hunc affectum (si non actu ab ipso ortu in eum delapsi sint) inferant. Posterius comprehendit *causas hujus morbi accessorias*; eas nempe, quæ pueris post partum accidunt.

An & quatenus morbus hic dici possit hæreditarius.

Morbus hæreditarius est vel propriè, vel impropriè sic dictus.

De primi generis causis occurrit in ipso limine quæstio, utrùm & quatenus morbus hic dici possit *hæreditarius*? Quò felicîus in hujus quæstionis determinatione procedemus, distinguendus est morbus hæreditarius in *propriè & impropriè* sic dictum. Et quidem morbus hæreditarius propriè sic dictus semper supponitur præexistisse in utroque vel alterutro parente, indèque in prolem esse derivatus. Morbus verò hæreditarius impropriè dictus non supponitur in *eadem specie* præexistisse in utroque vel alterutro parente; præcessisse tamen necesse est vitium quoddam (fortè diversi planè generis) in altero saltem eorum, cujus virtute dispositio quædam proli impressa est, quâ in morbum hunc

hunc improprie hæreditarium proclivis red-
ditur.

Porrò morbus hæreditarius proprie dictus
adhuc duplex est : vel in *conformatione*, ut
quando mancus mancum, surdus surdum, Uterque
rursum
duplex.
cæcus cæcum generat; vel in *constitutione si-
milari*, ut quando podagricus podagricum
gignit. Notandum est in priori genere à
primis effectis formationis staminibus actu
foetui inesse vitium hæreditarium; in posteri-
ori verò non necesse est actu inesse foetui à
prima formatione morbum ejusdem speciei
cum morbo parentum; sed sufficit ejusmodi
dispositio à parente altero vel utroque im-
pressa, quæ tractu vitæ ex concursu aliorum
incidentium causarum in eundem actuari
possit. Adhæc morbus quoque improprie
dictus hæreditarius similiter duplex esse po-
test, nempe vel in *conformatione*, vel in *consti-
tutione similari*. In *formatione*, ut quando
neuter parens cæcus, luscus, balbus, clau-
dus, &c, prolem tamen cæcam, luscam, bal-
bam, aut claudam ex ipso vitio formationis
in utero in lucem producit. Etenim in casi-
bus propositis, id ipsum vitium quod in prole
cernitur, ab aliquo vitio parentum, licet fortè
diversi generis, profluxit, adeoque morbus
hæreditarius, etsi improprie, nuncupari po-
test. Similiter in *constitutione similari* prolis
morbus improprie hæreditarius residere po-
test,

test, ut quando melancholicus, & sedentarius vel etiam intemperans parens prolem generat cachexiæ aut podagræ obnoxium, licet fortè parens neque cachexiâ neque podagrâ unquam laboraverit.

Quæstio-
nis prædi-
ctæ solutio

Hisce præmissis ad quæstionis solutionem propiùs accedimus. Et dicimus I^o hunc morbum non contineri sub priori specie morbi hæreditarii propriè dicti. Illa enim in formatione consistit, hic verò morbus secundùm essentiam suam primariam est morbus similis, ut suprà demonstravimus, & rarissimè à primo ortu, nedum ab ipsa prima conceptione & formatione se prodit. Atque ab eadem rationes asserimus etiam hunc affectum non pertinere ad priorem speciem morborum hæreditariorum impropriè dictorum, qui similiter in formatione partium consistunt, & mox à prima formatione inchoantur.

II^o Dicimus fieri posse morbum hunc cadere sub secunda specie propositâ morbi hæreditarii propriè dicti, nempe illâ quæ in constitutione similari consistit. Hoc tamen ut certum & exploratum statuere nequimus, cum pueri quas hætenus hoc morbo afflitos novimus nondum ad eam ætatis maturitatem pervenerint quâ liberos generent, ideoque non aliter quàm per probabilem conjecturam opinari nobis licet, an eorum pro-

progenies hæreditario jure quondam hoc morbo contaminata sit futura, necne.

III^o Dicimus in multis pueris morbum hunc cadere directè sub secunda specie morbi hæreditarii impropriè dicti superiùs propositi. Etenim secundùm ejus primariam essentiam est morbus similis, & licet nondum factis diu nobis innotuerit, ut quid in secunda progenie efficiat definire valeamus, frequenter tamen in præsentì progenie rudimenta quædam hujus morbi in multis ab altero vel utroque parente derivata fuisse deprehendimus. Adeò ut licet neuter parens hoc morbo in infantia vel pueritia laboraverit, apparatus tamen aliquis & pronitas in hunc affectum statim in eorum infantulis apparuerit, præsertim in iis quorum parentes ob vitium aliquod corporis, vel errores vitæ dispositi ante coitum fuerunt ad hanc labem foetui inurendam. Quæ autem assertiones parentum eos ad liberos huic morbo facilè obnoxios generandos disponant, mox ordine enumerabuntur; ex quibus etiam ulterior confirmatio assertionis hujus liquebit.

IV^o Dicimus, licèt affectiones Parentum frequenter in foetibus dispositionem quandam ad hunc morbum incurrendum imprimant, adeoque in secunda acceptione morbi hæreditarii impropriè dicti affectus hic censendus sit, ut modò dictum, rarissimè tamen accidere

*obser-
vatio.*

accidere ut hic morbus in actum erumpat ante foetus partum. Testatur aliquis nostrum se semel, & semel tantum, vidisse puerum recens natum hoc morbo afflictum. Atque in eo spina dorsi & collum adeò erant debilia, ut nulla ratione valerent grandiusculum caput sustinere. Obiit hic intra tres menses post partum. Quibus patet eum gravissimè fuisse affectum. Videtur ex modò dictis conspicuum, infantes, utut frequenter dispositionem ad hunc morbum à parentibus mutant, rarissimè tamen eam ante partum incurrere, ubi verò eum tam prematurè incurrunt gravissimè affligi. Cujus utriusque eventus ratio quæri possit. Quod ad priorem attinet, dicimus hunc affectum ex parte consistere in intemperie frigida partium primò affectarum, & quidem inæquali, frigidior scilicet in dictis partibus habito respectu ad temperiem capitis & viscerum; hancque inæqualem frigiditatem istarum partium magnè esse momenti in hoc morbo, idque etiam ratione ipsius inæqualitatis : hæc enim multum contribuit inæquali illi & imminutæ distributioni vitalis sanguinis ad partes primò affectas. Cum ergò eo tempore, quo foetus in utero gestatur, inæqualitas hæc, temperamenti partium primò affectarum plurimum corrigatur, & avertatur ab æquali calore, quo uterus corpus Embryonis undique ardeat

Cur Infantes rarissimè hunc affectum ante partum incurrant.

arctè amplectitur & fovet, sequitur gestationem non parùm hunc morbum arcere, atq; ejus invasionem ad minimum retardare. Corpus enim uteri æquali calore undique perfusum omnesque partes Embryonis ex æquo complectens ac fovens haud facillè permittit unam parrem præ alia algere, adeoque immixto sanguinis vitalis affluxu irrigari. Quapropter cum illa ipsa inæqualitas caloris ac irrigationis sint partes essentiae hujus morbi, & sine quibus morbus hic consistere non potest, minimè mirandum est uterum hasce morbi partes strenuè impugnantem ejus invasionem, durante saltem imprægnatione, plerumque protrahere.

Quod ad posteriorem partem quæstionis propositæ attinet, cur nempe Infantes, qui ante partum hoc morbo correpti fuerunt, gravius ac periculosius laborent, dicimus secundum illud *Hippocr. sect. 2. aph. 34.* morbum, qui cum ægrotantis conditione minùs cognatus fuerit, periculosiorem esse eo qui secus; ut febris seni quàm juveni majus minatur periculum, hyemè quàm æstate. Morbus enim qui ægrotantis conditioni conformis est, leviolem postulat causam pro suâ introductione; is verò qui illi contrarius est magnitudinem causæ arguit, quæ non obstante fræno effectum suum proferat. In præsentibus ergo affectu si æqualis uteri calor non possit

Cur ii, qui ante partum hoc morbo correpti fuerunt, gravius ac periculosius laborent.

coërcere propensitatem Embryonis ad hunc morbum, quin eum incurrat, necesse est causam à Parentibus impressam esse vehementem, ipsaque principia feminalia esse insigniter labefactata. Spes itaque in angusto est ubi foetus hoc morbo laborans nascitur, neq; prudens medicus curationem absque ingentis periculi prognostico aggredietur. Porro corollarii vice aliam regulam priori affinem, licet fortè nondum certam & comprobatam, subtexamus. Pueros nempe, quò citius à partu hoc morbo corripuntur, eò difficilius (cæteris paribus) ab eo liberari. Sed hæc sufficiant de propofita quæstione.

Enumera-
tio causa-
rum quæ
ex parte
Parentum
hunc mor-
bum pro-
ducunt.
I. Ante
concep-
tionem.
Vitia Pa-
rentum à
toto cor-
pore de-
penden-
tia.

Jam nos accingamus ad divisionem & enumerationē causarū quæ ex parte Parentum hunc morbū producant. Vitia hæc parentum alia respiciunt generationē ipsius spermatis, è quo foetus cōstat; alia respiciunt *Embryonē jam conceptum* & in utero adhuc gestatū. Vitia generationis feminis sive in mare, sive in foemina, vel à *toto corpore*, vel à *partibus generationi dicatis* procedunt. Vitia parentum à toto corpore dependentia eò maximè in foetum influunt, quòd materiam generationi feminis minùs aptam ad partes huic muneri dicatas transmittat. Non animus est singula materiæ feminis vitia hic recensere, ast ea solummodo quæ ad hoc malum proli inferendum conspirant. Hæc ad 4 Classes reducimus.

Ia Classis

I^a Classis continet *intemperiem frigidam & humidam materia*, ex quâ semen generatur. Hæc præcipuè provenit ab *intemperie frigida & humidâ parentum*, ad quam etiam referimus *cacochymiam, præsertim pituitosam & serosam*; item *cachexiam, hydropem & fortè morbum virgineum*, quem febrim albam vocant, non satis ante conceptionem eradicatum; qui omnes affectus manifestè faciunt ad materiam aquosam, frigidam humidam partibus genitalibus suppeditandam; qualis non modò in genere minùs apta est ad spermatis generationem, sed & specialiter inclinatur ad conditionem hujus morbi, cujus pars essentialis primariæ in ipsa intemperie frigida & humida consistit, ut suprâ monstravimus. Porro ad hunc titulum revocare fortè licet *scorbutum, strumosam affectionem, Luem veneream, Ictericumque*, in quibus sanguis quoque fordibus & excrementitiis humoribus, ichoribusque malis inquinatur, ut non facilè in semen probum ac laudabile cõmutari possit.

II^a Classis continet *Inopiam spirituum insistorum in materia* è qua semen generatur. Ex hujusmodi enim materia semen spirituosum confici non potest. Causæ quæ talem materiam partibus genitalibus suppeditant sunt corpora generantium exsucca, extenuata, emaciata sive à longa inedia, sive ab evacuatione aliqua nimia, ut à diu continuatis vomitu,

1. Intemperies frigida & humida materia ex qua semen generatur; ejusque causæ.

2. Inopia spirituum insistorum in materia dictâ, ejusque causæ.

diarrhœa, dysenteria, lenteria, fluxu hepatico, ab hæmorrhagia profusiore ex quacunque parte, à sudoribus nimis, à diuturno aliquo morbo viribus necdū ante coitum reparatis, à febre, aut alio gravi aliquo morbo presente; præcipuè Tabe, febre hæctica, atrophia ex quacunque causa, denique ab imminuta alimenti ultimi, ob cujusvis partis vitium, concoctione. Etenim in istiusmodi casibus, materia, quæ ad partes generationi inservientes amandatur, competente copiâ insitorum spirituum destituta est, unde partes semen præparantes ac coquentes defectum hunc nequeunt integrè corrigere, semenque satis spirituosum ejaculari. Cùm ergo non minima pars primæ essentia hujus morbi in penuria spirituum insitorum consistat, fieri non potest, quin foetus ex tali semine parum scilicet spirituofo genitus, innatam quandam dispositionem ad hunc effectum in primis suis rudimentis impressam contineat, quæ postea, concurrentibus aliis causis, facile in actum deducatur.

3. Torpor
materiae
dictæ.

III^a Classis continet *Torporem seu stuporem materiae transmissæ ad partes genitales*, è qua semen producitur. Etenim non modò partes solidæ, sed & tota massa sanguinis humorisque in ea contenti torpori ejusmodi sunt obnoxii. Atque hinc est quòd Medici sæpius dicant in morborum causis reddendis, humores, tùm etiam sanguinem esse nimis flux-

iles

iles & mobiles, debitóque concitatiores, interdum è contrà esse ineptos ad motum, minús fluxiles esse, minúsque æquo activos; atque hujus quoque rei respectu mediocritas quædam est saluberrima. Verùm plura huc spectantia videantur suprà. Prosequemur hìc tantummodo *vitia parentum* à quibus hic defectus vigoris & activitatis in feminis materia oritur. Sunt hæc ergò
 1^o ipsa *constitutio parentis alterutrius vel utriusque mollis, laxa, & effæminata*, ad actiones robustiores ac viriles indisposita. 2^o *Dieta humidior, & plenior, Epicuræa*, frequentibus cruditatibus obnoxia. 3^o *Vita genus delicatum, molliæ ac voluptatibus deditum, ignavum, laboribus periculis & curis rariùs assuetum*. Huc referas quoque exercitii fortioris omnimodum defectum, somnum immoderatum, præsertim mox post cibum, & somnolentiam qualemcunque, vitam sedentariam, speculativam, scientiis, & mollioribus artibus, putà Poëtica, Musica, Cosmetica & similibus solùm intentam. Huc etiam reducimus Comædiarum & spectaculorum scenicorum quotidianam frequentationem, Fabularum & Historiarum Commentitiarum assiduam Lektionem, locóque mascululi exercitii lusus pictarum chartarum aut aliarum frequentiores. Huc pertinent etiam Pacis diuturnioris ac opulentiæ solennes fructus, securitas, incuria, negligentia & similes. Omnia

Ejus
Causæ.

jam hæc enumerata vitia ad mollitiem & torporem partibus inferendum manifestè faciunt. Cum ergò sanguis, unà cum humoribus in eo contentis, in circuitu suo perluat omnes partes sic torpidas redditas, fieri non potest, quin in transitu suo aliquam alterationem eòdem spectantem subeat; & cum portio sanguinis transeuntis torpore nonnullo, ut dictum, affecti, transmissa ad partes genitales evadat ipsa materia ex qua generatur semen, facile inferri potest foetum ex talibus principiis oriundum intra se contrahere proclivitatem saltem aliquam ad torporem & ignaviam nativæ suæ materiæ conformem, illamque proclivitatem post partum summotâ præservatione ab æquali uteri fotu, à variis causis non difficulter in actum deduci: Quapropter cum torpor ejusmodi sit pars primæ essentiæ hujus morbi, sequitur in talibus seminalibus principiis dispositionem quandam ad hunc affectum ab altero aut utroque parente derivatum delitescere.

4. Viciosæ dispositiones parentum qui ipsi fortè in sua pueritia hoc morbo laboraverint.

IV^a Classis continet *viciosas dispositiones* (si quæ tales occurrunt) *Parentum qui ipsi in pueritia sua hoc morbo laboraverint.* Hæ siquidem morbi hæreditarii propriè dicti notam liberis inurerent. Verum, quia, ut supra dictum, nondum liquet an Parentes hoc morbo in Pueritia afflicti prolem eo affectam

etiam genituri sint; præterea, quia Parentum vitia vel ad aliquam unam trium prædictarum classium, vel ad plures, vel simul omnes commodè referri possint, non erit operæ prætium iis hîc pluribus insistere. Quare enumeratis jam vitiis à toto corpore parentum dependentibus, proximo loco accedimus ad eorum vitia quæ in ipsis partibus genitalibus resident.

Vitia hæc partium genitalium sunt interdum intemperies frigida; interdum humida, quando præ nimia humiditate laxantur & enervantur, unde sperma vel planè infœcundum vel in hunc morbum proclivem excernunt. Adhæc, interdum istæ partes Gonorrhœa sive virulentâ, sive biliosa, sive aqueâ infestantur, semênque minùs elaboratum ejaculantur; idem dicendum est de fluore albo & rubro in mulieribus. Tandem nonnulla extrinsecus partibus genitalibus admota huc quoque spectant; ut unguenta ex cicuta aliisve narcoticis præsertim frequentius iis illita; similiter unguenta, plumbum album vel rubrum, cerussam, calcem plumbi, lithargyrum, saccharum saturni & similia recipientia, assidue diùque istis partibus applicata. Ejusmodi enim activitatem spirituum insitorum in istis partibus retundunt, torporémque quendam iis inferunt, qui semini in illis confecto communicatus prolem ad hunc affectum disponunt.

Vitia in
ipsis parti-
bus genita-
libus resi-
dentia.

11^o Causæ
ex parte
matris hunc
morbum
post con-
ceptionem
producen-
tes.

Absolvimus demum institutam enumera-
tionem causarum, si non omnium, saltem
præcipuarum, majorisque notæ, quæ ante con-
ceptionem circa generationem seminis prolifici
occurrunt, & ad hunc affectum invehendum
faciunt. Sequuntur jam vitia & errores ma-
tris tempore gestationis foetus in utero, quæ eti-
am inter hujus affectus causas ante partum
reputandæ sunt.

1 Intem-
peries fri-
gida &
humida
ipsius uteri

1^o Occurrit intemperies frigida & humida
ipsius uteri, quæ (ut cuivis, vel nobis tacenti-
bus, facile manifestum est) ex assiduo con-
tactu uteri Embryoni promptissimè commu-
nicari potest.

2 Quæcun-
que faci-
unt impro-
bum ali-
mentum
Embryoni
suppedi-
tandum.

2^o Loco se offerunt ea omnia quæ succos
crudos parùmque defæcatos, excrementis hu-
moribus aut ichoribus resectos, vice probi ali-
menti, Embryoni suppeditant. Huc spectat im-
primis insalubris gravidarum diæta, præsertim
ad humiditatem & frigiditatem cruditatès-
que accumulandas inclinans. Porro idem
faciunt coctiones earundem seu primæ seu secun-
dæ imperfectæ & deficientes, maximè ubi
neque vomitu, neque aliâ evacuatione crudi-
tates indè provenientes excernuntur, sed ex
cum sanguine materno ad foetum tandem pro
alimento derivantur. Præterea si gravidam
post conceptionem invadat morbus humidus
frigidusque, ut intemperies cum materia frigida
& humida, cachexia, hydrops, &c; facile indè
evenire

evenire potest, ut impurum quoque alimentum, quodque hujus morbi seminia tum ferat tum foveat, Embryoni dispenseetur.

3^o Loco censenda sunt ea omnia quae quocunque modo Embryonem debito alimento defraudant; ut evacuatio quavis justo profusior, imprimis haemorrhagia longior ex ulla parte, item vena sectio vel temere, vel justo excedens adhibita. Huc etiam refertur nimius veneris usus tempore gestationis. Alterius quoque Infantis lactatio divertere potest sufficientis alimenti affluxum ab utero versus mammas. Huc spectat diuturna inedia, ut & atrophia quaecunque matris gravidae, aut appetitus cibi planè dejectus, vel defectus coctionis. Febris tandem acuta praeagnanti accidens, praeter alia incommoda, defraudare quoque potest foetum sufficienti alimento; febris item hectica. Haec omnia non modò virium vitalium dejectionem & imminutam nutritionem foetui inferunt, verum & insuper penuriam spirituum insitorum. Etenim absque debitâ nutritione eliquantur ac dissipantur spiritus insiti, tum necessariâ etiam reparatione destituuntur. Cum ergò pars essentiae hujus morbi in defectu spirituum insitorum consistat, necesse est à praedictis causis dispositionem aliquam ad hunc affectum foetui imperiri.

3 Quaecunque Embryonem quovis modo debito alimento defraudant.

4^o Et ultimò, *Nimia gravidarum somnolentia,*

4 Nimium gravidarum orium.

tia, ignavia, mollities, aversatio laboris & exercitii post conceptionem huc etiam nonnihil contribuunt. Licet enim violentiores motus actionesque cujusvis generis gravidis interdantur, moderati tamen labores, vigiliæ, & exercitia quæ nullam vim utero inferunt aut abortum provocant, non modò ad sanitatem matris faciunt, sed & nonnihil torporem Embryonis excutiunt, ejusque calorem, vigorem, & activitatem excitant atque adaugent. Atque ità finem imponimus huic capiti primo *de causis hujus morbi ante partum*. Restant examinandæ *æ quæ post partum incident.*

C A P. XVI.

Causæ hujus morbi Pueris post partum incidentes.

Notavimus præcedenti capite infantes ab ipso ortu rariùs hoc morbo affligi, nativâ verò dispositione ad eundem frequenter ob causas illic memoratas affici. Prosequemur jam *causas quæ vel nativam illam dispositionem post partum actuare aptæ sunt, vel de novo & integro hunc morbum producere*. Sciendum autem est, easdem causas, quæ dispositionem nativam ad hunc morbum actuent, eundem posse

posse de novo producere, si gradu sat̃s intensæ sint. Ideoque fatemur pueros à navitate in hunc affectum pronos, faciliùs, id est, à causis gradu remissioribus affici; alios verò ab omni nativâ labe immunes non nisi à causis potentioribus in eundem incidere; interim causæ istæ ejusdem sunt generis & gradu solo distinctæ. Quare non opus fuerit de his distinctè & separatim agere; suffecerit has simul & indiscriminatim proposuisse.

In ipso limine occurrit Quæstio discutienda; utrùm nempe *Contagium* inter causas hujus morbi annumerandum sit, adeoque utrùm morbus hic proprio sensu morbus sit *contagiosus*? Certè qui considerat morbum hunc veteribus incognitum hoc ultimo seculo occidentales Angliæ tractus primùm invadentem, intra paucos annos per totam ferè Angliam dispersum esse, faciliè primâ fronte opinetur eum esse verè contagiosum, & per contagium tam longè latèque disseminari. Sed pressius attendenti aliter se res habere videbitur. Licet enim morbus hic aliquo forsan modo nitatur sibi similem affectionem aliis corporibus imprimere; vix tamen eò usque procedit, ut morbum ejusdem speciei de integro producat. Fortè equidem nonnullam leviusculam inclinationem alteri corpori possit imprimere, immo

An morbus hic sit contagiosus?

Negativa
asseritur.

in.

Quid potissimum
requiratur
ad morbum pro-
priè contagiosam
constituen-
dum

interdum ipsam fortè morbi invasionem in corpore insigniter ad eum prædisposito acceleret aut promoveat, neque tamen propterea nomen morbi propriè contagiosi mereatur. Omnes enim morbi corpora sibi proxima immutare sibi que assimilare satagunt; non tamen id sufficit, ut omnes morbi contagiosi denominentur. Ad morbum enim contagiosum propriè sic dictum constitutum requiritur ulterius, ut propaget à se *fermentum quoddam seminale* suū, quod se clàm insinuans in alia corpora, paullatim morbum ejusdem speciei in ea introducat. Verum hic morbus nullum tale fermentum in sua essentia continet, neque clanculum propagatur emisso prius à se seminio quod vicinis corporibus morbum ejusdem speciei imprimat. Diximus enim suprà, essentiam hujus morbi primam consistere in frigida & humida intemperie, in torpore & inopiâ spirituum infectorum; quæ affectiones si quæ corpora propinqua assimilare conentur aperto Marte, non verò ex insidiis & clandestinis prius immixtis igniculis id aggrediuntur. Similiter si respicias ad essentiam ejus secundariam, neque tonus vitiat, neque constitutio seu vitalis seu animalis læsa, neque organorum depravationes aptæ deprehenduntur in hoc affectu fermenti instar clàm in alia corpora se insinuare, speciemque suam propagare.

De-

Denique si velimus ipsam experientiam hîc consulere, res extra dubium oppidò statuetur. Etenim observamus frequenter pueros seu coætaneos, seu propè coætaneos in iisdem ædibus enutritos, quorum unus aut alter hoc morbo fortè afflictus fuerit, dum alius aut plures eorum minimè laborent. Immo novimus pueros non tantùm communibus ædibus, assiduâque mutuâ societate gaudentes, sed & quotidie communi mensâ & lecto utentes, quorum alter hoc malo affectus socium convictûs & concubitûs nullo modo infecerit : quod sanè vix videtur contingere potuisse in morbo propriè contagioso. Quapropter excluso contagio è numero causarum hujus morbi, ad alias veriores investigandas nosmetipsos accingamus. *Causas post partum* hunc morbum invehentes in duas classes distribuimus. Prior continet *errores huc facientes in usu 6 rerum non-naturalium* : Posterior complectitur *morbos diversi generis præcedentes, qui post se aptitudinem aliquam ad hunc affectum relinquere sæpius solent.*

Causæ
hujus mor-
bi post
partum.

Quod ad priorem classem attinet de abusu 6 rerum non-naturalium, quatenus hunc affectum respiciunt, cùm pueri rariùs vehementioribus *animi passionibus* commoveantur, vixque indè hunc morbum incurrant; deinde cùm etiam *veneris usus* ad eos non per-

pertineat; ad 5 capita sequentia causas has revocabimus. Ad *Aërem*, tum ea quacunque extrinsecus corpori occurrunt aut applicantur; ad *Cibum & Potum* seu quæ intus assumuntur; ad *motum & quietem*, *vita genus*, *actiones & exercitia*, ad *somnum & vigilias*; denique ad ea quæ retinentur in corpore præter naturam, aut excernuntur. Quæ singula ordine proposito, quâ possumus brevitate, examinabimus.

De Aëre & extrinsecus occurrentibus.

Aër humidus & frigidus.

Aër humidus & frigidus multum huc contribuere potest. Etenim cum is facilius occurrat partibus externis & in hoc morbo primò affectis, quàm visceribus intus reconditis, directè facit ad inæqualem illam intemperiem, frigidam nempe & humidam (quæ pars est primæ essentiæ hujus morbi) istis partibus imprimendam. Hujusmodi Aëris constitutio circa veris principum maximè viget, quo idcirco tempore cautas decet esse nutrices, nè infantes ad hunc morbum propensos nimium Aëri exponant; ut & ubi Aër nebulosus, crassus, pluviosus, vaporibusque scatens observatur. Hinc loci maritimi, paludinosi & pluviis imbribusque frequentioribus obnoxii, immo vel numerosis aquarum scaturiginibus irrigui, cæteris paribus, in hunc morbum fecundiores esse solent. Similiter ædes juxta ripas fluminum majorum,

rum, juxta stagna, piscinâsque exstructæ hoc nomine culpantur. Præterea *Balnea frequentia*, *ablutionesque cum aqua dulci*, licet actu calidæ adhibitæ, cùm potentiâ sint frigidæ ac humidæ, huc etiam referantur; nam intemperiem suam partibus, quæ adhibentur, ex parte communicant; & manifestè toni molliem ac laxitatem, sanguinîsque circuitum nimis lubricum & ignavum in istis partibus plus minùs efficiunt.

Balnea
frequentia
ablutio-
nèsque
cum aqua
dulci.

Huc etiam annumeremus *linimenta frigida & humida*, ut & *laxantia & lubricantia* in tenella ætate diutiùs continuata, præsertim circa spinam aut origines nervorum. Denique *lintea molliora*, tum non probè siccata hujus morbi radices fovent. Ob hanc causam, inter alias, accidit pauperum infantulos minùs huic malo obnoxios esse, quòd nempe plerumque asperioribus linteis, aut fortè laneis integumentis involvantur. Quæ utraque tum fricando partes, tum eos titillando calorem insitum excitant & adaugent, vitalisq; sanguinis affluxum copiosorem ad habitum corporis irritant, adeoque magni sunt momenti ad hunc morbum arcendum. Lintea verò molliora neque irritant calorem in externis partibus, neque eum probè fovent, Etenim si fortè per tantillum temporis spatium à partium contactu amoveantur, calorem suum protinus exuunt, proximòque contactu sensuum

Linimen-
ta frigida
& humida
aut laxan-
tia & lu-
bricantia.

Lintea
molliora,
item non
probè sic-
cata.

suum

suum frigiditatis partibus inferunt. Quare ejusmodi lintea cum sint inter ea quæ extrinsecus applicantur, & cum sola frigiditate ac mollitie hæc noxia sint, ad hanc primam causarum classem, ejusque partem primam quæ humida & frigida extrinsecus occurrentia complectitur, retulimus.

Aër noxiis inquinamentis infectus.

2° Loco *Aër speciali quodam inquinamento infectus*, ut noxiis exhalationibus metallicis, quæ ut plurimum, venenosâ quadam malignitate spiritus insitos partium oppugnant, eosque vel extinguunt, vel fugant ac dissipant, tonumque partium simul exsolvunt vimque pulificam, in partibus præsertim externis, quibus primum occurrunt, saltem minuunt, si non etiam languore afficiant & enervent. Huc imprimis faciunt *exhalationes à plumbo, antimonio, argento vivo, similibusque elevatae*. Porro *unguenta ex iisdem confecta*, si frequentius aut intempestivè partibus primò affectis illinantur, idem præstant; quamvis hæc etiam nonnihil ad quartum hujus classis titulum fortè pertineant. Observavimus autem pueros nonnullos *unguentis mercurialibus* illitos ad necandam scabiem in hunc postea morbum incidisse.

Linimenta ex mercurio similibusque parata.

Observatio.

Aër impensè calidus.

3° Loco *Aër impensè calidus, subtilis, vehementer attenuans ac dissolvens*, quòd spiritus insitos dissipet, evocet ac absumat, inter causas

causas hujus morbi annumerari debet. Similiter *linimenta calidiora* & præsertim simul discutiva, *olea chymicè distillata* & non satis correctæ temperaturarum admixtione; hæc enim in tam tenerâ constitutione partium facile eliquant & in tenues auras resolvunt spiritus insitos, adeoque inopiam spirituum insitorum inferunt. Huc etiam referenda *balnea acria, salina, calida & discussiva*, immo & *intempestivè aut ultra modum justamque mensuram adhibita*. Nam hæc, similiter ut priora, spiritus eliquant atque absument.

Linimenta calidiora.

Balnea calidiora, & quæ nimium siccant & discutiunt.

4^o Et ultimò, *Aër exhalationibus vaporibusve narcoticis refertus, & balnea, fomentationes & linimenta ex soporiferis seu narcoticis, cicuta, hyoscyamo, opio, solano, ut & similibus confecta*, atque extrinsecus adhibita, ad hanc classem etiam commodè accensentur. Nam torporem partibus primò affectis, in quas primum vim suam exerunt, facile inferunt; qui torpor non modò ipse pars est primæ essentiae hujus morbi, sed & facile obtundit ac minuit vitalem influxum in istis partibus, adeoque etiam causa est istius partis essentiae morbi secundariæ, quæ in constitutione vitali consistit, quam rem suprâ fusiùs explicuimus. Atque hæc de extrinsecus occurrentibus.

Aër narcoticis exhalationibus scaturiens, tum balnea, fomentationes, & linimenta ex narcoticis confecta.

II° De Cibo & Potu, intusque assumptis.

Alimenta
nimis hu-
mida &
frigida.

Ad hunc titulum pertinent primò *Alimenta cuiusvis generis nimis humida & frigida.* Quippe quæ foveant manifestè intemperiem, in qua pars essentiae hujus morbi consistit. Huc ergò referimus *pisces plurimos, cibosque crudos & coctione non satis preparatos* : item ea omnia *quacunque faciunt ad defectum coctionis in ventriculo.* Itaque novorum ciborum ingestio, priusquam alii antè assumpti concocti sint, in pueris ad hunc affectum dispositis, valdè noxia est, & omninò diæta paullo plenior potius quàm parcior hoc respectu improbanda est, obruit enim calorem, crudosque humores accumulat. Et fortè hæc una inter causas speciales reputanda est, cur morbus hic frequentius generosorum quàm rusticorum cunas infestet. Similiter *medicamenta frigida & humida intus-assumpta*, item *laxantia atque internâ lubricitate donata*, huc quoque manifestè spectant. Hæc enim non modò consimilem intemperiem inferunt, sed & tonum partium relaxant, easque lubricitate internâ afficiunt, sanguinisque decursum per partes primò affectas nimis lubricum ac facilem reddunt.

Medica-
menta in-
terna fri-
giâ &
numida,
tum lax-
antia, &
lubrican-
tia.

Alimenta
crassa &
viscida.

2° *Alimenta nimis crassa, viscida & obstruentia* huc etiam faciunt, maximè quòd æquali distributioni sanguinis officiant. Huc referimus

rimus carnes fumo induratas, multoque sale conditas, fimiliter pisces salitos, caseum cujusvis ferè generis liberalius comestum, panem è forno recenter extractum, adhucque calentem. Item dulcia ferè omnia saccharo condita, nisi simul vinosa, aut incidentia & attenuantia fuerint. *Medicamenta etiam cujusvis generis obstruentia* huc pertinent, quibus ulterius addere licet *narcotica*, & quacunque torporem partibus inducant propinata.

Similia
medica-
menta,
tùm etiam
narcotica.

3^o *Alimenta admodum calida deprædantia, acris, corrosiva*, ut *vina vetera & fortiora*, præsertim jejuno stomacho, hausta, cibi multo pipere aliisque aromatibus conditi, inter assumptas hujus affectûs causas annumeranda. Hæc enim in tam tenerâ partium consistentiâ facile eliquant aut depascuntur spiritus insitos. Idem faciunt & *medicamenta immoderate calida & discussiva*, immo hæc longè potentiùs nocere possunt, quòd & citiùs & validiùs spiritus insitos depopulentur, quàm alimenta prædicta.

Alimenta
admodum
calida, &
acris.

Similia
medica-
menta.

III^o De Motu, quiete, Actionibus, & Exercitiis.

Motus & exercitia modum si excedant, corpus puelli in profusorem sudorem solvunt, unâque spiritus insitos partium nonnihil dissipant ac imminuunt, adeoque hac ratione possunt ad hunc morbum invehendum conspirare; licet

Excessus
motus
possibilis
sed rarior
causa.

Defectus
noſ &
exercitio-
rum fre-
quentissi-
ma cauſa.

rariffimè contingere putemus, pueros, hunc affectum, de quo agimus, incurrere. At defectus motus & exercitiorum frequentiffimè atque efficaciffimè facit ad hunc morbum producendum. Etenim ſpinalis medulla nervique indè orti, cæteræque partes primò affectæ, motui atque exercitiis maximè inferviunt. Torpor ergò & ſegnities iſtarum partium facit, ut neque ſatis foveatur earum calor inſitus, neque is ſtimuletur, neque intemperies frigida obrepens arceatur, neque humiditates excrementitiæ & ſuperflua per debitam tranſpirationem excutiantur, quin effoeminatâ quâdam mollitie, laxitate, & internâ lubricitate eas affici permittit, unde arteriæ quoque ad eas diſtributæ parùm irritantur, ignavos pulſus edunt, neque partes turgidulas reddunt, aſt flaccidas & ſubſidentes relinquunt. Quibus de cauſis circuitus ſanguinis tardus, & imminutus redditur, nimisq; quàm par eſt lubricus, tùm calor vitalis debilis neceſſariò producitur. Quæ omnia ſatis evincunt hanc eſſe admodum efficacem huius affectus cauſam.

IV^o De Somno & Vigiliis.

Somnus &
vigilia e-
odem ſe-
modo ha-
bent ad
hunc affe-
ctum pro-
vehendum
quo quies
& motus.

Concedimus *Somnum* tum *frequentiore*
tum *productiore* pueris quàm viris deberi.
Si tamen is vel in pueritiâ modum excedat,
eodem res redit ac in defectu exercitii ac
motus

motus. Somnus enim quies quædam est & privatio vigiliarum sive exercitii sensuum. *ἡσυχία τις ὁ ὕπνος τις ἐγρηγόρεως.* Vigiliæ autem in ipso sensuum exercitio consistunt, teste Arist. de Somno & Vigil. Quare quæ ex defectu motus & exercitii oriri mala descripsimus, eadem quoque ex *somno nimio* contingere necesse est. E contra *immoderata vigilia* in tam tenellâ ætate valdè quoque noxiæ sunt. Nam non modò alimentorum coctionem impediunt, ast insuper acrimoniam quandam sanguini inurunt, dissipantque adeò principia constitutionis insitæ partium primò affectarum, & insitorum spirituum defectum facilè invehunt.

V^d *De excretis & retentis præter naturam.*

Causæ internæ morborum fortè non incommodè ad hunc titulum omnes reduci possent. Etenim quælibet contenta in corpore præternaturaliter alterata, quatenus sunt præternaturalia, suam ablationem indicant, & inter præternaturaliter retenta excernenda eatenus reputentur. At verò concedimus rectius omnes *causas internas* in duo genera distingui posse; quorum alterum continet *retenta & excreta præter naturam*, alterum *contenta in corpore præter naturam alterata*. Nam hæc posteriora non tantum per excretionem

tionem tolli, sed & *per alterationem* ad convenientem naturæ modum reduci possunt. Ut ut sit, magna est affinitas inter humores *alteratione vitiatos*, & *excrementitios retentos*. Etenim tot sunt in corpore, tamque varii excretionis modi, ut vix humor ullus per alterationem productus fingi possit, qui non facultatem secreteicem & excreteicem alicujus visceris, aliûsve partis propriè respiciat, & ab eâ secernendus & evacuandus destinetur. Ideoque, licet errores coctionis primæ vix corrigantur in secunda aut tertia *per alterationem*; *per motum tamen localem*, sive *excretionem* alicubi in corpore factam, separatis partibus inutilibus, iisque rejectis, emendari possunt. Similiter alteratâ aliquo modo præter naturam massâ sanguinis, aut humore quovis inquinatâ, materia peccans, quæ aliàs per alterationem domari non potest, excretionem fortè ab aliqua parte aut viscere factâ (nisi unâ facultas ejus secreteix aut expultrix impedita fuerit) brevè exterminatur. Magni igitur momenti sit oportet medicum scire, qui humores in specie in quovis morbo dominantur, & per quas vias determinatas ex naturæ instituto propriè excernendi sint.

Etenim tot sunt fortè *excretorum species infinitæ*, quot sunt *distincta Parenchymata* aliæque partes ad ejusmodi munus in corpore destinatæ.

Errores primæ coctionis. licet vix corrigantur in secunda aut tertia per alterationem, possunt tamen per motum localem corrigi.

Plures sunt species excretorum quam vulgo statui solet.

ta. Credibile namque est, aliud excernere *Hepar*, aliud *Renes*, aliud *Pancreas*, aliud *Lienem*, aliud *Ventriculum*, & *Intestina*, aliud *Pulmones*, aliud *Cerebrum*, aliud *Testiculos*, *Uterum*, *Renes succenturiatos*, *Thymum*, *Glandulas Laryngis*, *Gutturis*, & *Faucium*, aliud *Cuticulam*, & *Cutim*. Siquidem vix admittendum videtur, naturam sibi fabricasse diversæ speciei organa, diversive uti ad unum idemque munus ob eundum. Quando ergo contingit cujusvis dictarum partium excretionem cohiberi, peculiaris quædam impuritas indè in massam sanguinis redundabit; adeoque tot erunt præter naturam retentorum differentiæ, quot sunt genera partium excretioni speciali inservientium; & similiter tot erunt genera vitiosæ excretionis sive nimix, sive imminutæ, sive depravatæ, quot sunt diversæ viæ per quas excretio fiat.

Si quis quærat an singula excretorum genera nobis sint satis nota & perspecta; Respondemus, desiderari adhuc exactam notitiam specialis humoris per *vas novum Pancreatis* excernendi; deinde quid excernant *Renes succenturiati*, quid *Thymus*, quid *Glandula Laryngis*, immo fortè vix dum satis constat quid rejiciat *Lien*. Ob hanc ergo causam, inter alias, visum est ab ulteriori aut accuratiori disquisitione de retentis & excretis

Singulæ
excretorum
species
nondu n
nobis
sunt satis
notæ &
perspectæ.

sive in ordine ad partes viasq; quas spectant, sive in ordine ad præsentem affectum, hæc supersedere, potiùsque insistere quadripartitæ Galeni humorum divisioni in *bilem*, *pituitam*, *sanguinem* & *melancholiam*, additâ solummodo *transpiratione indebitâ*, tum *sudore*. Licet enim dubitemus, an hæc divisio deducat humores ad species infimas, quod (ut supra notavimus) evidenter plures quàm quatuor partes sint specie distinctæ humorum excretioni dicatæ; cum tamen hæc divisio humorum non modò omnibus medicis classicis arrideat, sed & in se omnino utilis sit, & saltem reducat humores ad certa capita seu genera (utut fortè quodlibet genus plures sub se species complectatur) ei impræsentiarum insistere decrevimus; eoque magis, quod optimè sub generali notione conjungat & complectatur tum alterata præter naturam intus contenta, tum excernenda nondum excreta, eoque respectu levaverit ex parte onus nostrum, opusque contraxerit. Siquidem dum hoc modo procedimus, non opus erit aliud peculiare caput instituere de istis hujus morbi causis, videlicet de contentis præter naturam alteratis, quandoquidem sub hoc titulo, ut diximus, comprehendantur.

Causæ
internæ
hujus mor-
bi.

Causas ergò *internas* hujus morbi (sive sint humores excrementitii retenti, sive alteratione vitiati) reducimus vel ad *bilem*, vel

melancholiam, vel pituitam & serosum humorem, vel indebitam transpirationem & sudorem. Sanguis enim propriè dictus vix reus in hoc affectuprehenditur.

Object. Objicias Præcticos in hoc affectu ferè Object. semper venæ sectionem in conchâ Aurium præscribere, eamque evacuationem utilem observare, quod vix admitteretur, nisi aliquo modo sanguis hic peccaret.

Resp. Respondemus valere hoc remedium Resp. non ratione universalis plenitudinis sanguinis, sed ratione peculiaris plenitudinis ipsius capitis. Suprà enim monstravimus in hoc affectu sanguinem inæqualiter partibus corporis dispensari, & quidem diminutè partibus primò affectis, capiti verò nimis copiosè. Licèt ergò non adsit universalis sanguinis redundantia in hoc morbo, respectu tamen particularis plenitudinis ipsius capitis, utiliter fortè sectis illis extimis & minutis aurium venis particularis ejusmodi depletio instituitur. Dicas nos hoc responso plethoram universalem quidem declinare, ast particularem capitis (quæ non minùs causa morbifica censenda) planè concedere. Respondemus nos fusè suprà explicuisse hoc vitium sanguinis, ubi egimus de inæquali distributione ejusdem, ad quem locum propriè spectat, cum sit causa essentiæ secundariæ non primariæ hujus morbi; ideòque hic non expectanda

Standa est inanis ejusdem rei repetitio. Pergendum ergò jam est in proposita disquisitione de prædictis humoribus, tum transpiratione.

I^o Bilis (five intelligas hoc nomine *humorem excrementitium in vesicula & poro biliario*; five *calidiorem, sicciorem, acriorem, amarâque partem massæ sanguinis*; five *nidosum illum humorem, qui oleum rancidum sapore suo refert, ex corrupto cibo præsertim pinguiori, adusto, vel salso, in ventriculo genitum & fluitantem, five ichores quosvis acres & corrosivos è sanguine corrupto in corpore productos*) potest, si fortè in corpore redundet aut ferociat ac dominetur, esse hujus morbi causa.

Quomodo
Bilis
possit esse
hujus mor-
bi causa.

Etenim, licèt videatur potiùs posse impugnare frigidam atque humidam intemperiem, quæ pars essentia primæ hujus morbi est; eo ipso tamen quòd apta est nutritionem partium five irritando nimium excretricem, five attenuando alimentum, nonnihil impedire, & ipsam constitutionem insitam partium extenuare aut eliquare, spiritusque adeò insitos absumere & dissipare, inter causas hujus affectûs rectè statuetur. Notum, enim est biliosos, ferè macros, & extenuati habitûs esse ob rationes modò assignatas.

II^o Melancholicus humor (five intelligas *terrestriorem sanguinis portionem*; five *salinam illam & tartaream materiam in & cum* *urina*)

urina excretam, & in arenulas, ubi refrixerit
urina, ut plurimum concrefcentem; five acdum
humorem in ventriculum à Liene forſitan (licet
 non per vas breve venoſum, ut veteres credi-
 derunt) reſuſum; five *terreſtres illas alimenti*
aſſumpti partes, quæ cum ſacibus alvi per ſedem
deponuntur) quemvis horum intelligas, ſi
 redundet hic humor, neque debito modo
 expurgetur, culpaſi poteſt ut cauſa hujus
 affectûs. Nam 1^o humor ille qui *terreſtior*
pars ſanguinis eſt, ſi excedat juſtam propor- Quomodo
 tionem in maſſa ſanguinis, eum minùs aptum melancho-
 reddit ad nutriendas partes præſertim primò licus humor
 affectas. Partes enim primò affectæ nobilio- hujus mor-
 ris ſunt texturæ quàm parenchymata viſce- bi cauſa
 rum, aut oſſeum genus; ideòq; ſuprà monui- eſſe poſſit.
 mus parenchymata & oſſa facilem admittere
 nutritionem, & per modum congeſtioni
 ſimilem; verùm illæ partes priores longè
 accuratiorem ſecretionem & operoſiorem
 aſſimilationem poſtulant. Atque hinc eſt
 quòd carnes viſcerum animalium inter im-
 puriora & craſſiora alimenta rectè reputentur;
 nimirum quòd minùs ſelecto ſanguine,
 minùſque ante unionem elaborato alantur.
 2^o *Salina* ſimiliter, & *tartarea materia* nimi-
 ùm accumulata nutritioni inimica eſt, &
 potiùs diſſipatiua eſt ac depaſcens quàm
 augmentationi favens. 3^o *Humor acidus*
ventriculi totus edax eſt ac famelicus, & fortè
 ubi

ubi redundat ipsi sanguini consimilem deprædantem qualitatē facile impertiat. 4^o Et ultimò *terrestiores alvi feces* importunè retenti chylum inquinare possunt, eumque minùs idoneum ad alendum reddere. Denique concedimus singula melancholiæ proposita genera superfluè coacervata aut præternaturaliter retenta, non primò ac per se & directè ad hujus affectûs productionem facere; indirectè tamen modòque proposito ad ejus generationem nonnihil posse contribuere.

3^o Pituita (sive sumatur pro *humidiore & frigidiorē parte massæ sanguinis*; sive pro *serosa parte ejusdem*; sive pro *lento humore ventriculi & intestinorum*; sive pro *saliva & sputo*; sive pro *muco narium aut faucium*; sive pro *peculiari humore, quem fortè novum Pancreatis vas expurgare solet*) quomodolibet sumatur, si retineatur ac in corpore redundet, magis directè hunc affectum respicit, ejusque causa magis propriè & per se dici meretur. Est enim hic humor frigidus, humidus, lentus, crassus, torpidus, parùm spirituosus, mollis, & internà lubricitate affectus; quæ omnia ad amussim quadrant cum essentia primaria & secundaria hujus morbi propositis. Quocirca humor hic superfluè accumulatus, cum in hujus morbi productionem univocè conspiret, causa propria & agens per se meritò æstimaanda est.

Quomodo
Pituita
hujus
morbi
causa esse
possit.

Præter

Præter hos humores etiam *indebita transpiratio*, ut & *sudor* five *nimius*, five *deficiens* inter causas hujus affectûs nonnunquam recenferi possunt.

Etenim sudor immoderatus, ut & nimia transpiratio, dissipat vires, & unâ eliquat partes, imprimis externas in hoc morbo primario affectas, atque discussis spiritibus insitis facillè post se intemperiem frigidam relinquit. Sed & transpiratio alio modo insuper, nimium ubi nimis lubrica est, hunc affectum promovet. Requiritur enim ad justam caloris partium excitationem tum conservationem debita quædam lucta exhalationum inter transpirandum. Quæ si deficiat, calor actualis quoque (qui ex parte in ipsa hac lucta consistit) valdè debilis ac languidus evadit, partesque frigidae intemperiei facillè exponuntur. Sed de hac re superius plura. E contra sudor præter rationem cohibitus, ut et imminuta transpiratio, facillè febrilem calorem accendit, adeoque vires insitas frangit partesque dissolvit, easque frigidae intemperiei postmodum facillè obnoxias reddit.

Denique, ut reliqua verbo complectamur, humor quivis præter modum ac rationem excretus, colliquationem partium spirituumque insitorum dissipationem facillè infert, adeoque corpus ad hunc affectum disponit. Atque hæc dixisse sufficiat de rebus non na-

Quomodo
sudor ex-
cedens vel
deficiens,
ut & inde-
debita
transpira-
tio hujus
morbi
causa esse
possit.

naturalibus causisq̃ue morbi indè ortis.

C A P. XVII.

*Morbi antecedanei, qui hujus morbi
causæ esse possunt.*

MOrbi hi, respectu essentiaë propriæ, solo morborum nomine nuncupandi veniunt: attamen respectu hujus morbi, quem ut effectum post se relinquunt, causarũ morbi-
ficarum rationem verè subeunt, atque inter causas hujus affectũ accenseri debent. Et si verò plurimi horum (quòd ad parentes, pertineant, adeoque nativam labem proli imprimant) superiùs memorentur; suam nihilominus considerationem diverso tamen respectu & ordine hìc jure merentur. Morbos hos reducimus ad tria genera seu capita.

I^o *Ad morbos huic affines seu ex parte con-
generes.*

II^o *Ad morbos corpus extenuantes seu ema-
ciantes.*

III^o *Ad morbos ignaviã & torporem par-
tibus primò affectis inducentes.*

Qui mor-
bi huic
sint affines
& conge-
neres.

De I^o genere.

Morbos huic affines seu congeneres vocamus
eos qui ex parte saltem consistunt in eadem
cum

cum essentia hujus morbi. Hujus generis sunt *intemperies quævis frigida, intemperies quævis humida; item quævis frigida & humida.* Nam pars primæ essentiæ hujus morbi includit intemperiem frigidam, ut & humidam, adeoque istæ intemperies cum hoc affectu ex parte conveniunt. Huc etiam spectant *cachymia pituitosa, melancholica & mixta; obstructio ab istiusmodi humoribus facta; cachexia; hydrops.* Imò huc etiam referre possumus, propter affinitatem, *morbos illos in quibus spiritus insiti nonnihil absumuntur;* quippe pars essentiæ hujus morbi consistit in penuria eorundem spirituum; aliàs verò commodiùs referuntur ad genus secundum; similiter *morbis, in quibus partes primò affectæ torpore afficiuntur,* ratione affinitatis suæ huc possint pertinere, licet tertium genus morborum enumeratorum magis propriè spectent. Porro *morbis, in quibus laxatur, & flaccescit tonus partium,* huc respiciunt; quippe qui partem hujus morbi includunt, eam videlicet, quæ consistit in laxitate, flacciditate, internâ lubricitate & mollitie toni suprâ descriptis. Afferunt Philosophi Elementa, quæ in symbolis, ut vocant, qualitatibus conveniunt, faciliè inter se transmutari; pari profectò ratione morbi, qui ex parte in eadem essentia conveniunt, faciliè reciprocum transitum ab uno ad alterum admittunt. Sic videmus Ephemeram, quæ
in

in præternaturali calore cum putrida convenit, levi de causa in eandem degenerare. Notandum hîc tamen, graviores morbos non itâ promptè in leviores, atq; leviores in graviores commutari. Præterea neque omnes morbi qui fortè pariter de eadem essentia participant, æquè facilè inter se permutantur. Alii enim morbi promptiùs in alios, cum quibus ex parte conveniunt, quàm alii transeunt, idque propter alias rationes præter dictam convenientiam. Ut ut sit, si intemperies frigida & sicca puello accideret, facilè ea in frigidam & humidam laberetur, tum ob congruentiam utriusq; morbi in frigidityte, tum ob peculiarem tenellæ ætatis versùs humiditatem inclinationem. Etenim ob frigiditatem coctiones imperfectæ fierent, hincque cruditates seu crudæ humiditates accumarentur, quas facilè & proximè in tam tenera ætate sequeretur intemperies humida. Porro intemperies frigida & humida, ratione frigiditatis tardiozem pulsum, ratione humiditatis magis lubricum minùsq; obluentem efficeret, unde imminuto vitali calore, paulatim spiritibus insitis torpor obreperet; denique, ob labilem illam retentionem ortam ab interna partium lubricitate, & ob debilem coctionem, spiritus insiti partium primò affectarum sensim quoque minuerentur, adeoque gradatim hoc modo introducetur integra hu-

jus

jus morbi essentia. Sed de hoc genere hæc dicta sufficiunt.

De II Genere.

Morbi plurimi emaciantes & quovis modo corpus extenuantes, licet fortè ipsi nullo modo de essentia hujus morbi (quemadmodum morbi primi generis) participant, corpus tamen ad hujus morbi invasionem disponere, eundemque post se relinquere queunt. Etenim omnes morbi graviores & diuturniores, tractu temporis, afferunt & extenuant habitum partium, spiritus insitos absument, tonumq; partium solvunt; atque hæc attritio, & extenuatio partium potissimum respicit partes in hoc morbo primò affectas. Nam, ut supra asseruimus, parenchymata viscerum non ità facilè subjiciuntur colliquationi aut dissipationi: Quin in cadaveribus eorum, qui à longis morbis extincti sunt, dissectis, viscera nihilo ferme minora, immo fortè majora frequenter reperiuntur, quando externæ partes (quæ in hoc morbo solent esse primò affectæ) vi morbi plurimum emaciatae sunt. Ideoq; cum morbi extenuantes vim suam maximè in partes primò affectas exerant, facilè contingit, ut ii in pueris ad morbum hunc invendum faciant. Absumptis quippe magnâ ex parte spiritibus insitis partium primò affectarum, vix fieri potest, quin consequatur

P

Tria genera morborum corpus extenuantium.

tur intemperies frigida, quam ob cruditatem excipit (ut suprà monuimus) humida, simulq; torpor; cùm calor, activitas, & vigor partium maximè dependeant à spirituum infusorum copiâ. Atque ità exhibuimus modum, quo hic morbus insistit vestigiis aliorum præcedentium hujus generis; quod jam ulterius in tres classes subdistinguiamus.

Prima comprehendit *morbos per insensiles vias habitum partium extenuantes & absumentes*. Huc spectant *febres ferè omnes*, præsertim *Hectica, Tabes, Ulcus Pulmonum cum febre putrida*: Item *febris qualibet continua violentior, febris ardens, maligna, pestilentialis, Pleuritis, Peripneumonia*; Item *variola & morbilli*, ubi *gravius affligerint*. Similiter *febres, intermittentes diuturniores*: Denique *morbi omnes chronici graviterque affligentes idem præstant*. Secunda Classis continet *morbos per vias manifestas colliquantes & solidam substantiam partium evacuantes*. Huc referas *immoderatam vomitionem, lienteriam, dysenteriam, diarrhæam, fluxum hepaticum, diabetem, hæmorrhagiam quamlibet profusorem, sudorem nimium, ulcus in quavis parte magnum, profundum, multamque materiam indies excernens*. Hi enim affectus omnes evidenter habitum partium extenuant, & ad hunc morbum introducendum faciunt.

Tertia tandem complectitur *morbos, qui quidem non directè, ast ex consequentia quadam sub-*

substantiam partium dicuntur extenuare ; ut omnes morbi impediētes alimentorum vel coctionem vel distributionem. Siquidem hi partium à vitali calore continuè depastarum reparationem prohibent. Hinc morbi varii Ventriculi, Intestinorum, Mesenterii, Pancreātis, Lienis, Hepatis, immo morbi in ore, faucibus, vel gula impediētes tantum assumptionem aut deglutitionem cibi inter causas hujus morbi hoc respectu annumerentur. Ut intemperies, tumor, nausea, appetitus dejectus ventriculi ; item intemperies, tumor, obstructio & scyrrhus mesenterii, pancreātis, hepatis, lienis, similēsve affectus alicujus dictarum partium, quibus debita alimentorum coctio vel distributio quovis modo frustratur, partesque inde defectu alimenti extenuantur.

De III^o Genere.

Morbi torporem partibus primò affectis inducentes, peculiari quoque jure ad hujus affectus productionem conspirant. Etenim calor insitus istarum partium nonnihil ab illis sopitur, minusque efficax redditur ; unde intemperies frigida sensim obrepit, quam & humida (ut modò dictum) facile consequitur, mollitiēsque etiam, tūm interna lubricitas. Adhæc pulsus arteriarum ad istas partes delatarum paullatim enervatur, distributio sangui-

Pueri rarissimè à soporosi, affectibus in hunc morbum incidunt, & cur.

nis calorisque vitalis minuitur, partes ipsæ parciùs aluntur, tandèmq; penuria spirituum infitorum supervenit; ut ab hac etiam radice, aliquandiu permanente, essentia hujus morbi demum pullulare queat. *Apoplexia, Paralysis, Lethargus, Carus, similisque affectus* huc maximè spectare videntur. Rarissimè tamen pueri his de causis in affectum hunc incidunt, atque adeò rarò, ut nondum nobis observare contigerit hunc morbum ab istiusmodi affectibus originem duxisse. Siquis hujus raritatis rationem exigat, dicimus puerorum corpora, ob raritatem ac permeabilitatem, rariùs istis affectibus subjici; ubi verò fortè iis corripuntur, morbus ipse non constitutionem naturalem aut vitalem, ast animalem primò impetit, adeoque animalis facultatis deprivationem aliquandiu invehit, priusquam naturalem vel vitalem interturbet. Torpor verò, de quo hìc loquimur, ad constitutionem naturalem pertinet, in quam non statim transferri potest. Porro ob transpirationis facilitatem in corporibus puerorum, si fortè isti affectus mitiùs ea invadant, facilè ac citò excutiuntur; sin sæviùs irruant, æquè ferme citò, ob constitutionis debilitatem, interimunt; quippe qui naturâ suâ gravissimi sint affectus. Utrovis autem modo accidant, vix tamdiu protrahuntur, ut satis efficaciter torporem hunc insitæ partium con-

constitutioni imprimant. Concedimus tamen hos affectus, si fortè diutiùs cum vitâ persistant, posse, tractu temporis, constitutionem insitam eo torpore afficere, ut morbus hic indè subsequatur, licèt nondum id nostrâ observatione sit compertum.

Cæterùm morbi, qui frequentius hunc torporem constitutioni insitæ partium primò affectarum invehunt, sunt illi ipsi, qui pueros quovis modo ab actionibus & exercitiis debitis, præsertim ab usu pedum impediunt; ut luxatio, aut fractura, vulnúsve aliquod pedis, cruris, femoris, spine dorsi; item tumores aut dolores, similésve affectus, sive ii affligant partes jam dictas, sive alias, modò id efficiant, ut pueri indè ambulare, aut pedibus insistentes ludere, masculisve exercitiis uti recusent. Hinc enim torpet paullatim vigor calorque externarum partium, quæ in hoc morbo primò sunt affectæ, atque indè catenatim succedunt cæteræ partes essentiae hujus affectûs, quem admodum superiùs declaravimus.

Absolvimus jam enumerationem causarum hujus affectûs, & ad differentias ejusdem proximè foret procedendum, nisi hîc se interponerent difficultates duæ, quæ propriè resultant ex causarum propositarum ulteriori consideratione. Etenim causæ modò allatæ videntur omnes tum pueris, tum adultis communes; unde jure quæri possit, quâ fiat

Qui morbi sint, qui frequentius solent torporem huic morbo proprium invehere.

quòd ætate grandiores non æquè ac pueri hoc modo infestentur? Deinde cùm causæ propositæ ferè omnes communes sint cùm Angliæ, tum multis aliis regionibus, & earum nonnullæ omnibus terrarum plagis, hinc insuper quæri possit, cur in Anglia morbus hic frequentior quàm in aliis regionibus occurrat? Has quæstiones ordine examinabimus, nostrumque de his iudicium in medium proferemus.

C A P. XVIII.

Quæstior prior.

*C*ur ætate grandiores non æquè ac pueri huic morbo sint obnoxii? Quæstionis termini videntur insinuare affectum hunc posse quidem, licèt admodum rarò, adultis etiam accidere: sed hujus dubii solutionem in calcem præsentis determinationis reservamus. Interea primò opponendæ, & ex adverso pensitandæ sunt constitutiones seu dispositiones tum puerorum huic morbo maximè obnoxiorum, tum grandiorum rariùs ei obnoxiorum; necnon juvenum, virorum, & senum, idque in ordine & relatione ad hunc affectum. Quæstio enim ipsa non absoluta sed comparativa est, primaque ideo ratio deter-

determinationis ejusdem petenda est ex mutuâ collatione diversarum dispositionum dictorum subjectorum, quatenus eæ aut facilius aut difficilius impressiones propositarum causarum admittunt. Deinde etiam expendendæ veniunt accidentales quædam peculiarésque conditiones juniorum puerorum sub certâ aliquâ ætate, ob quas sub unâ ætate magis, sub aliâ minùs huic affectui redduntur obnoxii.

Quò priorem collationem feliciùs expediamus, ex adverso sistemus, hinc quidem pueros semestres, hornotinos, bimulos, trimulos, quadrimulos; illinc verò quinquennes, & ultrà ætate provectos, juvenes, viros, tum senes; illósq; generali termino juniorum, hos seniorum seu ætate grandiorum complectemur, nisi fortè res ulteriorem grandiorum distinctionem postulaverit. Hisce ergò præmissis collationem institutam aggredimur.

Distinctio
hominum
respectu
ætatis in
juniores &
seniores.

I^o Juniores pueri frigidiori temperamento præditi sunt senioribus. Calor enim temperamenti à primo ortu ad virilem usque ætatem intenditur, quo tempore in statu quodam consistit longè intensior illo puerorum; verùm hinc sensim declinat ad extremam usque senectutem, paullóque ante hunc extremum terminum ad gradum istum, quo in pueritia occepit, relabitur; antè verò hunc

Juniores
pueri frigidiori
temperamento
præditi
sunt, quàm
seniores,
& cur.

terminum supremæ senectutis, temperamen-
tum ipsorum senum calidius est illo puero-
rum. Licet enim revera juniores pueri
uberiore calore insito, spiritûque insito abun-
dent, non tamen propterea necesse est cali-
diore temperamento fruantur. Siquidem ad
constitutionem temperamenti calidi, præter
spiritus insitos & calorem insitum, plura
requiruntur concurrentia; verbi gratiâ, am-
plior portio humoris biliosi, unaque vel
maximè vitalis facultatis validior nixus,
nempe tum in pulsibus, tum in spiritibus vi-
talibus in circuitu suo. Cum ergo juniores
pueri frigidiores sint, haud mirum, si morbis
frigidis, qualis hic est, magis fuerint obnoxii.
Quod ad senes attinet, præsertim in prove-
ctiore senectute; concedimus illos quoque &
frigidiores esse, & frigidis morbis levi de
causa subjici. Quapropter, hinc, videlicet
à frigiditate temperamenti, nullam differen-
tiam inter pueros juniores & hosce senes,
respectu aptitudinis ad hunc morbum incur-
rendum, deducimus.

2^o Juniores pueri humidiores sunt ætate
grandioribus. Senescere enim, si sano sensu
sumatur, est siccescere. Quamvis enim senes
suo modo etiam humidis affectibus, ut ca-
tarrhis, obstructionibus, cachexiæ, hydropi,
paralyfi, lethargo, laxitati nervorum tre-
morique & similibus malis obnoxii sint, re
ipsa

Plura re-
quiruntur
ad consti-
tutionem
tempera-
menti ca-
lidi, quàm
spiritus in-
siti, & ca-
lor insitus.

ipsa tamen nonnulla est differentia inter in-
 temperiem humidam, quæ pueris, & illam
 quæ senibus contingit. Nam in pueris ad-
 ventitia humiditas intemperiem constituens
 non tantum intimam solidarum partium
 substantiam perfundit, sed & eidem penitus
 incorporatur: ast in senibus solida partium
 substantia, vel tum quando intemperie hu-
 midâ imbuatur, non videtur exuere suam
 terrestreitatem, sed quodammodo componi
 ex natura sua terrestri & succo quodam ad-
 ventitio humido crudoque, aut etiam excre-
 mentitio, vel in poros, vel in substantiam
 partium imbibito, non tamen satîs incorpo-
 rato sive unito. Quemadmodum enim arena,
 multâ aquâ perfusa, totam terrestrem suam
 substantiam utcunq; nonnihil madidam sibi
 retinet; ita & senum corpora, utut crudis vel
 excrementitiis humoribus madescant, non
 deponunt tamen terrenam illam substantiam,
 sive partem illam, quæ capitis mortui nomine
 à chymicis designatur, quam sibi indies à
 primo ortu accumulârunt. Est ergo hæc senum
 intemperies spuria, non genuina; cruda, non in
 substantiam partium plenè digesta. Ideoque
 licet concedamus senes etiam posse suo mo-
 do, quo dictum est, laborare intemperie hu-
 midâ, liquet tamen unâ ex iis quæ diximus,
 quantum discriminis interfit inter hanc
 senum & illam juniorum puerorum. Porro
 quod

Differt
 revera in-
 temperies
 humida
 quæ pueris,
 ab illa
 quæ seni-
 bus con-
 tingit, &
 quomodo.

quòd hæc humida senum intemperies minùs sit præfenti morbo conformis, quàm illa puerorum, ex eo manifestum esse potest, quòd in senibus non eam mollitiem ac ténertudinem partium, quam in pueris deprehendimus, producat : neque eos æquè disponat ad dissipationem aut colliquationem spirituum insitorum, aut lubricam permeationem sive sanguinis sive exhalationum, quæ in hoc affectu supponuntur; quin potiùs obstructionibus cæterisque malis suprà recitatis, eos obnoxios reddit. Factâ ergò collatione inter intemperiem humidam, quæ pueris junioribus, & illam quæ senes afficere solet, non levis resultat ratio, cur senes in hunc affectum saltem ægriùs quàm pueri incidant.

3^o Pueri juniores, licèt spiritibus insitis naturaliter abundant, ob corporis tamen perspirabilitatem, ob laxitatem & ténertudinem (ut dictum) minùs què firmam partium cohærentiam, faciliùs quàm seniores dissipationì & colliquationi spirituum insitorum subjiciuntur, & per consequens leviori de causa in eorundem inopiam incidunt.

4^o Pueri juniores ob eandem infirmam partium consistentiam, torpori etiam redduntur magis obnoxii quàm grandiores. Etenim ad vigorem & activitatem partium, præter justam spirituum copiam requiritur im-

imprimis firmitas earum cohærentiæ & consistentiæ.

5^o De Tono partium non opus est ut quidquam addamus; cùm ejus debilitatem in junioribus pueris præ grandioribus toties jam insinuaverimus, & cuivis licet observare, ut tonus crescente ætate magis magisque firmetur.

6^o Quod ad diminutam distributionem sanguinis ad partes primò affectas attinet, (quam notabilem esse partem essentiæ hujus morbi secundariæ suprà probavimus) dicimus, grandiores ætate pueros tum validioribus tum frequentioribus exercitiis uti, quàm juniores; & propterea in illis fortiùs proritari pulsus externarum partium, nempe primò affectarum, calorémque majorem in iis excitari & foveri, ideóque frigidam intemperiem potentiùs ab iis arceri.

7^o Quod ad vitia organica, auctam nempe magnitudinem Capitis, Hepatis, vasorúmque eorundem, similisque affectus attinet, notum est proportionem partium in grandioribus magis esse confirmatam & stabilem, in junioribus è contrà faciliùs moveri atque alterari; cessante verò accretione, non nisi gravissimis de causis eam ampliùs immutari. Ut vel hinc etiam juniores pueri in hunc morbum maximè proni fuerint.

Concludamus ergò hanc partem quæstionis

Juniores nis, juniores pueros, respectu peculiarium
 pueri quo suarum constitutionum & dispositionum
 respectu naturalium, esse magis huic malo obnoxios
 sint magis quàm grandiores, eoque magis, quò juniores.

huic morbo obnoxii Verùm non prætereunda, quæ hîc occurrit,
 quàm ætate grandiores. objectio, quæ opportunè quoque occasionem
 subministrat transeundi ad alteram collatio-

nem, videlicet juniorum puerorum inter se
Object. Si enim juniores pueri (ut ex dictis liquet)
 magis sint ex naturali suâ constitutione &
 dispositione proclives ad hunc morbum, &
 quò juniores, eò magis, quî fiat, quòd pueri
 rariùs ante semestrem ætatem & paullo
 ultrà in hunc affectum incidant? Etenim,
 secundùm sententiam dictam, pueri mox
 à partu viderentur huic morbo maximè ob-
 noxii; quod tamen experientia non compro-
 bat, quin potius contrà testatur, pueros
 nempe ante nonum ætatis mensem vix aut
 quàm rarissimè hunc affectum incurrere. Hic
 ergò aggredi nobis opus est alteram collatio-
 nem puerorum juniorum inter se. Siquidem
 fieri non potest, ut ità constanter morbus hic
 pueris ad eundè maximè dispositis parceret,
 minùsq; dispositos frequentissimè invaderet,
 nisi aliquid interveniret discriminis, quod illas
 ætates diversimodè respicit, quòdque morbi
 invasionè ante completum fermè primum æ-
 tatis annum remoratur, non obstante propen-
 sitate naturæ, & tamè postea, vel non omnino,
 vel

vel non adeò potenter pueros ab hoc morbo tueatur. Hic ergò investiganda est ipsa ratio discriminis inter has ætates. Quam ut promptius assequamur, non erit fortè abs re obiter annotare specialius, quæ ætates frequentius, quæ rarius, duce experienciâ, hoc morbo affici observentur.

Asserimus ergò morbum hunc rarissimè infantes mox à partu, aut ante semestrem ætatē (immo fortè ante nonum mensem) corripere. Ab illo tempore verò paullatim incipere frequentius indies grassari usque nempe ad primum ætatis annum completum cum dimidio. Indè frequentiam, quasi *ἀκμήν* suam attingere, & in eadem quasi consistere ad finem usque secundi ætatis anni cum dimidio; ita ut tempus frequentissimæ invasionis sit annus ille integer qui mox primum sesquiannum à partu sequitur. Exacto secundo anno cum dimidio morbus indies minùs frequenter invadere incipit, ob rationes scilicet supra allatas. Verùm rationes, ob quas infantes recens nati rarissimè, & ob quas à nono mense ad sesquiannum frequentius, cùrque postea per integrum annum frequentissimè afficiantur, hìc ordine exigendæ sunt.

1^o Rationes, ob quas pueri *recens nati* rarissimè afficiuntur, hæc possunt assignari.

Prima est, quòd *fœtus in utero ab equali calore & amplexu uteri strenuè muniatur adver-*
sus

Quæ ætas
juniorum
rarius,
quæ fre-
quentius
huic affe-
ctui obno-
xia.

Cur In-
fantes re-
cens nati
rarissimè
affician-
tur.

sus hunc morbum, ut suprà declaravimus, & per consequens, idem in lucem recèns editus aliquid munimenti contracti ab æquali illo uteri fotu aliquandiu retineat, ut statim à partu non ità facile in eum incidat.

Secunda est, *quòd obstetrices & nutrices eà arte recèns natos tractent*, ut eorum conditio quàm proximè accedat ad illam quàm nuper in utero habuerant. Uno enim continuo involucri totum corpus, excepto capite, undique involvunt: unde partes corporis exteriores & primò affectæ in hoc morbo ab injuriis externi frigoris muniuntur, calidæque exhalationes à quacunque parte corporis erumpentes isto involucri fortè duplicato aut triplicato, fasciisque circumducto ex æquo retinentur, omnibûsque partibus corporis æqualiter communicantur, ut quasi in communi hypocausto æquali calore foveantur. Cùm ergò prima pars essentiae hujus morbi in inæquali frigidâ intemperie consistat, non mirum si munimenta hæc corporis eam ad tempus saltem avertant.

Lac muliebre saluberrimum infantibus alimentum.

Tertia ratio fortè esse potest *salubritas Dietæ*. Lac enim muliebre tam tenellæ ætati saluberrimum alimentum est, præsertim è mammis exsuctum. Est quippe cibus simplex & uniformis, multùm alens, coctu facilis, & constitutioni infantum amicus & familiaris. Quamdiu ergò hoc alimento commodè aluntur

aluntur, pauciores diætæ errores incurrunt, minúsque huic morbo redduntur obnoxii. Notandum tamen, si lac nutricis non sit in se probum, vel aliàs non aptè respondeat constitutioni infantis, rationem hanc locum non habere. Quando igitur nutrix gravida est, aut immoderatiùs venerdì dedita, quando ea cacochymica, valetudinaria, aut aliàs ægra, quando ea temulentiae aut crapulae aut infalubri diætæ dedita est, tutius est, nisi commodior nutrix in promptu sit, ablaetare infantulum.

Exceptis
certis
casibus.

Quarta & ultima ratio est, *tarditas motus hujus morbi in sua prima invasione*. Adeò enim lentè sensimque obrepit, ut ad plures menses vix suū manifesta vestigia prodat, nisi fortè à vehementissimis causis ejus progressus promoveatur, ut à morbo violentiore aut colliquante, seu antecedente, seu superveniente. Cum ergò tam lentè morbus hic naturâ suâ primas radices agat, cūmque pueri, ut priùs monstravimus, nascantur ferè ab eodem immunis: vix contingit eum ante sextum mensem, immò rarò ante nonum, evidenter in actum prorumpere. Atque adeò rationes reddidimus, ob quas infantes modò nati, non obstante constitutionis debilitate, ad plures menses ab hoc affectu defendantur.

Cur Infantes à
9^o mense
ad sesqui
annum
ætatis indies hoc
morbo frequen-
tius infestentur.

II. Causæ, cur pueri à nono mense ad sesquiannum ætatis indies hoc morbo frequentius infestentur, sunt hæ.

1^o. *Quòd causa prima, modò proposita, in re-
cens-natis hunc affectum arcens, indies remittat
& ante nonum mensem planè evanescat.* 2^o *Si-
militer causa propulsiva secunda suprà data ante
hanc etatem indies efficacior redditur.* Etenim
infantium manus, post menses aliquot, si non
priùs, à communi involucro liberari solent;
& fortè ante semestrem ætatem pedes quoq;
interdium, licèt noctu iterum fascientur. Inter-
dium ergò saltem membra externa communi
hoc fomento destituuntur. Sæpe etiam errant
nutrices, dum infantes debiliores præmaturè
vestibus induunt. Perperam quippe numero
mensium tempus vestiendi definiunt, cùm
potiùs ex activitate ac robore motûs pedum
& manuum id æstimare deberent. Ubi enim
motus & exercitium istarum partium plus
conferat ad excitandum & fovendum earum
calorem pulsûsque proritandos, quàm fatus
fasciarum, proculdubio maturum tum tem-
pus est pueros è fasciis liberandi. Porro 3^o
*Post nonum mensem pueri ferè varias sorbitiones,
præter lac mammarum, admittunt, & ex varia
dieta faciliùs in victûs errores labuntur.* 4^o
*Tarditas motûs huius morbi non impedit quin
post nonum mensem in actum prorumpat.* Etenim
motus, præ tarditate imperceptibilis, tractu
aliquot mensium, manifesta sua vestigia pro-
fert. Ultimò dentitionis mala huc etiam non
parùm contribuunt. Incipit enim dentitio
ferè

Error nu-
tricum,
quæ debi-
liores in-
fantes
præmaturè
vestibus
induunt,
notatur.
Quando
fasciæ in-
fantibus
sint exu-
endæ.

ferè circa septimum mensem, variâque symptomata secum adfert, quæ facilè tenella corpora ad hunc affectum disponant.

III^o Causæ cur morbus hic *post sesquiannum ætatis* inter cunas frequentissimè grassetur, sunt;

1^o *Quòd recitata prius causæ propellentes hunc affectum in junioribus, sub hac ætate planè sublata sint, vel saltem inefficaciter admodum agant.*

2^o *Dentitionis mala*, licèt, quoad symptomata immediata quæ proferunt fortè ante hoc tempus evanuerint; ut plurimum tamen in partibus primò affectis dispositionem quandam post se relinquunt, quæ clàm se in illis occultans, post aliquot menses hunc morbum proferat. Eruptio verò dentium caninorum sive ocularium dictorum huc maximè spectat; cùm hi paullò ante sesquiannum ætatis erumpant, eorùmque eruptio laboriosissima esse soleat.

3^o *Accidentia quæ eveniunt causâ ablactationis* huc etiam faciunt. Etenim tempus solenne ablactationis non longè antecedit sesquiannum ætatis: atque isto tempore magna mutatio circa diætam, pueris contingit, quam agrè ferre solent. Quippe hinc irascuntur, plorant, cibum præ animi motu averfantur, haud facilè placantur, neque satîs placidè dormiunt. Quæ omnia præviâ saltem dis-

Cur morbus hic frequentissimè pueros post sesquiannum ætatis usque ad secundum cum dimidio affligat.

Q

positionem

positionem ad hunc morbum (licet forte multum postea actuandam) partibus primò affectis facilè imprimunt.

Atque ità tandem percurrimus hanc secundam etiam collationem, juniorum nempe puerorum inter se, causasque breviter explicuimus, cur isti pueri sub alia ætate magis, sub alia minùs huic malo exponuntur.

Restat adhuc tertia pars quæstionis, quam nos reservasse diximus in calcem hujus disputationis examinandam. viz. *An forte ætate grandiores aliquando (etsi rarissimè) in hunc affectum incidant ?*

An ætate grandiores unquam in hunc affectum incidant? Affirmativa asseritur sub certis limitationibus.

Dicimus primò, Quod ad illam partem essentiae hujus morbi attinet, quæ consistit in intemperie humidâ, aliqualem differentiam expectandam esse inter illam intemperiem in junioribus pueris, & grandioribus, juvenibus, viris, maximè senibus. Etenim eadem differentia, quam suprà posuimus inter intemperiem humidam juniorum puerorum & senum, secundum magis & minùs observari potest inter ætates intermedias, magisq; ideo cocta ac genuina erit humiditas juniorum, minùs seniorum, ut ex eodem ratiocinio, mutatis mutandis, obvium est colligere.

Dicimus 2^o Quod ad vitia organica attinet, necessariò vasta occurrit differentia inter hujusmodi morbos pueris & grandioribus ætate fortè incidentes. Ossium enim tumores in

in carpis & talis, ut & illa pectoris acuminatio, nec non capitis ac pectoris impropor-
tionatè aucta moles, aut multò minùs emi-
nenterprehenduntur, vel planè abfuerint,
præsertim in adultis. Etenim crescente
ætate partium figura & proportio indies con-
firmatio, stabilior & immobilior redditur;
neque faciliè contingit unam partem præ alte-
ra tam insigniter per veram augmentationem
excrescere.

Dicimus 3^o Exceptis duabus conditioni-
bus præmissis, idque eo modo, quo propo-
nuntur, posse hunc affectum secundùm cæ-
teras ejus essentiæ partes (licèt admodum ra-
rò, & non nisi gravissimis de causis) grandi-
oribus pueris, juvenibus, viris, & senibus
accidere. Nam 1^o Intemperies frigida pro-
cul omni dubio iis contingere potest, licèt
non æque faciliè ac puerulis. 2^o Intemperies
humida similiter, sed sub limitatione modò
propositâ. 3^o Penuria spirituum insitorum,
licèt non nisi potentissimis de causis, iis
etiam incidere potest. Etenim morbi longi
simulque colliquantes habitum partium, aut
eum in auras dissipantes, aut longiori inediâ
& atrophîâ conficientes, spirituum insitorum
inopiam necessariò post se relinquunt. Vide-
mus partes externas etiam in adultis ab
ejusmodi causis extenuatas & absumptas
enervari, languescere, flaccescere, & omnino
sufficienti

sufficienti spirituositate destitui. Concedimus tamen in adultis evictō morbo emaciante, ob vigorem pulsum citō reparari spiritus absumptos, hujusque morbi posita rudimenta intra unam vel alteram septimanam eradicari, & per consequens rarissimè ea in adultis reperiri. Interim si fortè contingat, ut absumptis spiritibus insitis impedimētum aliquod interveniat, quod retardet eorundem reparationem, fieri potest, hunc morbum, modo quo dictum est, succrescere. Torpor verò spirituum inopiam necessariò consequitur. 4^o Partes essentiæ secundariæ cū multū à vitiis primariis dependeant, ubi hæc diutiùs perseverant (exceptis tantū vitiis organicis) suo ordine supervenire queunt. Adeò ut non dubitemus quin morbus hic datis restrictionibus modò propositis & gravissimis urgentibus causis iisque diu persistentibus, cuivis ætati ultra pueritiam contingere possit.

Historia
morbi a-
dultis a-
pud nos
interdum
contin-
gentis
huic pue-
rili morbo
multū
adsimilis.

Apud Anglos morbus quidam senibus aliisque extremè debilitatis nonnunquam accidit, qui huic morbo admodum similis est, si non ejusdem planè speciei, salvis tantummodo exceptionibus prædictis, vernaculâ linguâ eos affectos *bedridden*, quasi dicas *lecto affixos* vocamus. Hi neque de dolore, neque alio alicujus momenti malo queruntur, nisi quòd eorum partes motui inservientes, illæ ipsæ

ipsæ nempe, quas primò affectas in hoc morbo vocamus, extremè sint debiles, molles, laxæ, flaccidæ, enervatæ, ità, ut vix sufficiant corporis oneri sustinendo, cùm interim eæ neque sint paralyticæ, neque sensu aut motu penitus destituantur. Dum hi in lecto recumbunt, alacriter quasi sani loquuntur, surgere autem vel incedere neque possunt neque volunt. Non minùs enim averfantur motum, quàm ad eum obeundum inepti sunt. Edunt, bibunt, dormiunt, fermè instar sanorum. Videtur morbus hic multum saltem affinitatis habere (si non sit ejusdem familiæ) cum hoc affectu puerorum.

Porro testatur aliquis nostrum se sub manibus habuisse curandum virum generosum 30 circiter annos natum, qui ex immoderato vini & Tabaci usu quotidie ferè per aliquot annos continuato, neglectâ debitâ cibi assumptione, in eam ventriculi debilitatem incidit, ut quotidie manè vomuerit, omnemque planè cibum averfatus sit, atque ubi eum invitus admitteret, vomitu rejecerit. Coactus tandem est pro sedandâ ventriculi irritatione, ad quotidianum aquæ vitæ vulgaris usum confugere; postea autem ex hac tum cerevisiâ lupulatâ veteri, adjecto saccharo, confecit sibi potum, quo solo per tres fermè menses vitam sustinuit. Interim omnes partes quas in hoc morbo primò af-

Observatio Trigenerii morbo huic perquam simili laborantis.

fectas vocamus, extremâ macie conficiebantur, fimûlque molles, laxæ, flaccidæ & languidæ reddebantur, adeò ut neque se in lecto vertere, neque surgere, neque incedere, aut erectus stare potuerit, nullus tamen commitatus est dolor, neque ulla aut sensûs aut motûs privatio, non tussis, non respiratio difficilis. Facies partésque circa caput floridæ, benè habitæ, benèque coloratæ conspicebantur, ut ex solo vultûs intuitu vix suspicareris hominem ægrotâsse. In lecto decumbens sedatè cum sociis fabulabatur, per vices peti fumum exsugens, potûmque prædictum ebibens. Eventus morbi non quidem ad hunc locum pertinet; breviter tamen in eorum gratiam, qui eum scire expectunt, annectimus. Medicus advocatus, interdiciâ intemperantiâ, & præter alia remedia, exhibito præcipuè gr. iß. *Laudani Londinensis*, compescuit nauseam, tum ventriculi tumultum, quam partem etiam internis tum externis roboravit; cibum probum facilisque coctionis præscripsit. Loco exercitii frictionibus matutinis calorem ad externas partes sollicitavit, porrectâ prius exiguâ quantitate *elect. roborantis & aperientis cum tantillâ portione chalybis confecti*, & propinatis ℥ij *vini absynthia & menthâ conditi*, & cum croco in nodulo suspensio parum tincti, immixtis ℥iij *cerevisiæ tenuioris adjecto sacch.*

sacch. ad gratiam. Porro purgatus est per intervalla benignis medicamentis, & vesperi cordialibus refectus. Intra 20 dies in tantum convaluit, ut foras prodire, per horæ spatium abambulare, scalas cum ascendere, tum descendere sine sustentaculo valuerit. Postea verò à simili intemperentiâ recidivam. passus, absente medico defunctus est. Sed à diverticulo redeamus in viam, & ad scopum propositum sermonem nostrum dirigamus. Affectus ipse jam confirmatus, qualis erat, cum medicus advocaretur, præter ventriculi mala, visus est includere maximam partem essentiae hujus morbi, de quo agimus. Etenim in partibus motui inservientibus, iis nempe quæ in hoc morbo primò affectæ sunt, intemperies frigida, sive ob defectum motûs, sive ob imminutum vitalis sanguinis affluxum, tactu manifestè deprehendebatur. Deinde in iisdem partibus intemperiem humidam ostendebat earum mollities, lubricitas, laxitas, flacciditas. Inopiam spirituum infusorum satîs evincebat extrema istarum partium macies, torporem ineptitudo ad motum, & affectatio quietis. Inæqualem sanguinis distributionem arguebat habitus plenior, & floridior partium circa caput, dum cæteræ partes essent extenuatæ. Peculiaris autem causa hujus inæqualitatis in hoc ægro potuerit fuisse frequens vomitio

tio, quâ uberior sanguinis affluxus ad partes circa caput concitatus fuit, cæteris eo prope-
modum destitutis.

Ex jam dictis facile est cuivis perspicere maximam saltem partem essentiaë hujus morbi in memorato affectu conclusam fuisse. Unde tandem probabiliter inferre licet, possibile esse hunc affectum adultis etiam sub propositis limitationibus accidere; licet is rarissimè in illis occurrat, quòd gravissimas causas per longum tempus superstite vitâ continuatas ad suû introductionem postulet. Atque ità demum disquisitioni super hac priori quæstione terminum imponimus.

C A P. XIX.

Quæstio posterier.

Cur in Anglia frequentius hic morbus occurrat, quàm in aliis regionibus? & An sit Anglis vernaculus?

DARI morbos *Endemios* sive *vernaculos* & *patrios*, qui nempe certæ alicujus regionis incolas, ob communem causam, frequentius, quàm aliorum locorum incolas infestent, communi medicorum consensu receptum est. At cum relatio regionis ad morbos in ea frequentius grassantes diversimoda

moda observari possit; & cùm viri etiam cordati morbis nonnullis denominationem à certis regionibus improprie adscripserint, denique cùm illi, qui hactenus de morbis vernaculis tractârunt, omnes morbos in quavis regione frequentiores indiscriminatum (ac si de morbi vernaculi naturâ ex æquo participarent). vernaculos nuncupârint; operæ-premium duximus nonnulla de horum morborum inter se differentiis præsentis disquisitione præmittere.

I^o Ergò, morbi à regione denominantur vel *proprie*, vel *minus proprie & abusive*, *vernaculi*.

Morbi *proprie vernaculi* dicti 4 conditiones, ut sic dicantur, postulant.

I^a *Conditio est, ut sit morbus frequentior in illa regione, cui attribuitur ut vernaculus, quàm in ulla alia regione, cui non attribuitur ut talis.*

Etenim morbus vernaculus perpetuò supponitur diversas regiones inæqualiter respicere; unamque magis (illam nempe cui adscribitur) aliam verò minus infestare.

II^a *Est, ut dependeat morbus ab aliquali loci inclementiâ.* Morbus enim *proprie vernaculus* quoddam crimen & vitium ipsi loco imputat. Quando ergò locus ipse peculiaris cuiusdam vitii non reus est, improprie certè, immo falsò, atque injustè stigma tale ei inuritur.

Quatuor
condicio-
nes, ut
morbi di-
cantur
proprie
vernaculi.

III^a Conditio, *ut regionis inclementia tanta sit, ut etiam cautiores eosque qui debitum sanitatis regimen locoque appropriatum diligenter observant, afficiat.* Certis quippe regionibus peculiare quid in sanitatis regimine debetur. Ubi ergo populus, posthabitâ ejusmodi peculiari loci observatione, ex errore in 6 rerum non-naturalium usu, in morbum aliquem epidemicum inciderit, non is pro Endemio seu vernaculo habendus est, sed errori, imprudentiæ, aut incogitantix & negligentix incolarum adscribendus est. Morbus enim hic, quem supponimus, præcaveri poterat, modo regimen sanitatis loco appropriatum fuisset ritè observatum.

IV^a Est, *ut vitiosa ista regionis constitutio aliquandiu permanens & durabilis sit, aut ad minimum frequenter recurrens.* Vitium enim loci quod fugax est, neque diu durat, nec sæpius recurrit, ut extraneum quid & merè adventitium respectu regionis habendum est, ut morbum patrium propriè non denominet. Exempli causâ, si perniciofa quædam & insolita aura ex aliis regionibus huc fortè afflaretur, morbumque communem produceret, eaque non ultra menses aliquot vigeret, certè morbus ille non propriè vernaculus, at fortuitus casûque eveniens dicendus esset. Quapropter Febris Ungarica, tùm sudor Anglicus, licèt ab istis regionibus respectivè
nomen

nomen fortiti sint, minùs propriè jam saltem vernaculi nuncupantur, cùm careant durabili fomite in istis locis persistente, & cùm vel planè cessârint, vel saltem non magis hîc aut illic, quàm alibi impræseutiarum dominantur.

Morbi impropriè vernaculi includunt quidem primam conditionem propositam propriè sic dictorum; scil. quòd frequentius in regione, cui adscribuntur, quàm in aliis occurrunt: (aliàs enim nè impropriè quidem vernaculorum appellationem mererentur.) Carent tamen 2^a, 3^a, vel 4^a. Vel enim carent fomite in regione radicâtâ, vel fomes, quem habent, admodum debilis est & inconsiderabilis, quique ex regimine diætæ loco appropriato superari potest, vel denique fomes non permanens & durabilis est, neque frequenter recurrit. Per fomitem autem hîc intelligimus aliquid respectu sanitatis culpabile in ipsius regionis conditione fundatum. Quando ergò morbus aliquis communis & frequens oritur ex abusu alicujus commoditatis regionis, ut si gens aliqua propter uberiores frugum vel fructuum proventus, similémve fertilitatem regionis, vel propter diuturnam ac securam pacem, intemperantiæ, socordiæ, aliisve vitiis se addiceret, indèque morbum aliquem communem incurreret, morbus is non propriè vernaculus

Qui morbi impropriè dicantur vernaculi.

lus censendus est. Occasio enim istius morbi, quam suppeditavit patria, in se laudabile quid est, ideòque quodcunque ejus abusu accidit non patriæ, ast soli incolarum errori jure imputandum est. Similiter, si fomes morbi sit culpabilis, neque tamen is in ipsa constitutione regionis fundetur, verùm in aliqua hominum actione, ut quando ex clade belli inhumata cadavera putredine suâ aërem inquinant, indèque morbum Epidemicum producant, non est hic morbus vernaculus dicendus, cùm ab arbitrio hominum, non proprio loci vitio dependeant.

Morbus etiam nonnunquam per calumniam & abusivè genti vel loco adscribitur, ex pravo & malevolo animo alicujus gentis vicinam defamare cupientis. In hunc modum Neapolitani Luem Veneream morbum Gallicum vocant, quasi is Gallis esset vernaculus; è contrà Galli calumniam illam in Neapolitanos retorquent, & eum morbum Neapolitanum nuncupant. Verùm de his satis.

Morbus propriè dictus vernaculus, vel *originalis est & antiquus, vel adventitiuus & novus*. Originalis is est, qui primâ loci inhabitatione, incolas infestavit : hujus generis fortè est *Bronchocele* apud Alpinos; Febris illa ardens, quam *Calenturam* vocant, sub Zonâ torridâ; *mortificatio sive sphacelus* par-

Morbus
propriè
dictus ver-
naculus
duplex est

partium à frigore sub Zonis frigidis versùs Polos.

Morbus vernaculus adventitius seu novus is est, qui ob communem aliquam causam de novo regioni supervenit. Hic triplex est. Vernaculus adventitius seu novus rursum triplex est.
 Nam, *vel provenit ab originali aliquo vitio regionis, tractu temporis, in incolarum sanitatem prævalente; vel ab alteratione seu innovatione aliquâ ipsi Regioni accidente, vel ab incongruitate loci cum complexione novorum incolarum.*

1°. Morbus vernaculus novus regioni supervenit ab originali aliquo vitio, tractu temporis, prævalente. Fieri enim potest, ut firmiora corpora primorum incolarum aliqujus loci validè insalubri influxui regionis resistent, & morbi vernaculi invasionem per multa secula repellant, licèt postea progenies illorum, tractu temporis, paullatim immutata in ista peculiari ratione cõplexionis, quâ ante resistebant, in morbum aliquem vernaculum demum labantur. Etenim plica Polonica Sarmatis & Polonis, scorbutus incolis littoris maris Baltici morbi sunt vernaculi, iidémq; morbi novi sunt, & (ut omnes fatentur) veteribus planè incogniti. Jam verò nondum constat ullam notabilem aut insignem immutationem vel innovationem, istis regionibus accidisse ante illorum morborum eruptionem, cui possis novi morbi originem probabiliter adscribere. Quare dicendum potius videtur novos istos morbos ab antiquo

quo & originali locorum vitio profluxisse, non tamen eos prius exortos ob peculiarem vim primorum incolarum iis resistendi. Nam & in hunc usque diem nonnullas familias in prædictis locis ab istis morbis immunes, regionumque injuriæ nec dum cedentes, perseverare credibile est.

2^o. Morbus vernaculus novus provenire potest ab immutata vel innovata regionis constitutione. Hujusmodi innovationes locorum accidunt, aut ab inundationibus aquarum, aut terræ motibus, aut eruptionibus vel novarum scaturiginum perniciosarum, vel novarum exhalationum fortè mineralium è cavernis terræ, à maligno aliquo siderum aspectu similibusque causis.

3^o Morbus novus vernaculus provenire potest ab incongruitate loci cum incolarum complexione. Hujusmodi morbi maximè accidunt gentibus, quando ab unâ regione in aliam migrant, præsertim ubi constitutiones regionum, in quas se conferunt, admodum diversæ sunt ab iis, à quibus recedunt. Sic Angli qui primùm Virginiam inhabitârunt, tumore Abdominis & Hypochondriorum frequenter affligebantur; qui, ubi in Angliam redierunt, haud difficulter curabantur: ast illic permanentes, non æquè facile.

Alia morbi vernaculi differentia.

Porro morbi vernaculi inter se differunt, quòd alii *ex toto* dependeant ab inclementia regionis,

regionis, alii *ex parte tantum*. Prioris generis videtur sphacelus membrorum à frigore in septentrionalibus tractibus Polo viciniorebus : integra quippe morbi essentia inclementiæ loci adscribi potest. Posterioris generis videtur Lues Venerea apud Indos occidentales. Putatur enim illic contrahi partim ex impuro concubitu, partim ex peculiari insalubritate loci. Similiter in Hybernia dominatur dysenteria, quæ partim dependet à constitutione loci, partim ab erroribus diætæ. Atque hæc in genere de morborum vernaculorum differentiis dicta sint. Proximè jam inquirendum, *Cur in Anglia frequentius quàm in aliis regionibus morbus hic occurrat?* & obiter notandum *an, & quatenus idem sit Angliæ vernaculus?*

1^o. Sciendum est Angliam esse insulam, & *Angliæ temperies frigida & humida.* nonnihil humiditatis à viciniâ maris, tum *frigiditatem* à distantia ab æquatore mutuare ; deinde eam innumeris propè fontibus ubi-vis ferè locorum scaturientibus abundare ; denique multis pluviis usque frequentioribus quàm pleræque aliæ regiones irrigari : Quæ omnia frigiditatem atque humiditatem loci satis attestantur. Cùm ergò intemperies frigida & humida sit pars essentiæ hujus morbi, facile inferre licet corpora incolarum magis hic ad istas intemperies inclinari quàm in aliis regionibus calidioribus & siccioribus.

Si

An, &
quatenus
hic mor-
bus dici
possit An-
glis verna-
culus.

Si ergo quæras, an hic morbus, ex hac saltem sui parte rectè dicatur Anglis vernaculus ?

Respondemus, eum quodammodo sic dici posse (licèt fortè non propriè) eatenus nimirum, quatenus aliis regionibus pariter humidis ac frigidis (etsi in iis fortè nondum observetur) idem, ut vernaculus, attribuitur, siquidem illæ regiones etiam æquè dispositæ sunt ad frigidam & humidam intemperiem suis incolis imprimendam ac ipsa Anglia. Notandum autem est intemperiem frigidam & humidam esse partem essentiæ hujus morbi communem, & per se solam eundem non specificare, neque omnem intemperiem frigidam & humidam hunc morbum inferre. Quapropter licèt concedamus excessum frigiditatis, & humiditatis Angliæ vitio verti posse, negamus tamen indè rectè inferri morbum integrum esse Anglis vernaculum.

Porro reperiantur fortè regiones, quæ, respectu tum frigiditatis, tum humiditatis Angliam longè excedant, ut *Scotia, Hollandia, Zelandia, Hybernia, Dania*, similisque, in quibus tamen nondum hic morbus frequenter grassari notatus est ; si ergo hic morbus non rectè imputetur his regionibus, in quibus viget communis illa causa, excessus nempe frigiditatis & humiditatis, certè neque Angliæ propter istam communem causam, quæ
hic

hic levior est, jure imputetur. Adhæc, frigiditas & humiditas Angliæ non eousque à mediocritate recedunt, quin extrâ admotis, intus assumptis, exercitiis & similibus, recto nempe usu 6 rerum nonnaturalium satis superque corrigantur, quò minùs hæc imputatio ei altiùs inuratur. Quapropter si hæc ità se habeant, si nimirum intemperies frigida & humida sint tantùm còmunis pars morbi, si aliæ regiones, in quibus nondum viget morbus, sint ad minimum æquè obnoxia frigiditati & humiditati, si denique istæ intemperies regimine diætæ loco appropriato præcaveri possint, certè ratio ab humiditate & frigidity climatis desumpta, quam modò reddidimus, cur Angli frequentius hoc morbo tententur præ aliis, valdè manca & insufficiens erit, ut nobis in hac sola acquiescere minimè liceat; ideòq; nihil aliud illam assignando volumus, quàm Angliam hinc magis disponere incolarū corpora ad hunc affectū, quàm calidiores ac sicciore regiones suorum incolarum corpora. Atq; adeò ad alias hujus frequentia causas investigandas procedimus.

II^o Loco annotare possumus Angliam esse *admodum proliferam*, & tum conceptioni tum gestationi satis favere, neque abortibus ità obnoxiam. Hinc autem evenit, ut non tantùm viri robustiores validiorésque, & integrâ sanitate præditi, sed & languidiores,

Anglia
regio ad-
modum
prolifera:

debiliores, ac valetudinarii generent, foeminaeque infirmæ, cachecticæ, cacochymicæ, immo & in Tabem pronæ concipiant, ad novum mensem gestent, legitimèque pariant. Minimè autem mirandum est, si foetus è tali feminio genitus, quique soli ferè clementiæ loci vitalitatem suam debet, minùs vegetus & vicens, minùsque nervosus, & in hunc affectum planè pronus in lucem edatur. Etenim ipsa benignitas regionis hoc respectu nonnullæ infirmitatis in genere occasio esse potest. Quemadmodum enim barbari olim populi inhumaniter tractando recens natos infantulos, eos nempe rudos prægelidis lymphis sub dio immergendo, infirmiores frigore ipso enecârunt, robustiores verò solos, qui injuriæ ejusmodi tractationis non succumbabant, educârunt, unde universa gens ab ista inhumanitate valida tandem ac robusta evasit; ità quoque è contrà ipsa clementia loci infirmiores foetus promiscuè unà cum robustioribus præservando mixtam quandam gentem ex infirmis & validis conflata proferendi occasionem ministrat. Nè quis tamen erret, non volumus omnes in hac regione pueros in hunc affectum pronos ab infirmis parentibus & valetudinariis fatos fuisse. Licet enim parens uterque vel alteruter infirmus ut plurimum similem prolem edat, frequenter tamen videmus parentes satis validos

dos etiam prolem huic morbo facilè obnox-
iam generare. Quare necdum in hac secunda
causa acquiescimus, sed alia adhuc adinve-
nienda est, à qua sufficiens ratio frequentiae
huius morbi apud nos derivari possit.

III^o Ergò loco dicimus frequentiam hu-
jus morbi in Anglia multum fuisse promotam
à diuturna ac securà pace regionis primam ejus
eruptionem præcedente. Per hanc enim di-
tiores familiae, quas primas hic morbus infe-
stavit, & adhuc præ aliis infestat, otio se ac
delicatiore molliorque vitæ generi addixe-
rant, indeque in constitutionem humidiorē,
laxiorem, molliorem, effœminatam, & ab
excrementitiis humoribus minùs perpurga-
tam inciderant, adeoque liberos huic morbo
facilè obnoxios procreant. Dicas, Scotiam
ac septentrionales partes Angliæ ipsius, licet
pari pace & securitate potitæ essent, non pari-
ter tamen, immo rarissimè hoc affectu affligi
observatas.

Diuturnae
pax occa-
sio est
effœmi-
nationis
corporum
incola-
rum.

Respondemus, revera Scotiam & septentri-
onales partes Angliæ quàm australes & oc-
cidentales rariùs ac mitiùs hoc morbo affici.
Interim fortè prima ejusdem vestigia &
quasi rudimenta longè frequentiora sunt
etiam in locis dictis, immò & nonnullis
exteris regionibus, quibus vix dum morbus
notus est, quàm vulgò creditur. Etenim licet
hic morbus australibus & occidentalibus

Angliæ tractibus admodum familiaris sit, vulgòque, fati notus; sæpe tamen videre licet pueros eo leviter affectos, de quibus neque parentes, neque alii ejusdem familiæ vel conqueruntur, vel quid mali suspicantur: immo multos novimus solo beneficio aucti caloris sive incremento ætatis sive exercitiis sanatos absque ope medica, quos nemo amicorum affectos putaverat. Quantò ergò faciliùs prima rudimenta hujus morbi illos lateant, quibus minùs familiaris est, & apud quos rarissimè ad eum gradum ascendit, ut opem medicam opus habeat implorare. Suspiciamur ergò hunc affectum frequentiorē esse quàm credi solet, tum in Scotia tum in septentrionalibus Angliæ partibus, immo & in nonnullis regionibus, in quibus hætenus ignoratur; verùm in iis locis mitiùs & remissiori gradu affligere, ut in medicorum manus non facilè deveniat. Is enim mos vulgi est, medicum non accersere (præfertim ad infantes & puerulos) nisi morbus fati vehementer urgeat. Utcunque se res habeat, nondum quidem videmur satisfecisse propositæ objectioni, cur Angli occidentales & australes graviùs & frequentius septentrionalibus & Scotis cum hoc morbo conflitentur, etsi pax & securitas utrique regioni par fuerit. Cōcedimus ergò ulteriorem adhuc rationem hujus differentiæ inccenturiandam esse.

Morbus
hic longi-
ùs latiusq;
extenditur
quàm vul-
gò credi
solet.

IV^o Itaque & ultimò dicimus hujus differentiae causam esse *affluentiam omnium bonorum in australibus hisce & occidentalibus Angliæ partibus*. Est enim hæc pars Angliæ multò florentissima, opulentissima, feracissima, voluptatis illecebris omnimodæ instructissima. Haud mirum ergò si hìc primò hominum vivendi genus mollescere, vires labascere, corporis robur & tonus exsolvi cœperit. Versùs septentrionem duriùs vivitur, frequentius exercitium corporis obitur, luxui & voluptatibus minùs indulgetur. Jam verò quòd mollior ac delicatior vitæ ratio, tractu temporis, familias enervet, satìs superque nobis historiæ testantur, ut aliâ probatione opus non fuerit. Observare enim licet nobilissimas generosissimásque familias ob hanc ipsam causam seriùs aut citiùs degenerasse, aut etiam extinctas fuisse, eoque citiùs quò magis averfatæ sunt labores & mascula exercitia, seque mollietati, otio, lufibùsque foemininis addixerint. Neque unquam in majori periculo degenerationis familiæ versantur, quàm ubi bonis omnibus affluunt, & ob copiam securitatémque parentes ad mollietatem, otium, vitamque effœminatam, procul omni labore, curâ, & solitudine, quàm maximè invitantur. Quis opulentior, securior, aut effœminatior Solomonem? filium hic post se reliquit Rehoboam

Australes & occidentales Angliæ partes multò sunt fertiliores ac opulentiores quàm septentrionales.

Mollior vitæ ratio tractu temporis familias enervare solet.

degenerem. Henrici octavi linea extincta fortè est ob similem causam. Innumera propè exempla in hanc rem accumulare, si opus esset, liceret. Utut sit, videmus hunc morbum ditiores familias frequentius tum gravius affligere quàm pauperes; quare neque mirandum eum ditiores atque amceniores quoque partes Angliæ, australes nempe & occidentales priùs invasissè quàm septentrionales. Sed de hac re hæc dicta sufficiant. Restat tantùm inquiramus an & quousque tres ultimò assignatæ causæ respiciant denominationem morbi vernaculi, & an propter illas morbus hic Angliæ attribui possit ut vernaculus?

Morbus
hic non
proprie
dici potest
Anglis
vernacu-
lus.

Sciendum igitur est tres hæc causas in quantum à regione dependent, non esse causas per se, neque ex natura sua morbum hunc producere; verùm esse tantùm occasiones ob quas per accidens morbus hic oriri possit. Per se enim laudabiles regionis conditiones denotant, nedum quid culpandum in eâ inferunt. Quis enim patriam suam criminari possit, quòd ea procreationi liberorum faveret, multò minùs id improbare, quòd longâ securâque pace frueretur; denique minimè omnium accusare amoenitatem regionis, fertilitatem, bonorùmque omnium affluentiam. Hæ enim omnes ex se benedictiones sunt, conditionesque patriæ

ex-

exoptandæ. Cùm ergò suprà monuerimus morbum propriè vernaculum notam aliquam constitutionis vitiosæ loco, cui adscribitur, inurere; fieri non potest, ut propter regionis commoditatem, ei morbus aliquis, ut propriè vernaculus, attribuat. Quapropter (ut verbo, quæ dicta sunt fusiùs, complectamur) licèt hic morbus ex parte frigiditatis & humiditatis fomitem in ipsa regionis constitutione habeat; licèt etiam tres alias occasiones invadendi à regione mutuet, cùm tamen, per debitam observationem regiminis sanitatis, loco appropriati, intemperies istæ præcaveri possint; & cùm tres reliquæ occasionales causæ per se minimè culpabiles, ast exoptabiles sint, morbum hunc non esse propriè Angliæ vernaculum dicendum est. Atque ità finem imposuimus disquisitioni nostræ de causis hujus morbi.

C A P. X X.

Differentia morbi Rachitidis.

PLures sunt hujus morbi *differentia* ob variorum malorum concursum, quàm quis facilè putaret; quarum aliæ majoris, aliæ sunt minoris notæ. Præcipuas hìc breviter

R 4

pro-

proponere decrevimus. Earum enim cognitio non modò ad signa prognostica definienda utilis est, quò varii morbi eventus distinctè, secundùm illas differentias, prædicantur; sed & insuper multùm ea conducit tam ad præcautionem, quàm ad curationem morbi, viz. ut ex earum consideratione apposita & proportionata præsidia eligantur.

Divisio
differentiarum.

Desumuntur autem hæ differentiæ vel *ab ipsa essentia morbi*, vel *ab ejus causis*, vel *denique à morbis cum eo complicatis*. Morbi essentia diversimodè variare potest. Viz. 1^o *Ratione partium essentia secundaria presentium vel absentium*. 2^o *Ratione magnitudinis*. 3^o *Ratione vehementiæ*. 4^o *Ratione virium*. 5^o *Ratione temporum*.

Concedimus equidem nonnullas differentias hisce titulis subjectas aliquo modo coincidere : cum tamen formales earum conceptus distincti sint, diversas certè merentur considerationes. Licet enim morbus eo ipso etiam respectu dicatur major, quòd plures essentia secundaria partes in eodem agroto complectatur; diversa tamen & distincta est hæc consideratio ab illâ magnitudinis. Etenim magnitudo propriè respicit gradum recessus à naturali statu, non naturam partis essentia presentis vel absentis. Hinc quippe differentia plusquam gradualis resultat. Similiter nonnullæ reliquarum differentiarum

rum idem forsan in concreto significant; at verò in abstracto & formaliter diversum quid & separatæ considerationis designant. Sed pergamus.

1^a Differentia hujus morbi illa est, quæ Diff. oritur à præsentia plurium vel pauciorum partium essentiaæ secundariæ ejusdem. Etenim licet omnes partes essentiaæ primariae perpetuò adsint præsentē ipso morbo, non tamen necesse est omnes partes secundariæ essentiaæ semper adesse. Siquidem hæ accessoriaræ sunt essentiaæ primæ, eique paulatim superveniunt: immo nonnullæ earum intervenientibus causis impredientibus ita planè intercipi possunt, ut omnino non appareant. Huc referas illam differentiam, quam in calce præcedentis disputationis proposuimus, quàmque adultis possibile esse accidere, etsi rarissimè, demonstravimus. Verùm cum nostrum institutum sit de morbo, quæ puerili, hîc tantum tractare, suffecerit hanc differentiam sic obiter notatam præterire. Sed & in ipsis etiam pueris contingit aliquando nonnullas essentiaæ secundariæ partes, quæ cum essentia primaria etiam conjunctissimæ sunt, saltem ordine naturæ succedere. Primaria enim essentia causæ vicem sustinet, quæ semper naturâ prior est causato. Veruntamen ordine temporis nonnullæ partes essentiaæ secundariæ simul quasi cum essentia

essentia primaria invadunt, aliæ autem tractu temporis superveniunt. Quæ hoc loco veniunt distinguendæ. Illæ enim planè inseparabiles sunt, hæ verò separabiles ab hoc morbo.

Partes essentia secundaria inseparabiles reduci possunt ad hæc capita. 1^o Ad Tonum partium primò affectarum vitiatum. 2^o Ad inæqualem & imperfectam distributionem vitalis sanguinis. 3^o Ad imminutam participationem vitalis influxûs in partibus primò affectis. 4^o Ad vitia secundaria constitutionis animalis. Vitia hæc superiùs, in discursu nostro de essentia secundaria hujus morbi, satis explicantur; ubi quoque, propter arctam eorum connexionem cum essentia primaria, quivis facillè percipere potest ea simul tempore (licèt non sine causali dependentiâ ab essentia primaria) incipere.

Verùm Organica vitia omnia suprâ quoque memorata, separabilia & nonnunquam actu separata ab hoc morbo deprehenduntur. Etenim magnitudo Capitis, macies artuum, incurvationes sive Tibiæ sive ulnæ, inflexiones articulorum, pectoris angustia, non statim ab initio hunc affectum necessario concomitantur, sed tractu temporis paullatim morbo succrescunt. Et licet *diagnosis* partium, quæ quodammodo in jam dicta vitia influit, levissimo gradu dici possit adesse ab initio morbi; illa

illa tamen ipsa ex se tantum symptoma est, & non morbos, neque mox à principio istos morbus magnitudinis, figuræ, & sitûs producere valet. Porro non necesse est, ut simul, & ex æquo vitia hæc organica Rachitide laborantem invadant. Concedimus quidem extenuationem partium 1^o affectarum, ubi morbus aliquandiu durat, semper & necessario ei succedere, neque postmodum perseverante morbo amoveri posse; esse præterea partem principem inter partes essentialis secundariæ separabiles; immo extenuationem fientem immediatè consequi imminutam nutritionem partium primò affectarum, haud aliter ac imminuta nutritio sequitur immediatè primam essentialis morbi in dictis partibus; Interim dicimus extenuationem factam, quæ secundaria morbi pars ipsa est, de qua loquimur, necessario præsupponere morbi motum ac tempus, atque in primo momento existentia morbi existere non posse. Dicimus insuper medicos non agnoscere ullam mutationem factam in partibus sensui expositis, quæ sensui nondum compareat, & per consequens neque extenuationem factam in partibus primò affectis, donec ea sensibus obvia fiat, quod certè durationem aliqualem morbi necessario prærequirit. Improportionata verò Capitis magnitudo, simul ferè incipit cum ista extenuatione partium

partium primò affectarum ; verùm fieri potest, si Phthisis colliquativa cum hoc morbo fortè complicitur, ut ejusmodi magnitudo capitis ante obitum evanescat, quemadmodum suprà in observationibus Anatomicis exemplo uno probavimus. Magnitudo ergò capitis magis separabilis est ab hoc affectu quàm extenuatio partium primò affectarum: hæc quippe amoveri non potest absq; ipsius morbi curatione. Ossium protuberantiæ nunc citiùs nunc seriùs apparent, modòque magis, modò minùs intra æquale tempus excrescunt : diu verò perseverante morbo rarissimè (si unquam) abesse cernuntur. Angustia pectoris non, nisi post longum tempus, confirmato jam morbo, supervenit, & Phthiseos fermè prodromus est. Tandem curvitas Tibiæ & Ulnæ, ut & inflexio Articulorum, tum abesse potest per totum morbi decursum, tum secundum magis & minùs adesse, atque inter ea, quæ hunc morbum sequuntur, maximè est fortuitum. Concludimus ergò partes hæcce organicas essentiæ secundariæ separabiles esse isto modo, quo jam diximus, & prout plures vel pauciores adsunt, morbi differentiam constitui, quâ alius magis, alius minùs est compositus.

2^a Diff.
à magni-
tudine.

2^a Differentia hujus morbi desumitur à magnitudine ejusdem. Magnitudo æstimatur ex majori vel minori ejus recessu à naturali statu.

status. Vasta quidem occurrit differentia morbi hujus respectu magnitudinis. Alii enim adeò leviter eo afficiuntur, ut vix diceres eos omnino ægrotare : de nulla re queruntur ; edunt, bibunt, dormiunt sanorum similes ; tantùm ludunt segniùs, & nonnulla alia leviora morbi stigmata gerunt. Et solo ferè naturæ beneficio absque arte convalescunt, neque parentes, nutrices, aut adstantes facilè sibi persuaderi patiuntur eos hoc morbo detentos fuisse. E contrà, alii tam atrociter affliguntur, ut etiam optimis præfidiis ab imminenti mortis periculo vindicari non possint.

3^a Differentia est à morbi vehementiâ. 3 Differentia à
Hæc autem æstimatur ex *violentia motûs morbi, & naturæ renitentiâ, tum ex magnitudine pugne harum inter se*. Morbus hic, licet aliàs satîs magnus sit, tardi tamen motûs est, vixque, nisi febris aliùsve morbus urgens conjungatur, naturam ad violentiorem pugnam proritat. Utcunque tamen motus ejus aliquando concitior, aliquando segnior est, undè morbus qualemcunque differentiam mutuatur. vehementia.

4^a Differentia est à viribus Infantis vel Pueri ægrotantis. Hæ æstimantur ex *maiore vel minore præsentia eorum quæ sunt secundum naturam*. Huc spectat conditio temperamenti, spirituum insitorum copia, & activitas, 4 Differentia à viribus.
firmitas

firmitas toni, vigor constitutionis vitalis et animalis, organorum structura. Nam prout hæc magis vel minus secundum naturam se habent, ita robustiores vel minus robustæ æstimandæ sunt vires, et sec. eas morbus vel periculosior vel minus periculosus judicandus. Juniores pueri ob hanc causam cæteris paribus periculosius laborant, quàm seniores.

Differen-
tia à Tem-
poribus.

5^a Differentia est à morbi temporibus. Atque hæc differentia quodammodo in concreto includit omnes præcedentes. Quicquid enim differentia cuivis morbo accidit, necesse est id in aliquo morbi tempore accidere. Quatuor morbi *Tempora* à Medicis numerari solent; *Principium, augmentum, status, & declinatio*. Sciendum verò est Medicos paullò crassius in temporibus rerum distinguendis procedere, quàm Philosophos. Non enim restringunt principium morbi ad id punctum temporis, quo morbus incipit; sed extendunt id eò, quousque tanta alteratio morbi accidit, quanta certis ac sensui manifestis indiciis dignoscatur. Etenim principium indivisibile non est tempus, quo actio medica perficiatur. Et quorsum utilis esset ea morbi temporum distinctio quæ in nulla ejus alteratione nobis notâ fundaretur?

Approba-
tio divisi-
onis Tem-
porum
morb.
Galen.

Recte ergò Galenus tempora febrium & inflammationum ex cognoscibili earum alteratione

ratione deduxit: principium nempe à cruditate materiæ morbificæ; augmentum à manifesta ejusdem coctione; statum ab excretionem; declinationem à reductione reliquiarum ad naturalem statum computavit. Atque hæc quidem tempora à cruditate & coctione &c discriminata febribus & inflammationibus apprimè quadrant. Verum distinctio hæc temporum in multis aliis morbis non æquè feliciter succedit.

Ejusdem defectus notatus.

Natura enim in his non ità regulariter à cruditate ad coctionem, indè ad expulsiōnem, & demum ad reductionem progreditur, neque ex his morbi progressum certò & tutò dignoscere possumus. Aliæ igitur morborum horum alterationes clariores ac cognitu faciliores attendendæ sunt. Concedimus tamen hosce etiam morbos, ubi ad salutem terminantur, quatuor ista tempora, principium, augmentum, statum & declinationem percurrere. Verùm ubi ad interitum ægrotantium tendunt, vix ad statum perveniunt, sed indies ad extremum usque vitæ diem augentur. Quare in his augmentum maximam latitudinem admittit, atque ulteriorem discriminationem seu subdivisionem meretur. Cùm verò mediocris status morbi ejusdem generis sit quasi medius terminus inter principium & finem hujusmodi augmenti; commodè indè distinguere possumus *augmentum* in

Nova divisio Augmenti.

in *augmentum citra* seu *infra*, vel *ultra* seu *supra statum*. *Augmentum citra statum* appellare possumus *augmentum citerius*, seu *inferius*, vel *augmentum simpliciter*, cum non differat ab ipsa re isto nomine communiter receptâ. *Augmentum ultra* seu *supra statum*, vocamus *augmentum excreescens*, *excedens*, vel *transcendens*, item *deploratum*.

Duplex
declina-
tio.

Porro duos modos declinationis morbi observare licet. Prior *legitimus*, quando morbus simpliciter versùs sanitatem declinat. Posterior *nothus*, quando morbus remittens migrat in alium diversi generis. Atque ità quamvis in convalescentibus 4 tantum sint morbi tempora, in aliis tamen duæ aliæ differentiæ discerni possunt. Notandum tamen est hæc 6 tempora in eodem morbo & in eodem ægroto nunquam inveniri; ast ubi idem specie morbus est, in diversis subjectis. Hæc jam ad præsentem affectum applicemus.

Differen-
tiæ hujus
morbi sec.
tempora
proposita.

Dicimus ergò 6 occurrere differentias hujus morbi respectu ejus temporum. Est enim in principio, & dicatur *incipiens*; in augmento, & dicatur *confirmatus*; in statu, & dicatur *consistens*; in augmento supra statum, & dicatur *deploratus*; in declinatione vera, & dicatur *declinans simpliciter* vel *remittens*; in declinatione nothâ, & dicatur *migrans in alium morbum*. De quibus ordine proposito dicemus.

1^o Morbus

1^o. Morbus Rachites vocatur *incipiens*, quando prima morbi rudimenta & quasi vestigia, licet ea obscura, & quasi adhuc latentia observantur, nondum tamen manifesta partium primò affectarum extenuatio facta est.

2^o. Morbus hic *confirmatus* dicitur, quando jam evidens & manifesta extenuatio partium primò affectarum facta sensibus occurrit. Atque hinc videt lector nos non distinguere hæc duo tempora ex cruditate & coctione, aut ex alia alteratione corporis, viz. extenuatione in partibus primò affectis factâ. Etenim ex cruditate & coctione nullo modo discerni potest hujus morbi principium ab augmento. Aliàs autem, quantum natura rei patitur, libenter exemplum Galeni sequimur, & quemadmodum ille ex manifesta coctione augmentum à principio distinguit, ita quoq; & nos ex manifesta alteratione, nimirum extenuatione in partibus dictis factâ, tempora hæc in hoc affectu discriminamus.

3^o. Morbus hic *in statu consistens*, seu *statum attingens*, is est, qui, ad summum suum vigorem proventus, sistitur, & ad tempus neque sensibilibiter augetur, neque imminuitur, sed sibi æqualis permanet.

4^o. Morbus hic *excedens statum mediocrem*, five *deploratus*, is dicitur, qui magnitudine et vehementiâ superat ipsum ejusdem morbi

S statum

statum in alio ægroto mediocriter affecto, simulque continuè augetur, neque spes est quin indies auctus sit futurus ad extremum usq; vitæ terminū. Ob quam causam conditio hæc morbi deplorata etiam cognominatur.

5°. Morbus hic dicitur *verè & legitimè remittens seu declinans*, quando essentia ejus sensim imminuitur, et signa ejus ac symptomata indies mitiora fiunt.

6°. Morbus hic *illegitimè declinans*, seu *migrans in alium morbum diversi generis* dicitur, quando ità essentia ejus, signaque, et symptomata minuuntur, ut in eorum locum nova et fortè graviora diversi generis subinde surrogantur. Hoc modo morbus hic migrare solet in Tabem, in febrem Hecticam, et fortè in lentam putridam; ut plurimum tamen idem morbus hos supervenientes ad interitum ægri usque concomitatur. Atque hæc dicta sint de differentiis hujus morbi ab essentia deductis.

Diff. à causis. Morbus hic similiter *respectu causarum* in partes quasi dirimitur, scilicet *in morbum nativum, et adventitium*, seu *de novo contractum*. Porro morbus hic dici potest nativus duplici sensu: priori propriè, quando æger hec morbo actu affectus nascitur; posteriori impropriè, quando æger non actu eo affectus in lucem prodit, sed dispositus solummodo à nativis principiis ad eum faciliè incurrendum.

dum . Si libeat lectori in memoriam revocare ea quæ suprà de causis hujus morbi ex parte parentum dicta sunt, differentiae hujus fundamenta ac rationem facile percipiet, ut ulteriori ejus explicatione opus non sit : solum addimus hanc differentiam maximi esse usus in prophylaxi, non tanti autem in therapeia. Morbus hic similiter merè adventitius est, qui, nullâ nativâ dispositione promotus, de integro, seu de novo post partum contrahitur : atque hic quoque duplex est ; vel enim *aliud morbum antecedentem consequitur*, vel *ex errore in 6 rerum non naturalium usu immediate producitur*. De utroque satis differuimus, ubi de causis hujus morbi post partum egimus, quò lectorem remittimus.

Denique morbus hic nonnullas differentias admittit *ex parte aliorum morborum, cum quibus in eodem subiecto complicatur*. Non expectandum, ut omnes morbos, cum quibus possibile est hunc morbum complicari, impræsentiarum enumeremus : eos solos commemorabimus, qui frequentes hujus morbi comites solent deprehendi. Ex his *alii dependentiam quandam ab hoc morbo ejusve causis habent*; *alii nullam vel perquam exiguam*, vixq; separatâ consideratione dignam.

Prioris generis sunt *Hydrocephalus, dentitionis vitia, asthma, phthisis, febris hæctica, febris lenta, erratica, ascites*. S. 2 Hy-

Diff. à
morbis
complica-
tis.

Hydrocephalus magnam obtinet affinitatem cum hoc affectu; cum hic etiam affectus molem capitis præternaturaliter auctum, affluxumque sanguinis debito uberiolem ad cerebrum ob arteriarum eò tendentium amplitudinem ut plurimum supponat. Atque hinc facile evenit, ut cerebrum sanguinis copiâ oppressum nonnunquam necesse habeat permittere serosiores ejus partes (quippe maximè permeabilem) in ventriculos suos & cavitatem intra meninges exsudare, adeoque cerebri hydropem producere. Verùm non hoc perpetuò contingit, ut suprà monuimus.

Dentitionis etiam *mala* nonnunquam huic morbo antecedenti meritò adscribuntur. Notum enim est hoc morbo affectis laboriosam dentitionem plerunque contingere, ipsosque dentes frustulatim excidere. Hoc autem vitium suprà ad inæqualem partium nutritionem retulimus, ubi plura de eo videantur. Notandum interim est laboriosam dentitionem posse etiam hunc affectum præcedere, & ejusdem subsequens esse causam, ut suprà quoque ostendimus.

Asthma similiter huic morbo familiariter supervenit, quòd sanguis in transitu suo per partes 1^o affectas nonnihil refrigeratus, crassior, viscidior, torpidiorque redditus, non semper perfectè corrigatur ante ejus reditum ad dextrum ventriculum cordis. Unde à dextro

dextro ventriculo per venam arteriosam in substantiam Pulmonum ineptior ad transitum refunditur, facileque eo nomine obstructiones illic frequentes, durósque tumores, asthma, nonnunquam inflammationes, abscessus, ulcera & phthisin, hydropem Pulmonum, febrim Hecticam, aut etiam lentam erraticam infert.

Ascites etiam huic morbo interdum comes est. An ex copioso affluxu sanguinis ad viscera abdominis, nondum audemus certò statuere. Certum tamen est affluxum sanguinis ad hunc ventrem satis copiosum & concitatum esse in hoc morbo. Hepar enim magnum est, reliquáque viscera potiùs pleniora quàm macilentiora debito deprehenduntur. Unde fieri potest, ut serosa exsudatio è visceribus plenitudine oppressis in cavitationem abdominis excitetur; sed hoc minùs confidenter asserimus, quippe qui nondum in hac re nobis ipsis satisfecerimus.

Possunt tamen hi memorati morbi puerili ætati accidere absque Rachitide præcedente, & causæ esse ejusdem supervenientis. Quin & insuper possunt huic morbo supervenire ab aliis causis, putà erroribus regiminis sanitatis: quamvis etiam in hoc casu affectus hic fortè ex parte reus esse possit, si præcesserit. Atque hæc de morbis complicatis prioris generis.

Posterioris autem, qui nempe nihil aut parùm saltem dependentiæ ab hoc affectu habent, sunt *febris maligna*, *lues venerea*, *scorbutus*, *struma*.

1^o Certum est *febrim malignam* huic morbo supervenire posse, quòd ea à contagio plerumque producat, à quo affectus hic præsens infantes immunes non præstat. Tantùm addimus *febrim* hanc rarò, aut nunquam originem suam huic morbo debere.

2^o *Lues Venerea* si fortè cum hoc affectu complicetur, vel à nutricibus per contagium, vel à parentibus hæreditario jure derivatur. Est enim morbus ab hoc planè distinctus, nihilq; propè commercii cum eodem habet.

3^o *Scorbutus* cum hoc affectu interdum conjungitur. Estque vel *hæreditarius*, vel fortè etiam in tam tenellâ constitutione per *contagium contractus*, vel denique *de novo ex malo regimine infantis*, & imprimis ex *inclementia aëris & loci, ubi educatur, productus*. Vix enim majorem habet cum hoc affectu cognationem quàm cum cæteris aliis morbis longioris durationis, in quibus similiter, tractu temporis, sanguis hoc peculiare inquinamentum ut plurimum contrahit. Id tamen concedendum est, propter aversionem motûs & exercitii, affectum hunc plusculum ad scorbutum disponere.

4^o Et ultimò *strumosa affectio* aliquando
huic

huic associatur. Sed credibile est eam plus debere aliis causis sibi propriis, quàm huic morbo præcedenti. Quamvis non diffiteamur hunc aliquam invadendi occasionem posse ei subministrare, quatenus hic crassiores ac viscidiores humores reddit.

Nonnulli fortè alii morbi cum hoc interdum complicantur; verùm cum ii rarissimi sint, & vixdum in certam nostram observationem venerint, eos impresentiarum præterimus, & ad signa morbi, tum differentiarum proximo loco progredimur.

C A P. X X I.

Signa morbi Rachitidis & 1^o Diagnostica.

Signa hujus morbi distinguimus in tria capita. 1^m Continet ea signa, quæ ipsius affectus præsentiam demonstrant, & appellantur διαγνωστικά. Secundum continet ea quæ distinguunt inter se morbi differentias, & vocantur διακρίσιμα, sive discrepantia. Tertium complectitur signa, quæ præsagiunt morbi eventum, dicunturque προγνωστικά. Hoc capite de diagnosticis agendum.

Signa διαγνωστικά dividimus in παθογνωμονικά, & συνεδγεύοντα. Atque hinc videntur Autores medici paullò strictiùs, quàm necessitas natu-

Signum
Pathogno-
monicum
latius ex-
tenditur.

ræ rei requirit, signum *παθολογνομονικόν* definire. Volunt enim esse *inseparabile & proprium quarto modo*; convenire, scil. *omni, soli, & semper*. Equidem omnino concedendum est, signum ita inseparabile, sive proprium quarto modo, esse secundum maximè proprium sensum, signum *pathognomonicum*. Nam sive præsens id, sive absens sit, semper demonstrativè significat: præsens quidem præsentis morbi speciem certò testatur, absens eam morbi speciem abesse demonstrat.

Verùm, cùm perpendimus quàm rarò hujusmodi signa occurrant, & quàm angustii propterea usus sit futura earum notio sic restricta; de vocis usitatâ significatione ampliandâ cogitare inducimur. Licèt enim veteres, ut huic defectui subvenirent, *συνδρομὴν παθολογνομονικὴν* in locum veri unius pathognomonici strictè dicti substituerint, atque nosmet ipsi eandem *συνδρομὴν* lubentissimè recipiamus & comprobemus; cùm tamen ea ipsa *συνδρομὴ* rarò ab ipso initio morbi appareat, & per consequens rarò sit signum *inseparabile*, necessariò sequitur eam ipsam quoque rarò officio signi, *quarto modo proprii*, defungi posse, adeoque hanc etiam notionem ad angustiorum usum esse redactam. Cogimur ergò ut huic incommodo plenè subveniamus, non-nihil extendere significationem signi pathognomonici, ita tamen, ut de valore & cer-

certitudine significandi nihil remittamus.

Definimus itaq; signum Pathognomonicum esse *quid apparens vel circa agrotum, quod certò & infallibiliter morbi speciem demonstrat*. Atq; in hoc extenso sensu dividi potest in *inseparabile* sive *proprium* quarto modo, & *separabile* sive *proprium tantum* secundo modo, nimirum quod soli uni morborum speciei competit, licet non semper. Similiter & *syndrome pathognomonica* in 2 species prædictis respectivè analogas dirimatur. Aliquando enim hæc cum ipso morbo incipit, & eum inseparabiliter ad extremum ejus terminum concomitatur. Ità dolor lateris punctorius, febris, acuta, respiratio difficilis & tussis, si collectivè sumantur, syndrome quidem sunt, at quæ uni simplici pathognomónico primi generis, proprio scil. quarto modo, equivalet, & pleuritidem à principio ad finem usque inseparabiliter comitatur. Aliquando verò non statim ab initio morbi completa est syndrome, postea tamen aliis signis supervenientibus perfectâ fit, morbi que speciem infallibiliter denuntiat. Ex. gr. In variolis, incipiente jam morbo, syndrome ipsa adeò incompleta est, ut nondum morbi speciem certò determinet: postea verò erumpentibus sparsim in cute exanthematis ad maturationem tendentibus, consummatur syndrome, specièsque morbi extra dubium posita est.

Quòd autem signum uni soli morbo (licet non

non quarto modo) proprium, five id solitarium & simplex sit, five ex syndrome conflatum, sufficiat, quando adest, conficere signum verè pathognomonicum, ex eo liquet, quòd, quando adest, æquè certò ac infallibiliter morbi speciem designet, ac ipsum signum quarto modo proprium. Quod enim uni tantum speciei convenit, quando adest, præsentiam istius quoque speciei necessariò infert. Licèt ergò signum 2^o modo proprium inseparabile non sit, &, ubi abest, non concludat de absentia morbi, quemadmodum signum 4^{to} modo proprium; quando tamen adest, ejusdem est cum eo valoris ac certitudinis, ut diximus. Medici enim ex certitudine significandi aestimant dignitatem signi. In eum quippe finem morbi signa quærunt, ut in certam ejus notitiam deveniant. Cùm ergò signa 2^o modo propria æquivalent quoad certitudinem, quando adsunt, signis 4^{to} modo propriis, ea sub extensa signorum pathognomonicorum significatione hîc complectemur.

Dicas hoc modo multa signa *ἐπιφααινόμενα* ad *παθολογικαίονα* reduci, & cum iis confundi. Esto: modò infallibiliter morbi speciem designent. Digna enim sunt, quæ hoc modo ab aliis epiphænomenis segregentur, neque ulla hîc confusio in artis semeioticæ methodo sequetur, sed potius valor & dignitas signo-

signorum faciliùs & apertiùs indè notabitur.

De signis *συνεπόμενα*, sive *asidentibus*, nihil ferè alicujus momenti habemus, quod præmoneamus, quin rectà ad signa ipsa in ordinem redigenda procedamus. Verùm non hìc expectanda est exacta aliqua methodus, cùm signa plerumque è tam variis fontibus promanent, ut vix in accuratum ordinem sese cogi patiantur. Quare, ut ea quæ cognatæ sunt naturæ juxta se invicem constituentur, ad sequentem qualemcunque methodum signa hujus morbi reduximus. Proponemus ergò

1^o *Signa, quæ ad actiones animales spectant.*

2^o *Quæ spectant ad irregularem nutritionem.*

3^o *Quæ respirationem respiciunt.*

4^o *Quæ ad vitalem influxum pertinent.*

5^o *Vaga quadam & extra certas classes.*

Valorem signorum singulis titulis subjungemus.

1^o *Signa diagnostica ad actiones animales spectantia.* Hæc sunt 1^o *laxitas & mollities partium.* 2^o *Debilitas & languor.* 3^o *Ignavia & torpor.*

1^o *Laxitas* quædam & *mollities*, si non *flacciditas*, omnium partium primò affectarum in hoc affectu observari solet. Cutis tactu mollior, & ut plurimuùm lævior deprehenditur, caro musculosa minùs rigida & firma; arti-

articuli facilè flexiles sunt, sæpèque corpori sustinendo impares; unde erecto corpore antrorsum id, vel retrorsum, dextrorsum vel sinistrorsum nonnihil inflectitur.

2^o *Debilitas* quædam & *languor* five *enervatio* omnibus partibus motui inservientibus accidit. Debilitas hæc multum dependet à laxitate, mollitie, & flacciditate partium jam jam dictis; quo nomine ea signa huic præmisimus, ut & hoc ignaviæ ac torpori proximè enumerandis; quæ multum debent tum laxitati & mollitiei. Porro debilitas hæc incipit ab ipsis primis morbi rudimentis. Si enim intra primum ætatis annum, aut circiter, pueri hoc morbo infestentur, tardiùs solito pedibus insistent præ ista debilitate, & plerumque priùs loquuntur quàm incedunt, quod vulgò apud Anglos mali ominis haberi solet. Sin, postquam ambulare cœperunt pueri, hoc affectu corripiantur, paullatim infirmius pedibus insistent, atque inter incedendum sæpiùs vacillant, levique de causa titubant, aut etiam cadunt; neque æquè diu se pedibus sine interpositâ sessione sustinent, aut æquè alacriter se motitant. Demum multum aucto morbo destituuntur planè usu pedum, immo vix sedere possunt erecti, collumque debile ægrè, aut non omnino onus capitis sustinet.

3^o *Ignavia* quædam & *torpor* statim ab initio

initio morbi artus invadit, sensimque auge-
 tur, ut magis magisque indies omnem mo-
 tum averfentur. Juniores pueri qui adhuc
 ulnis nutricum gestantur, si quando læten-
 tur, non æquè profusè rident, neque tanto
 cum vigore excitant se, artusque vibrant ac si
 è tractantium manibus exsilire gestirent: irati
 etiam non ità ferociter calcitrant, neque tan-
 tà cum animositate plorant ac solent sani co-
 ætanei. Grandiores facti, jamque pedibus
 commissi minùs alacriter hinc indè cursitant,
 citiùs defatigantur, potiùsque sedentes quàm
 pedibus insistentes ludere amant, neque se-
 dentes quidem cum vigore corpus suum
 erigunt, sed id inclinantes modò antrorsum,
 modò retrorsum, modò ad alterutrum latus,
 quærunt sustentacula, quibus recumbentes
 ignaviæ suæ auxilium præbeant. Jactatio-
 ne corporis ab aliis præstitâ motùque vio-
 lentiore non perinde ac alii pueri oblectan-
 tur, immo prævalente morbo omnem jacta-
 tionem averfantur; tum plorantes non vehe-
 mentiore aliquo lusu, ast molli placidâque
 tractatione & quiete placantur. Interim nisi
 alius aliquis morbus, symptôma, vel causa
 morbifica interveniat, moderatè tum dormi-
 unt, tum vigilant, ingeniosi sunt, non stupidi,
 immo præcociis solent esse ingenii, nisi aliud
 quid obstet. Vultum videre est magis com-
 positum & severum, quàm ætas postularet,
 ac

ac si in rem aliquam feriam meditabundi essent.

Signa hæc simul sumpta, nisi ab evidenti lassitudine progressa, aut à primario aliquo cerebri affectu proveniant (quod certè rarissimè in hac ætate contingit) sufficientem hujus morbi, *συνδρομὴν παθολογικὴν* primi generis constituunt, & ubi simul adsunt, morbi præsentiam; ubi simul absunt, morbi essentiã certò attestantur. Si quando verò lassitudo sive febrilis, sive alia similia signa proferat, facilè ab his distingui possunt, tum quòd causæ lassitudinis præcesserint, tum quòd signa indè orta subitò effulgeant, citòque evanescant; in hoc affectu verò signa sensim ingruunt, permanentque, aut ulteriùs indies intenduntur. Primarii autem cerebri morbi suis signis innotescunt.

Atque hæc de signis, quæ ad actiones animales spectant.

Signa quæ spectant ad irrationalem partium nutritionem.

Suprà monstravimus quanti momenti sit *ἄλογος τροφία*, sive *inaequalis nutritio partium* in hoc affectu; hìc ergò signa ab eadem magnà ex parte pendentia prosequemur, eaque uno quasi intuitu conspicienda præbebi-
mus.

1^o. Occurrit caput justo majus, facies quoque plenior

plenior & floridior, si conferatur cum cæteris corporis partibus. Licet autem signum hoc præsupponat aliqualem motum morbi antequam elucescat, adeò tamen obscurus est morbus ante ejus apparitionem, ut vix perceptibilis habeatur : à primo ergò ferè principio signum hoc plùs minùs se ostendit, & ad exitum usque morbi continuatur, nisi fortè aliunde istarum partium colliquatio superveniat, ut suprà monuimus.

2^d. *Partes carnosæ*, imprimis *musculosæ infra caput*, quas inter primò affectas suprà numeravimus, in progressu morbi magis magisque *indies atteruntur, extenuantur, macièque conficiuntur*. Hoc signum non statim à morbi initio elucescit, quòd notabilem morbi motum priusquam evidenter appareat, prærequirat; certissimè tamen, tractu temporis, in conspectum venit, morbumque ad extremum terminum, seu ad vitam; sive ad mortem comitatur; optimèque motum ac gradum morbi ex incremento suo demonstrat. Porro hoc signum cum priori junctum constituit signum saltem pathognomonicum secundi generis, sive huic morbo soli proprium; &, ubi simul adsunt, infallibiliter denotant morbi præsentiam, licet non æquè significant eundem abesse, quando absunt.

3^d. *Protuberantiæ quædam & nodi circa nonnullos articulos*, maximèque *in carpis conspicuæ*

spicue, paullò minùs *in talis* observantur. *Similes quoque tumores in extremitatibus costarum,* quibus cum sterni cartilaginibus committuntur, cernuntur. Notavimus suprà in observationibus anatomicis tumores hosce non in partibus, ast in ipsis ossibus sitos esse; licet hac consideratio, cùm ex se vix satis innotescant, eos ut signa vix tangat. Hoc signum quoque aliqualem motum morbi supponit, neque à principio principiante emergit, priùs tamen se conspiciendum præbet quàm notabilis partium extenuatio. Ubi verò adest, pathognomonicum secundi generis conficit, certòque morbi speciem significat.

4^o. *Ossa nonnulla incurvantur, præcipue ossa Tibiæ & Fibulæ, hinc ossa Ulnæ & Radii, sed paullò minùs & infrequentius; aliquando etiam ossa femoris & humeri.* Porro nonnunquam *decurtatio quadam ossium deficientisque eorum accretio secundum longitudinẽ observatur.* Suprà, ubi vitiorum organicorum rationem reddidimns, hoc, casu, planè omissum fuit. Videtur autem hic affectus ab eadem irregulari nutritione dependere; quatenus nempe alimentum intus assumptum ossa sec. latitudinem five crassitiem, magis quàm sec. longitudinem adauget. Hinc nonnulli pueri affectu hoc diutiùs afflicti Pumiliones fiunt. Huc fortè referri potest *plica illa in carpis,* quòd cutis forsan sec. longitudinem magis nutri-

nutriatur & excreſcat, quàm oſſa Ulnæ & Radii; unde necèſſe eſt eam ſeſe in plicam quandam & rugam in carpiſ contrahere. Demum *irregularis quedam oſſium capitiſ protuberantia*, maximè *oſſiſ frontiſ antrorſum*, huc quoque referri poteſt. Spectat enim ad commune genus vitiatæ figuræ oſſium eorūmque *ἀνομαλίαν*. Videtur autem hæc in oſſe frontiſ evidenter pendere à liberaliori nutritione iſtiuſ oſſiſ in ambitu ſuo, quo cum oſſibuſ ſyncipitiſ committitur, ſuturamque coronalem conſtituit, quàm in partibuſ ejuſdem anterioribuſ. Hinc enim necèſſe habet antrorſum protrudi. Et faciliuſ quidem iſtic liberaliùſ nutritur, quòd hoc os verſuſ ſuturam in pueriſ cartilagineam ſit. Atque hoc etiam, quod nuperrimè tantum obſervavimus, ſuperiùſ, ubi de vitiis organicis egimus, præmiſſum fuit.

5^o. *Denteſ tum tardiùſ, tum moleſtiùſ erumpunt, levi occaſione vacillant, aliquando nigreſcunt, aut etiam fruſtulatim excidunt. In horum locum plerumque novi tardè ac laborioſè ſuccreſcunt.* Hoc genus ſigni, ut & illud in priori articulo notatum, ad *συνεδεσμότητα* referri poteſt, quòd neutrum horum vel perpetuò adſit; vel, ubi adeſt, certò morbi præſentiam confirmet.

Conjectârunt aliqui oſſa in hoc affectu interdum eſſe flexibilia inſtar ceræ; ſed noſ

T

nuſquam

nusquam id vidimus, neque ab oculato teste fide digno relatum audivimus. Quare ut fabulosum hoc signum planè rejicimus.

6°. *Pectus in ulteriori morbi progressu, à lateribus angustius redditur, antèriùs acuminatur*, ità, ut non incommodè comparetur figuræ carinæ navis inversæ, aut pectoris caponis. In medio enim utrinque in cacumen quasi compressis lateribus assurgit. Si quis quærat an signum hoc sit huic morbo soli proprium? Respondemus, fieri quidem posse in atrophìa aut phthisi ut pectus parùm augeatur, minùsque quàm aliæ corporis partes, adeoque reddatur angustum: verùm quoad figuræ mutationem, absque ἀλογοςεφία, ea ipsà viz. quæ huic affectui propria est, vix contingere posse. Quare hoc quoque signum quando adest, licèt seriùs invadat, pathognomonicum secundi generis reputamus, quòd scil. ubi adest, certò morbi speciem ostendit, quamvis non è contrà. Atque hæc de signis quæ spectant ad inæqualem nutritionem.

Signa quæ respiciunt Respirationem.

1°. Huc referri potest *angustia pectoris* modo memorata, de qua tunc fusiùs egimus.

2°. *Subtumida quadam Abdominis repletio, & hypochondriorum tensio*; quæ liberum motum diaphragmatis deorsum, atque adeò respirationem nonnihil impedit. Notandum
tamen

tamen est Abdomen & hypochondria quoad partes externas satis macra & extenuata apparere, ab intus verò, ab iis nimirum quæ in Abdominis cavitate continentur, intumescere, unde plenitudo hæc atque tensio exsurgit. Tumor hic partim à flatulentia ventriculi & intestinorum, partim à magnitudine Hepatis aliorumque viscerum provenit. Aliquando etiam huc conspirat serosa exsudatio in cavitatem Abdominis, Ascitem invenhens. Hoc signum perpetuò ferè adest, neq; tamen pro pathognomonico habendum, cum multis aliis morbis sit commune.

3^o. *Tussis* frequenter in hoc affectu adest, tum *respiratio difficilis*, multaque alia pulmonum vitia, ut & eorum *infarctus*, tumores duri, abscessus, inflammationes, eorum coalescentia cum pleura; & similia: Hæc tamen vix inter signa recenseri debent, quòd per se non satis evidenter in sensus (dum vivunt ægri) incurrant.

4^o. Pueri hoc morbo afflictì sæpe *lateralem decubitum* modo *dextrum* modo *sinistrum* averfantur, aut saltem ægritis ferunt; nimirum vel ab coalescentiam pulmonum cum pleura, vel tumorem in adverso latere; supino verò decubitu ut plurimum delectantur. Atque hæc signa etiam simul sumpta pathognomonicum neutrius generis efficiunt, sed cum aliis signis tantùm sunt morbisque aliis communia.

Signa quæ spectant ad vitalem influxum.

1^o *Vena & arteria in partibus primò affectis graciliores sunt debito, minúsque conspicuæ quàm in emaciato corpore expectares. In facie verò (habito respectu prædictæ gracilitatis in aliis partibus) excedunt proportionem debitam. Hoc signum fortasse pathognomonicum est, quamvis observatu difficile, necdum nobis satis exploratum.*

2^o *Pulsus in carpis, tum aliis partibus primò affectis exilis est & debilis, alioquin fortè moderatus, nisi unà febris adfuerit.*

3^o *Ligatura moderata supra cubitum aut genu injecta, non æque citò partem infra seu extra ligaturam sanguine turgidulam & coloratam reddit, ac solet in aliis pueris sapis coataneis.*

Signa quædam vaga.

1^o *Appetitus cibi & potus vel moderatus, vel justo debilior est, nisi febris fortè adfuerit.*

2^o *Excrementa tum alvi, tum vesicæ, sanorum ferè similia sunt, nisi alius morbus prohibuerit.*

3^o *Observatum est hoc morbo laborantes dulcia, ut syropos, tum belluria, multo sacch. aut melle condita (quæ aliis pueris in delitiis esse solent) averfari: fortè hæc iis quoque noxia sunt, quemadmodum & scorbuticis, quòd humores increascent.*

4^o Ob-

4^o Observârunt aliqui se pueros nonnullos hoc morbo affectos *ponderosiores* deprehendisse, quàm alios ætate & staturâ pares. Si hoc itâ se habeat, tribuendum id est partim facilitati, partim inæqualitati nutritionis ossei generis in hoc affectu. Etenim cùm auctum hoc pondus carnibus adscribi vix possit, quippe quæ hîc extenuatæ sunt, videtur id osseo generi attribuendum; cùmque ossa in hoc morbo nondum observata sint sec. longitudinem præter modum excrecere, restat, ut id eorum crassitie superflue auctæ imputetur. Hæc etiam signa communia sunt, neque digniorem æstimationem merentur. At hæc de diagnosticis, sequantur diacritica.

C A P. XXII.

Signa differentiarum Rachitidis, sive signa ejus diacritica.

EIdem methodo hîc insistendum videtur, quam suprà proposuimus, ubi de differentiis egimus, quarum signa hîc quærimus. Suprà 5 differentias ab ipsa morbi essentiâ diduximus. 1^a Erat a partibus essentiæ secundariæ separabilis præsentibus vel absentibus. Verum hujus differentiæ signa nulla alia expectanda sunt præter *ipsas partes præ-*
sentes

sentes vel absentes, quæ ipsæ per se in sensus incurrunt, & propterea inter signa diagnostica capite præcedenti classe secundâ adnumerantur.

2^a Differentia erat à magnitudine morbi. Hujus indicia sunt *plura & graviora, vel pauciora & mitiora symptomata & signa præsentia*, nempe ex diagnosticis suprà descriptis petita.

3^a Differentia à vehementia desumpta erat; hæc distinguitur *ex tardiore vel concitatore incremento signorum diagnosticorum*.

4^a Erat à viribus ægrotantis. Virium æstimandarum rationem suprà exhibuimus: morbi verò differentia hinc orta respicit *periculum*, ideóque ejus signa ad prognostica referimus.

5^a Differentia ducebatur à morbi temporibus; quo respectu sex hujus morbi diversas phases suprà enumeravimus: scil. *principium, augmentum, statum, augmentum supra statum, declinationem veram, declinationem notham sive migrantem in alium morbum*.

Sciendum est principium hujus morbi præter signa hoc tempus ab augmento determinantia, requirere etiam quædam peculiariora signa præsentia ipsius morbi: Est enim tempus maximæ obcuritatis, quo morbus quasi delitescit, neque ex signis diagnosticis suprà relatis ab inexperto vel parum attento medico

dico facilè deprehendi potest. Per hoc quippe tempus plurima diagnostica prædicta nondum in apertum erumpunt; & quæ se produnt, obscuriora tantùm adhuc sui vestigia observanda offerunt. Postulat ergò hujus temporis indicium *peculiarem collectionem signorum primò apparentium*, eorùmque accuratam considerationem; reliqua verò tempora, præter signa diagnostica suprà data, *solà indigent discriminatione inter se*, quæ levi negotio perficitur. Quare primo loco signa præsentia hujus morbi adhuc incipientis hic exhibenda, indèque discriminationis ejus ab augmento.

Signa præsentis morbi Rachitidis in principio adhuc existentis.

1^o Diligenter attendendum est ad 3^a signorum genera superiùs actionibus animalibus adscripta: laxitatem nempe & molliem partium, debilitatem & languorem, ignaviam & torporem. Hæc quippe subobscurè & remissiori gradu statim à principio principiante (ut loquuntur) advertenti observanda se præbent.

2^o *Aspiciendus est color, tum habitus capitis & faciei in relatione ad artus.* Si enim color aut habitus illis floridior sit quàm his, validam suspicionem hujus morbi radices jam agentis exhibet. Licet enim moles capitis

evidenter aucta partiũque affectarum manifesta extenuatio antequam appareant considerabilem morbi motum tempũque præquirant; à principio tamen differentia quædam ratione caloris & habitũ harum partium inter se collatarum ab accurato inspectore notari potest.

3^o *Observandi sunt carpi & extremitates costarum.* In carpis quippe ante finem principii quædam nodorum rudimenta ut & plicæ se ostendere incipiunt, similiterque nodi in extremitatibus costarum.

4^o *Subtumida quædam plenitudo & tensio ventris* maximè circa hypochondria statim à principio occurrit. Magnitudo enim ventris cum magnitudine pectoris collata justam excedere comperitur.

Atque hæc quidem signa simul sumpta præsentiam morbi etiam in ipso principio, certò demonstrant. Si verò eodem tempore nulla notabilis seu manifesta partium 1^o affectarum extenuatio appareat, eo ipso ab ejusdem augmento clarè discriminatur. Hæc de principio.

Reliquorum temporum signa ex ipsorum temporum descriptionibus supra datis inter se nullo negotio distinguuntur; cum tamen ea huc spectent, verboque expediri possint, non gravabimur ea obiter annotare.

In augmento omnia signa quæ in principio apar-

apparuerant *intensiora & evidentiora* se præbent, pluraque alia tum *graviora* indies *accumulantur*. Distinguitur hoc tempus, ut dictum, à principio ex manifesta extenuatione partium primò affectarum jam factâ; à statu verò ex continuâ aggravatione symptomatum & signorum dictorum.

In statu signa ac symptomata *gravissima & maximè obvia* adsunt; durante verò hoc tempore ab ulteriori manifesto seu incremento seu decremento cessat.

In augmento suprà statum signa & symptomata tum *ratione magnitudinis ac vehementiæ*, tum *ratione dejectionis virium* superant *suam conditionem, quam in statu mediocri habent*, atque interim indies in deterius vergunt; quibus respectibus hoc tempus distinguitur tam ab augmento ordinario, quàm à statu mediocri.

In declinatione verâ *simplex quædam remissio symptomatum ac signorum ad integram sanitatem tendens* affulget, nullis interim signis apparentibus alterius cuiusdam morbi ingruentibus.

In declinatione nothâ è contrâ, cum *remissione symptomatum & signorum hujus morbi involvuntur alia novi morbi successuri*, quæ variantur pro variâ ejus conditione, & ex suis fontibus petenda sunt, neque hic expectanda. Porro si quæ specialia signa cujusvis horum

horum temporum occurrant, quæ ad morbi eventum spectant, ad prognostica reservanda sunt. Atque hæc de signis differentiarum hujus morbi ab essentiâ deductis.

Differentiæ causarum, morbum in *nativum* & *adventitium* distinguunt, & *nativum* quidem *in propriè & minùs propriè sic dictum*. Morbus propriè nativus dictus, cum ab ipso partu supponatur actu præsens, non alia requirit signa quàm *diagnostica superiori capite recitata*. Siquidem illa statim à partu apparentia morbum propriè nativum adesse demonstrant.

Sin verò illa signa non statim à partu appareant, dispositio tamen nativa ad morbum facile incurrendum ab ortu adsit, quæ postea in actum erumpit, morbus indè productus nativus quoque (licèt minùs propriè) nuncupari potest, propter illam à nativo vitio dependentiam. Morbus hoc sensu nativus alia signa, quàm quæ suprà referuntur, postulat, quibus distinguatur ab eodem morbo planè adventitio, quæ jam damus.

Signa morbi nativi impropriè sic dicti.

1^o *Valetudinaria debilisque constitutio, & morbi parentis utriusq; vel alterutrius, ut intemperies frigida & humida, cacochymia præfertim pituitosa, cachexia, hydrops, vel atrophia & phthisis, vel gonorrhæa, fluor albus,*
lues

lues venerea, scorbutus, similésque affectus.

2^o *Segnities & sedentaria parentum vita mollietisque.*

3^o *Errores matris tempore imprægnationis; quæ omnia fusiùs suprà de causis hujus morbi ad parentes spectantibus prosecuti sumus.*

4^o *Debilitas ipsius infantis recens nati quando ea à labore parturitionis non provenit.*

5^o *Invasio morbi ante exactum primum ætatis annum* Hæc enim arguit nativam aliquam ad eundem dispositionem.

6^o *Si fratres vel sorores seniores eodem morbo prius correpti fuerint.* Tum quippe suspicari licet labem à parentibus contractam esse.

7^o *Si nullus alicujus nota error in tractatione infantis post partum, atque ante præsentis morbi invasionem commissus fuerit.* De quo suprà capite de causis post partum.

8^o *Si morbus hic non supervenerit alteri prægresso qui aptus est hunc post se relinquere.* De cujus generis morbis suprà quoque disseruimus.

Signa morbi noviter & ex integro post partum contracti *contraria propemodum sunt & levi idcirco pede percurrenda.*

1^o *Si morbus nulli infirmæ seu morbose constitutioni parentum, aut eorum vitæ generi,*

aut erroribus, imputari possit.

2^o Si nulla debilitas statim à partu apparuerit.

3^o Si morbus post sesquiannum ætatis cæperit.

4^o Si fratres aut sorores à morbo immunes fuerint.

5^o Si notabiles errores post partum in tractatione infantis commissi fuerint.

6^o Si morbus aliquis præcesserit, cui suspicio est hunc insequentem adscribi posse. Hæc signa si vel omnia vel plura confluant, satis testantur morbum hunc non labi alicui nativæ, ast erroribus postea commissis attribuendum esse. Atque hæc de differentiis hujus morbi ex parte causarum.

Denique differentiæ quædam huic morbo accidunt propter alios morbos, cum quibus fortè complicitur: in quo casu præter signa diagnostica suprâ enumerata, alia insuper desiderentur quæ morbo complicato in specie sunt propria. Non tamen accurata horum descriptio hic expectanda est, cum eadem ferè sint quæ à scriptoribus practicis passim istis morbis tribuuntur. Sed cum aliqui morbi frequentius quam alii hunc comitari soleant, eorum signa breviter innuemus.

1^o Ergò *Hydrocephalus* cum hoc affectu complicatus aliquando nullis signis, ut innotescat, opus habet; sed ex se satis superque mani-

manifestus est, nempe vel ex ipsâ enormi capitis magnitudine, vel ex aquâ exterius sub Pericranio contentâ (quod tamen rarissimè contingere putamus) vel insigni suturarum hiatu aquâ in capite conclusâ duram matrem inter suturas attollente, itâ, ut tumor mollis & aquosus in ossium interstitiis exterius tactu percipiatur. Aliquando hydrocephalus obscurior est, signaque, quibus indicetur, postulat. 1^o Ergò omnes sensus cum exteriores tum interiores hebetiores sunt, quàm aliàs in hoc affectu esse solent. 2^o Moles capitis aliquando major quoque est quàm aliàs. 3^o Suturae in locis consuetis vel magis dehiscunt, vel tardius solito clauduntur. 4^o Os frontis antrorsum magis prominet, reliquaque ossa capitis quasdam inaequalitates & protuberantias solito majores pra se ferunt.

2^o Dentitionis mala conjuncta dignoscuntur, 1^o Si solenne dentitionis tempus instet aut jam advenerit; Hinc quippe suspicio aliqua ingruit laboris alicujus indè provenientiis. Tempus hoc septimo à partu mense incipere solet, & ad sesquiannum ætatis protendi, & ultra, ubi tardiùs dentitio procedit; quod in hoc affectu frequentissimè accidit; terminatur autem ubi numerus dentium completus apparet. 2^o Pueri ad dolorem mulcendum digitos frequenter in os indunt, secundùm illud quod communi verbo dici solet, *ubi dolor ibi*

ibi digitus. 3° Albicant gingivæ eâ parte quâ dens erupturus est, & ad tactum plusculum calent. 4° Dentes prodeuntes aliquando nigrescunt, aut vacillant, aut etiam frustulatim excidunt. 5° His adde vigilias, alvi profluvia, febres, convulsiones, quæ tamen fortuita sunt symptomata.

3° Asthma ex ipsâ spirandi difficultate, quando ea non provenit à tensione & repletione infimi ventris, percipitur. Si verò unâ adsit tumor, abscessus, vel Empyema, idque in altero latere pulmonum, agrè ferunt decubitus in adversum latus; sin in utroque, supinum aut erectum decubitus expetunt. Idem plerunque accidit in inflammatione cum coalescentia Pulmonum cum pleura, ut & in pleuritide, sed additis tunc febre acutâ, tussi & sputo sanguineo, in Pleuritide insuper dolore lateris pungente. Phthisis innotescit ex diuturna tussi, sputo globoso & aliquando purulento (etsi Pueri rariùs exspuant, quòd materiam tussi in os elevatam per Oesophagum deglutiant) item ex febre putridâ conjunctâ & ex festina partium eliquatione. Ascites deprehenditur ex mole Abdominis præter morem auctâ.

4° Febris Hæctica se prodit ex calore continuo, acriori paullo illo qui in Ephemera solet esse, præsertim circa arterias, & auctiori post assumptum cibum; item ex rapidiori partium consumptione; putrida cognoscitur ex urina in principio

cipio crudâ, deinde magis coctâ, tum etiam ex colore ejus justo intensiore. Adhæc, si intermittens fuerit, ex inæqualitate caloris, frigentibus nempe extremis in principio, postea plùs satis incaléscentibus; item ex Paroxysmis sive statis sive erraticis; tandem ex Pulsu contráctiori incipiente Paroxysmo, postmodum auctiori debito. Continua Febris ex intenso continuôque calore, tum siti, oris scabritie, linguaue colore mutato, & similibus.

5° *Lues venerea conjuncta indicatur, si Parentum alteruter aut nutrix prius infecti fuerint, si ulcera in Capite, Ore, ac Naribus, aut pustula eminentes vel crustosa exorta fuerint, præsertim qua ordinariis remediis non cedunt: si tumores duri, aut nodi ossa carie fœdantes in digitis, tibiis, aut aliis partibus apparuerint; si dolores & inquietudo nocturno tempore acerbiores agrum infestaverint; si bubones obliqui in inguine exorti fuerint.*

6° *Scorbutus cum hoc affectu complicatus hæc signa habet. 1° Utroque affectu laborantes agrius purgationes ferunt; solo verò Rachitide afflicti easdem facile tolerant. 2° Exercitiis violentioribus multum læduntur, neque omnino ea ferre possunt. Etsi autem in hoc affectu solo, ignavia quædam & averratio exercitii adsit; non tamen ab exercitio manifestè aut saltem non æquè manifestè læduntur, nisi scorbutica affectio simul conjuncta sit. 3° Ad*
motum

motum quemlibet concitatiores magnâ difficultate spirandi laborant, doloribus variis per artus discurrentibus vexantur, quos ploratu exprimunt, pulsus frequentior & inaequalior fit, aliquando palpitatio cordis, aut etiam Lipothymia supervenit, & hac ferè solâ quiete, placido nempe decubitu, citò mitigantur, vel etiam planè sedantur.

4° Frequenter Gingivarum tumores adsunt.

5° Urinæ absente febre solito intensiores plerumque redduntur.

7° Strumosa affectio cum hâc complicata si externa sit, tumoribus in sensus incurrentibus satîs manifesta fit; immo ubi exteriùs frequentiores strumæ occurrunt, non levis suspicio est similes tumores in visceribus delitescere: aliàs verò si strumæ intus tantùm generentur, vix certo indicio discerni possunt. Regula enim illa quam notârunt aliqui, viz. eos qui curto sunt collo, fronte brevi & angustâ, temporibus compressis, & maxillis amplis præditi, esse strumis obnoxios, nimis incerta est ac fallax; addunt alii purgantia medicamenta justâ alioquin dosi propinata strumosos parùm movere; sed & hoc quoque aliquando tantùm, non semper autem verum esse experti sumus. Hæc de signis differentiarum.

C A P. XXIII.

Signa prognostica in morbo Rachitide.

MORBUS hic specie sua lethalis non est, immo nonnunquam adeo levis mitisque est, ut pueri eo affecti solo ætatis beneficio, calore vitali aucto, eoque, vi frequentiorum exercitiorum, ad partes externas evocato, absque medicamentis convaluerint. Aliquando tamen adeo graviter affligit, ut optimis etiam adhibitis præfidiis vix, immo nè vix quidem, imminens vitæ periculum præcaveatur. Quare ut medicus varios eventus morbi prævideat aut prædicat, signa ejus prognostica diligentius prius contemplari necessum habet.

In genere verò ea quæ à partibus morbi militant, ea nempe omnia, quæ contra naturam faciunt, ex adverso pensitanda sunt, & quò hæc potentiora, illa infirmiora, eò gravior & perniciosior morbus habendus est. Verùm cum non cuivis obvium sit ex generali hoc monito singula satis accurate contrà æstimare, non erit abs re speciales nonnullas regulas & observationes huc spectantes insuper subnectere.

1. Morbus hic propriè natus, sive qui ante partum

partum invadit, periculosissimus est, & rarissimè, si unquam, ad salutem terminatur. Indicat enim ipsa principia seminalia læsa, indèque vires valdè esse debiles: causarum præterea vehementiam significat.

2^o *Quò citiùs à partu (hoc est) quò juniores hic morbus invadit, eò cæteris paribus periculosior est; tantò quippe debiliores sunt vires. Similiter etate grandiores junioribus, pedibus incedentes non incedentibus faciliùs curantur.*

3^o *Morbus nativus improprie sic dictus, qui nempe ex parte dependet ab inclinatione nativâ, periculosior est eo, qui ex mero errore tractantium contrahitur.*

4^o *Morbus hic ab aliis magnis morbis precedentibus proveniens, periculosior est eo qui solo regiminis errore contractus est. Arguit enim antecedaneam quandam virium dejectionem.*

5^o *Observârunt aliqui, infantes, qui crine rubras nutrices sugunt, in hunc affectum magis esse proclives. Nos tamen regulam hanc fallacem esse suspicamur.*

6^o *Alii dicunt puellas frequentius quàm masculos hoc morbo laborare, faciliùsque curari. Nondum equidem hoc nobis usque adeò compertum est. Concedimus tamen puellas plerumque frigidioris ac humidioris esse temperamenti, cui magis congener est hic morbus, ideòque non est à ratione alienum cum*

eum sexum leviori de causâ hoc morbo affici posse, & ab eodem quoque facilius liberari.

7^o *Morbus hic potissimum infestat generosorum cunas, præsertim eorum qui molliter vivunt; deinde eorum qui sedentariam & securam vitam agunt; hinc infimæ plebis, propter varios errores, quos necessitas tam in parentum diætâ quàm infantium regimine infert, tandem minimè omnium cunas eorum qui mediocris sunt fortune, & qui laboribus ferendis assueti sunt, neque competenti victu & necessariis ad vitam sustentandam mediis destituuntur.*

8^o *Quò partes primò affectæ magis extenuantur, eò morbus, cæteris paribus, difficilioris est curationis.*

9^o *Quò enormior est moles capitis, eò longior & difficilior curatio.* Itaque os frontis multum antèrè protuberans longitudinem saltem morbi portendit; similiter etiam aliæ irregulares cæterorum ossium capitis prominentiæ.

10^o *Quò debiliior est spina dorso, eò gravior & periculosior est morbus.* Quare qui vix libenter erecti sedent, multò magis qui nè erecti sedere valent, & maximè quibus debile collum non sustinet capitis onus, de vita periclitantur. Quinetiam à diuturniori debilitate, & inflexione spinæ, pueri modò gibbosi,

gibbosi, modò aliter incurvi redduntur, truncusq; corporis postea haud facilè denuo erigitur.

11° *Majores ossium in carpis & costarum extremis tumores morbi longitudinem præsagunt. Porro incurvationes ossium Tibiæ & Fibulæ vel Ulnæ & Radii, item inflexiones articularum quò majores, eò longiorem ac difficiliorem curationem prænuntiant. Hæ enim non subito amoveri possunt, & masculis exercitiis obeundis impedimento sunt.*

12° *Quibus ossa Crurum & Tibiæ multum & diu secundum latitudinem (seu crassitiem) potius augentur, quàm secundum longitudinem, hi demum pumiliones plerunque evadunt.*

13° *Qui crura sursum trahunt, neque ea lubenter extendi patiuntur, difficulter curantur.*

14° *Dentes nigrescere aut frustulatim excidere, periculo non vacat, atque idèò pejus est quò tardius alii in eorum locum succrescunt.*

15° *Qui statum morbi attingunt, quo nempe is non amplius augetur, omnes si rectè tractentur, evadunt, nisi fortè alius morbus sit conjunctus, aut casu aliquo superveniat, ægrumque in augmentum ulterius deturbet. Declinatio symptomatum similiter, sed certius sanitatis restitutionem pollicetur.*

16° *Hydrocephalus cum hoc morbo conjunctus semper periculum non leve importat. Quòd si eò usque*

usque prævaleat, ut suturæ cranii multum dehiscant, atque in earum interstitiis aqua in capite conclusæ duram matrem in mollem & aquosum tumorem attollant, lethalis est.

17^o *Dentitio laboriosa*, nonnunquam gravissima symptomata secum adfert, mortemque ipsam minatur. Plerumque tamen minus ferocit, atque intra paucos dies terminatur. Utcunque, dum conjungitur, multum morbi motum accelerat. Dentes verò Canini, qui oculares vulgò nuncupantur, cæteris molestius erumpunt, plùsque periculi portendunt.

18^o *Asthma* (præsertim *Orthopnœa*, atque ea spirandi difficultas in quâ decubitus in neutrum latus admittitur) valdè periculosum. Suspicio enim est tumoris alicujus, abscessûs, Empyematis, Pleuritidis, Peripneumoniæ aut adnascentiæ pulmonum cum pleura, qui omnes affectus periculosi sunt.

19^o *Phthisis* cum hoc affectu complicata lethalis ferè est, præsertim si unum idemque ulcus pulmonum ultra 40 dies perseveraverit.

20^o *Morbus* hic diuturnior facilè in *Phthisin* vel *Tabem* migrat, vel saltem ante obitum *Tabem* sibi comitem perpetuò ferè adsciscit, nisi fortè alius morbus aut symptoma grave interveniens acceleratâ morte *Tabem* adventantem prævertat, ut convulsio, tussis clamosa dicta, intumescencia Pulmonum (quam Angli the

rising of the Lights, vocant) febris continua, pleuritis, &c.

21^o *Hydrops Pulmonum, ut & Ascites, si forte huic morbo associantur, eundem reddunt deploratum.*

22^o *Febris Hæctica, Lenta, Putrida, maximeque continua, partes primò affectas depascendo, huius morbi motum vehementer accelerant, eumque periculosum efficiant.*

23^o *Lues Venerea cum hoc morbo conjuncta sive hæreditaria, sive ex contagio contracta, difficilem admodum, si ullam, curationem admittit.*

24^o *Scorbutus complicatus multum quoque difficultatis in curatione secum adfert, licet minus quàm Lues venerea.*

25^o *Struma sive externa, sive minores interna non ex se tantopere obstant curationi, licet aliàs ipsæ aliquando in hac ætate difficillimè percurentur. Externæ enim exulceratæ, aut inflammatæ simulque dolorificæ, vehementer naturam laceffunt, virésque dissipant, multò autem magis internæ, præsertim si partes nobiles occupaverint, aut ipsâ mole vicinis partibus molestæ fuerint.*

26^o *Quicumque ante annum quintum ætatis completum non perfectè sanantur, postea miseri ac valetudinarii fermè vivunt, & vel Asthmatici, vel Cachectici, vel Phthisici facti ante consistentem ætatem moriuntur, vel saltem gibus,*

*bofi, nani, curvi, aut aliter deformes postmodum
superfunt.*

27. *Scabies & pustula in cute, pruritúsve huic
morbo supervenientes, ad curam ejusdem multum
conferunt.*

28. *Qui facilius tolerant omnimodam jacta-
tionem corporis, ceteris paribus, facilius cu-
rantur.*

Atque ità tandem absolvimus trium
generum signorum, quæ hætenus in nostram
observationem occurrerunt, historiam. Pro-
ximum est, ut ad methodum præxeos, quæ
præcautionem & curationem hujus morbi
complectitur, deveniamus.

CAP. XXIV.

Methodus ad Praxin, tum Indicationes in genere.

Methodus ad praxin in *θεραπευτικὴν & προφυλακτικὴν*, in partem Curatricem & Praeservatricem dividitur. De priore nobis hoc capite agendum, quamvis fortè hìc quoque nonnulla in genere proposita sint futura, quæ cum Prophylacticæ, tum *ὕγιεινῇ* sint communia. Prophylacticen autem in specie ad calcem hujus tractatûs reservamus.

Pars Curatrix appellari solet *Methodus medendi*, cujus, ut cujuslibet aliûs Artis, duo sunt generalia instrumenta, Ratio scil. atque *Experientia*; quarum conjugium omnem artificis peritiam exhaurit. Per experientiam autem intelligimus non tantum *historiam morbi unius aut plurium, successusq; medicamentorum, sed & observationem*, hoc est, *applicationem historiarum ad ea, quæ in eodem affectu dicat ratio, idque per viam comprobationis vel improbationis*. Similiter per Rationem omnem mentis operationem volumus, ita, ut non tantum tertiam nempe *ratiocinationem seu demonstrativam, seu probabilem & analogisimum*, verum insuper & *primam & secundam*, hoc est, *simplicem apprehensionem tum compositionem ac divisionem*

visionem hoc instrumento complectamur. E-
tenim, pars hæc medicinæ præsupponit *Phy-
siologiam, Pathologiam, & Semeioticem*, quæ
certè uniuscujusque operationis intellectus
exercitium multifariam exigunt. Deinde, ne-
mo aliquam propositionem intelligat, qui
non prius simplices ejusdem terminos appre-
henderit; neque syllogismum, qui ignarus
fuerit propositionum è quibus conflatur: ut
manifestum jam sit omnem mentis operatio-
nem hîc exerceri.

Indicatio, *ἡ ἐνδειξις*, nobile illud methodi me-
dendi instrumentum, (cujus usu Dogmatici
sectam suam ab Empiricis maximè discrimi-
nari volunt) ad partes Rationis etiam veni-
accensenda. Quandoquidem autem non-
nulla cùm difficilia tum obscura occurrant
circa hoc instrumentum ab ipsis neotericis
vix dum enodata & illustrata, operæ-premium
duximus hîc paucis examinare

I^o *Quid sit Indicatio?*

II^o *Ad quam Intellectus operationem per-
tineat?*

III^o *In quæ genera & differentias distri-
buatur?*

Quod ad primum attinet, licet fortè plures Quid In-
dicatio.
hujus nominis significationes apud Autores
occurrant, illa tamen prima & maximè pro-
pria est quam tradit Galenus è *Meth. Med. 7.*

ἡ ἐνδειξις ἐστὶν ἐμπειρίας τῆς ἀπολογίας. Indicatio est in-
sinuatio

sinuatio seu declaratio consequentia, id est, *rei agenda*. In hoc sensu definiri & describi potest Indicatio; *Actio objectiva Indicantis* relativè considerati, quæ representat intellectui *Indicatum*, hoc est, quid conferat, quid noceat, & per consequens, quid prosequendum, quid fugiendum sit. Ut definitio hæc seu descriptio clarior reddatur, expendamus ulterius quid sit *Indicans*? quid *Indicatum*? qualis sit actio *Indicantis*? quò spectet distinctio *Indicati* juvantis & nocentis, sive prosequendi & fugiendi?

1^o Quamvis termini illi *Indicatio*, *Indicans*, & *Indicatum*, extendi fortè ad alias artes & scientias possit; cum tamen hætenus industriâ medicorum (præsertim Galeni) soli methodo Praxeos appropriantur, eorum definitiones, quæ hîc exhibendæ, hanc solam methodum, omisso omni alieno eorum usu, respiciunt.

Quid Indicans.

Generalis igitur *Indicantis* definitio à natura generalissima, quæ in nostra arte indicat, petenda est. Definiri ergò potest *Indicans* in genere, *status corporis quæ fluxilis, vel mobilis*, seu potius, *quæ actu est in fluxu vel motu, relativè consideratus*, prout insinuat quid sit *agendum sui causâ*.

Dicimus primò *Indicans* semper aliquem *statum vel conditionem corporis* innuere; quare quod extra corpus est, ac nondum id afficit, cum non sit conditio seu status corporis, haud rectè

rectè dicitur indicare. Causa ergò externa, & nondum corpus afficiens, non est Indicans, licèt fortè ejus averfio possit esse Indicatum. Secundò status corporis *quà fragilis, vel quà mobilis*, seu potiùs *quà actu est in motu*, ad essentiam Indicantis requiritur. Etenim ut luculentissimè probat Gal. I. ad Thrasymb. si corpus nostrum esset immutabile & perpetuum, nullus locus Arti medicæ relinqueretur: ast verò cùm calor continuè humidum depascit, cùmque sanitas ipsa vel in statu perfectissimo fragilis sit ac fluxilis, immo actu fluens, & ex aliqua parte jam defluxit, patet subsidium Artis medicæ officiùmque medici practicum postulari. Tertiò ad Indicantis etiam naturam pertinet *relativa ejus consideratio*. Nam si status corporis ejusve mutatio absolutè tantùm consideretur, nuda tantùm speculatio indè resultat; sin verò in ordine ad id quod agendum est, quò medicus officio suo circa illum statum rectè fungatur consideretur, statim instrumentum practicum evadit, atque Indicantis naturam induit. Indicat quippe ejusmodi status *quà fragilis & in motu est*, omni modo sanitatis habendam esse rationem, eamque esse assequendam. Adeoque quod generalis medici scopus quærebat, hoc ipsum generale Indicans demonstrat. Non autem expectandum est, ut consideratio generalissimi Indicantis quidquam

quam aliud repræsentet quàm actionem generalissimam scopo generali respondentem. Si verò medicus particularem scopum ulterius prosequi voluerit, oportet ad Indicantia particulariora descendat.

Quid Indicatum.

II^o Indicatum est *Actio medica ex parte Indicantis requisita*. Nam primò & formaliter Indicans denotat *actionem*, secundariò verò & per consequentiam *instrumentum*, quo *actio perficitur*. Itaque appendicis loco addamus propositæ definitioni, quòd *secundariò, ex consequenti, atque in concreto, includat instrumentum, quo ista actio exercetur*.

1^o Dicimus Indicatum esse *actionem*. Eo enim fine Medicus utitur Indicatione, ut inde quid agendum sit, eliciat. Dicas, instante crisi aut ea legitimè procedente, ipsum Indicatum esse abstinentiam ab actione, nedum actionem.

Respondemus, Abstinentiam hanc eo ipso quòd consultò & secundùm artem imperatur, sub aliquali notione actionis medicæ evidenter contineri : atque idem dicendum est de quavis actionis in arte nostræ prohibitione.

2^o Dicimus Indicatum esse *actionem medicam*, hoc est, *actionem ad sanitatem facientem*. Etenim finis Medicinæ sanitas est, ideòque actio illa quæ ad sanitatem collimat, rectè actio medica uuncupatur.

3^o Dicimus

3^o Dicimus Indicatum esse *actionem saltem respectu Indicantis requisitam*. Omnis enim actio Indicata non statim exequenda est, neq; dici potest simpliciter, sed tantum ex parte Indicantis requisita; quocirca ea ulteriori examini subjienda est priusquam decernatur exercenda: & si neque vires prohibeant, neque aliud contra indicans potentiùs repugnet, tum demum simpliciter requisita est, suoque tempore, si qua fieri potest, exequenda. Atque hinc rectè distinguitur Indicatum in inutile, & utile. Redditur autem Indicatum inutile vel ex defectu materiæ medicæ, quâ id exequendum est; vel ex præsentia validioris *Prohibentis*, aut *contra Indicantis*. Indicatum utile adhuc rectè subdividitur in *circumstantiatum & non circumstantiatum*. Indicatum circumstantiatum sive actio ritè circumstantiata quamprimum absque mora exequenda est. Indicatum non-circumstantiatum tam diu differendum, est donec debitas circumstantias perfectè nactum fuerit. Dicimus quartò Indicatum *concretè & secundariò includere quoque Instrumentum, quo actio Indicata perficitur*. Verbi gratiâ status sanitatis indicat primò & formaliter actionem conservandi eam, secundariò verò & per consequens indicat simul instrumentum, quo eam conservamus, viz. similia. Hæc transitio Indicationis ab actione ad instrumentum non

videtur pendere à sola virtute Indicantis, aut ex parte etiam à generalibus quibusdam certisq; & vulgò receptis principiis, *similia similibus conservari, contraria contrariis curari*, ideòque consultò diximus instrumentum ejusmodi esse secundarium Indicatam, & per consequentiam illatum, & quòd simul actionem cum Instrumento includat Indicatam esse concretum.

Cognatio
officii
medici
cum acti-
one Indi-
cata.

Porro, quum *officium medici practicum* magnam habeat cognationem cum *actione Indicata*, quousque hæc conveniant, & quâ ratione inter se differant, hic consideremus. Officium medici generale est, assequi; quantum fieri potest, finem artis suæ, nimirum *sanitatem*. Atque eadem assecutio sanitatis propemodum est generalissima actio Indicata. Hæc tamen eo distinguitur à generali medici officio, quòd assecutio sanitatis non perpetuò sit possibilis. Quamvis ergò assecutio sanitatis semper indicetur, quando tamen ea impossibilis est, non obligat medicum, cum nemo teneatur præstare impossibilia, adeò nulla pars est ejus officii. Similiter actio indicata aliquando inutilis est ob rationes modò allatas, in quo casu non pertinet ea ad officium medici. Adhæc, actio Indicata, utilis licet suo loco sit exequenda, quamdiu tamen incircumstantiata manet, non exhaurit officium medici. Etenim medici est non tantum
utilia

utilia in specie, sed & habitâ ratione temporis ordinis, modi, cæterarumque conditionum juxta administrationis talia opem ejus implorantibus præscribere. Denique actio Indicata utilis, omnibus suis circumstantiis debitis stipata verè exhaurit officium medici. Hujusmodi quippe, & solas hujusmodi actiones (saltem ubi eæ inotescunt) tenetur medicus exequi.

Præterea *scopi* sive *intentiones medicæ*, cum actiones Indicatas, tum officia medici diversimodè respiciunt, & cum utrisque aliquid habent commercii, quo respectu hic quoque veniunt leviter consideranda. Verùm in ipso hujus discursus limine videntur *scopi* distinguere posse in *notionales* sive *formulas inquisitionis circa quodvis officium medici*, & *res ipsas querendas*. Formulæ inquisitionis nihil aliud sunt quàm *aptæ quæstiunculae*, vel *interrogationes*, quæ quodvis medici officium in tot partes resolvunt, quot distinctè inquirendas & examinandas continet. Novem hujus generis formulas enumerat Argenterius, 1º *An?* 2º *Quid?* 3º *Quâ materiâ?* 4º *Quantum?* 5º *Quale?* 6º *Quo modo?* 7º *Quando?* 8º *Ubi?* 9º *Quo ordine agendum?* Alii has ad pauciora capita contrahunt, de quâ re consulantur Autores. *Scopi reales* sive *res ipsæ querendæ* sunt *partes ipsæ, in quas quodvis officium medici aptè distingu*

Collatio
utriusque
cum scopis
medicis.

gui

qui potest, suntque idcirco totidem numero, quot in isto officio reperiuntur partes distinctæ inveniendæ aut examinandæ. Hi scopi jam inventi, non re, sed solâ ratione ab iis quærendis discriminantur, respectu nempe diversæ relationis ad intellectum quærentem & actu intelligentem. Ex his patet, quam cognationem habeant *scopi cum officio medici, tum actionibus Indicatis*. Etenim scopi notionales sive formulæ scoporum, & res ipsæ sub illis formulis quærendæ in eandem metam collimant, viz. distinctam omnium partium cujusvis officii medici inventionem: Verum res quærendæ sunt partes ipsæ officii à se invicem facilioris inventionis aut examinationis gratiâ aptè disjunctæ.

Porro illæ partes hujus officii, quatenus sunt vi indicationis inventæ, ipsæ sunt actiones Indicatae; ita ut scopi ex Indicatione inventi, & actiones Indicatae realiter idem significant. Dicimus *realiter*, quod scopi etiam inventi quâ scopi ab illis ratione differant, quandoquidem præter actiones Indicatas videntur connotare intentionem eadem actiones prosequendi, sicuti scopi nondum inventi innuunt intentionem in illas inquirendi. Atque hæc de Indicatis.

III^o *Actio Indicantis* objectiva est, & Indicans, ut objectum præter se ipsum, Indicatum intellectui quodammodo insinuat. Miretur fortè
ali-

aliquis , quî eveniat , ut objectum aliud quid , prater se ipsum , representet.

Resp. Eam esse naturam relativorum , ut (quâ talia) concipi non possint absque implicatione suorum correlativorum. Etenim unum relativû in propria sua consideratione obliquè saltem involvit naturam alterius; ideoque facilè intellectum deducit ad alterius cognitionem. Dicat aliquis , si Indicationis vis in merâ relatione Indicantis ad Indicatum fundetur , quî fiat quòd ejus usus ad solam artem medicam restringatur ?

Resp. Nos non negare , quin usus hujus instrumenti extendi possit ad alias artes & scientias , ut suprâ quoque monuimus. Etenim in morali philosophiâ licet dicere virtutem indicare suâ protectionem , vitium suâ suppressionem. Neque verò tantum consistit hujusmodi relatio inter status rerum , actionesque eosdem spectantes , sed & inter terminos merè speculativos : ut bis duo sunt quatuor; homo non est equus. At verò hîc consideramus Indicationem & efficaciam Indicantis tantummodo in ordine ad methodum medicinæ , ut hîc non opus sit hujus instrumenti usum ulteriùs extendere , quod neque fecit Galenus , cùm id ad ejus scopum parùm contribueret. Afferimus tamen non quamlibet relationem sufficiens esse fundamentum Indicationis , sed oportet sit talis,

X

quæ

quæ evidentem præ se ferat seu conformitatem & congruentiam inter Indicantem & Indicatum, unde in propositionem indubitatæ veritatis aptè componantur; seu disparitatem & repugnantiam eorundem inter se; unde à se invicem aptè dividantur, hoc est, in propositionem negativam æquè certam disponantur. Quòd autem propositiones hanc Indicationem elicitæ, sint certæ & evidentes, neque ulteriori probatione opus habeant, ex eo elucescit, quòd quivis intellectus sui compos, nullòque præjudicio occæcatus, neque scepticis nugis ac fallaciis de industria irretitus, necessum habeat iis mox assentiri ubi earum terminos intellexerit. Quinetiam ipsi sceptici, licet inter disputandum quamlibet veritatem, ut ut manifestam, susque deque habeant, & certissima quæque principia rebus quàm maximè dubiis æquiparare fatagant; in vitæ tamen muniis obeundis dum inedia succurrunt assumpto cibo, dum pecunias sibi annumerant, dum plagas fugiunt, atque hæc & similia constanter absque ullâ mentis fluctuatione agunt, fati testantur se ex prava quadam animi dispositione vel gloriolæ studio, vel victoriæ in contentione spe duci potius quàm re ipsâ de istiusmodi propositionum veritate dubitare. Interim hinc notandum est, Indicationem ipsam necessario fallacem

lacem esse ac infidam, ubi absoluta natura
 vel Indicantis, vel Indicati prius non exactè
 cognita fuerit. Etenim in hac Indicationum
 arte, non præsupponimus semper medicum
 antea didicisse probèque nòsse quid sint res
 illæ omnes, quas secundùm naturam nuncu-
 pamus, ut & in quo consistent morbi essentia,
 omnesque ejus partes, necnon causas omnes
 morbi perspectas habere: immo necesse est e-
 tiam sciat cunctas medicas actiones, putà quid
 sit alteratio, quid calefactio, quid frigefactio
 &c, quid evacuatio, purgatio, venæ sectio &c,
 quid conservatio, & similia. Non enim In-
 dicatio manifestam reddit absolutam natu-
 ram vel Indicantis, vel Indicati; sed hæc
 prius nota præsupponens, mutuam tantùm
 relationem repræsentat, viz. aut *arctam con-*
nexionem & conformitatem, quam inter se ha-
bent, vel disparitatem & oppositionem; unde
 in propositionem certam formari possint.
 Verùm certitudo propositionis indicatæ non
 potest superare certitudinem cognitionis In-
 dicantis. Siquando igitur hæsitamus de certa
 naturæ Indicantis notitia, vix tutum est soli
 Indicationi fidere, donec alio ratiocinio ut a-
 nalogismo, vel experienciâ ulterius ea confir-
 metur. Sed hæc dubitatio, nō naturæ Indicati-
 onis, ast ignoratiæ rei Indicantis tribuenda est.
 Adhæc, sciendum est relationem indican-
 tis in methodo Praxeos, præter evidentiam,

connotare etiam *quid debiti* aut *requisiti officii* respectu actionis Indicatae, propositionisque ex Indicatione formatas istud debitum insinuare vel explicitè, vel saltem implicitè. Ut in hac propositione; *morbus indicat sui ablationem*; decernitur ablatio, ut actio requisita ex parte Indicantis scil. morbi, ac si diceretur, morbus requirit seu postulat sui ablationem; exprimitur autem frequentius & fortè elegantius hoc debitum actionis officium per participium in *du*s, ut, *morbus est tollendus*, quæ propositio manifestè significatione coïncidit cum prioribus.

Object. *Obiectio quaedam circa actionem Indicantis restat adhuc solvenda. Nimirum, si Indicatio sit ipsa Indicantis actio, quomodo vocari possit operatio Intellectûs? omnes enim Indicationem ad aliquam intellectûs operationem referunt.*

Resp. Indicationem esse quidem actionem Indicantis, sed objectivam, eamque uniri facultati Intellectivæ, atque in eadem esse quasi in subiecto: porro intellectum esse potentiam, & ab objecto suo actuari, & quasi informari. Quare actio Indicationis, licet *objectivè* tribuatur Indicanti, *subjectivè* tamen tribuitur Animæ ejusque præsertim intellectivæ parti, cujus actus & quasi forma est. Atque hinc facillimum est Galenum sibi ipsi conciliare ubi aliquando Indicationem *ἔμψαση*, aliquando *κατάληψις* definit.

IV^o Examinandum est quò respiciat illa actionis Indicatae distinctio in *actionem conferentem*, & *nocentem*, sive *prosequendam* & *fugiendam*. Urgeat enim aliquis Galenum perpetuò affirmare ab uno Indicante unum tantum insinuari Indicatum; & in *l. Meth. II.* asserere eos frustra Methodum curandi tentare, qui unum ab uno Indicari ignorant: atque omnes qui de hac materia scripserunt, videntur idem attestari.

Resp. Galenum intelligendum esse de tribus distinctis Indicantium generibus, quæ nullo modo sunt confundenda, ut neque eorum Indicata. Quod enim propriè indicat morbus, nontribuendum causis aut viribus, similiter quod indicant causæ, non applicandum id vel viribus, vel morbo ipsi; denique quod vires indicant, nec morbo neque causis adscribendum. Hoc enim respectu uni Indicanti unum Indicatum respondet, & qui hoc non observat, necessariò omnia confundit, frustraqué secundum Galeni mentem hoc instrumento in artis operibus utitur, veruntamen sciendum est, in quovis genere prædicto, Indicatum in *duas partes* dividi posse, quarum altera *actio conferens & prosequenda est*, altera *noxia & fugienda est*; utraq; verò ad idem genus è tribus dictis pertinet, & quasi media pars est totius Indicati: Nam vires jubent eligere ea, quæ illas tueri queant;

ea verò vitare quæ illas amplius lædere apta sunt, & utraque actio concurrit ad completam conservationem præstandam. Similiter cum in curatione, tum in præservatione reperitur actio tam prosequenda, quàm fugienda: neutra tamen excedit sui generis terminos, ut nulla indè confusio metuenda sit. Dum enim curamus, ea eligimus quæ morbum demoluntur; ea fugimus, quæ illum fovent. Similiter dum præservamus, causas tollimus, & ea simul cavemus quæ quovis modo ad earum continuationem aut repullulationem contribunt. Atque ob hanc rationem in definitione Indicationis suprâ datâ, distinguimus actionem Indicantem in *prosequendâ & fugiendam*: quod idem quoque in enumerandis particularibus hujus morbi indicationibus facturum sumus.

Ad quam
intellectus
operationem
Indicatio
pertinet.

Tempestivum jam est ut ad secundum quæsitum ab initio propositum, viz. ad quam intellectus operationem Indicatio spectet, transeamus. Dicimus 1^o Indicationem *quodammodo includere simplicem apprehensionem utriusque termini, Indicantis & Indicati*. Nemo enim propositionem intelligat ignotis terminis ejus simplicibus. Verum hæc cognitio tantum præparatoria est, & præsupposita in arte Indicationum, ut suprâ quoque notavimus. Dicimus secundò *compositionem & divisionem esse explicitam operationem intellectus in perceptione Indicationis*. Etenim Indicans

dicans vi relationis suæ repræsentat Indicat-
tum secum in propositionem relativam aptè
connectendum. Quòd verò propositio sic
conflata naturâ suâ adeò sit manifesta &
evidens, ut de ejus veritate dubitari non possit,
neque ulteriori egeat probatione, expressè
dicit *Gal.* — καταλήψει, ἀνευ τηρήσεως ἢ λογισμῶ
Itē *l. de opt. Sect. ad Thras. c. 11.* — ἀνευ ἀποδείξεως,
& παρατηρήσεως. Hic aliqui Galenum calumni-
antur, quasi artem exstruxisset ab omni rati-
one & experientia alienam, cùm tamen nîl
aliud voluerit Galenus quàm propositiones
Indicatione elicitas per se certas esse, neque
comprobatione seu experientiâ seu rationis
indigere. Objicit quidem Sennertus Indica-
tionem pertinere non posse ad secundam
mentis operationem, quòd Indicatum neque
affirmetur neque negetur de Indicante. Sed
videtur vir doctissimus in hoc lapsus. Licet
enim directè, & per nudum verbum substan-
tivum sive copulam (est) fortè neque affir-
metur neque negetur Indicatum de Indican-
te, indirectè tamen & in casu obliquo mani-
festè de eodem prædicatur eo modo, quo fieri
solet in propositionibus relationis; v. gr.
Indicans est Indicati Indicans; vel status sanus
est suæ conservationis Indicans; status morbosus
est remedii Indicans; &c. Et si quis velit ex-
primere Indicatum cum relatione sua ad In-
dicans per participium in *duo*, ejus prædica-

tio erit directa : Ut, *status sanus est conservandus* ; *status morbosus est curandus* ; *morbis est tollendus*, &c. Si negare possit doctissimus Sen-
nertus has esse propositiones, pari facilitate
negaverit Indicationem spectare ad hanc
operationem intellectûs ; sin necesse habeat
illud confiteri, etiam hoc unâ agnoscere te-
netur. Afferuimus verò Indicationem explici-
tè spectare ad secundam mentis operatio-
nem ; quòd intellectus, quoad ordinem tem-
poris, simul comprehendat mutuam relatio-
nem Indicantis & Indicati, indèq; propositio-
nem conficiat, quæ propositionis formatio
ipsa est Indicatio, atque explicitè secunda
Intellectûs operatio. Quòd autem intellectus
simul tempore Indicans & Indicatum in In-
dicatione complectatur, eleganter exprimit
Galenus ficta voce decomposita, quâ in ejus
definitione utitur, — συμπερσπίσις κατέληξις
Item in alia definitione, — συμπερσπίσις τὸ συμ-
φέρον.

Dicimus 3^o Indicationem *implicitè* quæque
referri posse ad tertiam Intellectûs operationem :
quoniam ordine Naturæ videtur Intellectus
priùs evidentem relationem Indicantis ad
Indicatum percipere, quàm de certitudine
propositionis indè resultantis concludat, licèt
ordine temporis hæc simul Intellectus com-
plectatur, ut modò dictum, neque necesse sit
explicitum syllogismum conficiat. Nam re-
vera

vera potest Intellectus simul tempore comprehendere ea , quæ ordine naturæ suceſſiva dicantur, ut ſolem & lucem , ignem & calorem &c , Eo ipſo verò quòd hæc ſimulanea comprehenſio Indicationis includit dependentiam quandam notiæ Indicati à relatione Indicantis perceptâ , ſupponit quoque relationem dictam ſaltem ordine naturæ priùs percipi, Indicatum verò poſterioriùs & per illationem implicitam innotefcere. Nam tranſitio quædam, reſpectu ordinis naturæ , hîc implicari videtur à relatione Indicantis, tanquam medio termino, ad propoſitionem ex Indicante & Indicato conſtatam tanquam ad concluſionem ; quæ implicita quædam argumentatio dici poteſt.

Dicimus 4^o *Poſſe per ambages Indicationem reduci ad explicitam argumentationem ſive ſyllogiſmum*, ſeu potiùs, *idem quod Indicatione aſſequimur poſſe etiam per viam ſyllogiſmi inveniri & comprobari*. Nam ratio evidentiae propoſitionis Indicatae explicite applicari poteſt, ut medius terminus ad iſtam propoſitionem inferendam. Interim ſyllogiſmus ſic confectus vel merè nugatorius, vel ad ſummum tantum explicatorius erit. Ut ſi quis vellet probare morbum eſt tollendum, ſic procederet. *Quod eſt contra naturam, eſt tollendum; morbus eſt contra naturam; ergò morbus eſt tollendus: medius terminus (quod eſt*
contra

contra naturam) est ratio relationis morbi ad suū ablationem , sed tantū est expositivus generalis naturæ morbi. Quisquis enim intelligit quid sit morbus , necessariò simul concipit esse quid præter naturam. Ideòque talis syllogismus tantū expositivus est. Non tamen eum semper inutilem putamus, cū ad convictionem pertinacis, vel informationem ignorantis aliquando inserviat. Huc quoque referre possumus translationem Indicationis ab actione ad instrumenta virtute generalium regularum , *similia similibus conservantur, contraria contrariis curantur*; quæ suprà quoque memorantur.

Dicimus 5^o *Collationem Indicationum inter se, quò ex consensu & dissensu Indicantium quid simpliciter & absolutè agendum sit eliciamus, necessariò involvere tertiam Intellectūs operationem.* Etenim limitatio cujusvis Indicationis supponit medium terminum isti Indicationi extraneū, quo prius intellecto limitatio ut conclusio infertur. Qui enim necesse habet (quò de veritate propositionis alicujus statuat) terminum extraneum ut medium consulere , hic certè manifestè argumentatur. Cū ergò ad limitationem Indicationis præter Indicantem & Indicatum tertius terminus ejusque consensus vel dissensus requiratur; patet ad ejus inventionem tertiam operationem Intellectūs postulari. Licet ergò
simplices

simplices Indicationes prima rudimenta Methodi ad Praxin subministrant, ad complementum tamen artis ratiocinatio socia est adsciscenda.

Dicimus 6^o *Electiōnem materiae medicae in specie, ejusque aptam administrationem non tantum omnem operationem intellectus, sed & insuper postulare experientiam.* Etenim quis absque hac dosin scammonii alteriusve cujuscvis medicamenti purgantis, quosve humores in specie educat, satis intelliget? In alterantibus etiam lateat fortē qualitas aliqua non explorata, ægrotanti noxia, quæ solā experientiā percipi possit. Statuimus ergo (Indicationum propriā vi usūque servatis) ad completam medicinæ methodum requiri quidquid ratio, quidquid experientia contribuere possint.

Procedendum tandem est ad tertium titulum ab initio propositum, in quæ scil. genera & differentias Indicatio distribuatur. Differentiæ quædam è suprâ-dictis facilè elici possunt, quas hîc propterea omittimus. Hîc autem distinguimus Indicationem in *genericam, subalternam, & specificam*. Generica à generali Indicante petitur, subalterna à generibus Indicantium intermediis, specifica ab infima eorum specie. Suprà notavimus generale Indicans esse ipsum statum corporis in genere consideratum, quâ fragilem & in motu:

Differentiæ Indicationum.

Duo Indica-
ta abstra-
cta gene-
ralissima.

motu : status hic indicat sanitatem esse asse-
quendam , quæ generalissima est actio me-
dica, & generalissimum Indicatum. Verum
tamen hæc actio quodammodo concreta est,
& duas æquè generales actiones in abstractio
includit, scil. *Conservationem*, & *Correctionem*.
Quippe status generalis prædictus etiam
concretus est, duasque similes consideratio-
nes in abstractio complectitur, alteram nimi-
rum partium secundum naturam adhuc se
habentium , quæ puram putam conservatio-
nem postulant ; alteram partium de integri-
tate suâ nonnihil jam lapsarum , quæ simili-
ter puram putam correctionem exigunt. Hæ
duæ actiones in omni artis operâ perpetuò
conjunguntur. Qui enim conservat , simul
corrigit, hoc est, vitia quædam emendat , &
qui corrigit seu vitia emendat , simul Con-
servationi prospicit. Complicatio harum
actionum adeò est subtilis, ut videatur impo-
suisse ipsi accuratissimo Argenterio qui l. 1. de
Off. med. c. 2. affirmat Conservationem esse
ipsam illam Correctionem , quæ in arte tu-
endæ sanitatis exercetur. Verum dupliciter
errat. 1^o Quòd Correctionem & Conser-
vationem in *ὅλῳ* unam & eandem actionem
esse putet, cum re ipsâ duæ sint distinctæ, ut
ut conjungantur in artis exercitio. Etenim à
diversis considerationibus generalis Indica-
ntis, ut modò dictum, indicantur, & Con-
servatio

servatio respicit ea quæ sec. naturam sunt; Correctio vitia Naturæ. Quinetiam per instrumenta formaliter distincta, immo opposita perficiuntur. Nam Correctio in ipsa etiam arte tuendæ sanitatis per contraria, Conservatio per similia peragitur: Ut, inanitioni in hac arte succurrunt a sumpto cibo, inanitioni quidem contrariâ, ast partibus nutriendis simili: Quamvis ergo conjungantur hæ actiones in executione, re ipsa tamen formaliter distinctæ sunt, & distincte ab intellectu concipiendæ. Secundus error Argenterii est, quod solum Correctionem vitiorum generalem actionem totius Medicinæ esse concedat, cum Conservatio æquè sit universalis pariterque in omni Medicinæ parte exerceatur.

Nemo dubitat quin in *ὕγιεινῃ* conserve-
mus: quod verò simul corrigamus, demonstrat Galenus l. ad Thrasymb. & lib. *An res tuendæ sanitatis ad medicum pertineant*. Dicit Gal. ibi probare omnem actionem medicam esse Correctionem, ipsamque Conservationem sub latitudine Correctionis comprehendendi. Non tamen ità accipiendus est Galenus, quasi vellet Correctionem esse genus Conservationis, cum, ut modò monstravimus, Conservatio & Correctio vel in hac arte tuendæ sanitatis sint formaliter diversæ & contra distinctæ actiones: id verò tantum voluit
Galenus

Galenus omnem actionem Medicam, quando actu administratur, in se Correctionem includere, eoque respectu Correctionem appellari posse, adeoque Correctionem esse generalem actionem totius Medicinæ : tamen negat Gal. quin conservatio sit æquè generalis. Quid enim prohibeat duas esse generales actiones abstractas in Medicina? Non id destruit, si quis fortè putet, unitatem Artis; quin potius eam confirmat. Unitas enim Artis in communitate aliqua, quæ omnibus ejusdem partibus tribui potest, consistit; atq; eò firmior unitas hæc censenda est, quò pluribus communitatibus omnes Artis partes inter se connectuntur. Si ergò duæ sint actiones generales, eæque omnibus partibus Medicinæ communes, eò firmius partes istæ in unam Artem coalescunt. Quare non repugnat ratiocinio Galeni, si quis dicat conservationem quoque esse generalem actionem totius Medicinæ; cum scopus Galeni, tantum fuerit ostendere Medicæ Artis unitatem ex communitate istius generalis actionis, viz. Correctionis : potuisset autem id æquè ostendisse, si natura rei postulasset, ex communitate Conservationis. Etenim in *ῥυτιμῇ* nobilissima pars totius concretæ actionis est Conservatio, indeque tota actio à potiori parte conservatio, & Ars ipsa Conservatrix denominatur, licet aliàs, ut dictum est, Correctionem

rectionem quoq; includat. In Prophylactica verò præcipua pars actionis Medica præservatio est, scilicet Correctio causæ morbi imminentis : ita tamen hæc perficitur, & per ea media, quæ vires præsentēs permittant, nullo autem modo per ea quæ easdem destruant. Ideoque in Prophylaxi quoque ratio habetur virium, earumque conservatio indicatur. Verum à potiori similiter parte tota actio concreta (etsi ut dictum, Conservationem quoque includat) Præservatio & Præcautio appellatur. Denique in Therapeutica, licet similiter tota actio concreta Curatio, & ipsa Ars Curatrix à principe actionis parte denominetur; re ipsa tamen tota hæc actio Curandi in tres partes abstractas benèque distinctas dirimi potest: in Curationem causæ, in Curationem morbi, & Conservationem virium. Vitalis quippe sive Conservatrix Indicatio ad hanc quoque Medicinæ partem evidenter & omnium consensu spectat, & in omni Curativa actione priusquam ea exequenda est, consuli debet. Unde patet hanc etiam partem Medicinæ perpetuò conservare, hoc est, in omni Curatione prospicere, nè vires à remedio præscribendo plus detrimenti capiant, quàm emolumentum id est, quod per morbi ejusve causæ à remedio impugnationem iisdem accedit. His omnibus igitur perpensis, concludimus generale Indicatum

dicatum Concretum quid esse, apteque distinguere in duas generales actiones abstractas, quæ in omni parte Medicinæ exercentur, id. que in Artis opera unam actionem completam sive complexam perpetuò conficere.

Porro generale Indicans, viz. status corporis, quæ fragilis & in motu, præter partes sive considerationes abstractas jam propositas dividi potest in tres species, seu potius tria genera subalterna pariter concreta : scilicet, in *statum sanum* ; in *statum morbosum* ; & *neutrum*. Hæ tres species ipsa sunt subjecta trium specierum Methodi ad praxin : nimirum *status sanus*, ὑγιεινῆς ; *status morbosus*, παθολογικῆς ; *status neuter*, περιουλακτικῆς. Tres hi status etiam concreta Indicantia sunt, & concretè quid sit agendum, vel quodnam sit officium Medici in singulis istis Artibus respectivè indicant : viz. status sanus, sanitatem esse conservandum ; status morbosus, morbum esse tollendum ; status neuter, morbi imminens causam esse corrigendam, nè in morbum erumpat. Atque hæc tria Indicata similiter concreta sunt, eorūque quodlibet, ut supra probavimus, in abstracto tum Conservationem tum Correctionem includit.

Denique in statu morboso actio Corrigendi in duas species resolvitur ; in Correctionem causæ, & Correctionem morbi, atque adeo tria actionum abstractorum genere hic reperire

reperire est. Status enim morbosus in tres species abstractas finditur, in morbi essentiam, morbi causas, & vires five ea quæ supersunt in hoc statu secundum naturam. Ea enim quæ præter naturam sunt & correctionem in genere indicant, in duas species, ut dictum, hinc abeunt, *viz.* in morbi essentiam, & morbi causas; ideoque tres sunt partes hujus status, quæ singulæ formaliter diversimodè indicant. Tria ergò (ut negotio huic finem imponamus) genera Indicationum in hoc statu veniunt considerata : nempe ab essentia morbi, *Curativa* : à causis, *Præservativa* ; à viribus, *vitalis*, seu *Conservativa*. Ad causas referimus quælibet impedimenta curationis, ut & symptomata urgentia, quæque curationem ad se trahunt, hoc enim respectu naturam induunt causarum. Hæc in genere de Indicationibus dicta sufficiant.

CAP. XXV.

Curativæ Indicationes.

AB *Essentia morbi* deduci has Indicationes modò asseruimus. Hic ergò omnes *essentiæ hujus morbi partes* leviter percurrendæ sunt, ut, quid quælibet agendum insinuet, percipi possit.

Indicatio
prima.

1^o Ergò, morbi hujus *essentia ex parte* consistit in intemperie frigida & humida: indicat ergò morbus hic respectu hujus partis *essentiæ suæ*, non tantùm ea omnia vitanda esse, quæ quovis modo istam intemperiem aut fovere aut intendere apta nata sunt; sed & in subsidium advocanda esse ea, quæ eandem infringant, viz. calefacientia & siccantia.

Secunda.

2^o Consistit hic morbus etiam ex parte in inopia spirituum insitorum: non modò ergò ea omnia fugienda sunt, quæ quovis modo spiritus ulteriùs dissipare, eliquare, vel in auras dissolvere queant; sed & ea insuper eligenda sunt quæ eosdè instaurare, fovere, ac multiplicare possint. Respuen. igitur hìc validiora discussiva, quòd spiritus unà discutiant; item impensè calida, quòd eosdem in auras resolvant: multò magis, quæ vim eliquandi partes habent, ut violentiora purgantia. Eligenda verò alimenta optima, & coctū facilia medicamenta,

camenta, quantum fieri potest, spiritibus infitis amica & benigna.

3^o Morbi hujus essentia ex parte in torpore Terriâ spirituum consistit : Insinuat hic torpor vitanda esse ea omnia quæ nimium figunt ac densant spiritus, aut aliter eos stupefaciunt, qualia sunt narcotica, multaque mineralia, quæ de plumbi natura participant, qualia sunt *Minium, Cerussa, Lythargyrus, &c.* Vocanda autem in usum esse *exercitia, motus, frictiones*, eaque omnia quæ spiritus infitos excitare, eorumque torporem excutere, atque eos agiles reddere valeant.

4^o Tonus, quâ justo mollior, laxior, flaccidior, indicat vitanda esse ea, quæ emollire, laxare, aut enervare partes solent, eaque applicanda aut intus exhibenda, quæ easdem firmiores, solidiores, magisque tensas præstent. Idem Tonus quâ nimis internè lubricus suspecta reddit ea omnia quæ interna lubricitate multum abundant, videturque non nihil asperitatis aut etiam adstrictionis in iis quæ vel assumuntur, vel applicantur desiderare. Quartâ

5^o Vitalis constitutio læsa ex parte generationis vitalium spirituum non adeo multum refert : verum ex parte distributionis vitalium spirituum, inæqualitas ejusdem magni momenti est, atque indicat ea esse cavenda, quæ sanguinis affluxum versus Quintâ

caput promoveant, ut & ea quæ ejusdem affluxum ad partes primò affectas remorentur. Eligenda verò esse ea quæ arteriarum pulsus in partibus primò affectis proritare, in capite verò potius sedare valeant. Idem propemodum indicat diminutior & tardior decursus sanguinis per partes primò affectas, nimirum pulsus ad istas partes evocationem. Transitus verò sanguinis per habitum partium nimis lubricus & facilis, indicatione suâ coïncidit cum lubricitate Toni modò notatâ. Defectus constitutionis vitalis ex parte unionis satîs vigorosæ & jucundæ inter spiritus vitales & insitos, indicat ea quæ utrumq; spiritum tum nutrire ac fovere, tum excitare ad majorem activitatem possunt, contraria autem esse fugienda. Calor vitalis, quâ deficiens idem ferè indicat quod intemperies frigida, modò simul habeatur respectus roboris tum cordis & arteriarum, tum vigoris vitalium spirituum.

Sexta.

6^o Inæqualis nutritio ea indicat quæ æqualem distributionem alimenti & caloris, aut certè eam liberaliorem ad partes minùs debito nutritas promoveant. Partium extenuatio plenior nutritionem postulat: Irregularis capitis magnitudo, extenuâtia potius, quæque fluxum ab illa parte avertunt, exigit. Idem indicant tumores ossium. Ossa incurvata indicant ea quæ alimentum attrahunt
ad

ad latus cavum, ut frictiones moderatas; atverò reprimētia potiùs secundùm latus gibbum, ut ligaturas comprimentes. Articulorum inflexio, artificiosam eorundem erectionem, quoad fieri potest, insinuat. Pectoris angustia, pectoralia, & quæ pectus dilatare apta nata sunt, innuit; ejusdem acuminatio verò, ea quæ ad æqualem nutritionem faciant.

7^o Imperfecta animalium spirituum distributio, & nonnihil in partibus primò affectis imminuta indicat cephalica, eaque quæ istam distributionem faciliunt, ut exercitia, frictiones, & similia. Defectus debitæ tensitatis nervorum partiùmque nervosarum sive fibrosarum, indicat ea, quæ nervos roborant partésque firmant. Hoc de Indicationibus Curativis. Sequuntur Præservativæ. Septima.

CAP. XXV.

Indicationes Preservativæ.

Earum di-
visio.

Indicationes hæ à *caussis morbi vel antecedentibus vel præsentibus* deducuntur. Quæ à priori causarum genere fluunt ad Prophylacticam spectant: hæc autem eas tantum proponimus, quæ à causis præsentibus & in corpore contentis, nempe vel *communibus*, vel *huic morbo propriis* proveniunt.

Quamvis autem causæ communes non videantur productionem essentiae morbi immediatè attingere; vel eo ipso tamen quòd *impedimenti vicem* subeant, curamque temorentur, suam ablationem indicant.

Sunt verò hæ causæ, vel *impuritates*, aut *excrementitii humores imprimis viis congesti & retenti*, qui, nisi tollantur, non modò alimenta assumpta contaminarent, sed & appropriata medicamenta nonnihil retunderent, aliterve impedirent. Indicant ergò suæ evacuationem sive *per blandiorem vomitum*, sive *per lenitivam purgationem*, prout occasio hanc vel illam viam magis suadeat: vel sunt *causæ communes altius à partibus corporis imbibitæ*: & hæ quoque suam evacuationem postulant. Verùm quandoquidem secundum hoc

hoc caussarum communium genus iisdem propemodum [medicamentis simulque exigatur, quibus caussæ huic morbo propriæ utrumque hoc genus in præsentî consideratione conjungemus.

Caussæ igitur huic morbo propriæ, ut & communes istæ quæ altiùs in corpus penetrârunt, dividi possunt in *sanguinem* & *humores cacochymicos*. Sanguis quidem, etsi in partibus primò affectis deficiat potius quàm redundet, in capite tamen plerumque particularem suâ evacuationem, quæ *scarificatione venarum in Aurium conchâ* peragi solet. Huc quoque ex parte *fonticulos* inter primam & 2^{am} vetebam colli excitatos referre possumus, licèt hi fortè respiciant insuper ex parte humores cacochymicos.

Humores Cachochemici dividuntur in eos, qui adhuc in venoso genere fluitant; & in eos, qui certis corporis partibus impacti sunt. Caussæ seu humores in venoso genere fluitantes indicant (primò & quoad intentionem) suâ evacuationem, verùm si ad motum inepti sint (quoad executionem) præviam præparationem. Quoniam autem plerumque evenit, ut non omnes humores æquè sint inepti, sed alii satîs, alii minùs, quàm par est, fluxiles, & medicamento obsequentes, in hoc casu primò indicant evacuationem minorativam, & deinde præparationem.

Porro hi humores in venoso genere subdividi possunt in *febriles* (nimirum si adsit febris putrida) & *non febriles*. Humores febriles vel sunt *turgentes*, vel *non turgentes*. Turgentes, hoc est, inquieti seu impetuosè commoti, indicant quamprimum evacuationem, saltem minorativam, nisi fortè naturà suâ ferantur ad partes externas & ignobiles, putà cutaneas, quemadmodum accidit in variolis & morbillis, similibusque morbis. Sin verò adsit febris, eaque acuta, neque humores turgeant, indicant primò illam peculiarem præparationem, quam *coctionem* vocant, ut reddantur pharmaco propinando obediens, dein *evacuationem*. At si febris non acuta sed lenta sit; etiamsi materia non turgeat, ejusdem tamen pars aliqua satè sit fluxilis; in hoc casu, quovis tempore morbi indicatur evacuatio minorativa primò, & postea reliquiarum coctio, ut illæ quoque suo tempore evacuentur.

Humores in venoso genere contenti non febriles, si fluxiles sint, indicant primò evacuationem: cum autem in hoc affectu perpetuò ferè adsint humores lenti & crassi parùmque sequaces, præparatio (saltem ubi jam præmissa est evacuatio minorativa) primò indicatur: & quidem visceri humores incidentia, crassi attenuantia indicant. Adhæc cum morbus sit admodum chronicus

& ad plures menses, immo fortè ad annum & ultra extendatur, non existimandum est totam materiam morbificam posse simul præparari aut evacuari; quare hoc respectu indicat, ut, per vices, modò præparantibus modò evacuantibus insistamus. Præterea sciendum est aliam præparationem & evacuationem exigere humores biliosos, aliam melancholicos, aliam pituitosos & serosos: & pro diversitate humorum sanguini commixtorum variam indicari tum præparationem, tum purgationem.

Humores certis corporis partibus impacti multò magis requirunt præparationem antequam evacuentur; juxta illud Hippocr. *Corpora quum quis purgare volet, ea fluxilia faciat oportet.* Neque verò humoribus his generalis quædam præparatio sufficit, sed talis requiritur præparatio, quæ peculiari jure ipsam partem, in qua hærent, respiciat; adeoque aliam præparationem humores in Pulmone, aliam in Hepate, aut Liene &c. postulant.

Denique quum omnium humorum genera proposita, postquam evacuata sunt, denuo possint succrescere, indicant ea esse vitanda, quæ ad similes humores facilè generandos faciant. Atque hæc de Indicationibus Præservativis, restat nunc vitalis sive conservativa consideranda.

CAP. XXVII.

Indicatio conservativa, sive vitalis.

ORitur hæc Indicatio ab iis rebus quæ sunt secundum naturam. Ipsa enim vita in his consistit, in triplici nimirum corporis constitutione, *Naturali, Vitali, & Animali*, supra memoratis.

Naturalis sub se continet

- 1^o *Temperamentum.*
- 2^o *Spiritus insitos, eorúmque copiam & vigorem.*
- 3^o *Tonum partium.*
- 4^o *Organorum structuram.*
- 5^o *Continuitatem.*

Vitalis continet

- 1^o *Generationem & }* *vitalium spirituum.*
- 2^o *Distributionem }*
- 3^o *Participationem eorundem ab iis partibus, quibus distribuuntur, scil. ex uni-one eorum cum dictis partibus & calore communicato.*

Animalis similiter continet

- 1^o *Generationem & }* *animalium spirituum*
- 2^o *Distributionem }*
- 3^o *Debitam Tensitatem partium à cerebri influxu pendentium.*

Hæc omnia, quòd in iis vita consistat, vocantur *indicantia vitalia* : apud Autores verò ut plurimùm communi nomine *virium* veniunt, sed paullo crassior est hæc nuncupatio, cùm, si propriè loquamur, vires in dictis constitutionibus radicentur, earumque facultates sint. Non autem in animo habemus, usum loquendi innovare, modò res ipsa, uti est, intelligatur.

Indicantia hæc quamdiu sana atque integra manent, generalem tantùm ac ordinariam conservationem per rectum *6 rerum nonnaturalium* usum postulant. Ubi verò ea omnia ex æquo vel læsa vel imminenti læsioni obnoxia sunt, non tantùm generalem conservationem, sed & curationi aut præservationi admixtam requirunt. Porro ubi una aliqua constitutio, vel quædam ejus pars præ cæteris læsa fuerit, vel læsioni obnoxia, præter generalem conservationem, specialem quoque postulat similiter peculiari curationi aut præservationi associandam : Denique ubi constitutio læsa, vel læsioni obnoxia certæ parti est affixa, ulteriùs eam conservationem specificat, ut nimirùm habeatur simul respectus partis sic præ cæteris laborantis.

Quod autem aliqui dicunt Indicationem vitalem esse unicam & Conservationem esse simplicem finem, neque ulteriùs subdividi posse, cùm omnia quæ sec. naturam sunt uno

Viralem
Indicationem esse
in plures
species
divisibilem

virium

virium nomine comprehendantur, unamque actionem *viz.* sui tutelam indicent. Nos quidem concedimus vires, si (ut supra monuimus) improprie pro causis suis, nempe constitutionibus tribus praedictis sumantur, uno nomine complecti posse omnia quae secundum naturam sunt; sed nomen hoc tunc genericum erit, atque in tres species, tres nempe constitutiones, divisibile, in *vires naturales, vitales, & animales*. Concedimus porro finem sive actionem indicatam *viz.* Conservationem, esse unam, sed unitate generis, non ultimae speciei. Nam ea ipsa, quae sunt secundum naturam, ut ut genere conveniunt, specie tamen inter se differre possunt, & diversimodam conservationem exigere: immo fieri potest, ut quae vires ex una parte conservent, ex alia eas impugnent: Ex. gr. Vinum exhibitum vires vitales seu potius constitutionem vitalem erigit & roborat; interim vero vires animales, seu constitutionem animalempetit & debilitat. Similiter aliam conservationem requirit temperamentum, aliam organorum structura, aliam continuitas. Quin & partium diversa constitutio variam conservationem indicat, neque eodem modo aut iisdem actionibus conservationi speciali Hepatis, Pulmonum, Cerebri &c, prospicimus. Quare una aliqua constitutio praeter ceteris debilis, seu una pars aliis infirmior, specialem sibi que

sibi que propriam conservationem indicat, adeoque dividi possunt tum conservatio tum conservantia in species suas. Etenim Conservatio & Conservantia, animali constitutioni appropriata, differunt ab iis, quæ vitali aut naturali destinantur; atque hinc primæ tres species conservationis petendæ sunt. *viz. Conservatio constitutionis animalis, conservatio constitutionis vitalis, & conservatio constitutionis naturalis*; similiter Conservatio Hepatis, Hepaticorû, Lienis, spleniticorum, Pulmonum, pectoralium usu perficitur: immo omnes partes insigniter diversæ conservationem ulteriùs in species dirimunt. Hæc de divisione conservationis in suas species.

Porro eadem Conservatio videtur ulteriùs dividi posse in suas partes. Etenim Conservatio hæc quodammodo complexa est, & non tantum *similia* respicit, sed & suo modo *contraria*, nimirum indicata tum curativa tum præservativa, eaque cum viribus æstima-
ta, vel *permittit*, vel *prohibet*: Videtur ergo in tres partes absumi; in *Electiorem similibus*, in *Permissionem contrariorum sub certa conditione*; in *Prohibitionem eorundem sub diversa conditione*. Esse quoque divisi-
bilem in
partes.

Electio similibus maximè propria conservati-
onis actio est, videturque adhuc duo genera
similibus respicere, *viz.* Similia quæ facile
assimilari possunt, & propriè alimenta sunt,
&

& similia, quæ licet quoad substantiam fortè haud assimilari queant, continent tamen in se qualitates quasdam debitæ constitutioni certarum partium similes, quarum respectu naturæ familiaria & amica reputantur, certasq; partes fovent ac roborant.

Object. Dicas, hæc revera esse alterantia & ad genus contrariorum spectare.

Resp. Respondemus, ad utrumque genus diverso respectu referri posse; quatenus autem obtinent qualitates debitæ naturæ partium similes, licet aliàs tantillum alterent, ad genus similiū referenda esse. Nam & ipsa alimenta tantundem quoque alterant, & inanitioni directè sunt contraria, ipsaque conservatio implicitè includit quandam correctionem, ut suprà probavimus. Vocantur autem hæc, ob mediam naturam inter similia & alterantia, medicamenta quidem, sed *Conservantia*, *Corroborantia*, & *Cordialia*: indicantur verò hæc à peculiari virium debilitate ut conservantia, & ut eligenda, non verò tantum ut Permittenda, & in libris Præcticorum communiter sic recensentur.

2. *Permissio remedii naturæ nonnihil contrarii* etiam ad hanc Indicationem spectat. Ea enim est hujus Indicationis dignitas & valor, ut indicata tum curativa tum præservativa ad examen priusquam exequenda sint, revocet, & non tantum remedii qualitatem quantita-

témque

témque, sed & tempus repetendi, immò quicquid ad ejusdem usum aut utendi modum pertinet, eò usque moderetur ac limitet, nè ullatenus vires patientis excedat, iisve injuriam inferat : neque verò hìc se sistit, ast ampliùs exigit, ut plus emolumenti ex morbi impugnatione, quàm detrimenti ex vi naturæ illata, rebus secundùm naturam accrescat. Et sub hac lege & conditione vitalis Indicatio multa permittit fieri, quæ viribus per se sunt adversa, semper tamen in favorem sanitatis, nunquam in vitæ præjudicium.

Prohibitio contrarii imperialis planè hujus Indicationis actus est, & imperio quodam dicat hoc vel illud (licèt alioquin indicatum fuerit) non esse exequendum, quòd ipsi vitæ fortè periculum minetur, aut quòd non plus emolumenti partibus sanitatis conferat, quàm certi detrimenti. Atque hæc tertia & ultima hujus Indicationis vis & usus est. Hæc jam verbo uno ad morbum præsentem applicanda sunt.

Constitutiones omnes in hoc affectu esse admodum debiles & infirmas vel ex ipsa teneræ ætatis consideratione facilè elucescit. Naturalis verò insuper vi primæ essentiæ morbi ulteriùs impetitur ; hinc etiam vitalis non nihil patitur ; sed neque animalis planè impunè evadit, ut suprà monstravimus. Quare

re tum generalis harum constitutionum, tum specialis habenda ratio est, tam in electione similibum, quàm in permissione vel prohibitione contrariorum.

1^o Igitur Eligenda sunt in hoc affectu alimenta optima, coctu facilia, consuetudini, ætati, annique tempori, quantum fieri potest, congrua. Respuenda contraria, quæ nempe parum nutriunt, quæ difficulter coquuntur, insueta, ætati temporique incongrua.

2^o Eligenda sunt ea, quæ constitutiones debiliores partesq; præ cæteris affectas foveant & corroborant, eaq; vel separatim exhibenda, vel alimentis aut medicamentis admiscenda; ea verò quæ neque ad hunc scopum faciunt, neq; aliàs indicantur, in totum sunt fugienda.

3^o Permittenda sunt evacuantia benigna & mitiora aut aliàs satîs correctâ, quantitate moderatâ, & interpositis justis intervallis. Contraria verò nempe evacuantia violentiora & fera, præsertim quæ partes eliquare apta sunt, item in nimia quantitate, vel frequentius justo adhibita prohibentur.

4^o Permittenda quoque sunt alterantia, five humores præparantia, five morbum ipsum corrigentia, talia quidem quæ simul sint naturæ familiaria & amica, vel talium admixtione satîs correctâ. Prohibenda sunt alterantia violentiora, valdè discutientia, impenfè calida, aut quovis modo partes eliquantia vel dissipantia.

CAP. XXIV.

Usus rectæque administratio Indicationum prædictarum.

PROPOSITIS, jam tribus simplicium Indicationum generibus, iisque in infimas species deductis, earum *usus rectæque administratio* proximo loco venit consideranda: cuius exacta cognitio videtur absque ratiocinio & experientia obtineri non posse. Descendit enim ad individua, & non modò *selectionem* inter tot Indicata rei simpliciter agendæ in specie, sed & *inventionem quantitatis, loci, formæ, temporis, ordinis, materiaque remedii adhibendi* complectitur. Quæ comprehenduntur sub usu Indicationum.

Consensus & Dissensus Indicationum multum ad hanc inventionem contribuunt. *Consensus* autem duplex esse potest: *Cöindicatio*nis, & *Permissionis*. *Permissio* vel *lucro* esse potest permittenti, vel *damno*, vel horum *neutri*. *Permissio* damnosa semper *cum circumspeditione* admittenda est, eoque tantò majori, quantò majus damnum permittenti inde adveniat. *Permittens* enim etsi in bonum publicum de suo privato jure nonnihil cedat, semper tamen respectu totius lucrari supponitur. Consensus Indicationum species.

Z

Dissensus

Diffensûs
earundem
species.

Diffensus Indicantium duplex est ; nimirum vel *Contradictorius*, vel *Contrarius*. *Contradictorius* apud Autores *Prohibitio* vocatur & *Interdictio*, & viribus ut plurimum appropriari solet, cui hoc respectu semper obsequendum. *Diffensus Contrarius* *contra-indicatio* dicitur, isque non simpliciter prohibet, nisi quatenus subit rationem impediementi, aut urgentioris Indicantis.

Quid a-
gendum
ubi con-
sentiunt
Indican-
tia.

I^o Ubi consentiunt Indicantia, sive Coindicando sive Permittendo, omnibus Indicatis simul (si fieri possit) satisfaciendum : Sin hoc fortè perfici nequeat, medicamenta ejusmodi cæteris præferenda, quæ pluribus, aut saltem urgentioribus scopis simul respondeant. Quod si autem hujusmodi simplicia non reperiuntur, apta diversorum simplicium inter se compositio instituenda est.

Non mul-
tùm inter
se dissen-
tiunt Par-
tes essen-
tiæ hujus
morbi.

Partes essentiæ hujus morbi, licèt admodum variæ sint, haud multùm tamen inter se dissentiunt, nihilque obstat quin magna ex parte simul possint respici. Medicamenta enim temperatè calida & sicca, possunt unà spiritus insitos fovere, et fortè ad excutendum eorum torporem conducere, simulque tonum partium nonnihil firmare, tum ad æqualem sanguinis distributionem, adeoque ad nutritionis æqualitatem facere : Item spiritibus vitalibus atque animalibus vigorem conciliare, arterias in partibus primò affectis proritare,

proritare, nervos roborare: ad quæ capita non ineptè omnia Indicata essentia morbi ferè reduci possunt. Porro vires quoque, licèt impensè calida, aliâque omnia violenta prohibeant, hæc tamen ut moderata, satilque naturæ familiaria permittunt. Causæ similiter his Indicatis in specie parùm repugnant, licèt quoad tempus & exequendi ordinem nonnullus notetur dissensus, quemadmodum infrà suo loco videbimus.

Quare quatenus & quousque hæc inter se consentiunt, dum curationi operam damus, unâ operâ respicimus simul non tantùm vires, sed & nonnihil ejusdem causas, eligendo ea remedia curatoria, vel iis illa admiscendo, quæ unâ possint crassa attenuare, viscida incidere, obstructa aperire, & similia. Similiter, dum in præservatione aut eradicatione causarum maximè occupati sumus, talia eligimus evacuantia, aut talia pharmacis admiscemus, quæ simul ex parte morbo sint contraria. Atque hæc omnia eo consilio agimus, ut quamplurimis intentionibus (ut dictum) simul subserviamus.

Inventis autem actionibus in specie simpliciter requisitis, proximo loco earum *debitæ* *Circumstantia* exquirendæ sunt.

1^o Ergò, cùm morbus hic magnus sit, *magnam remedii Quantitatem* ex parte suâ exigat. Nam remedium morbo impar eum ex-

Circum-
stantia-
rum actio-
num
Indicata-
rum in-
venio.

I.
Quantitatis.

stirpare nequit. Oportet igitur ut medicamento dosis, morbi magnitudini adæquata sit. Atqui vires in hoc affectu tantam remediorum molem simul adhiberi non permittunt. Quare quantitatem istam partiri & per vices administrare oportet. Morbus enim hic chronicus est, tardique motus, neque præcipientem curationem necessariò exigit, & quamvis vires neque fortiora remedia, neque majori quantitate exhibita facilè ferant, per *ἐπιήκασιν* tamen evacuantium remediorum usum permittunt. Quare, per vices, modò ptæparantibus, modò evacuantibus, modò alterantibus, aut corroborantibus insistentum est.

2. Loci.

3^o Quod ad *locum administrandi* attinet, generalis regula est, Remedium ad morbi ejusve causæ sedem pertingere debere. Si ergò in vasa penetrare debeat, per os assumendum; sin sufficiat crassa tantum intestina attrigisse, per anum injiciendum. Si naturæ propensione humores faciliùs ad superiora ferantur, vomitu exigantur, sin contrà, per secessum. Similiter pro Naturæ inclinatione, per salivationem, per mictum, per sudationem exterminentur. Particulares evacuationes in ipsis partibus affectis vel vicinis instituendæ. Ità enim vis remedii ad morbi causæque sedem certiùs pervenit: atque ob eandem rationem externa & topica loco proximo

proximo convenienti applicanda. Sciendum tamen est, inter nonnullas partes sympathiam quandam observari, in quo casu frequenter parti, cum qua consensus intercedit, non autem affectæ parti, vel vicinæ admoventur remedia.

4^o *Forma medicamento* ex parte quoque à regula modò propositâ dependet. Si enim scopus sit lenire fauces, aut asperam arteriam, linctûs formam eligimus, ut remedium sensim partes affectas perlabatur, easque diutiùs tangat. Similiter, laborante ventriculo, sæpè Pilulas, Pulveres, aut electuaria præscribimus, quò diutiùs in eo commorentur; Renibus liquida potiùs designamus, quò faciliùs ad eos cum sero deferantur. Formæ insuper nonnihil etiam ab ipsa morbi naturâ pendent: ut in febribus ardentibus liquida ferè tantùm conveniunt, sicca vix admittuntur; contrà in morbis humidis, alvòque nimium fluente, formæ solidiores præferuntur. Denique formæ medicamentorum nonnihil quoque à materia medica dependent; sic Cassia, formâ Boli, Cornu cervi, Corallium, & similia, formâ pulveris; alia infusa feliciùs operantur. Similiter amara, nauseam moventia, foetida Pilularum formâ celantur, interdum quoque deaurantur, aut etiam boli formâ nebulis involuta exhibentur.

3
Formæ
medica-
menti.

Notandum hîc est non tanti momenti ut plurimum esse remedii formam, quin ea cedat faciliori aut commodiori administrationi respectu admiſſionis vel receptionis ægrotantis. Multi enim Pilulas nequeunt deglutire, alii potiones vomitu statim rejiciunt, alii alias fortè formas averſantur. In hoc affectu, cùm pueri ferme omnes medicamenta reſpuant, ea præ cæteris præferenda est forma, quæ iis minùs moleſta minùsque nauseam creâre deprehendetur.

4
Temporis
agendi.

5^o Quod ad *tempus agendi* attinet, danda opera est, ut ita adminiſtrentur medicamenta, ut quàm minimùm tempora cibandi, exercendi, dormiendi interturbentur. Per hanc enim ætatem vires vix integræ conſervantur, absque his per justa intervalla interpositis.

Evacuantia, aperientia, attenuantia, incidentia, primo manè & jejuno ventriculo propinanda; & si repetenda eodem die, horâ quartâ pomeridianâ, similiter jejuno ventriculo. Roborantia, adstringentia, partes firmantia, quietem procurantia, vesperi potius sumenda vel admovenda; nonnulla autem ex his post cibum etiam fortè convenient.

Quæ cibo admiſcentur medicamenta, palato grata esse debent, nè ventriculo nauseam moveant, & coctionem impendant, aut cibi fastidium pariant, virésque dejiciant.

5^o Quod

5^o Quod ad *ordinem procedendi* attinet, ⁵ *Ordinis*
 duæ occurrunt generales regulæ. Prior est, *proceden-*
 Id agendum esse prius, quod præmissum di.
 viam sternit ad sequentia remedia, ideóque
 id prius esse removendum quod rationem
 impedimenti habet respectu deinceps agen-
 dorum. Posterior est, Urgentiori Indicanti
 semper prius esse subveniendum, nisi aliquod
 obstat impedimentum.

Si ergo quæstio sit, utrùm morbus, an ^{An mor-}
 morbi causa prius operam medicam exigit, ^{bus vel}
 facilis erit secundum priorem regulam res- ^{ejus causa}
 ponsio : Causas nempe habere rationem ^{prius à}
 impedimenti respectu curationis morbi: Eam ^{medico}
 quippe fovēt, vñque medicamentorum ^{invadi}
 infringunt. Quare priusquam morbum ip- ^{debeat?}
 sum pressius impugnamus, causæ, quantum
 fieri potest, averruncandæ, aut saltem ita
 minuendæ, cicurandæque, ut quàm mini-
 mùm morbi expugnationi obstant. Interim
 tamen, dùm in amovendis causis satagimus,
 non planè negligenda est morbi essentia, ut
 suprà monuimus. Immo ita domitâ nonni-
 hil morbi causâ, ut ad tempus curationem
 non insigniter impediat, licet (nondum pe-
 nitus evictis ejectisque causis) essentiæ
 morbi impugnationem paullo pressius ag-
 gredi; eâ tamen lege, ut, insurgentibus ite-
 rum & de novo rationem impedimenti
 induentibus causis, ad earum subactionem,

evacuationemque protinus revertendum fit; adeoque in Chronico hoc affectu, per vices, modò causæ, modò morbus ipse impugnandus venit : atque hanc actionum vicissitudinem vires faciliùs tolerant, quàm si solis causis expugnandis, donec penitus exterminarentur, continuè insisteremus.

Porro quum causæ morbificæ in hoc affectu ob visciditatem, crassitiem, & fortè impactionem, ineptæ sint ad motum; liberandæ sunt, priusquam evacuentur, ab hoc impedimento & præparandæ : Siquidem *quæ movenda sunt, fluida prius facere oportet*, ut dictat senex. Similiter crassities ista, visciditas, & impactio materiæ, si adsit, indicant attenuantia, incidentia, & deobstruentia; sed hæc non tutò propinantur impuritatibus adhuc circa primas vias restagnantibus, quæ cum medicamentis in venas fortè rapiantur, sanguinemque ulteriùs inquinant, vel saltem efficaciam medicamentorum retundant. Habent hæc ergò rationem impedimenti, & omnino primò sunt amovendæ.

Denique universalia evacuantia particularibus & topicis sunt præmittenda, præsertim ubi utrique intentioni simul incumbere non licet. Nam causæ universales in corpore fluitantes facilè in locum particularium evacuatarum surrogantur, affluxumque ad partem

partem priùs affectam renovant : caufsarum verò particularium tenuior & ad motum aptior pars evacuatur, craffior verò fortè magis impingitur. Quare universales caufsæ adhuc in corpore fcattentes rationem impedi- menti habent refpectu evacuationis parti- cularis, & per confequens priùs funt exi- gendæ.

Posterior regula erat, Indicanti urgenti- ori, fi nullum interveniat impedimentum, primò fuccurrendum effe. Urgentius Indi- cans id dicitur, *quod majus periculum minatur*. Omne autem Indicans urgens fupponitur graviter corpus affligere, virésque cum peri- culo atterere. Hoc itaque refpectu, aliquan- do morbo eft opitulandum primò, neglectâ caufsâ; aliquandò etiàm graviore fympto- mati, neglectis tùm morbo tùm ejus caufsâ; ut in concitatori alvi fluore, diuturnis vigi- liis, profufiori fudore, & fimilibus. Sed vel in hifce cafibus habenda fimul ratio eft, quous- que fas eft, tùm morbi tùm caufsæ, & ubi tantummodo correctum eft urgentius fymp- toma, impetúsve morbi repreffus, ad regula- rem procedendi methodum redeundum eft. Hæc enim regula non ad ordinarium legiti- mùmque curandi ordinem, fed methodum neceffitatis pertinet.

Adhæc, ad rectam Indicationum admi- niftrationem abfolvendam, *accurata materia medica*

medica cognitio requiritur , de qua in sequentibus agendum.

C A P. XXIX.

Materia medica propositis Indicationibus respondens, & primò χειρουργικὴ.

Tria summa genera præsidiorum medicorum.

Chirurgica :
Scarificatio Aurium

Materia medica *experientiâ* potissimum & *analogismo* adinvenienda est, quamvis neque aliud qualecunque ratiocinium planè excludendum putemus. In tria genera vulgò, neque ineptè, distribuitur. In præsidia χειρουργικὰ, φαρμακευτικὰ, & διαίτητικὰ, quæ hîc suo ordine prosequemur.

Chirurgica in hoc affectu communiter recepta ac probata, & præ cæteris famosa, duo præsertim sese offerunt : *scarificatio Aurium*, & *Fonticulus*. De pluribus verò aliis (ut infra videbimus) inquisitio instituetur; viz. de *Cucurbitulis*, de *sanguisugis*, de *vesicantibus*, de *Ligaturis*, & *Fasciis*. *Vena-sectionem* verò ipsam vires non tolerant, ut cuiusvis faciliè innotescit, qui ad ætatis fragilitatem, habitûs partium extenuationem, venarûmque gracilitatem attendere velit.

Agmen ducet scarificatio Aurium. Empirici nostrates, qui hunc affectum tractant, eam pluris faciunt quàm quis faciliè putaret.

Solemniter quippe in sua praxi eam celebrant, absque ea vix felicem curationem sperant. Nos verò, licèt hoc remedii genus non improbemus, vidimus tamen absque ejus usu nonnullos pueros feliciter sanatos. Et illi ipsi qui ei plurimum tribuunt, maximâ ex parte vix notabilem quantitatem sanguinis eliciunt. Aliqui tamen testantur se vidisse satis largam sanguinis copiam cum euphoriâ hâc operatione eductum. Ut ut sit, credibile est eos pueros faciliùs hoc remedium ferre, plùsque emolumenti ex ejus usu obtinere, qui sanguinei sunt & habitiores, quàm *alogotrophîâ* potiùs quàm *atrophîâ*, aut *tabe*, *aliâve magnâ partium extenuatione* detinentur. Practici nostri plerumque bis vel ter, interpositis septem circiter dierum intervallis, hanc operationem repetunt. Rariùs lanceolâ aut acutiori scalpello, frequentius ordinario obtusiorique cultello id perficiunt, nihil dolorem ejulatùmque Infantis morantes. Porrò, in conchâ Auris ut plurimum hanc scarificationem instituunt; aliqui verò eam ad interiorem & exteriorem Alæ sive Pinnæ Aurium circumferuntiam, immo ad Helicen usque extendunt. Nemo hætenus, quod scimus, posterioris lateris Auriculæ scarificationem tentavit, quamvis revera haud obvium sit rationem reddere, cur illic administrata minùs conducere quàm in ipsa Auris Conchâ.

Adferre

Conjectur-
ra cur con-
cha Auris
j re cæteris
ejus parti-
bus in hoc
affectu
scarifica-
tur?

Adferre tamen libet conjecturam saltem
nostram cur concha Auris præ cæteris ejus
partibus ad hanc operationem eligatur,
quam tamen nondum confidenter ad-
struimus; etsi probabiliter ad minimum
sustinere posse putemus, modò verum sit id,
quod diligentissimus Fabricius Hildanus
obser. 4^a Centur. 1^a de nervo quinti paris
retulit: huic enim observationi conjectura
hæc funditus innititur, eaque fortè vacillante
unà corrui. Conjectura ipsa hæc est. Suppo-
sitis distributione & usu nervi 5ⁱ paris loco
citato memoratis, scarificatio in Concha
Auris commodè cum liberare istum nervum
à qualicunque oppressione, tum torporem
ejusdem excutere, eique vigorem præstare
potest. Est enim Concha Auris locus ei
proximus quem ferro licet attingere. Quare
evacuatio hîc facta materiam prementem
ferè originem illius nervi immediatè deri-
vare, simulque dolorem inferendo calorém-
que augendo, qualemcunque torporem
ejusdem excutere, vigorémque ei addere
poterit. Si ergò nervus hic (ut ibidem asserit
celeberrimus ille Chirurgus, aut pars ejus ad
spinalem medullam distribuatur, neque
spinalem medullam unquam deferat, sed
continuè ramulos cum nervis spinalis me-
dullæ ad crurum & pedum extrema emittat;
facilè concedi potest, nervum hunc ab ob-
structione

structione sic liberatum, excitatum ac vigorem nactum, ipsam spinalem quoque medullam, omnesque inde ortos nervos, quos ex ista sententia ad extrema concomitatur, nonnihil excitare iisque vigorem aliquem imprimere. Quare necesse est scarificationem hoc loco factâ in concha nempe Auris longè majoris esse efficaciam, quàm si in ulla parte ejusdem Auris à nervo quinti paris remotiore administraretur. Idem ferè dici potest de vulnuscule hîc facto per obtusius cultellum. Etenim affirmant nonnulli Practici præstantiam hujus operationis non tam quantitatem sanguinis extrahendi, quàm doloris in ista parte excitationem respicere: quod ad excitationem vigorisque conciliationem nervi quinti paris facilè quis seducat.

Sed misâ hâc conjecturâ, alias proponamus considerationes, quarum respectu scarificatio hæc ex usu esse possit in hoc affectu. 1^o. Hinc obtinemus particularem quandam capitis evacuationem; quæ pars, si quæ alia, in hoc morbo particulari plenitudine gravatur. 2^o Ipsâ sanguinis evacuatione ejusdem crassitiem & visciditatem nonnihil corrigimus, adeoque æqualiorem ejus distributionem, æqualiorémque partium nutritionem promovemus. 3^o Hinc nonnihil excutimus partium torporem.

Notandum hanc operationem quum evacuationem

Utilitas
scarifica-
tionis Au-
rium in
hoc affe-
ctu.

uationem particularem & topicam præstet, non simpliciter primum locum in methodo curandi mereri, sed præmissis universalibus suo loco subsequi debere.

Denique ridiculum quid & superstitiosum sapit, quod aliqui in hujus scarificationis administratione factitant; dum dextræ Auris sanguinem lanâ exceptum sinistro hypochondrio, sinistræ dextro alligunt. Hæc de Aurium scarificatione.

Fonticuli
utilitas.

Fonticulus in hoc affectu multum probatur, atque hoc solo ferè præsidio nonnullos pueros liberatos fuisse novimus. Etenim non tantum ea omnia præstat, quæ scarificationi Aurium modò adscripsimus, sed & specialiter Hydrocephali potens cum curativum, tum præservativum remedium est, & ad enormem capitis magnitudinem paullatim imminuendam, ejusque superfluam ferositatem evacuandam, tum inordinatum ossium augmentum reprimendum multum conducit. Manifestè quoque nimiam spinalis medullæ humiditatem exsiccat, calorem suscitatur, nervos roborat, eorumque torporem excutit.

Ad hoc remedium non adscendendum nisi necessitas urgeat.

Quum verò hoc remedii genus per se ulcus quoddam sit, & nonnihil doloris puero gestanti inferat, nutricique insuper aliquid molestiæ indies creet, non id præscribendum nisi ea morbi magnitudo sit, ut eam aliis remediis absque hoc satis domari posse vix speremus.

Ex-

Excitandus est Fonticulus inter 2^{am} & 3^{am} Colli vertebram. Aliqui eum *cauterio actuali* inurunt, sed hunc modum ob doloris vehementiam minùs probamus: alii cauterio potentiali; sed neque hìc arridet, quòd caustica infantuli naturæ nimis sint adversa, & nescio quid venenosi insinuent, spiritùsque saltem nimio opere dissipent, partèsque debilitent. Probamus ergò potiùs Fonticuli excitationem per *simplicem incisionem* acuto scalpello factam.

Aliqui utuntur *forcipe ferreo* in hunc usum concinnato, quo cutem, loco incisionis priùs atramento notato, comprehendunt, moderatàque compressione sensuum partis obtundunt, dein per forcipis medium quod oblongo foramine pertusum est, scalpellum adigunt, incisionemque perficiunt. Facto vulnere pisum seu artificiale, seu naturale intrudunt, superimposito Empl. digestivo; huic chartam vel linteum multoties implicatum imponunt, eique scutum parvulum ex materia aliqua solida factum adhibent, cui fasciæ 4 assuuntur, quarum duæ superiores fronti circumductæ aciculis capitis integumentis annectuntur; duæ inferiores involucris pectoris similiter aciculis affiguntur, atque hoc modo deligato vulnere pisum non excidit, sed fonticulum format. Aliqui loco Fonticuli *setaceum* surrogant, quod non planè improbamus,

Modus
commo-
dus Fon-
ticulum
ad nu-
cham ex-
citandi.

probamus, nisi quòd nimis molestum ac dolorificum videatur, solúsque Fonticulus ut plurimum sufficiat. Hæc de Fonticulis. Sequuntur jam aliæ nonnullæ Chirurgicæ operationes examinandæ.

Hirudinum usus plus nocere quàm prodesse videtur.

Primò loco *Hirudines* se offerunt. Harum certè applicatio quid in hoc morbo curando præstet vix dum satis experti sumus. Si rationem solam consulamus, suspicamur plus damni quàm emolumenti ab hoc remedio expectandum esse. Etenim si alicui capitis parti admoventur, ob continuam suctionem facilè affluxum sanguinis eò versùs concitatiores efficerent. Sin aliis partibus applicarentur, sanguinem à partibus ejus inopiâ priùs laborantibus detraherent.

Cucurbitulæ cum scarificatione improbantur ut noxiæ; sine scarificatione, ut inutiles.

IIº *Cucurbitulas* non tàm noxias quàm inutiles existimamus. Equidem eas quæ *cum scarificatione* adhibentur planè rejicimus, non tantum argumentis modò allatis de sanguifugis ducti, sed & metu dejectionis virium ob dolorem, & administrationis molestiam moti. *Cucurbitulas sine scarificatione*, ut dicere coeperamus, neque vires, neque morbus, ejùsve causæ videntur respuere. Verumtamen parùm hæc efficaces sunt, & perpendendum relinquimus, an utilitas qualis qualis ex earum usu emergens, applicationis molestiam satis compenset.

Nihilominus fieri potest, ut respectu alterius

rius morbi conjuncti earum usus alicujus sit momenti, ut in Pleuritide, Phrenitide, atq; ubi imminet periculosus aliquis fluxus in partem quandam principem. In quo casu, forsitan istæ, quæ cum scarificatione adhibentur, in grandioribus & robustioribus puellis admitti possint. Applicentur autem vertebris Colli, humeris, Natibus, interioribus femoris partibus, plantis Pedum, aliisque locis prout peculiaris affectus complicatus postulaverit.

Nisi alterutras efflagitet aliquis complicatus affectus.

Notandum interim in tam tenera ætate multò minores eligendas esse Cucurbitulas, easque minori cum flamma admovendas, quàm aliàs in adultis solent, scarificationemque, si omninò admittatur, leviori manu infligendam esse.

III^o Quod ad *vesicatoria* attinet, licet eorum etiam usum nondum satis experti simus, & licet tum *σπληνικὰ* quòd partes eliquent tum *καυστικὰ*, quòd altiùs penetrent crustamq; inducant, ab hoc affectu arceamus, illa tamen *πυρρὴν*, quæ vesicæ tantum in cute excitant, utiliter interdum admitti posse conjectamur.

Vesicatoria interdum utiliter hic adhibentur.

Dicas, *Cantharides* (è quibus ferè conficiuntur) *impensè esse calidas, & præterea venenosa cujusdam qualitatis suspectas.* *Object.*

Respondemus, Nè quid de *Cantharidum* *Resp.* qualitatibus hìc interferamus, concedimus

Forum
utilitas
notatur.

id quod asseritur. Verùm cùm externæ tantum cuticulæ, & particulæ ejus non adeò extensæ adhibeantur, & cùm statim excitata vesica amoveantur, earum caloris excessus, virúsque, vix ultra cuticulam altius in corpus penetrat, adeoque sine notabili detrimento remedium hoc adhiberi potest. Sed quæras, quid hinc commodi expectare liceat? Dicimus, efficaciter intemperiem frigidam & humidam corrigere, torporémque spinalis medullæ, cerebri, nervorum, partiumque nervosarum excutere, simulque omnes partes firmiores ac rigidiores præstare, pulsúmque fortiorem in externis partibus proritare: quæ omnia in hujus affectûs curatione non parvi sunt momenti.

Obser-
vatio.

Aliquis nostrum testatur se bienni puello, qui hoc morbo affectus in febrim quoque continuam & malignam inciderat, quique jam prope phreneticus factus fuerat, præscripsisse inter alia vesicatorium vertebrae colli adhibendum. Manifestum hinc levamen puellus mox sentire visus est, & post aliquot dies à febre liberatus est. Postea bis vel ter infusione *Rhab.* &c. purgatus, præter omnium expectationem, ferè absque aliis remediis, hunc affectum quoque excussit. Verùm enimvero ut vix reperias commodum quod nulla secum incòmoda trahit, ita neque hoc remedium ab omni parte culpâ suâ vacat.

cat. Molestum quippe & dolorificum atque Tum eti-
 ingratum pueris est; eorum porro lusus & am in-
 exercitia ad tempus interturbat; cuius rei re- commodi-
 spectu, nisi fortè alius morbus complicatus tas.
 exercitia unà interdixerit, vix plus utilitatis,
 quàm damni præstare poterit. Adhæc, vis
 ejus subitò exeritur, & mox paulatim exhau-
 sta est, quod non usquequaque chronico
 morbo quadrat. Denique Fonticulus, qui
 chronicis morbis proprius est, in hoc affectu
 ejus vicem supplere posse videtur. Quocirca,
 vix medicamenti vesicatorii applicationem
 in hoc curando morbo admittimus, nisi acu-
 tus unà complicetur morbus, qui sui causâ
 hoc remedii genus exigat, ut in casu modò
 proposito evenit.

Ubi autem res postulat, ut applicetur ve- Locus
 ficatorium, commodissimè id fieri posse vi- commo-
 detur super vertebrae Colli, nisi fortè fon- dissimus
 ticulus illic excitatus locum præoccupaverit; applica-
 in quo casu vel ponè Aures, vel 4 digitos tionis ve-
 infra Fonticulum admoveatur. Non nega- ficatorii
 mus quin respectu aliorum morborum com- in hoc
 plicatorum aliis atque aliis locis coaptetur: affectu.
 hic verò designamus locum qui maximè re-
 spiciat præsentem morbum.

IV^o *Ligatura* quoque ad hunc titulum re- Ligaturæ
 ferri posse videntur, & quidem concedimus hic ex usu
 eas aliquando in hoc affectu non planè esse esse pos-
 inutiles, nimirum, si eæ valdè moderatæ, si sunt.

Sed cum
cautione
usurpan-
da.

per iusta intervalla, si locis convenientibus adhibeantur; verum cavendum, nè incremento partis, cui applicantur, obstant; quod fit, si satis laxæ sint, si ex lanâ molliori confectæ, si interdiu aut aliqua diei parte, leviterque constrictæ, noctu verò solutæ, si cruribus supra genu, brachiis supra cubitum adaptentur.

Ad quid
eæ confe-
rant.


Videntur autem Ligaturæ hîc conducere ad sanguinis affluxum à capite revellendum, eundemque versùs partes extenuatas externasque & extremas promovendum; præterea ad nimis lubricum sanguinis reversum in illis partibus quibus adhibentur, retardandum.

Fasciarum
usus &
modus eas
concin-
nandi.

V^o Huc quoque spectat certarum partium *Fasciatio*, quippe quæ cum Ligaturis affinitatem habet. Solent enim aliqui ad firmandas partes earumque calorem fovendum fasciis laneis eas involvere; pedes nimirum, tibias, genu, & vicinas femoris partes. Cavendum verò, nè eæ nimis strictæ liberum partium accretionem impedian.



Alii loco Fasciarum *Ocreas fibulatas* panno laneo succinctas conficiunt; has verò non solâ firmitatis aut caloris gratiâ effingunt, sed etiam ad curvitatem ossium reducendam, vel ad inflexos Articulos erigendos. Aliqui *Ferulas* addunt, aut *particulas fissi ossis Cete*. Verum tria potissimum in harum structurâ sunt

sunt notanda. 1^o Ut premant aliquantulum extantem & convexam ossis partem. 2^o Ut cavam vix tangant, quin potius à compressione defendant. 3^o Ut parti sint benè adaptatæ, & articularum motum quàm minimùm impediunt. In hunc finem istæ ocreæ anteriori parti, quæ genu spectant, transver-



sim secari possunt: similiter, si opus sit, ut Ferulæ supra genu extendantur ad sustinendam & corrigendam ejusdem deflexionem, re-

quiritur, ut cum duplici articulo formentur in loco flexionis, in hunc modum.



Forma articulationis Ferularum.

A B *Rotula bina ferrea.*C D *Axes articulationum ferularum.*

Clavi, quibus Rotula firmiter junguntur.

F G *Asserculi sive ferula bina.*

Loco Ferularum commodius substitui possent tenuissimæ laminæ ferri, totumque instrumentum ex ferro fabricari posset.

Axes bini C D, super quos flectuntur asserculi sive ferulae F G, duobus orbiculis dictis infiguntur. Orbiculi verò ipsi A B C ex laminis ferri quàm tenuissimis (modò firmis) nè nimis graves sint, fabricantur, simulque admodum politis, nè asserculorum motum impendant. Aequalis sunt diametri, seu latitudinis hi Orbiculi, putà duorum circiter digitorum transversorum, atque ità inter se coaptantur, ut ab omni

omni parte paralleli sint; interstitium verò inter illos tantum sit, ut *asserculorum* capita appositè excipiat. Porro orbiculi hi non modò duplici axe C & D, sed & quinque clavis ferreis in *schemate* punctulis minoribus notatis transfigendi, firmitérq; copulâdi sunt. Deniq; tota instrumenti compositio ità comparanda est, ut commodè alligari possit ad prominens latus genu inflexi, simulque tam extensioni quàm ordinariæ ejusdem flexioni inserviat, deflexionem verò ejus ad alterutrum latus præsertim ad prominens coërceat: quæ causa est, cur duplici orbiculo axes infiguntur, scil. nè quâ juncturæ vacillent, & deflexioni genu cedant.

Similiter torsio pedum fasciis quoque frequenter emendatur. Si digiti pedum extrorsum distorquentur, nocte fasciis colligandi sunt, interposito inter calcaneos, talósque pulvinari. Sin introrsum digiti pedum torqueantur, colligandi sunt tali, immittendúmque pulvinar inter majores pedum digitos.

Denique ad truncum corporis erigendum, aut erectum servandum, solent *thoraces* ex duplici *panno consutos* conficere, interpositis exiguis *asserculis ossis ceti*, quos ità corporibus Infantium coaptant, ut spinam erectam sistant, ossa prominentia reprimant, incurva ab ulteriori compressione defendant; curandum

dum quoque nè sint, aut saltem quàm minimum puellis gestantibus molestæ, atque ut super spinam dorsi funiculo in hunc usum accommodato fibulentur.

C A P. X X X.

*Materia purgansulm. & 1^a Eluentia primas
vias.*

MAteria hæc multiplicis ac nobilissimi usus est, plurimisque Indicationibus satisfacit. Omnia quippe medicamenta, quæ vel morbi causas, vel morbum ipsum, vel symptomata primò respiciunt, exceptis solis chirurgicis, complectitur.

Remedio-
rum phar-
macutico-
rum divisio.

Dividitur in remedia *Interna & externa*, & utraque in *Simplicia & Composita*: Interna demum subdividi possunt in *Eluentia primas vias*, in *Preparantia*, in *electivè Evacuantia*, in *Alterantia specifica & Roborantia*, denique in *Corrigentia symptomata*.

Primum locum inter hæc merentur *Interna*, atque ex illis *Eluentia* impuritates primarum viarum, cum hæ, ut suprà monuimus, habeant rationem impedimenti respectu remediorum sequentium, & simpliciter primò sint amovendæ. In singulis autem titulis, quantum rei natura fert, simplicia compositis præmittemus.

Eluentia

Eluentia hæc tria genera adhuc comprehendent, viz. *Enemata*, *Emetica*, & *Cathartica lenitiva*.

Enematum usus, earumque Formula quadam.

Enematum injectio, priusquam pressius curationem aggredimur, tunc potissimum prærequiritur, cum alvus adstricta est, faciesque indurata; aut cum flatus intestina torquent, aut quævis intestinorum tormina ægrum affligunt. In quibus casibus non modò ante quamvis præparationem, sed & ante vomitionem, immo ipsam lenitivam purgationem nonnunquam utiliter præmitti possunt. Nunquam hæc è violentioribus purgantibus, frequenter verò è lenitivis & benignis, aliquandò etiam è solis lubricantibus & flatus discutientibus constant. Longius à pastu injicienda sunt tepidé. Formulas aliquot subnectemus.

Quando
Enemata
proficiunt.

Cautio in
eorum
præscripti-
one obser-
vanda.

R. *Lactis vacc. rec. calfact.* ℥iij. iiij. vel v. *semin. anis. pulv. gr. x. sacch. commun.* ℥j. 3jß vel 3ij. *vitellum unius ovi M.F.* Enema. Addi insuper potest *butyr. recent.* 3jß.

R. *Decocti emoll. q. s. elect. lenit* 3jß *syr. ros. solut. viol. an* 3vj. *ol. chamæm* 3j. M.F. Enema injic. tepidé.

R. *Rad. alth. contus.* 3jß. vel ejus loco *fol. malv. vel. flor. ejusdem* M ʒi. *fl. chamæm* p. j. *semin.*

semin. carminant. ʒij. Coq. in f. q. seri lactis cerevisiati. Colatura ʒiiij. vel v. adde diacassia vel Elect. passulati ʒß. syr. rosat. solut. simpl. sacch. culinaris an. ʒj. butyr recent. ʒvj. Addi potest, si visum fuerit, vitellum unius ovi.

Rx Fimi equi non castrati recentis ʒjß. semin. anis. fœnic. malvæ contus. an. ʒjß. fl. chamæm. p. j. Coq. in f. q. seri lactis cerevisiati. In colatura ʒiiij vel v. solve syr. viol. ʒx. sacch. communis ol. rosat. an. ʒß. M. F. Enema.

*Emeticorum usus, & quædam eorum
Exempla.*

Emetico-
rum utili-
tas.

Emetica, seu vomitoria, tria potissimum præstant. 1^o Humores sive crudos, sive corruptos, & quascunque impuritates in ventriculo contentas evacuant, idque per viam breviorẽ & expeditiorẽ, quàm si per ambages & anfractus Intestinorum circumducerentur. 2^o Agitando omnes partes, imprimis viscera, humores crassos viscidolque iis adhærentes, aut iisdem impactos magis fluxiles reddunt, & frequenter excutiant, præsertim in ventriculo & Intestinis collectos: quo nomine Colicis doloribus subveniunt, & ad obstructions referandas multum conferunt. 3^o Omnium partium corporis & maximè viscerum excretricem facultatem efficaciter stimulant, hincque latentes morborum, imprimis febrium intermittentium

mittentium fomites & causas sæpè unicâ vice exhibitâ eliciunt. Enimvero inter vomendum Intestina quoque ad excretionem per sedem stimulantur; Hepar per Porum Biliarium bilem; Pancreas peculiare suum excrementum per novum ejusdem vas profusius in intestina effundit; Lien quoque fortè suum excrementum in ventriculum per vasa nondum satîs nota uberius exonerat; Renes serum per ureteres, Pulmones efficaciâ tussî concitatâ pus mucumve per trachæam arteriam; Cerebrum, pituitam, & falsum serum per palatum, per nares, oculosque copiosius solito excernit. Denique totum corpus ad diaphoresin five manifestam per sudorem, five occultam per insensibilem transpirationem pronius plerumque redditur. Notandum interim est non leviora quæque vomitoria, neque etiam ipsa fortiora, si imminutâ dosi exhibeantur, statim hæc omnia plenè perficere, atramen suâ operatione plus minùsve pro viribus & quantitate medicamenti eò collimare, & fortiora quidem plenâ dosi datâ tres metas propositas efficaciter attingere.

Ex prædictis facîle cuivis innotescit fortiora Emetica pleniori quantitate præscripta puellis hoc morbo correptis competere non posse, neque teneras eorum vires tantos in corpore tumultus, & tam universalem evacuationem

Circum-
spectio
adhiben-
da eorum
usu.

uationem subitoque factam perferre posse. Quapropter circumspectè admodum hoc remedii genus puellis præscribendum est, tum etiam atque etiam vires & medicamenti efficacia ac quantitas contrà sunt pensitandæ. In hunc ergò finem aliquot cautiones juniorum gratiâ hîc subnectere non erit inutile.

1^o Vomitus in hoc affectu concitandus non est, nisi humores sponte suâ nonnihil fursum vergant, iique per superiora non difficulter exigi possint.

2^o Nisi puelli per se ad vomendum sint proclives, vomitumque faciliè ferant.

3^o In sputo sanguinis, Phthisi seu Tabe, Hæmorrhagiâ Narium in quavis internâ venarum apertione, similibusque casibus ab hoc remedio abstinendum.

4^o Potentiora Emetica liberaliori dosi exhibita hîc interdiciuntur. Etenim metus est nè insitos spiritus nimium depopulentur, ipsasque partes solidas plus æquo prius extenuatas ulterius eliquent.

Qualia
vomitoria
hîc conveni-
ant.

Oportet ergò, ut vomitoria hîc in usum vocanda, vel naturâ suâ leniora sint, vel saltem fortiora satîs correctâ & parcâ dosi administrata.

Object. Dicat si leniora sint, aut diminutâ quantitate exhibita, vix efficaciter posse humores evacuandos educere.

Resp.

Resp. Revera ubi naturam aut non, aut parum adminiculantem habemus, ita rem se habere; in quo casu negamus vomitoria omnino esse exhibenda: supposita verò aptitudine tum humorum tum corporis ad hanc evacuationem (ut in primâ & secundâ cautione requiritur) etiam leniora vomitoria humores imprimis viis stabulantes evacuare queunt: quod idem dicendum quoque est de fortioribus probè correctis parcaque manu exhibitis. Etenim ob correctionem & diminutam quantitatem haud multum corpus exagitant, aut naturam laceffunt, atque interim ob ventriculi humorumque proclivitatem huic scopo satisfacere valent. Paradigmata jam aliquot subjungamus.

R Summitat. Erigeri Mß. *passul. Corinth.* ʒj. *Coq. in lbj. cerevisiæ non-lupulatae* ad medietatis casum. *Colaturæ* ʒiij. adde *syr. acetos. simpl.* ʒß. *M. & exhib. tepidè.*

Vel

R Infusionis croci metallor. in vino Hispan. loco frigido facta & per subsid. optimè deparat. ʒj ʒjß. ʒij. (pro ratione ætatis ac roboris) *syr. acetos simpl.* ʒß. *seri lactis cerevisiati* ʒj.ß. *aq. cinam. gutt. x.* vel ejus loco, si convulsionēs metuuntur, *aq. antepilept. Lang.* ʒj. *M. & ebibat tepidè manè cum regimine.*

R Succ. fol. Asuri ʒß. ʒij. vel ʒj. *syr. acetosi simpl.* ʒij. *seri lactis cerevisiati* q. s. *M.*

R Salis

R \acute{x} *Salis vitrioli præp.* a. gr. v. ad gr. x ex-
hibe similiter in *sero lactis cerevisiato*.

Cathartica Lenitiva.

Cautiones
circa usum
Lenientiu
observan-
dæ.

Hæc evacuantia cùm effectus suos placidè
fine tumultu exequantur, non illam medici
circumspectionem, quam Emetica aut electi-
vè Purgantia postulant. Tria tamen circa
illorum usum cavenda sunt. 1 $^{\circ}$ Nè ingra-
to sapore eam ventriculo nauseam infera-
mus, ut postmodum omnia medicamenta
averfetur & abhorreat. 2 $^{\circ}$ Nè nimia
pharmaci quantitate ventriculum gravemus.
3 $^{\circ}$ Nè assumptum pharmacum vomitu sta-
tim rejiciatur. In hunc ultimum scopum so-
lent aliqui os puelli grato aliquo liquore
statim colluere; alii tantùm in os ejusdem
ingerunt vel *cerasa condita*, vel *pruna Brignio-
lensia*, vel *conservam Berberorum*, vel *succum
Aurantiorum saccharo admixtum*, aut similia.

Lenienti-
um divisio.

Dividi hæc Lenitiva possunt in *Simplicia*,
& *Composita*; & hæc iterum in ea quæ in *Phar-
macopoliis extare solent*, & ea quæ pro re natà de
ovo parantur.

Simplicia, quæ huic scopo per se satisfaci-
unt, admodum pauca reperiuntur; ut *Manna*,
Cassia fistularis, *Aloë socotrina*, *Tamarindi*,
Polypodium quercinum. At verò minùs effica-
cia, quæque non (nisi purgantibus aliis mitio-
ribus acuantur) lenitivam indolem induunt,
plura

plura occurrunt. Ut *uvæ passæ majores*, tum *Corinthiaca*, *Fujuba*, *sebestena*, *Pruna dulcia* & *damaſcena*, *Ficus*, *Daëtyli*, *Pulpa Pomorum assa-*
torum, *Flores Malvæ*, *Violarum*, *Herbæ Pariet-*
tariæ, *Mercurialis*, *Rad. Althææ*, *Glycyrrh. se-*
mina & *frig. maj. semina Malvæ*, *Amygdalæ*
dulces, *Ova sorbilia*, *Pinguedines*, *Butyrum*,
Oleum Olivæ, *ol. amygd. dulc. serum Lactis*, &
ſimilia. Hæc licet per ſe parum efficacia ſint,
 aliorum tamen purgantium admixtione
 non contemnendam vim lenitivam acqui-
 runt.

Compoſita lenitiva hæc in Officinis pro-
 ſtant. *Cassia extracta cum vel ſine ſenna*,
Diacassia, *Elect. Lenitivum*, *Diaprunum leni-*
tivum, *Elect. paſſulatum*, *Decoctum commune*
pro Medicina, *Decoctum fl. & fruct. ſyr. & mel*
violarum, *ſyr. roſar. ſol. mel Mercuriale*, *mel*
Paſſulatum, *Conſervæ Roſarum pallidarum*,
Florum Malvæ, *violarum*. Formulas non-
 nullas extemporaneas his ſubjungere poſſu-
 mus. Ut

Rx *Manna Calabrinæ opt.* ʒvj. *cremor. tartari*
gr. viij. ſeri lactis cereviſiati (Poſſet-Allè dicti)
in quo parum ſem. anif. ferbuerit ʒijß. Miſce &
 exhib. mané. Loco ſeri ejuſmodi ſubſtitui po-
 teſt juſculum aliquod, vel *Decoct. commun. pro*
medicina, vel *Decoct. fl. & fruct.*

Rx *Elect. Lenitiv.* ʒijß. vel ʒij. *ſyr. roſ. ſolat.*
 ʒijß. *viol.* ʒj. *cremor. tart. gr. x. ſeri lactis cere-*
viſiati

visiati M. & capiat in aurora. Aliqui parant *syr. lenitivum* in hanc modum.

Rx Polypod. quer. ʒij. tart. alb. præpar. ʒij Pomor. dulc. M. xij. Uvar. passar. exacinat. ʒj, Coq. in f. q. aq. font. ad lbj. In Colaturâ infunde per noct. fol. senn. elect. ʒj ʒ. rhab. ʒij. pulpâ Cassiæ recentè extract. ʒj ʒ. tamarind. ʒj glyc. semin. anis. coriand. an. ʒj ʒ. manè per pannum laneum densum exprimantur. Rx Expressioni ʒviij. sacch. alb. ʒvj Coq. parùm, tum adde manna opt. syr. ros. solut. an. ʒij. viol. ʒj. F. syr. *Lenitivus*. Capiat Puellus ʒj. aq. cichor vel parietar. ʒj ʒ. & succi limon. ʒj dilutam.

Rx Aloës lotæ, vel Pil. Aloëphang. gr. vij. F. Pilulæ 2. cum syr. ros. solut. Immittantur in 2. cerasa condita exemptis ossiculis, quæ integra deglutiantur, nè sapor offendat horâ somni vesperi. Manè superbibat syr. ros. solut. ʒj. in sero lactis cerevisiato. Vel

Rx Syr. ros. solut. ʒvj. violar, ʒj ʒ. succi limon. ʒj. elect. passulat. ʒj. aq. cichor. vel parietar. M. F. Haustus quem capiat manè jejunos. Atque hæc de eluentibus primas vias. seq. **Præparantia.**

C A P. XXXI.

Præparantia, eorúmque Usus.

R Emedia hæc partim *humores præparandos*, partim *vias, per quas ii educendi*, partim *ipsas partes in quibus stabulantur, respiciunt*. Sciendum autem evacuationem illam, quæ *Emeticis* perficitur, minime omnium præparationem prærequirere; illam verò quæ *Catharticis* aut *Expectorantibus*, maximè.

Præparantium genera. Quæ evacuationis, quæ minus præparationem exigat. Quæ præparatio quibus humoribus debetur.

I^o *Humores præparandi* in genere sunt, vel *Pituitosi*, nimirum *frigidi*, qui *calidis* attemperandi, *crassi* attenuandi, *viscidi* incidendi; vel *Biliofi*, viz. *acres*, *amari*, *urentes*, *corrosivi*, qui *lenientibus* & *compescentibus* cicurandi; vel *Melancholici*, scil. *terrestres*, *fæculenti*, *tartarei*, qui *benigniori* materiæ commiscendi & *fluxiles* reddendi; vel denique *serosi*, qui *disponendi* & *quasi manu dirigendi* sunt, vel ad *vias urinarias*, ut per *mictum*; vel ad *alvum*, ut per *fecesum*; vel ad *partes cutaneas*, ut per *sudationem* facilius exigantur.

II^o *Via, per quas Evacuatio decernitur*, mutiendæ quoque sunt ac *coaptandæ*, & non tantum

Viarum præparatio.

tantum communes, sed & ipsæ speciales, per quas materia peccans in specie ad communes vias deducatur. Alia enim præparatio est vasorum Renum, (quæ scil. lubricantibus & laxantibus maximè perficitur) alia vasorum Hepatis, quæ fit aperientibus, abstergentibus, & nonnihil simul adstringentibus; alia vasorum Pulmonum, quæ potius lenientibus & maturantibus peragitur, admixtis fortè pro ratione materiæ vel incidentibus & attenuantibus, vel contrà incrassantibus & fluxionem avertentibus.

Præparatio respectu partium.

III^o *Partes ipsæ in quibus præ cæteris humores vitiosi impinguntur vel fluitant, medicamenta sibi appropriata admiscenda postulant; & prout hoc vel illud viscus plus minusvè afficitur, modò cephalica, modò hepatica, modò pulmones respicientia &c. dominium in præparantibus obtinent, & liberalius sunt admiscenda.*

Conditiones præparantium in hoc affectu.

Porrò (ut simul omnes propè qualitates præparantium in hoc affectu requisitas complectamur) dicimus hæc remedia ex Arte præscripta ut plurimum esse moderatè calida (nisi scil. febris adfuerit) esse attenuantia, incidentia, & deobstruentia, simulque peculiari jure nonnihil Hepar, Pulmones & Caput respicere, quæ partes plerumque humorum copiâ in hoc morbo gravari solent; Esse adhuc huic affectui in specie nonnihil appropriata: si verò non

non occurrant talia quæ simul sub censum præparantium cadunt, morboque appropi-entur, saltem alia tunc specifica præparantibus admiscenda.

Tandem in memoriam revocandum est, morbum hunc esse Chronicum, materiâque ejusdem esse tardi motûs, totûmque simul vix præparari, aut præparatam evacuari posse: ideoque non continuè insistendum esse præparantibus, donec tota materia fuerit præparata; ita quippe pars præparata & jam fluxilis reddita, vel alios affectûs, vel etiâ gravia fortè symptomata facilè concitet. Quare per vices modò præparandum, modò materia jam præparata pharmaco exigenda. Quâ sanè alternâ remedium administratione, tum viribus prospiciemus, tum causæ morbificæ tutò (ut ut sensim) occurremus. *Notandum* quoque hîc, quod & suprà monuimus, ubi causæ morbificæ eousque diminutæ ac edomitæ fuerint, ut ad tempus non impediunt specificam curationem, huic quamprimum propriis alterantibus esse incumbendum, & in eadem persistendum esse, donec causæ denuo processum interturbaverint.

Per episcrasin huiusmodi moros in hoc affectu exigendi.

Hiscæ jam præmissis, *præparantia simplicia* ut & *composita* illa quæ in Pharmacopolis aservari solent, nec non exempla quædam

decompositorum ordine subungere ulteriùs visum est: Monemus tamen ne expectetur omnia simplicia, aut fortè quodvis unum, omnes qualitates, quas modò exquisitis illis & appropriatis præparantibus attribuimus, complecti (itâ enim nullâ compositione foret opus) sed tot & talia è simplicibus à nobis enumeratis à prudenti medico seligenda ac inter se contemperanda, quæ simul juncta remedium omnibus istis qualitatibus donatum concinnent.

Simplicia, & Composita in Officinis asser-
vata sunt sequentia. *Herbæ omnes capillares*,
Imprimis, Trichomanes, Ruta muraria; Spica
radicis Osmundæ regalis; Gemmæ vix dum
erumpentes Filicis maris; Polypodium murale;
Phyllitis, seu Lingua Cervina; Ceterach; He-
patica; Agrimonia; Cuscuta: scabiosa, Betonica;
Veronica mas; Folia & cortex Tamarisci; cor-
tex radicum Capparum; Rad. Cichor. Endiv.
Gramin. Asparag. Myrrhidis; Glycyrr. Tarta-
rum (quanquam fortè ejus lubricitas minùs
congruat) *Passulæ Imprimis Corinthiaca; Pru-*
na Damascena; semin. Anis. fœnic. dulc. Co-
riandr. Carui; Anethi Syr Capill. vener. de
Beton. simpl. & compos. Byzantin. Cichor. de
Eupator. de 5 radice scolopend. de stach.

Ex his ulteriùs *Decomposita* pro re natâ for-
mari possunt. Ut R *spicas* vel *Gemmas Rad.*
Filicis Maris. N. v. Coq. in ꝑꝑ lactis ad 3iij.
Cola

Colaturam bibat manè jejuno stomacho.
Convenit maximè junioribus & lacti assuetis.
 Vel R Gemmarum Filicis maris tenellarum è
 terra modo erumpentium M.j. veron. maris, Ling.
 Cervin. Hepat. an. Mß. fl. Tamarisci p.j. Passul.
 minor. ʒjß. maris ʒß. Pullum unum exentera-
 tum &c. & cum farina avenacea q. s. F. Iusculum
 ut artis est. Capiat Puellus ʒiij. vel iiij. manè
 & horâ 4^a pomeridianâ, addendo, si lubet,
 crem. tart. gr. x. Vel

R Capill. vener. Hepat. agrimon. cuscute
 an. Mß. radic. filic. maris. gramin. asparag. an ʒß
 fl. tamarisc. p.j. passul. corinth. ʒj tartar alb. præp.
 ʒj. glycyrr. ʒß macis ʒj Coq. in lbj aq. font.
 Colatura lbj adde vini alb. vel rhenan. ʒiij. syr.
 de scolopendr. ʒjß M. F. Apozema, de quo
 bibat Puellus haustum manè & horâ quartâ
 pomerid. Valet potissimum ubi pertinaces ob-
 structiones in Mesenterio, Hepate &c adsunt.
 Vel

R Tussilag. capill. vener. ling. cervin. hepat.
 an Mß radic. myrrhid. asparag an. ʒß glyc.
 hispan. ʒij macis ʒj passul. exacinat. ʒj jujub N
 vj sebesten N viij Fic. incis. N ij Coq. in s. q.
 aq. hord. Colatura clara lbj adde syr. capill. vener.
 ʒjß M. Hujus Apozematis usus præcipuus est
 in farctis simul aut obstructis Pulmonibus.

R Musti cerevis. lbj. Hepatica, capill. vener.
 phyllit. scabios. tussilag. matricar. artem s. an.
 M j. fic. incis. passul. excinat. an. lbß glyc. sem. an.

3ij Coq. lento igne per horas 9. Colatura servetur in usum. In eodem propè casu conveniens est. Vel
 R^x Salsaparill. incis. & opt. contus. 3ij. radic. chin. ras. cornu cervi. ebor. an. 3j. fol. veron. maris. phyllit. hepat. scabios. an. Mij. spic. rad. osmund. regal. filic. an. 3ij. Coq. in 4 Congiis musti cerevisiæ non lupulatae (Ala dictæ) lento igne per horas 4 vel 5 Dein post aliquot horas coletur liquor per setaceum; tum adde succi cochlear. berabung. an. lbß. fermenti cerevis. q. s. Fermentetur more solito, & in doliolum reponatur, è quo ad usum pro Potu ordinario depromatur. Conducit præcipuè, ubi adest suspicio Luis venerea, vel scorbuti complicati.

C A P. XXXII.

Evacuantia electivè.

Evacuantium divi-
 fio.
 PRæparatâ materiâ morbi, apertisque viis per quas evacuatio instituitur, proximum est, ut consideremus quæ pharmaca humores in specie peccantes electivè educant. Hæc autem medicamenta partim humores, partim partes in quibus stabulantur, respiciunt: in singulis verò justa virium habenda est ratio.

**Quæ sint
 rejicienda.** Violentiora vel planè abdicanda, vel optime correctâ & parçâ dosi circumspèctèque adhibenda sunt: & junioribus quidem pueris ac

ac infirmioribus vel mitiora, vel minori dosi, magisque correctâ; majoribus & robustioribus fortiora pleniorique dosi (modò non transcendant vires) permittenda. In utroque casu tutius est paullo infra vires subsistere, quàm easdem vel tantillum excedere; & omninò in hoc affectu satius est *per epincrasin* procedere, quàm simul & semel plenariam humorum peccantium evacuationem tentare.

Humores porrò in corpore dominantes, sibi appropriata pharmaca desiderant; ut bilis *cholagoga*, Pituita *Phlegmagoga*, melancholia *Melanogoga*, serum Humorque aquosus *Hydragoga*.

Adhæc, si Hepar præ aliis partibus humoribus gravetur, talia sunt eligenda purgantia, quæ peculiari jure Hepar respiciunt. Similiter, obsessis multùm Pulmonibus, aut Cerebro, aliisve visceribus, ejusmodi sunt eligenda purgantia, (quantùm quidem fieri potest) quæ hisce partibus respectivè sunt appropriata. Sin verò non occurrant simplicia purgantia nonnullis partibus satis speciatim dicata, aptâ aliorum ingredientium istis partibus familiarium admixtione eorum defectus supplendus est.

Denique (quoad fieri poterit) purgantibus directè morbi essentia oppofitis insistere conandum est. Hoc nomine *Rhabarbarum* præ aliis

Rhabarbari in hoc affectu usus.

aliis simplicibus commendamus. Est enim medicamentum moderatè calidum & siccum, spiritibus insitis omnium partium sat is familiare, & amicum, torporem spirituum benignè excutit, molliem laxitatèmq; partium firmat, internam lubricitatem nonnihil corrigit; pulsum ad artus evocat, calorem externarum partium auget, internarum & imprimis earum, quæ nutritioni inserviunt, vigorem & activitatem fovet. Adde quòd rarissimè (modò justâ dosi exhibeatur) superpurgationem invehit; medicamentum profectò omni ætati & complexiori sat is tutum.

Hiscæ jam præmissis, nonnulla simplicia purgantia, quæ huc spectant, nec non paradigmata quædam compositorum proponenda sunt. Neque etiam quidquam prohibet, quin multa ex lenitivis suprâ citatis, huc quoque, diverso tamen respectu, referantur: Illic enim respiciuntur ut acuunt lenitiva aliàs ignaviora; hîc verò potius ut temperant purgantia fortiora.

*Purgantia simplicia, tum composita
officinalia.*

Manna, Cassia fistularis, Tamarindi, Myrobolanorum genera, Rhabarbarum, Aloë, syr. ros. solut. de cichor. cum rhab. dupl. Augustan. scammonium, Agaricus, sem. Carthami, mechoacana, Falappa, Turpethum, Mercur. dulcis, syr. ros.

ros. solut. cum Agar. Epithymum, Polypod. quercin. senna, syr. magistralis ad melanchol. de pomis Reg. sapor. Diabalzemer, Elect. lenit. de prunis. solut. Elect. passulatum, diacathol. confect. Hammech. Bened. laxativa, &c.

*Extemporaneorum compositorum exempla
quadam.*

Rx Syr. Augustan. ʒj. ros. solut. ʒij. aq. cichor. ʒʒ pro dilutione F. Potio exhibenda manè jejuno stomacho.

Rx Rhab. opt. pulverat. gr. xvij. syr. de cichor. cum dupl. Rheo ʒvj rosat. solut. ʒij aq. sol. filicis ʒvj M F Haustus. Biliosis ut & Hepaticis maximè convenit.

Rx Folior. sennæ, polypod. querc. Epithym. an. ʒi. rhab. opt. ʒj crysall. tartar. semin. fanic. dul. an. ʒj F Infusio in s. q. aq. fumar. s. a. pro ʒijʒ Colatura expressæ adde syr. magistral. ad melanchol. ʒvj aq. cinam. gut. vi. vel antepilept. Lang. ʒʒ M F Haustus. Melancholicis maximè designatur.

Rx Fol. senna ʒij pulp. Tamarind. ʒvi semin. anis. glyc. an. ʒʒ cremor. tart. ʒʒ F Infusio in s. q. aq. fontan. per noct. Cum express. ʒiiij F sec. art. Emulsio ex amygd. dulc. decortic. ʒʒ semin. 4 frig. maj. an. ʒij. pro 2 dosibus, addendo singulis syr. decichor. cum quadrupl. Rheo. manna op. an. ʒiiij. Humores acres & adustos evacuat & con-temperat:

Rx Elect.

Rx *Elect. lenit.* ziii rhab. ij crem. tart. *semin.*
anis. an. ss fl. borrag. *anth. an.* pss aq. fumar q. s.
F Infusio per aliquot horas, Colaturæ per pannum
laneum densum facta ziss adde syr. de pomis
Regis saporis zss M F H.

Rx *Folior.* senna ziss vel zij agar. trochisc. zss
sem. fanic. dulc. zss fl. chamam. N x Coq. in s. q.
aq. font. s. a. express. zxx vel ziss adde syr. ros. solut.
cum agar. zv. manna opt. ziii M F H *Haustus.* Hu-
moribus crassis & pituitosis potissimum dica-
tur.

Rx *Fl. sambuci* p j rhab. ij j alapp mechoacnan
an ij crem. tart. ss nucis moschat gr. xv. *F In-*
fusio & levis ebullitio in aq. fl. sambuci & vini
Rhen. an. q. s. Colaturæ ziss adde syr. ros. solut. zss
vel zvj. *F Potio.* Pituitosis, Cachecticis, & hy-
dropicis convenit.

Rx *Fol. senna* ziss rhab. ij agar. troch. ij pul-
pæ tamarind. zij *semin. anis. crem. tartari an* ij
fl. anth. p. *F Infusio in s. q. aq. font. & levis e-*
bullitio. *Expresionis* ziss adde syr. ros. solut. cum
agar. magistral ad melanchol an. ziii M F
Haustus. *Mixtos humores evacuat.*

Rx *Mercurii dulc. gr. xv* *conser. viol. zij* pulv.
tragac. gr. j M F *Bolus cum syr. viol. quem capiat*
mane superbibendo mox zij syr. ros. solut. in hau-
stulo feri lactis cerevisiati solutam. Commendari
potest Pueris qui vermicibus simul cum hoc affectu
laborant, uti & lue venerea una infectis. Item
strumosis.

Rx *Mercur. duli.* gr. xij. *jalapp.* gr. xj. *nucis myrist* gr β *pulpa passul.* ʒj M. F. *Bolus cum syr. viol sumendus in Aurora.* Loco *jalappæ* substitui possunt *scammon præp.* vel *resin jalapp.* gr. iij. vel iiij. Convenit *Pueris simul strumosis*, ut & *iis qui Lue venereâ suspecti sunt laborare*, *iisque qui difficulter purgantur*, & *ingrata planè respuunt.*

Rx *Mercur. dulc.* ʒj. *resin. jalapp.* ʒβ *sacch. puriss* in aq. *beton* vel *simili dissolut.* ʒiij vel ʒβ F. *sec. art. TABELLÆ pond.* ʒiij vel ʒj. *Capiat unam pro dosi.*

Rx *Aloës socotrin. opt.* gr. viij *rhab. pulv.* gr. xi. *syr. ros solut* q. s. F. *Pilula quas capiat Puellus in cerasis conditis abditas exemptis ossiculis.* Possunt & *deaurari Pilula commodioris exhibitionis ergo.*

Rx *Rhab. opt.* ʒiij *uvar. passar. exacinat.* Mj *cerevis. commun* lb *Infund. per 12 horas*, de *colaturâ hujusmodi bibant Puelli qui noctu avidè potum expetunt.*

CAP. XXXIII.

Alterantia Specifica.

PRæparatis jam atque ex parte evacuatis morbi causis, vel saltem ita edomitis, ut ad tempus ulteriorem curationem non impediant, statim ad hæc *alterantia specifica* procedendum est; quæ quidem jugulum quasi ipsius morbi petunt, & quorum gratia ista cum præparantia tum evacuantia præmissa fuerunt.

Eorum
definitio

Definiri autem possunt hæc specifica, *Remedia quæ ipsi essentia morbi è diametro contraria sunt, adeoque eam directè impugnant.*

& Divisio.

Sunt autem ea vel *Simplicia* vel *Composita*; & simplicia quidem quæ nobis hætenus innotuerunt sunt sequentia. *Radix Os-munda regalis*, seu potius *spica radice ejusdem abjecta mediâ parte*; *Radix Filicis maris*, item *Turiones* vel potius *Gemma ejusdem vix dum è terra prorumpentes*; *Radices Graminis*, *Cichor*, *Asparag Rub. tinct.* *Eryng.* *Herba capillares*, *Ceterach*, *Lingua cervina*, *Hepatica*, *veronica mas*, *flores & folia Lamii*, *Borrag. salvia*, *Rorismar.* *Tamarisci*; *Abrotonum*, *Absinth. pontic.* *Chelidon maj.* *Crocus*, *Radic. curcumæ*, *Radic. Sarsaparill.* *Sassafr.* *China*, *Tria santala*, *Lignum*
GUA-

Guajaci ejusque cortex; flor. Sulph. Chalybs præpar. Crocus Martis, Sal Chalyb. vinum chalybeatum, syr. Chalyb. vinum album Gallicum & Rhenanum, sperma ceti, Moschus, Ambra Grysea, Castoreum, vermes terrestres, Fecora Ranarum & Pullorum Corvi, Millepedes vino albo lota & in clibano siccata ac pulverata, & similia.

Si quis autem quærat quo modò quæve actione medicamenta hæc affectûs hujus essentiam specialiter impetant:

Oppositio
inter mor-
bum &
hæc speci-
fica.

Respondemus fortè non necesse esse, ut ad Asylum istud ignorantia, *occultas qualitates*, statim confugiamus; sed in memoriam revocandas esse partes essentia hujus morbi cum primaria, tum secundaria supra descriptas: Siquidem factâ collatione inter illas partes & hæc medicamenta, haud obscuram contrarietatem ac repugnantiam erga illa invicem deprehendemus, Morbus enim hic consistit *in intemperie frigida & humida, in spirituum insitorum inopia ac torpore, in toni partium enervatione*: E contra remedia hæc *calesfaciunt & siccant, spiritus insitos fovent, torporem eorum excutiunt, tonumque firmant.*

Porrò quandoquidem cum caliditate ac siccitate remedia hæc insignem obtinent friabilitatem ac tenuitatem partium, fit, ut non tantùm viscida incendant, crassa attenuent, sed & æquationem quandam omnium succorum in massa sanguinea fluitantium concilient,

æqua-

æqualémque (habitâ ratione distantia à fonte caloris) distributionem tum caloris tum sanguinis procurent. Hinc partes externæ prius extenuatæ liberaliori alimento caloréque fruuntur, parenchymata viscerum mole nimium aucta, à crassioribus & viscidioribus fucis alimentariis liberantur, & nonnihil inde imminuuntur; hinc irrationalis illa partium nutritio, seu ἀλειτουργία, à quâ tanta vitiorum organicorum series dependet, emendatur. Denique remedia hæc partes nervosas quoque ipsamque spinam dorsi nimis debilem roborant, ac foveant.

Dicas, omnia simplicia à nobis suprâ citata non hæc omnia plenè perficere. Concedimus. Nam *santalorum genera*, licet suâ siccitate, friabilitate ac tenuitate partium fortiter hunc affectum impugnent, suâ tamen frigidityte videntur potius ad morbi partes accedere. Dicimus ergo hujusmodi simplicia per se sola non esse administranda, sed aliis duntaxat admixta, quæ qualitatem noxiam satis corrigunt. Similiter nonnulla simplicia impensè calida, ut *Crocus*, *Castoreum*, *flores sulphuris*, &c. Huic morbo multum repugnant, sed in usum non sunt vocanda, nisi prius contemperata. Porro *Sarsaparilla*, *sassafras*, *Osmunda regalis*, *Filicis genera*, *Herbæ capillares*, *Ceterach*, *Lingua cervina* & similia, caliditate ac siccitate simul junctis cum insigni
fria-

friabilitate ac tenuitate partium plurimum ad æquationem sanguinis, tum ad multas alias morbi partes subigendas contribuunt. Verum partes nervosas ac fibrosas vix satîs roborant firmantque; quare Cephalicorum admixtionem desiderare videntur. Adhæc, *Lignum Vitæ*, suo calore, siccitate, friabilitate, resinosa ac balsamica substantiâ, tonum partium multum firmat, nonnullisque aliis morbi partibus contrariatur; cum tamen parum conferat ad æquationem succorum in massa sanguinea contentorum, quin potius eam fortè impediat, non sine summa cautione correctumque & exigua quantitate est præscribendum. Denique ex simplicibus hîc recitatis nonnulla magis ad vires omnes corroborandas quàm ad morbi essentiam debellandam recipiuntur; ut *Salvia*, *Moschus*, *Ambra grysea*, & similia, quæ non nisi aliis efficacioribus magisque appropriatis admixtis in usum veniunt.

Quod si quis ulteriùs quæfiverit quænam simplicia è propositis efficaciora ac nobiliora sint æstimanda; huic regulis sequentibus respondemus.

Quæ ex
specificis
sint nobi-
liora.

1^o Illa sunt nobiliora medicamenta, quæ simul pluribus essentia morbi partibus opponuntur.

2^o Illa, cæteris paribus, nobiliora habenda, quæ primarias essentia morbi partes directè impetunt,

petunt, præsertim si simul faciant ad æqualem distributionem sanguinis & caloris, quâ tot vitia organica corriguntur.

3^o Quæ cæteris morbis essentia partibus eminentiori gradu, ita tamen ut vires ea ferant, contrariantur.

4^o Quæ unâ & morbo adversantur & natura similia ac familiaria sunt, eique quàm minimam vim inferunt.

5^o Quæ magis grata puello laboranti sunt, minoræque cum molestia atque aversatione admittuntur.

His jam præmissis Paradigmata quædam medicamentorum compositorum subjienda sunt.

Apozemata & Cerevisia Medicata.

R. Rad. osmundæ regal. spicas N^o vj. Herb. veronic. maris. ling. cerv. ceterach, capill. vener. hepatic. an. Mj. salvia anthus, an. Mß. passul. minor. ʒiij. glyc. hispan ʒß. macis ʒij. coq. in lbvj. aq. fontan. s. a. R. Colatura lbij adde syr. capill. vener. ʒiij. M. F. Apozema. Capiat puellus haustulum hujus quotidie manè, horâ quartâ pomeridianâ, tum etiam noctu, si potum tunc petierit. Immo si voluerit, utatur eo pro potu ordinario. Tussi & obstructione Pulmonum simul cum hoc affectu graviter afflictis maxime convenit.

R. Fol. Osmundæ regal. ling. cervin. hepat. Ceterach,

ceterach, fl. tamarisc radic filic. maris an Mj passul
 minor. ij santal. alb & rubr. ligni sassafras an. 2ij
 semin. coriandr. 3j macis ʒj sol. salvia Mß Coq. 2
 sq aq. font. sec. art. ad lbij. Colatura edulcoretur
 sacch. vel melle, pro Potu ordinario. Hepaticis hoc
 affectu laborantibus succurrit. R̄ sarsa parill. in-
 cis. & optimè contus. ʒiij radic. china in taleol.
 concis. 3j. Infund & coq. s art. in lbvij aq. font.
 ad lbiiijß tum adde radic. sassafras 3ij Osmund.
 regal. ling. cervin. ceterach, capilli vener. lamii
 an. Mß glyc. hispan. 3ij macis 3j Coq. ad lbiiij
 Colatura adde mell. vel sacch. ʒiij M. pro Potu or-
 dinario. Conducit præcipuè iis qui Lue venerea
 laborare suspecti sunt, ut & strumosis.

R̄ Flor. Tamarisci recent Mj veronic. maris
 Mß leviter contund. & infund. frigide per 6 ho-
 ras in lbij cerevisia commun. in Lagenâ lapidea
 vel vitrea, subere optimè clausa; pro Potu ordi-
 nario.

R̄ Radic. sarsaparill. ʒviiij radic. china 3ij
 ligni sassafras ʒß eboris 3j Osmund. regal. veron.
 maris ling. cervin. ceterach, capill. vener. he-
 pat. summitat. lamii an. Mij. Concisa & contusa
 sec. art. coq. in Cong. iij cerevisia recentis ad
 unius absumptionem; sublatis ab igne adde Cong.
 j. ejusmodi cerevisia; agitentur simul baculo, &
 deinde colentur. Ingredientia eadem sacculo ex
 tela rara includantur cum frusto ferri in ejus
 fundo reposito, et suspendantur in cerevisia, tum
 addito fermento F fermentatio cerevisia ad per-
 fectam

Etam usque depurationem. Liqueor limpidus post aliquot dies depromatur pro potu ordinario. Deinde ubi ad medietatis exhaustionem deventum fuerit, excipiatur reliquum lagenis lapideis vel vitreis, quæ subere optimè clausæ reponantur in loco frigido ad usum.

Rx. Vini chalyb. ʒss syr. de cichor. cum rhab. ʒij Bibat aeger quotidie manè per v vel vii dies aut plures, nisi fluor alvi, aut ventriculi debilitas prohibuerint. In quo casu, loco syr. de cichor. cum rhab. addatur syr. de rosis siccis.

Fuscula et Papatella.

Rx Scolopendr. Ceterach, hepat. capill. vener. salvia an. Mss cort. tamarisci, santal. rubr. an. ʒij. Indantur ventri Pulli majusculi, aut Gallina, vel Galli veteris, et consuto ventre Coq. cum ʒij passul. minor. in s. q. aq. font. additæque suff. quant. farina avenaceæ purioris. F. Fusculum perfectè coctum.

Rx Radic. China in taleol. concis. ʒij sarsaparill. alb. et medullosa incis. et optimè contus. ʒiij Infunde per noct. in lbx aq. font. Manè post levem ebullitionem inde Colatura ling. cervin. veron. maris an. Mj macis ʒss passul. corinth. ʒj : et cum carne vervecina, vitulina, vel capon. additâ farinâ avenaceâ F. s. art. Fusculum.

Quòd si tenuiora juscula desiderentur, loco farina crusta panis incoqui, sin verò crassiora, mica panis cum vitellis ovorum admisceri poteri

poterit. Porro ob debilem Puelli coctionem nonnunquam cochlearia aliquot vini addantur.

Panatella ex ejusmodi jusculis colatis, iterumque cum mica panis coctis, additis tandem, ubi ab igne sublatae fuerint, *butyro et sacch. q. s.* conficiantur. Eadem quoque è decoctis modò præscriptis, nisi fortè quid amarum aut aliter ingratum contineant, concinnentur. Præterea panatellæ, puliculæq; communes, uti & juscula ordinaria, pulveribus modò scribendis alterari, adeoque huic morbo curando appropriari queunt. Sin verò ex lacte Puliculæ parentur, & farinâ tritici inrafsentur, præter istos pulveres tantillum croci inter coquendum addi convenit. Quòd si quid in Pulveribus minùs gratum, aut quod nauseam moveat, deprehendatur, id omittatur, aliudque (si res ità exigat) quod gratius est in ejus locum substituendum.

Pulveres & Electuaria.

℞ *Radic. filicis maris* (vel potiùs) *Gemma- rum ejusdem vixdum è terra prorumpentium, et in umbra siccatarum*) *spicar. Osmund. regal. an. ʒij macis, semin. anis. an. ʒss croci gr. ʒ F Pulvis.* Dosis à ʒss ad ʒj in lacte, sero lactis cerevisiato, apozemate aliquo, jusculo, panatellis &c.

℞ *Medullosæ part. radic. sarsap. ʒij radic. china ʒj radic. sassaffras ʒj semin. carni et co-*

riandr. an. ꝑ radic. filic. mar. Osmund. reg. an.
 ꝑ M F Pulvis qui usurpandus, ut prior.

Rx Milleeped. aqua prius, deinde vino alb. lot.
 in clibano post extract. panem siccet. q. v. F Pul.
 vis. Dosis similiter ꝑ ad ꝑi in iusculis &c. ut
 supra. Eodem modo præparata jecinora Ra.
 narum & Pullorum corvi pulveris. Prescri.
 buntur.

Rx Flor. sulph. ij spec. diarrhod. Abbat. diatr.
 santal. an. ꝑ croci gr. ꝑ sacch. crystallini ꝑiij
 Pulverata subtilissime cum aq. ros. rubr. q. s. F
 Pasta lento calore siccanda, qua deinde, ubi usus feri
 in pulverem redacta exhibentur a l ꝑi.

Rx Conserv. rosar. rubr. iꝑ fl. borrag. lamii,
 salvia, anthus an. ꝑ chalyb. præp. ꝑi cinam.
 glyc. Hispan. an. ꝑ croci ꝑ santal. rubr. ꝑi Pul.
 verat. pulverand. F. s. art Elect. cum syr. de
 cich cum rhab. q. s. Capiat ager 3ꝑ ꝑiij vel ꝑi
 quotidie mane, vel per se, vel in cochl. feri lactis
 cerevisiati, vel decocti alicujus appropriati, vel
 etiam vini.

Rx Conserv. fl. lamii ꝑi fl. borrag. salvia, ca.
 ryoph. rubr. anthus cortic. myrobalan. in Ind.
 condit. cortic. citr. an. ꝑ santal. rubr. cinamglyc.
 Hispan. an. ꝑ salis chalyb. vel ejus loco croci ꝑ
 syr. de absinth. q. s. F Elect. Dosis & modus u.
 tendi ut prioris.

CAP. XXXIV.

Corrigentia symptomata.

Symptomata nonnulla huic affectui super-
venientia, aliquando legitimam curandi
rationem anticipant, peculiarémque tra-
ctandi rationem exposcunt. Hujus generis
sunt *Fluxus Alvi*, ut *Diarrhœa*, cui frequenter
aliquid *Lienteria* est admixtum; *sudores pro-*
fusi; *Dentitio laboriosa*, *dolorque Dentium*.

Fluxus alvi hunc affectum frequenter se- Fluxus
Alvi,
quitur; qui cum ubi diutius perseverat, aut
paullò violentior est, facilè vires dejiciat, ip-
sasq; solidas partes eliquet & absumat, mani-
festè naturam causæ induit, & ut causa suam
indicat correctionem. *Dysenteria* rariùs huic
morbo accidit, *Diarrhœa* verò cum *intestino-*
rum torminibus, vel cum *Lienteria* complicata
satis frequens. Etenim *ob partium coctioni in-*
servientium debilitatem, cum *Diarrhœa*, tum
Lienteria facilè, non item *Dysenteria*, super-
venire possunt. Concurrunt tamen frequen-
ter & aliæ causæ; ut *ingesti cibi vel quantitate*
nimii, vel *qualitate vitiosi*, *febris aliqua*, *vigi-*
lia, *dentitio laboriosa*, *lumbrici*, &c. Quæ om-
nia quoque *diarrhœam* vel *Lienteriam*, potius
quàm *Dysenteriam*, facilè pariunt. Ad cu-
ram

ram quod attinet, perficitur ea partim purgantibus, partim sedantibus & adstringentibus, partim aperientibus simulque partes roborantibus.

Purgantia hic conveniunt ea quæ evidentem adstrictionem post evacuationem relinquunt: ut *Rhabarbarum*, *senna*, *Tamarindi*, *myrobalani* &c, Ex quibus, pro re natâ, ut plurimum vel *Bolos* vel *Potiones* concinnamus, quod sub illis formulis facilius deglutiantur. Ut,

Rx *Conserv. rosar. rubr.* ʒʒ *Rhab. opt. pulv. gr.* xij. *syr. de corall. q. s.* F *Bolus* deglutiendus mané. vel

Rx *Pulp. Tamarind.* ʒj *rhab. pulv. gr.* viij *sacch. ros.* ʒʒ *syr. cydon. q. s.* ut F *Bolus*. Loco hujus *syr.* substitui possunt *syr. myrtil. granat. de corall. menh. a.* Vel

Rx *Fol. sennæ elect.* ʒʒ *rhab.* ʒj *pulpa tamarind.* ʒʒ *semin. anis. contus. gr.* x F *Infusio in s. q. aq. fontan. levisque ebullitio.* Rx *Colatura* ʒʒ *syr. de ros. siccis* ʒʒ *misce,* F *Haustus.* Vel

Rx *Aq. plantag. vel aq. cichor. vel saxifrag.* ʒj *rhab. pulv. gr.* x. *syr. de rhab. Augustan. syr. de ros. sicc. an.* ʒij M F *Potio.*

Notandum, aliquando paullo plenior evacuationem requiri posse, nimirum ubi fluxus ipse parcius processerit, vel non diu perseveraverit, & interim materia peccans copiosa in corpore collecta fuerit. In quo casu, loco *syr. ros. siccis*, *drachma aliquot syr. ros.*

ros. solut. syr. August. vel de cichor. cum rhab. vel manna substituantur : tutius verò plerumque est dosin Rhabarb. aut etiam senna augere, non omisso syrupo de Resis siccis.

Vesperī post purgationem gr. x. diascordii in vino cum caryophyllis & tantillo cinamomi cocto, & tertiā parte aq. papav. rhaad. diluto, syrupoque aliquo cordiali, ut caryophyllorum edulcorato, virium instaurandarum, fluxusque sedandi gratiā concedantur : vel, si fluxus pertinacior sit, ℥ij diacodii pro vice loco syrui prædicti, admisceantur. Vel,

Rx Posseti, è lacte & vino albo parati, detracto coagulo, quod aromatizetur tantillo croci in nodulo ligati, in id immersi leviterque expressi donec pallida flavedinis tincturam acquisiverit, ℥ijß confect. Alcherm. ℥j cortic. granator. pulv. gr. viij diacodii ℥ij M F Potio horā somni propinanda. Vel

Rx Laudani dispensatorii Londinens. gr. β magister. corall. gr. xij conserv. caryoph. vel rosar. rubr. ℥j syr. cydon. q. s. ut F Bolus deglutiendus vesperi horā somni.

Quod si obstructions adfuerint, Crocus martis vel sal chalybis manē præscribantur : Ut,

Rx Conserv. ros. ℥j radic. cichor. condit. cortic. myrobalan. in India condit. an. ℥ß salis chalybis ℥ß vel, croci martis ℥j cinam. glycyrrh. coral. rubr. an. gr. xvij. croci gr. jß syr. de cichor. sine rhab.

rhab. q. s. F. sec. art. Elect. de quo capiat quotidie mane 3ß. In hunc etiam usum *ferrum candens* extingui potest in potu ordinario.

In Fluxu pertinaci aliquid *conservæ* vel *syr. Prunellarum sylvestrium* eduliis admisceri potest, ita tamen, nè ea reddantur ingrata.

Sudor profusus modumque excedens peculiare aliquando medico negotium in hoc affectu faceffit. Quippe qui vires multum dissipat, morbiq; curationem remoratur.

Cavendum tamen est, si fortè febris adfuerit, aut Paroxysmus aliquis febrilis caloris immodicus præcesserit, nè temere coerceretur. In his enim casibus criticus esse possit, vel saltem plus utilitatis corpori ex mitigatione febris calorisve quàm damni ex virium jacturâ adferat Nescimus enim an quidquam potentiùs aut etiam suaviùs febrilem calorem solvat quàm ipse sudor.

Interim, quando inordinatè fluit, & præter causam, (quam scilicet amovere queat) arguit corpus obstructionibus, crudis inutilibusque succis & superfluitatibus gravari, quos dum regere ac domare satagit natura, ex ipso labore (concurrente unà laxitate partium cutanearum) in sudorem profunditur, & quidem inutilem ac laboriosum virisque depopulantem, qui idcirco quamprimum corrigendus est. Huc respexisse videtur Hippocrates,

Sudor
immodi-
cus.

Cautio in
ejus re-
frictione.

pocrates, ubi dicat, sudorem illum, qui præter causam fluit, purgationem postulare. Quid enim commodius has superfluitates minuat & eliminet? Deinde motus hic sudori contrarius est. Unde inter remedia huic symptomati opposita primum locum meretur, & cum viam sternat aperientibus cutemque firman- tibus & coctionem promoventibus (quæ ultimam partem curæ absolvunt) iis jure præmittendum est.

Purgantia huc spectantia sunt, illa quæ naturæ amica & familiaria observantur, quæ- que simul obstructa aperiunt, visceraque ro- borant ac firmant: quæ omnia an ex sim- plicibus quidquam efficacius quam ipsum *Rhabarbarum* præstet, dubitamus. Omnia tamen, cum simplicia, tum composita suprà cap. de electivè evacuantibus proposita, pro variâ ægrotantis conditione, huc à prudenti medico transferantur. Aliqui *Cerevisiam Rhabarbaro medicatam* hîc multum commen- dant; Ut,

Rx *Rhabarb. intaleol. incisi* ʒij *uvær. passar. exacinator. & incis.* ʒj *cerevisiæ tenuioris* ℥ij
Indantur lagena lapidea vel vitrea subere opti- mē clausa, quæ in loco frigido reponatur, sapius agitata, ante usum verò iterum subsidant per diem unum, deinde depromatur liquor pro potu ordinario. Exhausto liquore Lagena denuo repleatur cerevisiâ sed absque novo Rhabar- baro.

Porro

Porro nobiliora aperientia quæ simul coctionem promovent, inutilem sudorem reprimunt, ut *vinum Gallicum & Rhenanum*. Quod si horum calor in tam tenerâ ætate metuatur, temperari possunt *pomis assatis aq. ros. rubr. borrag. addito saccharo & tantillo nucis moscat. rase*; propinentur etiam in minori quantitate, & tantum tempore pastus.

Sunt & aperientia efficacissima, quæ non tantum coctionem juvant, sed & simul omnium partium tonum, præcipuè viscerum, firmant ac roborant. Inter quæ, præ cæteris *Chalybeata* commendamus, ut *vinum Chalybeatum, Elect. Chalybeatum supra descriptum, & similia*. Verum licet Chalybs reipsâ ea efficaciter præstet, quæ diximus; cum tamen is nonnullis aliis scopis magni in hoc affectu momenti non usquequaque respondeat, quin potius nonnunquam ex una parte plus noceat quàm ex altera prosit, *Cautiones* sequentes circa ejus usum hic proponere visum est.

Cautiones
circa chalybis
usum
in hoc af-
fectu.

1^o Quandoquidem Chalybs *Pulmonibus* inimicus sit, facileque sævum pituitosæ materiæ fluxum in tenellis corporibus concitet; ubi *Catarrhus, Tussis, Infarctus, Pulmonum*, multoque magis *Inflammatio quævis, Pleuritis, Sputum sanguinis*, aut dispositio ad quemvis horum affectuum adest, ab ejus usu planè abstinendum est.

2^o Cùm Chalybs parùm aut nihil ad æqua-

æquationem sanguinis contribuat, quin potius contrâ (utut attenuet caseosam & pituitosam sanguinis partem) ad ejus tamen separationem à reliqua massa sanguinis ob vitriolatam aciditatem simul faciat, omnino circumspectè admittendus est, præsertim vigente illâ massæ sanguineæ inæqualitate.

3^o. Cum vis attenuandi, incidendi & aperiendi in Chalybe cum insigni siccitate & adstrictione conjuncta sit, illósque idcirco humores, quos fortè non dissolvat & discutiat, magis adhuc impingat, in alogotrophia ossium notabili ejus usus est suspectus. Etenim metus est nè curtas ossium partes minúsque debito nutritas nimium constringat & consolidet, unde postea minús promptè secundùm longitudinem accrescant: partes autem protuberantes (ut & convexa ossium latera) liberaliùs nutritas cum dissolvere non valeat, ampliùs confirmet & contumaciores reddat, eas nimirum plusculum condensando & indurando.

4^o. In omnibus acutis febribus Chalybis usus noxius est, quòd nimium partes desiccet & constringat, immo eo ipso quòd sudores reprimat, humoresque acriores ac ferociores præstet.

Hiscæ cautionibus ritè observatis, Chalybis usum in hoc affectu admittimus: verùm cum medicastræ, Empiricique nequeant usum ejus

ab abusu distinguere, non suaderemus tam nobilis medicamento usum sine consilio exercitati prudentisque medici, quando nisi circumspectè præscribatur, tanto cum periculo adhibeatur. Alià minoris notæ aperientia huic scopo etiam inservire possunt, ut *radic. cichor. borrag. vel conserv. flor. eorundem, radic. gram. asparagi, filic. rubia tinctor. fol. ceterach, asplen. capill. vener. &c* Inter composita, species diatr. santal. diarrhod. abbat, &c. Vel lib. 3. myloslib non 3. 10. 20. 30. 40. 50. 60. 70. 80. 90. 100.

Re. Sacch. opt. 3iij. solvantur in aq. ros. & coq. paulum ultra syrupi consistentiam. Deinde adde conserv. berberorum 3j. specier. diatr. santal. diarrhod. abbat. an. 3j. croci pulv. gr. j. M. F. Elect. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20.

Dentitionis laboriosa, & dentium doloris curatio.

Dentitio laboriosa, dolorque dentium, familiaria Rachitidis symptomata, cum febres, inquietudinem, vigilias, aliàque mala producant, peculiarem quoque merentur mitigationem. Itaque si dens gingivam pertusus iusignem molestiam puello creet, statim ab initio universalis aliqua evacuatio, nisi ea paulò antè facta fuerit, instituenda est. Ut, vomitus, qui dolori dentium potenter subvenire creditur. Proritari autem is potest, vel solà gutturis titillatione, immissà pennà vel digito nutricis in fauces puelli, vel etiam frictione dentis erupturi cum folio Tabaci circa nutricis digitum obvoluto & cerevisià parum madefacto;

vel

vel denique propinato haustu aliquo *Emetico*
suprà descripto. Non est autem remedium hoc
 frequenter iterandum nè ventriculum nimi-
 um debilitet. Sequenti die (dolore persi-
 stente vel recurrente) *potio aliquacathartica*,
bolusve ex *suprà præscriptis* aut similibus ex-
 hibenda. Factâ hoc modo universali evacua-
 tione, ad *Topica* deveniendum. Solent nu-
 trices dentem erupturum frusto *Corallii* in
 hunc usum polito perfricare. Medici potius
 commendant *radices Althææ*, quæ emolliunt
 & laxant gingivas quò facilius pertundi pos-
 sint. Aliqui pro secreto habent frictionem
 dentis dolentis cum *radice lapathi acuti*. Alii
 plurimum commendant frictionem gingivæ
 e qua erupturus est dens, cum *cristâ galli re-*
center abscissâ, aut *sanguine calido ex isto vul-*
nere exstillante. Quæ in aures instillari solent,
 in hac ætate non experti sumus; similiter
 neque emplastra *Mastichis, Olibani*, vel *de*
minio, quæ in adultis fluxionem sistere ob-
 servantur. Aliqui parva *Empl. Epispastica*
 ponè aures applicant, quæ fortè materiam
 dentis dolorem inferentem revellunt. Sed
 neque de his judicium nostrum interponi-
 mus. Tantum non proficientibus universa-
 libus, solemus ad *hypnotica* confugere; quæ
 quidem extra applicata parum efficiunt;
 intus verò assumpta, ubi ritè præparata &
 correctæ sunt, plurimum juvant. Urgente
 ædion
 ergo

ergo inquietudine & vigiliis hæc vel similia præscribimus.

Rx *Diascord.* gr. vij *syr. de meconio* ziß vel zij *posseti ex lacte & vino albo parati paucòque croco tincti* 3j vel 3x *Misce, & capiat hor à somni nocte ista quæ purgationem proximè subsequitur.*

Rx *Laudani dispensator. Londinensis* gr. ß *pulv. cord. è chelis cancror.* gr. x. *conserv. caryophyll* ʒj *syr. meliss.* q. s. F. *Bolus deglutiendus vesperi hora somni.* Atque hæc de corrigentibus symptomata.

C A P. XXXV.

Remedia externa.

Absolutâ tandem disquisitione de materia & speciebus internorum medicamentorum, ad *externa remedia* sermo noster dirigendus est. Quæ quidem ad ultimum locum reservavimus, non quòd ea perpetuò ultimò sint exequenda, sed quòd diversi planè generis sint ab internis : administranda verò immediatè post evacuantia universalia, aut saltem post electivè purgantia, simulque cum alterantibus specificis, ad quorum genus pertinent, licèt quatenus externa sunt, ab iis, ut dictum est, differunt. Monendum hìc autem **Externi remedii nomen paulò latius hìc à nobis**

nobis accipi, adeò ut *omne medicamenti genus, quod propriè neque ad Chirurgica, neque ad intus assumpta referatur* (modò in hujus affectùs curatione usum habeat) sub se complectatur.

Dividimus ergò id in duo genera, *viç. Exercitii modos, & Extrinsecus applicanda.*

Exercitii modi seu genera.

Exercitii modi seu genera omnia, pueris consueta, suo loco & tempore in usum venire possint. Quandoquidem autem Puelli Rachitide laborantes motum nonnihil averfentur, atque ob virium languorem & exercendi desuetudinem statim à curationis principio vix, aut nè vix quidem violentiores motus perferant; à mitioribus exercitiis perpetuò ordinandum, & dein paulatim gradatimque ad fortiora progrediendum: similiter breviori tempore ab initio, postea autem longiori absque intermissione sunt continuanda.

Distinguimus ergò Exercitia in *leniora, & fortiora*, seu *mascula*. Leniora referimus ^{1^o} ad *morem decubitùs*. ^{2^o} ad *Agitationem in Cunis*. ^{3^o} ad *Gestationem vel Tractationem in ulnis vel manibus Nutricum*. ^{4^o} ad *Lusus sedentarios*.

^{1^o} *Decubitus supinus* inter omnes corporis positiones maximè ab exercitio recedit, & in extrema virium debilitate ferè solus convenit, ut in febribus acutis, exhaustis jam viribus

Divisio
Exerciti-
orum.

Varii de-
cubitùs,
mores.

bus. Solus etiam in multis Thoracis & Hypochondriorum casibus convenit, ut frequenter in Inflammatione Hepatis, Lienis, Pulmonum in Pleuritide, in Adnascentiâ Pulmonum cum Pleura, in Empyemate, &c.

Decubitus lateralis versus supinum sive dexter sive sinister quamproximè ad hunc decubitum accedit, & tantillum de natura exercitii participat. Quare convenit etiam in magna virium debilitate saltem positionis corporis mutandæ causâ, ut & quando profundior somnus non expectatur. Porrò & proficiuus est satis robustis tempore primi vel secundi somni, mutatis post justa intervalla lateribus. Sed non æquè forsitan iis postea convenit, præsertim corpore somno satis refeito. Tunc enim decubitus qui propiùs accedit ad exerciti naturam potior est.

Decubitus simpliciter lateralis plussculum exercitii continet, & debilibus ac insuetis tempore profundioris somni vix quadrat; aliàs autem familiaris iis reddi poterit, si paullatim ei assueverint. Robustis omni tempore, modò justa ratio debitæ variationis habeatur, competit.

Decubitus lateralis versus prœnum laboriosus admodum est ac molestus, vixque ipsis robustis insuetis diu continuandus. Attamen paullatim per consuetudinem superatâ molestiâ, faciliùs toleratur; & cum dolores capitis

tis sedet, concoctionem ventriculi promove-
 at, colicos dolores mitiget, alvumque ad-
 strictam lubricet, peracto somno naturæ de-
 bito, in usum nonnunquam vocari, & in hoc
 affectu exercitii vicem supplere potest. Acci-
 dit enim interdum in hoc morbo, ut Pueri
 ad tempus aliquod vix citra damnum pedi-
 bus committantur, immo ut plus emolumen-
 ti ex ipso decubitu, quàm ex deambulatione
 percipiant. Etenim inflexos articulos deam-
 bulatio confirmat potius quàm curat; decu-
 bitus autem, ubi partes debito modo fasciis
 munitæ sunt, non parùm ad eorum erectio-
 nem conducit. Deinde ad curtas partes
 proceriores reddendas, multùm ipsa decubi-
 tûs positio confert, quemadmodum cernere
 licet ex partium sec. longitudinem per mor-
 bos accretione. Tertiò Decubitus, ratione
 communium totiùs corporis involucriorum,
 facit ad caloris in omnibus partibus æquati-
 onem. Ultimò decubitus, si iusta ratio ster-
 nendi lectum observetur, multum contribu-
 ere potest ad spinæ truncique corporis incur-
 vationem erigendam. Etenim ubi in latus
 gibbosum decumbunt, parvus pulvillus in
 in hunc usum aptè formatus sub exstantibus
 partibus immitti potest, atque ità coaptari
 ut partes gibbæ magna ex parte totius cor-
 poris onus sustineant, adeoque ad rectitudi-
 nem repellantur. Quando autem Puelli in

Decubitus
 præ cetero-
 ris exerci-
 tiis incern-
 tis calibus
 præroga-
 tiva.

alterum latus devolvuntur, ità lectum sterni oportet, ut detractio pulvinari pars cava lectum vix tangat nisi se ad rectam lineam conformet, quò pondere suo ad rectitudinem deprimatur. Atque hæc de Decubitu.

Cunarum
agitatio.

II^o Decubitum proximè æmulatur *exercendi illud genus quod Cunarum agitatione perficitur*. Cunnæ binis arcubus, seu portionibus rotæ, seu circuli, sustentantur: quò autem majoris circuli portiones sunt hi arcus, eò efficacius exercitium Puella præstant. Motus hic profundioris somni tempore intermittendus, aut saltem remittendus est; tempore verò vigiliarum per vices modò intendendus, modò remittendus est. Convenit maximè debilibus, vix dum pedibus insistentibus, aut aliter ab incessu impeditis.

Gestatio
in ulnis,
&c.

III^o. *Gestatio in Nutricum obambulantium ulnis*, iisdem propè Puellis, & sub iisdem conditionibus competit. Similiter *Gesticulatio Puelli ad rythmum cantûs*, sive dum Nutricis genibus insidet, sive dum ejus manibus sustentatur, ut & ejusdem horum versum jactatio, frequensque elevatio & demissio, leniter apprehensis manibus, si puellus fortior sit, aut axillis, si debilius, ità quidem, ut crura & truncus inter movendum dependeant. Præterea tractio & retractio Puelli super lectum vel mensam inter binas nutrices, alterâ manus, alterâ pedes apprehendente. Duo ultimi motus aliquid

quid videntur contribuere ad spinæ curvæ seu inflexæ erectionem, præsertim si manus quæ humero depresso, & pes qui coxendici elevato inarticulatur paulò fortiùs quàm altera manus vel pes trahantur. In eundem propè scopum collimare videtur *elevatio puelli, apprehensis solis pedibus, ità ut truncus & caput puelli inverso situ aliquandiu propendeant*; licèt hæc actio videatur quoque nonnihil respicere Hepatis adnascementiam, siqua adfuerit: ut & *convolutio illa corporis, quâ demisso capite attolluntur pedes, iterùmque elevato capite corpus totum invertitur*. Huc quoque referatur *rotatio illa Puelli, à nonnullis usurpata, super lectum vel mensam corpore lateraliter reclinato*: quam magis probamus si non integrè circumvolvatur, sed tantùm volvatur ac revolvatur corpus, supposito duriusculo pulvinari, cui pars gibba incumbat, onùsq; corporis sustineat. Hoc exercitium rectè administratum multùm ad corporis deflexi erectionem confert.

Vò. *Lusus sedentarii* minimum inter omnia exercitia emolumentum pueris Rachitide detentis adferunt, iisque placandi causâ potissimùm permittuntur. Utiliores verò erunt, quò magis eos ad movendos pedes provocant, ut, verbi gratià, si à nutrice erecto vel projecto coram pedibus corpusculo aliquo, irritentur ad id calcitrando evertendum, vel

Lusus sedentarii.

D d 2 abigen

abigendum. Quod si Puelli corpus incurvum sit, ii lusus adinveniendi sunt, quibus Puellus ad corpus in partem contrariam movendum alliciat. Ubi ergo alter humerus altero est depressior, alliciantur ab isto latere ostensis supernè pupis vel crepundiis manuum humerumque simul elevare & extendere, quò oblatum objectum arripiant. Innumera propè ejusmodi particularia exercitia fingi possunt, quæ Nutricum industriæ relinquimus.

Exercitia
mascula.

Mascula exercitia majoris notæ ad tres titulos reducimus.

1^o. *Ad Incessum.* 2^o. *ad Artificialem corporis suspensionem.* 3^o *ad Frictionem & hypochondriorum tum abdominis contrectationem.*

Gressus.

1^o. *Incessus, Gressus, five Obambulatio* inter nobiliora exercitia numerari potest. Etenim Puelli ætate grandiores, ut & robustiores, quique hinc indè quotidie discurrere solent, hoc ipso, cæteris paribus, faciliùs affectum hunc excutiunt. Verùm hoc exercendi genus iis non temere permittendum quorum articuli genuum, talorum aut vertebrarum dorsi nondum eo usque confirmati sunt, ut oneri corporis sustinendo sint pares. Ubi enim Pueri ex incuria Nutricum (ut suprà monuimus) præmaturrè pedibus committuntur, facile fit, ut ar-

articulos istos vel introrsum, vel extrorsum, antrorsum vel retrorsum, deflecti sinant, adeoque deformitati illi in debita corporis erectione occasionem præbeant. Porro illi puelli qui vel ex nativa debilitate & laxitate ligamentorum, vel ex incuria Nutricum malove usu, articulorum deflexionem jam contraxerunt, non sunt pedibus exercendi, donec ferulæ aliave munimenta, quæ articulos deflexos erigere erectosque servare valeant, iis coaptentur: atque aliis interim proficuis exercitiis, saltem non nocivis, partim superius, partim inferius descriptis assuefaciendi sunt. *Discursus Puerorum in suis curricula* ità constructis ut eos à titubatione & casu inter incedendum defendant, in eundem scopum collimat, iisdemque legibus subjicitur.

II^o. *Artificialis corporis suspensio* perficitur ope instrumenti cujusdam pensilis ex fasciis eâ arte formati, ut pectus sub axillis complectatur, caputque sub mento alia fascia circumdet, manusque binis ansis excipiat, unde corporis onus partim à pueri manibus, partim à capite, partim ab axillis in aëre pendulum sustineatur, ità, ut ab adstantibus non sine voluptate huc illuc impellatur. Hoc exercendi genus multis modis in hoc affectu conducere creditur. Etenim ad ossa curva restituenda, ad articulos deflexos erigendos, ad

Artificialis corporis suspensio.

curtam corporis staturam prolongandam, conducit. Quinetiam, quod & alia præstant exercitia, calorem vitalem excitat, unaque uberiorem alimenti ad partes externas primoque affectas distributionem promover: atque interim puellis huic exercitio assuetis voluptatem potius quam molestiam creat. Aliqui, ut magis distendantur partes, calceos plumbeos pedibus adaptant, & contractiori corporis lateri pondus adjiciunt, quò facilius partes ad æqualem longitudinem extendantur. Hoc autem exercitium solis robustioribus competit.

Friccio.

III^o. *Friccio* quoque ad mascula exercitia suo modo referri potest: non quidem respectu activi alicujus motus in Puello ad ejus administrationem requisitam (siquidem Nutricis potius actione quam Pueri perficitur) sed ob consimilem vim & efficaciam, quam habet in morbi hujus curatione. Videtur autem *Friccio* dubii esse generis, & partim ad *exercitii*, partim ad *externis applicandorum genus* pertinere, quo respectu ad hunc locum eam reservavimus, ut simul exercitiorum agmen claudat, & extrinsecus applicanda immediatè præcedat. Administranda hæc est (hyberno saltem tempore) coram luculento igne, puello undique benè munito, nè afflatu frigidi aëris lædatur. Perficiunt hanc frictionem Nutrices aliæ *manu calida*,
aliæ

aliæ *lintheis siccis & calefactis*, aliæ *pannis laneis*, aliæ *verriculo*. Et quidem aliquæ plurimum laudant verriculum, cæterisque modis præferunt, verum cum tantillum interesse videatur quo ex his modis peragatur, singulos probamus, electionemque penes Nutrices sagaces permittimus. Cæterum ordiantur hanc frictionem à spina dorsi corpore puelli prono collocato, & manum modò sursum, modò deorsum, modò lateraliter promoveant, deinde illinc ad clunes, femora, furas, talos, plantas Pedum descendant; postea resupino collocato, pectus, ventrem, hypocondria, & latera, nec non anteriora crurum, tibiæ pedum, moderatè fricent, abstinendo tamen à frictione, quâ parte ossa prominent, & liberaliùs fricando partes eorum cavas. Non continuanda est hæc actio ultra levem ruborem in partibus excitatum, nè magis dissipetur quàm suscitetur natus calor. Hoc exercitii genus maximè infirmioribus puellis convenit; quique aliàs statione aut gressu vix satè valeant sese exercere. Supplet enim vicè hujusmodi exercitii, & calorẽ insitum excitat, vitalem evocat, alimentum ad partes affectas attrahit. Concedimus tamen frictionem paulò minus ad musculorum carnes, licet fortè magis ad partes cutaneas, nutrimentum ac calorẽ allicere, quàm exercitium propriè sic dictum, adeoque eam veris

Contre-
ctatio
Abdomi-
nis.

Frequentis
Adnascen-
tiæ Hepa-
tis in hoc
affectu
Causa.

exercitiis dignitate ac valore cedere. Ad Fri-
ctionem quàm proximè accedit illa nonnul-
lis usitata *Contrectatio ventris*, seu *Hypochon-
driorum & Abdominis*, qua viscera modò sursum,
modò deorsum, modò dextrorsum, modò sinistro-
rum premunt, intrudendo nonnunquam digitorum
apices sub costis nothis. Et sperant practici, neq;
præter rationem, se hac actione Hepar à præ-
ternaturali quavis Adnascencia cum Perito-
næo liberare, siqua fortè talis adfuerit. Atq;
hìc obiter notamus, talem *Hepatis Adnascen-
tiam* in hoc affectu facilè ob tensitatem Hy-
pochondriorum & magnitudinem Hepatis
accidere posse, unde pressè admodum arctèq;
Peritonæum & Hepatis membrana conjun-
gantur, conjunctæque diu in eadem positi-
one maneant, adeoque tractu temporis
promptè coalescant. Coalescentia hæc
quatenus ab Hypochondriorum tensitate &
mole Hepatis, ut diximus, dependet, non
incongruè ad essentiam hujus morbi secun-
dariam referri potest, viz: ad vitia organica,
inter quæ recenseri meretur, quamvis suprâ
suo loco casu à nobis fuerit omissa, ideoque
hìc visum est ejus mentionem facere. Hæc
de Exercitiis, sequuntur Extrinsecus appli-
canda.

CAP. XXXVI.

Extrinfecus applicanda.

REmedia hæc non tantum, ut diximus, frictionem prærequirunt, sed & plerumque cum ipsâ frictione, at leviori, administrantur. Sunt autem vel *generalia* seu *universalia* omnes partes ex æquo respicientia, vel *particularia* certisque regionibus corporis dicata. Generalium materia eadem ferè est quam suprà proposuimus *cap. de alterantibus specificis*: particularium verò varia pro varietate regionum corporis quibus applicanda sunt. Formulæ utriusque generis propè omnes communes videntur, & quinque numero

Eorum
divisio
Generalium
materia.

Formulæ

Liquores in hoc affectu longo usu probati, sunt *omnia* propè *vini genera*; imprimis verò *vinum moscatellinum*. Aliqui verò potiùs commendant vinisque præferunt *Cerevisiam Gedanensem*, seu *Prussiacam*, quæ quidem ad consolidandas & firmandas partes plurimum, ad sanguinis autem æquationem ejusdemque æqualem distributionem parum aut nihil

Liquores.

hil potest. Idem quoque iudicium esto de *vino Alicantico*, ut & de *vino rubro*. Aliqui loco vini utuntur *aq. vite vulgari* quæ nihilo inferior vino creditur. *Decocta* quoque in eundem usum parari queunt. Ut,

Rx *Radic. Osmunda regalis, fol. salvia, fl. calend. fol. lauri, scolopendr. veron. maris an.* M β . *rorismar. ros. rubr. sicc. an. p. j.* Coq. in *aq. fontan.* & *aq. vite vulgari an.* ℞j. ad 3^æ partis casum, Colatura servetur ad usum. Vel

Rx *Radic. Filic. maris ℞j. fol. Osmund. regal. hormini, lauri, salvia veronica mar. an* M β F. Infusio in vino aliquo, & liquor colatus servetur in usum.

Cæterum liquores hi rarò aut nunquam soli adhibentur, sed oleis, linimentis, vel unguentis, æquis ferè partibus admixti, & quidem coram luculento igne tepidi usurpandi, calidâ nutritis manu donec exsiccentur affricti.

Olea.

Olea composita & probata in hoc affectu pauca admodum eaque vix satîs efficacia in officinis parata servantur: *simplicia* verò paulò plura: ut *oleum vermium terrestrium*, *chamæ. flor. calend. veron. maris*, è pedibus bovinis, quibus etiam addere possumus *ol. vulpinum, catellorum, Hirundinum*, modò hæc ultima simpliciora, & saltem absque impensè calidis parentur.

Oleum excestrense, licet eo nonnulli Practici utantur, videtur calidius, quam ut per se solum

solū intam tenera ætate facilè probemus. Idem iudicium esto de *Ol. Castorei Jacobi de Manliis*, ut & de plurimis *Ung. antiparalyticis*, *Ung. nervino, martiato, Aregon, & similibus*. Torpor enim in hoc affectu non Paralyticus est, neque perinde ac in vera Paralyfi impensè calida expetit, neque etiam conjuncta partium flacciditas talia absque spirituum infusorum dissipatione facilè admitteret. Quare cū hic morbus novus sit, si velimus olea, unguenta, vel Linimenta ei appropriata ad manum habere, oportet rectā methodo compositionem instituamus, nimirū specifica alterantia suprā usitata, oleis vel pinguedinibus debito modo admiscendo. Ut,

Unguentorum in hoc affectum componendi ratio, & formula.

1^a R^x *Fol. salviae rubrae, veron. maris, anagallid. fl. calend. an. Mij. radic. osmund. regal. ʒvi. butyr. majal. ℥iij. vini alb. ℥ss. concisa herba, & contusæ radices coq. sec. art. ad vini absumptionem: Dein F. Expressio dum adhuc calent, cui adde ol. tancis myrist. per express. ʒjss Misceantur diligenter & post subsidentiam abjectis facibus, F. ung. purum quod in olla vitreata reponatur ad usum.*
Vel,

2^a R^x *Fol. chamam. becabung. nasturt. aquat. cochlear. hortens. veron. maris, cardiaca capill. vener. ling. ceruin. ceterach, lauri, summit. menth. rubr. salviae rubr. rorismar. buccar. hederæ an. Mss. radic. osmund. regal. ʒiiij. vini moscatellin. ℥ss. butyr. majal. ℥iij. Incidenda incisa & contunden-*
da

da contusa coq. omnia ad vini absumpt. Expri-
matur dum calet, & separato impuro sedimento
F. s. art. ung. Vel,

3^a R Fol. salvia rubra, Veron. maris, lingue
cervin. Xiris, an. Mij. radic. osmund. regal. 3vj
summitat. lavend. rorismar. fol. laur. an. Mß. aq.
vitæ vulg. ℥j. ol. è pedib. bovin ol. vulpin. an.
℥ß sevi cervin. vel vervecin. vel medulla bovin
ol. lumbricor. an. libj. Coq. ad consumpt. aq. vit.
Exprimatur ung. dum calet, & separatis facibus
reservetur in usum.

4 R Fol. osmund. regalis virent. Mvj. anagal-
lid. fl. calend. fol. salvia rubr. hormin. cardiaca, be-
cabunga, nasturt. aq. an. Mj. fol. rorismar. laur. an.
Mß. Concisa omnia minutim, contundantur opti-
mè in mortario marmoreo vel ligneo, pistillo
ligneo, cum libvj butyr. non saliti, dein macerentur
per dies 14. tum paullatim liquecant in Balneo
Maria, & simul ac fervere incipiunt F. Ex-
pressio, iterumque addantur herbae ut prius. Tan-
dem ung. Expressum & depuratum recondatur
in vasis idoneis ad usum.

Remedia
externa
particula-
ria.

1 Hypo-
pochondriis ap-
propriata.

Hiscæ generalibus externis remediis non-
nulla particularia certas corporis regiones
spectantia subungi possunt. Ut,

Si regio Abdominis præcipuè Hypochondri-
orum tensa, dura, tumidaque fuerit, neque du-
rities, tensitas, tumorve purgationi debito
modo administratæ cesserit, ad hujusmodi
topica deveniendum est; Ut,

R ol.

R^ol. de cappar. absynth. sambucini an. ʒij ung. generalis primi supra descripti ʒijß M. F. Linim. Vel,

R^o Ung. è succis aperit. Foessii ʒiij ung. primi generalis ʒij. MF Ung. Commendatur etiam ol. saxifragia ex multiplici infusione & coctione ad herba concisa & contusa facta in ol. vulgar.

Tempore usûs hæc similiaque unguenta vel Linimenta cum aliquo appropriato liquore facilioris penetrationis causâ misceri possunt. Ut,

R^o Flor. sambuci, fol. salvia rubr. contus. baccar. lauri, contus. santali alb. crassiusculè pulverati an. ʒij vini alb. libij. Macerentur per 3 dies in loco frigido in ampulla vitrea subere accuratè clausâ bis in die concutienda. Tempore usûs portio liquoris quæ pro una vice suffecerit effundatur colata, denuòque clausum vas reponatur in usum. Vel, Si fortiozem malis,

R^o Radic. Bryon. alb. siccatur. & incisar. baccar. lauri, sterc. anseri an. ʒij. semin. cymin. ʒj. folior. salvia rubr. flor. sambuci an. p. j. Coq. in libijß. vini rhenan. ad libj. Colatura servetur in vase clauso, loco frigido.

Liquores hi similésve unguento commixti & ad ignem calefacti, calidâ nutricis manu Abdomini & præcipuè hypochondriis ad ficitatem usque affricentur, simulque nutrix istas partes molliter contrectet, viscera modò sursum, modò deorsum, dextrorsum, vel sinistrorsum

nistrorsum premendo ut suprà dirigitur.

Egregiè etiam hîc confert *Balsamum de Tolu* unguentis vel Emplastris admixtum. Potest & ex eo fieri *Empl.* quod spinæ debili utiliter applicatur.

Emplastra quoque huc nonnihil contribuere posse videntur. Ut,

℞ *Cerati santalini* ℥iij. *Gummi ammon.* in vino *Rhenano* vel vino aliquo medicato modo descripto soluti, depurati, & ad spissitudinem iterum cocti ℥j. F. s. a *Empl.* Hujus portio suff. extendatur super alutam & dextro hypochondrio coaptetur, vel etiam sinistro, si durities (quod rarò accidere putamus) illic magis urgeat. Vel,

℞ *Succor becabung. nasturt. aquat. cochlear hortens. absynth. cortic. sambuci, radic. filic. maris an* ℥j. succi depurati lento calore ad crassitiem fermè extracti redigantur, tunc adde in pulverem subtilissimum comminuta *santal. citrin. ℥ij. macis ℥jss.*

℞ *Mixtura hujus ℥jss. gummi ammon. in vino soluti & ad spissitudinem cocti ℥iiij. Misceantur calidè, & continuè agitentur donec incipiant frigescere & iudurari, & F. Empl. applic. ut prius.*

2 Pulmo-
nibus di-
cata.

Porro Pulmonum malè affectorum gratiâ frequenter quoque peculiare ung. pectorale ex usu est. In quo casu,

℞ *Ol. viol. lilior. alb. ung. è fl. arant. an* ℥j. M. F.

M. F. *Linim. calidâ manu pectori affricandum superimpositâ chartâ molliq̃ue lanâ intersutâ, vel panno laneo. Addi huic Linimento potest exigua quantitas Balsami Peruviani. Vel,*

Rx *Ung. pectoral. ʒij. ung. glyc. simpl. ʒjss. viol. ʒj. M. F. Linim. eodem modo adhibendum.*

Cæterum *ung. Glyc. simplex* sic conficitur.

Rx *Glyc. recent. & succulentæ ʒiiij. butyr. recent. non saliti in aq. ros. loti libj. Glycyrrhiza incis. contundatur optimè cum butyro in mortario lapideo, postea simul frignantur in sartagine, tunc F. Colatura cum expressione, idemque labor ter iteretur cum pari quantitate novæ glyc.*

Denique propter summam spinæ dorsi debilitatem quæ in hoc affectu frequens esse solet, *Empl. quædam* isti parti appropriata parari possunt. In Pharmacopœis existant *Empl. de beton. Diacalcitheos*, cui tamen tempore usûs addenda est *mastich. oliban. pulv. an ʒss. Emplastrum quoque Flos ung. dictum huc referri potest, modò Caphura* omittatur; Similiter & *Empl. Nervinum. Vel,*

3 Spinæ
remedia
externa.

Rx *Ung. primi generalis ʒij. herbarum ejusdem compositionem ingredientium, minutim concis. v. ceræ citrinæ ʒiiij. resin. puriss. ʒviiij. Unguento, resinâ, & cera liquatis adde herbas & s.a. F. Empl. Vel,*

Rx *Ung. general. tertii ʒxv. lithargyr. auri triti & cribrati ʒjx. Coq. simul spatula agitando ad Empl. consistent. Tum adde ceræ, picis burgundi-*
acæ

aca an. ʒiij. ol. nucis myrist. express. ʒiij. mastich. olibani myrrha an ʒjß. castorei ʒß. vitriol. alb. pulv. ʒß. F. Empl. l.a.

Discrepant autem Practici in figura & applicatione horum Emplastrorum. Aliqui oblongam & angustam figuram eligunt, & sec. longitudinem spinæ applicant. Alii potius, figuram latiusculam & propè triangularem probant, hîc vides & a sum super os cygem usque autem existimantes inferiores partes



qualẽ nempe lumbis deorsum ad Coccygem extendunt. Nos namus ubi in spinæ, tum crura

ac Tibiæ, partes illæ nimirum quæ ab inferiori spinæ parte nervos suos mutuunt, præ superioribus infirmæ sunt, formam posteriorem convenire posse, ubi verò potius superiores spinæ partes videntur debiliores, priorem & oblongam formam magis quadrare.

Similiter à nonnullis pro spinæ debilitate Linimentum commendatur, quod constat ex Gelatina cornu cervini, facta cum Nervinis, & radic. sigillæ Mariæ, floribus salviæ, & consolida. Tempore inunctionis admiscendum est aliquid ol. nucis myrist. per express. vel ol. lumbricorum terrest. aut Adipis humani. Atque hæc de medicamentis externis.



FINIS.